



MS. B.



John Carter Brown.









INDIÆ ORIENTALIS

PARS SEPTIMA,

Navigaciones duas,

Primam, trium Annorum, à Georgio Spilbergio, trium
navium præfecto, Ann. 1601. ex Selandia in Indiam
Orientalem susceptam:

Alteram, nouem Annorum, à Casparo Balby, Gemmario
Veneto, Anno 1579. ex Alepo Babyloniam versus,
& inde porro ad regnum Pegu vsque continuatam,
continens.

*Omnia, quæ illi quidem ad Annum 1604. huic vero ad Annum
1588. vsque acciderunt, commemoratione; Regum item,
locorum, populorum, rituumque variorum descriptione
addita.*

Auctore

M. GOTARDO ARTHVS Dantiscano.

*Omnia elegantissimis in æs incisis iconibus illustrata &
in lucem emissa,*

à

IOANNE THEODORO ET IOANNE

Israële de Bry, fratribus germanis.

Francosurti typis VVolffgangi Richteri.


Anno 1606.

2 JAN 73 190 5 10 PM
LIBRARY OF CONGRESS

PPJCB

Protesta

REVERENDISSIMO ILLV-
 STRISSIMOQVE PRINCIPI
 AC DOMINO, DOMINO IOANNI SWICHARDO,
 Archiepiscopo Moguntino, S. Romani Imperii per Germa-
 niam Archicancellario & Principi Electori, &c.
 Dn. suo clementissimo.



N illis hactenus, Reuerendissime & Illustrissime Princeps Elector, parcentes
 vel laboribus vel sumptibus, partes Orientalis Indiae sex in lucem emisi-
 mus, communicantes lectori, quicquid ab Auctoribus, qui India huius re-
 gionibus variis perlustrandis operam dederunt, consignatum ad nostras
 quidem manus peruenit. Cum vero non satis sit bene coepisse, sed bene coe-
 pta absolueret & ad finem perducere oporteat, animaduersum autem à nobis
 hactenus fuerit, hanc nostram qualemcumq; operam non usque adeo in-
 gratam lectori fuisse, proferimus iam etiam, & in lucem emittimus partem huius operis septi-
 mam, estq; nauigatio à quodam Georgio Spilbergio, trium nauium praefecto, in Orientalem In-
 diam suscepta, historiam, ob nouarum rerum commemorationem, populorumq; & regni Celon
 descriptionem, lectu non ingratam & iniucundam continens.

Caterum cum historia hac breuior esset, quam quae totum integrum absolueret atque com-
 pleret, versaretur vero tum, cum hanc acciperemus, sub manibus, nauigationis cuiusdam nouen-
 nalis, à Gemmario quodam Veneto in Orientalem Indiam suscepta, descriptio, hanc cum illa con-
 iunctam vno lectori tomo exhibere visum est, ita tamen, ut utraq; historia suis distincta ter-
 minis in lucem prodiret, illa quidem priori loco collocata, quod recentior esset, & non ita pridem
 à Georgio Spilbergio, Anno nempe 1601. instituta, qui, quid à Lusitanis partim, partim vero ab
 Indianis, continuo trium Annorum decursu expertus sit, quomodo à Rege in Candy acceptus
 fuerit.

D E D I C A T I O.

fuerit, quid lucri ex navigatione sua perceperit, & quantis onustus bonis domum redierit, compendio quasi hinc cognoscere licet facile. Huic porro posteriorem locum dedimus, quod non ita nova & recens, sed longe veterior sit, à Casparo nempe Balbio Gemmario quodam Veneto, An. 1579. suscepta, & integro nouennio, ad annum nempe 1588. continuata, quo tempore quæ quantaq; perpeffus is fuerit, mirabitur scio nobiscum, historiam quisquis legendo ad finem perduxerit.

Fuit quidem posterior hac historia ante annos quindecim plus minus Italica lingua impressa & diuulgata, Latino tamen idiomate nunquam, quod nobis quidem constaret, donata visa est, quamuis utilis non minus, quam iucunda sit cognitu. Utiles quidem illis, qui navigationem hanc ipsimet forte etiam experiri aliquando, vel commercia per alios his in locis exercere desiderant, ut cognoscant hinc quo tractu per Euphratem fluminem, alia & mare ipsum nauigare, quæ pericula euitare, quosq; scopulos declinare, ni naufragium facere velint, & quomodo à piratis prædonibusq; sese munire & eueri debeant; intelligant item quid quibusq; in locis vectigalis soluere, qualesque in munera & honoraria facere sumptus necesse sit, ut ponderum, nummorum, mensurarumq; locis omnibus receptarum rationem, magna diligentia hic annotatam taceam, quæ omnia quam ex re peregrinantium sit nosse, vel is monere quemcunque potest, qui scripsit:

Exemplo alterius qui sapit, ille sapit.

Cui vero non omnia hac in otio cognoscere, regna & vrbes tam longe remotas & distitas in-
tueri, magnificentiamque Regum, & populorum variorum mores superstitionesq; contemplari
volupe & iucundum sit? Voluptatis certe ex lectione hac plus quam ex intuitu Gemmarius ipse-
met aliquando expertus est, omnes percepturos, nihil quicquam dubitamus.

Tametsi vero Ioann. Hugo Lindschottanus aque longum in Orientali India tempus triuerit,
vnde prolixam etiam satis & copiosam itineris sui historiam descripsit, quam secunda, tertia &
quarta operis huius nostri parte in lucem dedimus: verisimile tamen videtur, eum in Goa ma-
ximam temporis partem commoratum esse. Præterquam enim quod historiam regni Pegu vix
attigit, habet etiam aliquid, huic quidem descriptioni aliquo modo repugnans, ut appareat, eum
relationibus potius aliorum, quam experientia propria in commentario suo usum esse, nec id qui-
dem nouo exemplo, cum atas nostra omnibus propria experientia cognoscendis nequaquam suffi-
ciens sit. Adiecimus vero huic quoque parti icones & imagines in æ pulcherrime incisas, spe certa
fore, ut maiorem hinc lector voluptatem percipiat, & alacritate etiam sua nobis ad maiora, quæ
sub manibus habemus, perficienda calcar & incitamentum addat.


Ceterum quemadmodum superiores partes illustribus semper à nobis personis, & inter illas
anteecessoribus etiam R. V. C. reuerendissimis & illustrissimis, nuncupata & transmissa sunt, qui-
bus conatus hic noster gratus semper & acceptus fuit; sic præsentem hanc partem septimam R. V. C.
patrocinio & tutela committere placuit, quod eam quoque singulari nouitatis studio teneri, &
rerum exoticarum transmarinarumque descriptionibus delectari non diffideremus. Quare hi-
storiam hanc, propter rerum nouitatem, raritatem & varietatem cognitu lectuque iucundissi-
mam simul & utilissimam, R. V. C. ut clementi, & eo quidem animo, quo optima quæq; completi
solet, accipiat, maiorem in modum submisit rogamus, R. V. C. vitam longeuam, valetudinem sta-
bilem, imperium quietum, subditos felices & deuotos, deuote precantes. Francofurti ad Mœnum.
Anno 1606. Calend. Septemb.

R. & illustr. Cels. V.

humilimi clientes

Ioan. Theodorus & Ioan. Israël
de Bry, fratres.

INDIÆ



INDIÆ ORIENTALIS,
BREVIS ET DILVCIDÆ
EORVM, QVÆ TRIBVS NAVIBVS, EX
Campovera Selandiæ, sub imperio & administratione Georgii
Spilbergii in Indiam Orientalem proficiscentibus, toto
itinere & nauigationis istius tempore acci-
derunt, Commemorationis

PARS SEPTIMA.



VB initium Maij, die nempe quinto An. 1601. *Naues quæ quando in Selandiâ soluerint.*
Hollandorum aliqui tribus nauibus, quæ dice-
bantur *Aries, Ouis, & Agnus*, ex *Campovera* Se-
landiæ, Indiam Orientalem petiti, solu-
entes, sub vesperam eius diei ad portum, inter
Doueram & Caletum, intermedium appulerunt,
cumque propter tempestates aduersas aliter
non possent, nono Maii, *Dortmuidam* assecuti,
ad 14. vsque Maii diem ibi substiterunt, naui
minori reparandæ operam dantes, quæ ex tem-
pestatibus modo dictis vitium aliquod contra-

xerat, cumq; panes aliqui ab irrupentibus aquis periissent, abiectis illis,
alios sibi compararunt, de com meatu & rebus necessariis quantum pote-
rant sibi prospicientes. Soluentes autem iterum, *Palmam* quidem Insulam
præteruerti, cursum ad *Capo Verde* direxerunt, quo cum 10. Iulii aduenirent,
administrator quidem generalis Celocem eadem adhuc vespera parari, &
rebus necessariis muniri iubet, sequenti statim die *Puerto Dale* petiturus, vt
quæ in mandatis habebat, ibi expédiret.

Vndecimo igitur Iunii à *Capo Verde* vna naui soluens Præfectus, cum non
procul à *Refrisco* abesset, nauigia tria Gallica offendens, quid nauium in *Porto*
Dale subsisteret, quærit? Respondent Galli, nullas sese ibi naues reliquisse.
Verum progressus paululum Præfectus, cum à *Porto Dale* iam non abesset
longius, respiciens forte, tres animaduertit naues ab anchora ibi hærentes,
quæ eodem die aduenerant, *Rio de Camby* petituræ. Nihil autem periculi ex-
timefcens Præfectus, cum sciret liberum esse nationi cui libet in portu isto
appellere, progreditur audacter. At qui in nauibus illis erant ad tormenta
statim conuersi, arcere eum aditu modis omnibus conabantur, qui abstine-
nere primum à tormentis decreuerat, at cum instare Lusitanos, & à conatu
suo abstinere non velle cerneret, respondendum ipsis omnino statuebat,
factoq; in eos impetu, tanto cum illis feruore decertauit, vt nisi qui in litto-
re erant Lusitani periclitantibus subuenissent, euadere periculum vix po-
tuissent.

tuissent. Confluentibus igitur ad portum magna copia Lusitanis, cum inferiore se viribus istis Præfectus cerneret, & glande plumbea in dextro brachio percussus esset, abstinere tandem pugna, & recedere cum suis coactus est. Erant ex Lusitanis trucidati quidem vnus atq; alter, vulnerati verò quam plurimi. At Præfectus conuersis velis *Refriſco* appropinquans, scaphā ingressus est, naui *portum Dale* versus iterum dimissa.

Præfectus ab Æthiopibus quibusdam vestimentis ornatur.

Naues Hollandicæ ad portum Dale adueniunt.

Constituerat Præfectus, missio ex *Refriſco* ad *Capo Verde* nuncio, duabus quæ ibi substiterant nauibus significare, vt soluentes quamprimum ad *portum Dale* auxilio sibi aduersus Lusitanos venirent. Sed naus vix dum dimissa, Æthiopes quidam, aliquot *Canois* aduecti, ipsam adoriebantur, trucidatoque quos secum habebat ministrorum altero, vestitu eum exuebant, & vulnus haud leue vtrique manui infligebant. Elapsus ergo tandem ex ipsorum manibus, terra *Refriſcum* petiit, vbi à Gallis quibusdam humaniter acceptus, & vestimentis iterum indutus est, vulneribus à chirurgo obligatis atque sanatis. Erat hic fortuitus quasi casus, qui præter omnem expectationem ipsi acciderat, Æthiopibus eius loci amicitiam & familiaritatem cum Gallis & Hollandis colentibus. Cæterum Præfectus ministro quodam nautico, terra ad naues in *Capo Verde* subsistentes dimisso, vt *portum Dale* versus contenderet, ipsis denunciauit. Itaque decimo tertio Iunii, naues prædictæ ex *Capo Verde* soluentes, cum non procul à *Refriſco* abessent, Præfectumque suum ex Gallorum nauibus allatum sibi coniunxissent, *portum Dale* versus progressæ sunt. Verum enimvero vnicam solummodo nauem, & in ea præter ferri *Millieque* paululum, nihil inuenientes, ne moram ibi plus iusto necerent, Petrus quidam Cornelius, de mandato Præfecti, in terram descendens, ab *Alcayre* & Lusitanis ibi degentibus amicè acceptus est, qui agnito delicto suo, cum mentem Præfecti probè percepissent, recepta ab Hollandis naui sua, de rebus ad recreationem & comæatam pertinentibus quam optimè sibi prospiciendi potestatem ipsis fecerunt, vnde ad 19. vsque Iunii ibi subsistentes, quæ necessaria videbantur, comportarunt omnia.

Hoc facto ex *Puerto Dale* discedentes, conuersis iterum velis, *Refriſcum* petierunt, ibique scapham ab Æthiopibus Præfecto non ita pridem ereptam à Gallis, soluto quod pro ea exposuerant precio, recuperarunt, progrediebantur autem statim, cursu suo Occasum versus directo, sic enim Præfectus Guionlefortio suo Viceadmirali, & nauium moderatoribus omnibus seriò iniunxerat, vt, cum ipse ex vulneribus decumbens adesse gubernationi non posset, id summo studio darent operam, vt iuxta Salis Insulas Occasum versus cursum tenerent, ne ad littus *Guinea* forte impingerent, quemadmodum isthic loci accidisse sibi haud raro Præfectus meminerat.

Deferuntur ad Capo de Montes.

Circa vesperam autem 10. Iulii, terra ipsis visa est, cumque ab ea cursum reflexissent ad littus *Capo de Montes*, delati sunt, quod vti ne fieret, præcauerent, summo eos studio Præfectus paulo ante monuerat. Cæterum sequenti die terram iterum videntes, cum vix miliaris spacio ab ea abessent, ex rupe quadam animaduenterunt, *Capo de Bayzos* eam esse, quod tribus ferè miliaribus à *Rio de Zesto* aberat. Præfectus igitur 20. Iulii cum vno ferè gradu ab Æquinoctiali linea abesse se videret, conuocatis Subpræfectis, nauiumque Moderatoribus omnibus, cum Viceadmirali & Cornelio Spéccio Commissario, deliberationem instituit, vtrum ex re sua fore putarent, si iter ad Sancti Thomæ dirigerent Insulam, vbi

cum

eum locum istum proximum sibi viderent, communibus votis omnes con-
cluserunt, præ aliis eum eligendum, eoq; modis omnibus contendendum
esse, si forte cibariorum aliquid recentium ibi nancisci possent, siquidem ad
littus *Guinea* sese iam delatos viderent.

Attingebant 23. Iulii æquinoctialem lineam, ulteriusq; paulo progressi,
Viceadmiralem cum Celoe ex conspectu amittebant: sed reuertebatur ad
eos navis vtraque 26. Iulii, cumque imminere sese Insulæ viderent, quam
Annabon vocant, littus ibi legendum censebant, missoque statim ad inco-
las istius loci nuncio, uti sibi de recenti victu prospicere permetteretur
rogabant. Quo facilius autem id obtinerent, datis ad Lusitanos literis,
Lysabona sese venire significabant, merces à *Sobrecargo* Regis Hispanici
Procuratore acceptas, Brasiliam aduecturi. Cum igitur aduerso vento
ad locum hunc delati essent, sperare sese cibaria sibi ab ipsis tanquam a-
micis non denegatum iri. Mittebant autem ipsis simul, *Sobrecargo* Pro-
curatoris Regii nomine, munusculum aliquod, in cuius recompensatio-
nem malorum aureorum vasculum receperunt, cum responso per literas
gratificari sese illis in hac petitione non velle, qua quidem etiam in sen-
tentia constantes permanebant, licet uti eam mutarent, misso postmo-
dum ministro aliquo, qui Regis nomine iter isthac paulo ante fecerat,
multis modis rogarentur. Videns igitur Præfectus frustra sese tentare o-
mnia, nec perficere aliquid apud Lusitanos istos rogando posse, ex Vi-
ceadmirali & Celocis Moderatore quærit, putarentne aquæ recentis sese
satis habituros, donec Caput bonæ spei assequerentur, qui parum super-
esse, & Celocem quidem inopia eius laborare maxima, cum respondis-
sent, inito cum Subpræfectis consilio, vi summa tentandum decreuit, an
comparare sibi quibus egerent possent. Nauibus igitur quam proximè ad
littus applicatis, ut tormentis assequi oppidulum possent, scapham qua-
draginta armatis repletam prouocatam ex oppido Lusitanos dimittit, hac
tamen interminatione addita, ne, nisi occasione captata commodissima,
qua impetus sine magna populi iactura fieret, quid inceptarent facile.
Verùm cum à Lusitanis non solum fortiter ex oppido resistentibus, sed
& à fluctuum magnitudine, difficultas ipsis tanta obiceretur, ut vix pro-
fecturi aliquid viderentur, mutato statim consilio, discedendum potius se
infecta Præfectus, quam præsentissimo suos exponendos periculo censuit.
Itaque vigesimo octauo Iulii, postquam pœnas ab Abrahamo quodam co-
gnomento *Engels*, ob tentatam in naui Viceadmiralis seditionem, sum-
psissent, ab Insula *Annabon* soluentes, cursum ad S. Thomæ dirigen-
dum statuerunt, cum præsertim & propter ventorum inclementiam ali-
ter non possent, & refectione admodum indigerent, sperabant enim o-
mnino se & recentes aquæ & cibariorum recentium participes ibi certo
certius futuros.

Aperiebat fere ipsis 31. Iulii desiderata S. Thomæ Insula, verum Lusita-
nis multa tormentorum displosione ex Castello furentibus, applicare ibi
non audebant: itaq; cum nauigia aliquot in portu herere cernerent, consti-
tuebat quidem Præfectus impetum in ea facere, sed Subpræfectis id dissua-
dentibus, quod multi morbo correpti male haberent, & vero vis tanta sine
iactura & dispēdio populi superatu impossibilis videretur, mutato consilio,
progredi & nauigationem continuare coactus est.

Factum est autem primo Augusti die, ut littus *Guinea* ipsis aperiretur vnà
cum duabus paruis insulis, itaq; petere illas pleno cursu cœperunt, littus ea-
dem vespere ex latere *Corisco* australi legere volentes. Cæterum nocte præ-

Veniunt ad Insu-
lam Annabon, &
quid ibi porro ac-
ciderit.

Præterueniunt
Insulam S. Tho-
ma.

Ad Corisco Insu-
lam appellant.

senti, cum locum istum multis latentibus scopulis formidabilem esse eos non lateret, proiecta ad septem orgyas anchora, subsistere in mari cogeantur. Progrediebantur autem sequenti statim die ad angulum Insulae septentrionalis, inueniebantque ibi nauem Selandicam, nomine Sphaeram mundi, ad Balthasarem de Moucheron pertinentem. Itaque Commissarium statim & nauarchum istius naui ad se allatum miserunt. Veniebat autem cum eis vir quidam, quem Theodoricus à Wees sex stipatum militibus in maiori *Corisco* reliquerat, ut naues à Balthasare de Moucheron eo aduentantes custodiret, & de illis, quae in *Bouley* siue maiori *Corisco* acciderant, eas admoneret. Cognouit igitur Praefectus ex viro isto, quae ibi accidissent inter Gubernatorem Theodoricum à Wees & milites aliquot suos, quae omnia ad Balthasarem perscripta & cum praedicta Sphaera mundi transmittenda erant. Caeterum Praefectus ut Insulae istius rationem & vires plenius planiusque cognosceret, Viceadmiralem cum Capitaneo Iungerhelt & militibus aliquot tormentariis exploratum omnia emisit.

*Commeatus se
in Corisco Insu-
la instruunt.*

Ipsi autem ad decimum usque Augusti in maiori *Corisco* subsistentes, de aqua & recentibus cibariis sibi modis omnibus prospexerunt, cumque ex illis, qui ad *Annabon* Insulam vulnerati erant, quidam interea temporis moreretur, eo in praedicta Insula sepulto, literas capsulae inclusas ab arbore ibi suspenderunt, petentes ut Theodoricus à Wees, si forte ad Insulam istam reuerteretur, milites ibi relictos secum iterum abduceret. Postquam vero Guilielmus Barte militum ibi relictorum Praefectus, reditum Theodorici expectare recusans, Sphaeram mundi iam inde discessurus conscendisset, & vero naui istius moderator grauaretur admodum, relictos ibi milites secum omnes abducere, quod commeatu pro omnibus sufficienti instructus non esset, Praefectus eorum misertus, suis adnumeratos secum abduxit.

*Veniunt ad Ca-
po lopo Gosalues.*

Discedentes autem 11. Augusti die ab Insula *Corisco*, cursum suum *Capo lopo Gosalues* versus instituerunt, cumque in itinere in nauem quandam Amstelrodamiam eundem locum petentem incidissent, ipsi quidem 17. dicta autem Amstelrodamia naui 20. Augusti, modo nominatum *Capo* apprehenderunt. Habebat haec naui moderatorem quendam Iohannem Franciscum Amstelrodamium, veniebat autem à littore aureo, & ibi 300. plus minus libras auri puri acquisierat. Caeterum non solum amice se inuicem accipiebant, sed & operas sibi praestabant mutuas, subleuantes alter alterius necessitatem modis quibus poterant omnibus, cumque ad 30. usque Augusti diem ibi commorati fuissent, soluentes iterum, ulterius progressi sunt.

*Consilium ca-
piunt de itinere
feliciter promo-
uendo.*

Videntes porro tantum sibi itineris superesse, ut illud breui temporis spacio absoluere non possent, seque vento contrario multum in itinere suo retardari, nec posse tempestiue vel *Schim* vel alium in India Orientali locum suo proposito conuenientem contingere, certam alimentorum in dies singulos singulis distribuendorum rationem constituere coacti sunt. Sed & ne quid in se quod ad itineris promotionem pertineret desiderari paterentur, 24. Septembris die conuenerunt in Viceadmiralis naui, Praefectus ipse met generalis Georgius à Spielberg, Viceadmiralis Guionlefortius, Commissarius Cornelius Speccius, & Capitaneus Guilielmus Ioannis, de itineris ratione recte instituenda & feliciter absoluenda deliberaturi, reque diligenter examinata, tandem concluderunt.

*Qua ratione iter
suum continuare
& absoluere con-
stituerunt.*

Principio quidem, quamprimum id per Dei & ventorum gratiam liceret, cursum versus litus *Monopotappe* dirigendum, atque ibi locum aliquem sub eleuatione 28. graduum, *Medagos de auro* dictum, petendum esse, hinc

ad

ad *Capo S. Mariae*, cuius eleuatio 26. graduum est, & paruam quandam Insulam sibi conterminam habet, quæ *Isla de Vacques* dicta, in tabula vniuersali non reperitur, contendendum. Peracta ibi negotiatione, Insulam quandam *Magotte*, sub eleuatione 12. graduum, petendam, idq; iuxta rationem itineris in Selandia sibi à principalibus suis præscriptam, à qua sibi discedendum nefas putarent. Deinde si fortè contingeret aliquem à præscripta ratione, & à nauibus aliis per tempestatem aberrare, ei summo studio enitendum esse, vt prædictum locum *Medagos de auro* sub eleuatione 28. graduum assequeretur, ibique ei expectandum & subsistendum ad minimum 14. dierum spacio, quo finito si socias naues aduentare interea non videat, locum ei alterum sub eleuatione 26. graduum, *Capo Maria* nempe, petendū esse, relictis tamen priori in loco literis, quibus de discessu isto aduentantes postmodum naues edocerentur, commorandum autem & in *Capo Maria* ad dies 14. & postmodum recta Insulam *Magotte* petendam, subsistendo ibi integro mensis vnus spacio. Tertiò, si fortè vna atque altera prædictarum nauium ad continentem *Monopotappe* terram, sub eleuatione 28. vel 26. graduum, delata, deprehenderet locum istum negotiationibus suis conuenientem admodum & perquam oportunum esse, liberum ei esse debere, negotiationis ibi initium facere, eamque etiam ad plures dies protrahere & cōtinuare, ita tamen, ne intermittat finita negotiatione ad Insulam *Magotte* iter suum conuertere: ibi enim quid facto porro opus sit, vel ex literis, vel ex relictis aliquot personis, cognoscendum esse, licet naues reliquæ abierint.

Porro 17. Octobris die congregato in Admiralis naui militari Senatu, diligens in omnes inquisitio facta est, si qui fortè contra articulos sibi à Comitè Mauritio & Principalibus aliis traditos, quos sanctè seruare iurauerant, deliquissent. Cumque transgressores quidam deprehenderentur, pœna ipsis pro ratione delicti irrogata est. Tertio autem Nouembris Præfectus generalis omnibus nauium gubernatoribus denunciari iussit, vt quanto intervallo à *Capo de Bona Esperance* abesse sese putarent, quilibet sententiam suam audacter exponeret. Quod cum fecissent singuli, cœpit ipsis 15. Nouembris continens Africæ terra, sub eleuatione 32. graduum, apparere, proiectisq; in sinum S. Helenæ anchoris, ægrè postmodum mouere inde potuerunt. Quamuis enim non semel sequentibus diebus anchoris leuatis discessum pararent, tempestate tamen coacti ad sinum modo dictum reuersi sunt. Interim quidam ad littus descendentes ingentem piscium copiam ceperunt, homines vero nullos animaduertere poterant, quamuis cerui, lepores, porci, &c. haud pauci conspicerentur. Cæterum cum ex naui fumus hinc inde in littore obseruaretur, vnde coniectura de hominum præsentia fieri haud leuis posset, missis aliquibus, qui ferramenta quædam cum syluestribus, si quos fortè offenderent, hominibus permutarent, spes aliqua affulgere Hollandis cœpit, fore, vt vel pecudes aliquot, vel aliud quid acquirerent. At cum confecto fere miliari integro ignem quidem diuersis ardere locis videntes, homines animaduertere nullos potuissent, ad naues iterum reuersi sunt, magnam piscium, quos *Huygen* vocant, copiam secum afferentes, qui tanta multitudine in littore isto inueniebantur, vt ultra 375. vna captura comprehensos aqua extraxerint. Cum igitur homines animaduertere nullos possent, soluentes iterum 20. Nouembris secundum littus ob ventorum aduersitatem progressi sunt, donec 28. eiusdem mensis die, superato *Aquado Saldamo*, Caput bonæ spei ipsis appareret, vna cum Insula quadam, cui Elisabethæ nomen Præfectus dedit. Sub vesperam autem ibi

*Sinum S. Helenæ
ingrediuntur.*

6 DESCRIPTION. INDIAE ORIENTALIS

appellentes, ingentem quasi vrforum, vaccarum, ouium & aliorum animalium vlulatum audiuerunt, qui terrorem ipsis haud exiguum nocte illa incussit.

*Elisabetha Insula
descriptio.*

Cæterum sequenti die, qui 29. Nouemb. erat in terram descendentes, quæ Insulæ istius ratio & commoditas esset, explorarunt. Itaque Insula isthæc Elisabetha, duobus fermè miliaribus à continente distans, sub eleuatione $32\frac{1}{4}$ graduum sita est. Abest autem 20. ferè miliaribus versus Septentrionē à *Capo de bon Esperance*. Eius circumferentia miliaris fermè vnus est, terram habens versus Occidentem admodum paludosam, versus Orientem autem, vbi Hollandi substitierant, bonam & arenosam, locus non admodum eleuatus, sed depressus & humilis est, multis herbis, gramine floribusque odoriferis ornatus, lignis tamen & aqua dulci carens; inueniuntur ibi lupi vel vrsi potius marini, nam vrforum magis quam luporum formam referunt. Insidebant autem passim petris Insulæ exterioribus, colore, quemadmodum etiam capitibus & gestibus aliis, vrsos omnino referebant, præterquam quod ore erāt paululum acutiori, & posteriori corporis parte claudicantes, pedes enim posteriores manibus similes habebant flaccidos omnino, ita vt trahere eos post se cogerentur. Sed licet officium suum pedes isti non facerent, currendo tamen vel homines præuerrere poterant. Aspectu alioqui sunt truculento & horribili, dentib. adeo valentes, vt vel tribus viris negotium facessere simul & semel possint, spem autem omnem in celeritate pedum repositam habent, qua post relictationem haud exiguum tandem vtuntur. Interficiebantur autem ab Hollandis magno numero, quemadmodum etiam aliud quoddam animalium genus, nostratibus cuniculis non absimile, Phæniceï coloris, saporis vero optimi, cum cibo præterquam virentibus herbis alio non vtantur. Præter has autem feras bestias, auium haud exigua sese Hollandis offerebat copia, maximè vero earum, quas *Pinguins* vocant, item quas *Scholuers* Hollandi dicunt. Aues sunt anatum magnitudine, colore nigro, alimentum haud contemnendum præbentes. Tanta autem affluebant copia, vt vix sustinere earum impetum Hollandi possent, nullos enim credo homines antea viderant: verisimile enim non videtur, naues ibi vnquam, nisi fortuito aliquo casu, quod his quoq; accidit, appulisse. Loci alioqui oportunitas bona videbatur, & recipiendis nauib. haud inconueniens, dummodo aquæ non destitueretur beneficio, quam fodiendo tamen inueniri posse Hollandi sibi persuadebant. Posset etiā adipis futorii ex vrforum marinorum pinguedine tanta ibi breui temporis spacio colligi copia, vt nauui haud mediocri onerandæ sufficeret.

Veniunt ad Insulam Corneliam.

Ab hac Insula ultimo Nouembr. soluentes Hollandi cum mediocri vento progrediebantur. Apparebat autem ipsis 2. Decembris die mons Mensalis, sub quo sinus est recipiendis nauibus admodum conueniens, itaque, vt sese aliquo modo recrearent, ad sinum istum modis omnibus contendebant. Circa meridiem autem ad Insulam Corneliam appellabant, in qua cum aliquot aues, quas *Pinguins* vocant, cepissent, iterum progressi, postridie eius diei prædictum mensalem sinum assecuti sunt, quem diu quidem desiderauerant, sperantes se aquam ibi recentem, carnesque & alia ad recreationem necessaria abunde inuenturos. Inueniebant autem ibi Celocem suam, quæ ante duos dies eo aduentauerat, missis igitur in profundum anchoris, Præfectus quidem in terram descendens locum inueniebat figendis tentoriis perquam oportunum, quibus paratis & explicatis, ægrotos, qui in Admirali & Celoce erant, deferri in terram

*Veniunt ad sinum
Mensalem.*

terram curauit, si fortè amissam valetudinem recuperare possent, qui ne ab agrestium & barbarorum incurſu periculum aliquod metuere cogerentur, constitutis ante prædicta tentoria duobus tormentis, excubias ibi qui agerent, quosdam illis adiunxit.

Insula Cornelia, cuius paulo ante mentionem fecimus, ab Elisabetha *Insula Cornelia*
Insula, de qua ante diximus, quinque fere miliaribus versus Austrum abest, *qualitas.*
à sinu autem mensali vno, Elisabethæ quoad animalia & alia ferè similis, excepto tamen, quod magnitudine, eleuatione, & florum amœnitate eam superet, & cuniculos, quales Elisabetha fouet, non agnoscat. In sinu autem mensali Hollandi quarto Decembris die, traductis ad littus scaphis, omnia adornabant, vt aqua recenti, & rebus necessariis aliis quamprimum sese instruerent. Veniebant autem Æthiopes quidam ad tentoria, cumque beneuolentiam suam illustribus signis declarantes, spem Hollandis fecissent, se pecudes & cibaria alia abundè allaturos, Præfectus vnumque fasciculo vitrearum sphæularum, & haustu vini vno atque altero donatum dimisit, qui hilares sese & lætos propterea declarabant.

Reuertebatur ad eos 7. Decembris die Viceadmiralis, quem à 20. No- *Mutato quâdam*
uembris die non viderant, quod cum ex sinu S. Helenæ soluissent, vento- *officiorum in na-*
rum iniuria ab aliis aberrauerat, sequenti vero die aliquos in Celoce ab of- *uibz suscipitur.*
ficio remouit, propterea quod singularem fastum semel atque iterum declarantes, multa superbe & insolenter egissent, aliis in locum ipsorum substitutis. Re autem vltius deliberata, consultum Præfecto visum est, vt Capitaneus Guilielmus Ianssen ex Celoce ad clauum Admiralis moderandum vocaretur, ipsi vero in Celoce succederet Cornelius Speccius, Iodocus autem Breem Speccio, & huic Matthæus quidam Schmidius, propterea, quod ex *Madagascar* ad Insulas *Comore* nauigandum esset, cuius quidem nauigationis ratio Matthæo Schmidio præ cæteris cognita & perspecta erat, vtpote, qui ante hæc tempora etiam itere fecisset, & propterea si cum Celoce præcederet, reliquas naues ducere quam optimè posset.

Ab octauo ad decimum tertium vsque Decembris diem diligenter ad- *Prospiciant sibi de*
modum in convehenda recenti aqua, reparandisque & purgandis nauibus *aqua recenti, &*
fuerunt, Præfectus etiam semel atque iterum quosdam emisit quæsitum *purgandis nauibus*
barbaros illos & syluestres homines, qui de adducendis pecudibus spem i- *student.*
pſis frustraneam fecerant. Verum cum re infecta semper qui emittebantur redirent, operæ precium videbatur Præfecto, vt qui in Celoce erant ad Elisabetham Insulam, cuniculos, pinguinas, & aues alias allatum proficiscerentur, vt dum caro alia non suppeteret, haberent tamen quo vescerentur interim famemque leuarent. Cæterum ab illis, qui in tentoriis erant, 14. Decembris ad arma conclamatum est, propterea, quod Æthiopes quidam excubitoribus visi fuerant. Quare Hollandi sumptis statim armis Æthiopes insecuti sunt. Verum enimvero, cum fugam maturè iterum arripuissent, atque ita periculi nihil amplius metuendum esset, ad naues irritò conatu reuersi sunt. Aderat iam dies Decemb. 22. quo Præfectus ab vna naui ad alteram trāsſiens vniuersos & singulos ad obedientiā cohortatus est, exhibitisque vnicuique literis ipsius Mauritii manu signatis, rogauit eos, ei fidem datam ne frangerent, præterea Capitaneum nouum Cornelium Speccium, moderatoremque Celocis Matthæum Schmidium, & alios, de quibus paulo ante dictum, suo quemlibet præfecit muneri.

Sinus hic, in quo hætenus sese cōtinuerant, 15. fere miliarib. Septentrio-
nem

*Descriptio sinu
mensalis.*

nem versus à *Capo de bon Esperance* abest, sub eleuatione nimirum 34. graduum & 4. scrupulorum, à Præfecto nomen hoc obtinuit, vt tabularis siue mēsalis sinus vocaretur à mōte quodā excelso admodū, qui in vertice planā & quadratam aliquam tabulā seu mensam referens, ad 9. vel 10. miliaria in mare excurrit, & aduentantib. nauibus indicio est, ne sinū hunc præteruehantur, qui commodam admodum stationem ipsis præbet, siquidem naues quam proximè ad terram adduci possunt, nec quicquam periculi à ventis & tempestatibus aliis metuere necesse habent. In Orientali *Capo de bon Esperance* plaga fluuius sese quidam in continentem terram extendit limpidissimus, quem Præfectus *Rio de Iacquelina* vocauit. Cumque vix dimidio à sinu hoc miliati abesset, sepe eo excurrentes Hollandi ingentem ibi piscium, Cyprinos nostrates & colore & sapore referentium, copiam ceperunt. Per integros autem tres menses, Octobrem nimirum, Nouembrem & Decembrem australes hic tractus ventos habet tanta cum tempestate & frigore, vt ventis Septentrionalibus in Belgio comparari facile possint.

Descriptio Capitis bonæ spei.

Quod ad regionem Capitis bonæ spei attinet, ea salutaris & bene temperata est, habitationi & variorum fructuum culturæ apta perquam & conueniens. Quamuis enim montosa appareat & collibus multis distincta, interim tamen etiam multis vallibus, syluis, pratisque decorata est, gramina & flores suauissimè olentes magna copia producit, ceruosque & feras bestias alias multo numero nutrit, quæ omnia visu & aspectu longe iucundissima existunt, præterea limpidissimis fontibus scatet quamplurimis, qui non sine gratissimo susurro de montibus altis prorumpentes, fluminibus sese passim insinuant, & cum eis postmodum in mare exonerantur. Abundat insuper ouium, bouum, aliorumque animantium copia satis magna, & incolæ habet colore subflauo, aspectu truculento, statura mediocri, & macilento corpore, pedum magna sunt celeritate, sermonem habent peculiarem, & vestitu ex ceruorum aliorumq; animantium pellibus confuto vtuntur, qui palliis, quibus nos per plateas incedentes vtimur, conferri haud incommodè queat.

Monumentum aliquod in Insula Cornelia statuitur.

Cæterum ex sinu hoc 23. Decemb. die soluentes, circa meridiem ad Insulam *Corneliam* appulerunt, vbi missis in profundum anchoris, omnes pariter in terram descenderunt monumentum aliquod ibi relicturi, quod erat huius & alterius quæ quinque ab ea miliaribus abest insularum nomen, illud enim stipiti alligatum Insulæ præfixerunt, delatis simul ex Elisabetha Insula aliquot in eam cuniculis, vt ibi viuentes multiplicarentur. His ita peractis, naues iterum conscendentes progressi sunt, at sequenti 24. Decemb. die, Viceadmiralem ex conspectu amiserunt, itaque ad 16. vsque hinc inde circa *Corneliam* Insulam oberrantes eum diligenter quæsiuerunt. Cum vero tandem frustra sese tempus perdere, & vero ventum sibi fauere

Naues duæ Gallicæ ipsis coniunguntur.

cernerent, cursum suum versus *Capo de bon Esperance* direxerunt, quod 27. Decembris cum sese ipsis aperiret, duas simul naues Gallicas de *S. Malo* venientes sibi coniunxerunt. Admiralius earum erat *Monsieur le Berdeliere*, Viceadmiralius autem *Mons. le Connestable de Vitre*, Nauarchus verò *Gwalterus Willeken* natione Belga. Salutabant autem sese inuicem amice admodum, & præfectus cum magno flagraret desiderio cum ipsis colloquēdi, adiuncto sibi Cornelio Speccio, ad naues eorū scapha delatus est, quod idem Galli etiam die postero fecerunt, amicè inuicem de rebus variis conferentes. Referebant autem Galli, se in *Annabon*, vbi similiter appulerant, sepulchra aliquot, in iisq; qui ex tribus Hollandicis nauibus interfecti fuerāt, sepultos vidisse, nihil autem periculi sese ibi extimuisse, propterea quod eiusdem

eiusdem cum Lusitanis religionis essent, descendisse igitur in terram, ut officio Missæ interessent, verum à Lusitanis malè admodum acceptos fuisse, qui aliquibus interfectis, aliquos in vincula coniecissent, eosque non nisi ingenti, millium coronatorum, & aliarum non exigui precli mercium, persoluto lytro dimittere voluissent.

Progrediebantur Galli isti aliquo itinere cum Hollandis; sed quia propositum ipsis erat, Ortum versùs iuxta *Madagascar*, seu Laurentii Insulam, cursum suum dirigere, ideo 1. Ianuarii Anni 1602. cum sese salutassent, amicè ab inuicem discesserunt. Et quidem coniunctio hæc si diuturnior fuisset, prodesse Hollandis parum potuisset, propterea, quod Hollandis quidem non nisi tres libræ panis in septimanam, & vnica vini mensura in decem dies daretur, Gallis vero adhuc nihil deesset, qui panis quidem quantum volebant, vini vero in septimanam tres mensuras accipiebant, quod ipsum quidem Hollandis malo haud dubiè exemplo futurum fuerat.

*Naues Gallicæ ab
Hollandicis separantur.*

Quarto & quinto Decembris iuxta terram *de Natalo* progredientes, ingentem tempestatem experti sunt. Terra autem ipsa plana & viridis ab altera quidem parte supra arenarios tumulos in mare excurrit, ab altera autem magis magisque in verticem assurgit. Cernuntur autem in littore isto multa passim flumina miliaris plus minus itinere ab inuicem separata. Et sanè licet scopuli quidem nulli ibi apparerent, rapidissimi tamen subinde fontes in mare sese exonerabant, tanta vehementia, ut nauium cursum inhibere quodammodo viderentur, quæ quidem etiam causa erat, quod à vento vel exiguo, fluctus excitabantur maximi, qui naues non leui exponebant periculo, vnde iuxta littus procedendum ipsis erat vsque ad vndecimum Ianuarii diem. Postmodò cum cursum suum *Monopotappe* vel *Medagos de Auro* versùs direxissent, eo fine, ut inde ad *Capo de Sancta Maria* in Insula *de Vacques* progredierentur, atque ita in vno istorum locorum, de quibus 5. Octobris, superioris Anni diè iuxta Balthasari de Mouche-ron & principalium suorum instructionem, inter illos conuenerat, Vice-
admiralem expectarent, non poterant tamen ob fluctuum vehementiam illud perficere, itaque ut periculo fluctuum sese tandem eriperent, mare eligere, & cursum *Madagascar* versùs conuertere necesse fuit, ut inde postmodum ad Insulas *de Comora* proficiscerentur, vbi similiter uti se expectarent inuicem conclusum erat, si ad prædicta loca pertingere omnino non possent.

Tempestates aduersas expeririuntur.

Progressi igitur ad 25. Ianuarii, cum eleuationem Insulæ *Madagascar* assecuti essent, conuocatis qui ad clauum sedebant omnibus, deliberationem Præfectus instituebat, quomodo cursus in posterum tenendus esset. Decretum vero communi sententia est, ut medio inter *Bayzos de Indea*, & *Medagascar* loco progredierentur, cum ventis fauentibus angustias illas superare quam commodissime posse sibi viderentur. Quod si vero fortè mutato vento, cursum mutare necesse esset, interdiu quidem explicato vexillo viridi, nocte vero trium tormentorum displosione, Celocem à Præfecto monendam esse, ut quid factò opus esset, maturè cognosceret. Factum est id à Præfecto generali, cum 27. Ianuarii mutato vento cursus etiam mutandus veniret, quem tum infra *Bayzos de Indea*, mediò nempe inter *Bayzos* & continentem *Soffala* Regionem instituerunt. Cæterum 29. Ianuarii scapham maiorem militibus quibusdam, rebusque ad sustentationem & munitionem pertinentibus aliis probè instructam Præfectus dimisit, ut perlustratis fontibus illis, quarum plures ibi reperiiebantur & loci commodita-

*Deliberatio de
cursu recte tenendo.*

tem & incolarum mores explorarent, cognoscentes, an negotiationes isthic loci exerceri tuto possent, data illis qui in scapha erant sufficienti instructione, quam secuti errorem euitare, & si forte naues interea ventis vrgentibus progredi contingeret, illis tamen iterum coniungi quam rectissime possent.

*Appellunt ad littus
Regni Soffala.*

Primo Februarii ad fines *Soffala* delati, regionem quidem ex odoratu percipiebant, licet eam nondū viderent: sequenti enim primū die circa vesperam ad littus Regni huius appulerunt, subsistētes integro fermē miliari à terra, sub eleuatione $18\frac{3}{4}$ graduum. Cæterū *Æthiopes*, istius loci incolæ, distinctis ignibus & signis ipsis annuentes significabant, aduentum eorum sibi acceptum & gratum esse, quare *Hollandi* ipsis explicato statim vexillo & tormenti displosione responderunt, vnde colligerent vt amicos non vt hostes sese aduenisse. Tercio autem Februarii missa ad littus cymba, significari incolis Præfectus iubebat, se mercaturam exercendi cum eis gratia eo aduenisse, quo fine ipsis ferramenta quædam & merces alias exhibuerunt, qui certis quibusdam indiciis & verbis Lusitanicis respondebant, mercimonia quidem ibi exerceri non posse, sed oportere *Hollandos* vltorius paulo progredi, nempe ad fluentum *Quama*, vbi Lusitanos, & materiam negotiationibus conuenientem essent reperturi. *Aldea* ipsorum *Mourdou* vocabatur, quinque miliaribus Austrum versus à *Quama* distans. Noctē autem ista ingens tempestas ventorum, procellarum, & tonitruum exorta est, vt duas in Celoe anchoras amitterent.

*Magnum periculum
ad fluentum
Quama.*

Progressi autem quarto Februarii, iuxta littus ad fluentum *Quama* contenderunt, quo circa vesperam peruenientes, scapham statim exploratum, quæ loci illius commoditas esset, emisertunt, quæ propter fluctuum magnitudinem ad nauem redire non potuit, nam & naus ipsa resistere vehementibus illis fluctibus non potuit, præsertim cum solo inhærere paludoso anchoræ non possent, itaque in magno erant periculo, ne forte ad scopulum aliquem impingerent, & summo conatu ventis fluctibusque per noctem istam resistere cogebantur. Die autem facto, cum progredi vltorius conarentur, tantis sese tempestatibus inuoluerunt, vt parum abesset, quin ad breuia & arenas proiecta naui, vitæ bonorumque omnium iacturam fecissent, quod Deus tamen clementer tum prohibuit, fecitque vt ad duo vel tria miliaria progressi, profunditatem decem fere orgyarum inuenerint, vbi proiecta rursus in profundum anchora, Celocem quidem & scapham suam præstolari decreuerant, sed cum solum esset nimis molle & liquidum, inhærere ei anchoræ non poterant, itaque illic iterum solutis ortum versus paulo amplius progressi, solum tenacius & figendis anchoris magis aptum inuenerunt, vbi ad septimum vsque Februarii subsistentes, cum Celocem aduentare viderent, versus *Primeras* Insulas cursum direxerunt, scapha sua post se relicta.

*Descriptio regni
Soffala.*

Regnum *Soffala* inter duo flumina, *Manice* & *Quama*, situm, iuxta littus maris extenditur, cuius initium *Soffala* est, Insula nimirum in alterutro dictorum fluuiorum sita, vnde tota regio nomen suum accepit. Reperiuntur autem in *Soffala* Procuratores quidam Lusitanorum, sed in *Quama* arcem & propugnaculum habent, vbi omnis etiam negotiatio exercetur. Terra humilis est & depressa, montium experts, & syluæ si quæ sunt arbores proceras nullas nouerunt, odoratu prius quam visu cognoscitur, propterea q̃ floribus odoriferis sit refertissima. Incolæ omnes nigri *Æthiopes* sunt constitutione corporis satis bona, & Lusitanis subiecti, q̃ verbis quibusdam Lusitanicis significabant. Arma, quibus vtuntur, arcus & sagittæ sunt. Cæterum

terum vniuersum hoc littus breuiis & arenis ad fluuium *Quama* vsque refertissimum est. Solum autem habet putridum, & aquam ob fluctuum vehementiam admodum turbidam. Ipse vero fluuius *Quama* originem suam, vt Ioannes Hugo Lintschottanus scribit, ex *Zagire* palude quadam habere putatur, vnde Nilus etiam ipse prorumpit. Auro abundans est & ebore aliisque preciosissimis mercibus, quas pro linteo, serico, gossypio & id genus rebus aliis, incolæ permutare solent, qui omnes Æthiopes sunt Mahometicæ religioni addicti. Inter hæc duo flumina, *Quama* nimirum & *Manice*, regnum *Monopotappe* situm est, quod iuxta Historicorum quorundam sententiam Regi quondam Salomoni aurum & ebur magna copia suppeditauit, quod quidem à vero non omnino alienum videtur, cum & qui *Comeras* inhabitant, negotiationes ibi exerceant, & ciuitates aliquas satis cultas atq; munitas Hollandi ipsimet viderint.

Cæterum fluentum seu *Rio bon Senay*, & Insulas *Primeras* præteruecti, ad Insulam *Di Angoras* cursum dirigebant, sub vesperam autem septimi Februarii, existens subito tempestas propositum hoc impediēbat. Ea enim per tres integras dies continuata, tanto furore mare concitabat, hominesq; in naui existentes exercebat, vt quamuis adessent, qui nauigationes vel per 25. annos continue exercuerant, fateri tamen omnes vno ore cogerentur, nunquam sese similem procellarum, pluuiarumque furorem expertos fuisse. Nam & qui nauem regebant, quasi virgis cæsi videbantur, & qui ad machinas haustorias constituti, attrahendis ex sentina aquis studebant, vix respirandi spacium habebant; fluctus præterea tanto sese inuicem protrudebant impetu, vt præ ingenti quem edebant fragore & strepitu alter alterum in naui exaudire quamuis iuxta eum constitutus non posset, sed & naui ipsa damnum haud leue contraxerat, ita vt panes iam ab aquarum irruptione perire inciperent; & labor omnis, quem impendebant, irritus videretur, itaque & de salute sua iam desperauerant, & singulis momentis mortem expectabant, præsertim cum sine Carbasis, in tanta tempestate, versus littus & oram *Medagascar* periculosissimum in mari locum, ventis adeo furentibus propellerentur.

*Tempestatem ex-
periuntur ingētem
& periculosam.*

Vndecimo autem die, tempestate illa paululum remittente, & Sole iterum exoriente, vela rursus expandere & ad continuandum iter se parare non dubitarunt. Progressi igitur iterum, cum 17. Februarii die Insulas aliquot ex Comorrhæis viderent, ad vnā earum applicare volebant, profunditate 60. Orgyarum explorata. Accidit autem vt dum anchoras in profundum mittere conarentur, subito vento abrepti, ad mare sese iterum conuertere cogerentur. Continebant tamen sese per noctem istam summo labore in mari, & cum sequenti die tribus plus minus miliaribus à terra abessent, respicientes forte nauiculam animaduertunt, ad prædictam Insulam hærentem, quam scapham suam esse haud frustra cogitabant: veniebat enim ea circa meridiem ad nauem, & lætitiā apud omnes haud exiguam excitabat, cum de eius incolumitate iam pridem desperatum esset. Et sane nisi Deum ipsum ductorem & moderatorem habuissent, de salute omnium, qui in scapha illa erant, actum iam pridem fuisset, præterquam enim quod eandem, de qua paulo ante dictum est, tempestatem experti fuerant, etiam moderatorem suū Georgium Styl, à Lusitanis nempe, in littore fluminis *Quama*, cum alio quodā Ludouico Vogel comprehensum, amiserant. Commorati autem in flumine isto quinque diebus fuerant, quibus subinde *Canoes* cum cibariis quibusdam aduentantes, spem ipsis fecerant de moderatore

*scapham suam
recuperant.*

suo breui ipsis remittendo, sed Hollandi blandis eiusmodi verbis nihil fidentes, oportunitatem nacti discesserant.

Veniunt ad Insulam Mulaly.

Non fauebat ipsis ventus tum temporis, itaq; ad 21. vsq; Februarii diem in mari oberrantes, tandem ad Insulam *Mulaly* appulerunt, anchoras ad 20. orgyas dimittentes, interim aliquos cum reti piscatorio piscatum ablegabant, qui cum in littore istius Insulae nihil proficere sese posse viderent, vterius paulo progressi in scapham incidunt, quam Praefectus ante tres dies ad incolas istius loci praemiserat, visum, an negotiationes cum illis exerceri amicè possent, qui responderant, liberum hoc ipsis & permissum esse omnino debere, mittentes simul Hollandis confirmationis maioris ergo cibaria quaedam ad recreationem facientia. Sed & 23. Februarii, Interpres quidam cum nobilibus aliquot Regis ministris ad nauem veniebat, adducentes secum bouem & cibaria alia, pro quibus à Praefecto vitra quaedam accipiebant, cumq; ad horas aliquot in naui commorati fuissent, honestè à Praefecto dimissi sunt, qui duo simul pocula vitrea, eximia magnitudinis, alterum quidem Turcicum auro certis in locis distinctum & exornatum, vt fauorem ipsius retineret. Caeterum praedictus Mertsmanus & alii multis modis persuadere Praefecto conabantur, vt secum in ciuitatem pergeret, affirmantes nihil omnino periculi metuendum ei esse, sed Praefectus quanto ipsi instabant vehementius, tanto impugnabat acrius, seque in littore eorum redditum expectaturum dicebat. Cum igitur Capitaneus eius loci, gladio isto muneribusq; aliis acceptis, Praefectum in littore esse cognosceret, egressus statim ciuitate, cum multis nobilib. eum amicè accipiebat, offerens ei liberam per vniuersam Insulam negotiandi facultatem, promittensq; nihil quod vsui Hollandis esse posset, in vniuersa Insula ei denegatum iri. Accesserat interea ad ciuitatem istam Regina, cum Praefecto & Hollandis colloquendi gratia, itaq; aliquoties per Ioannem Wouterum & Mertsmanum salutari, & ad se inuitari Praefectum curabat, promittens ei non solum securitatem, sed & filium obsidem, donec Praefectus ad nauem reuerteretur, Sed ille honeste sese excusando, accessum ad vrbem omnino denegabat.

Rogatur Praefectus vt in urbem veniat.

Capitaneus regius ad nauem venit.

Caeterum 6. Martii, Capitaneus eius loci, ad nauem, magna nobilium caterua stipatus, accedens, de multis & variis cum Praefecto locutus est. Peritus enim rei nauticae, tabulam Cosmographicam sibi exhiberi petiit, quo facto Hollandis praecipua per vniuersam Indiam loca monstrauit. Non poterat autem ipsi Hollandi beneuolentiam aliquam exhibere, praeterquam, quod musicalib. instrumentis eum oblectarent, nihil enim cibi potusve capiebant, tempus quadragesimale & ieiunio destinatum pretendentes. Itaq; cum per horam vnam atq; alteram ibi fuisset, inter tubarum clangores & crebras tormentorum dispositiones amicè à Praefecto dimissus est. Reuersa est autem 8. Martii scapha, quā *Mayotte* & *Anguan* versus ablegauerat, re omnino infecta, nam neq; de nauib. aliquid explorauerant, nec oryzam acceperant. Praefectus vero in terram descendens, assumptis quatuor aliis per mediam vrbem profectus est, antequam id Capitaneus vrbis animaduertere posset, à nemine enim praeterq; ab aliquo ex Sacrificulis ipsorum cognoscebatur, qui eum ad littus iam ex vrbe reuersum rogabat, vt Capitaneum secū accedere non grauaretur, quod ipse reuersurum sese propediem pollicitus quam humanissimè denegabat.

Capitaneus musicos sibi mitti expetit.

Delectabatur Capitaneus admodum musica instrumentali, rogabatq; 16. Martii, musicos sibi paululum cōcedi, qui per noctem & dies duos apud ipsum commorati, panni gossypini aliquantū & mediocris staturae bouem obtinuerunt. Interim duo in naui moriebantur, coquus nimirū & restiarius, qui

qui q̄ per dies in terra delituissent, morbi sui causas ab incolis cōtraxisse putabantur. Non cessabant autem etiamnum incolæ Præfectum rogare, vt in terram descendens se aliquādo inuiferet, at ille in denegando persistens, nō posse se dicebat ad illos durante hoc ieiunii tempore venire, p̄pterea quod non posset frontem cum illis exporrigere & lātari, vtpote cum quib. cōuiuari non liceret, q̄ ita moris apud Hollandos esset, quæ excusatio ridicula i-
 p̄sis quidem videbatur, sed in posterū tamen à petendo abstinebāt. Cæterū
 Capitaneus missio ad Præfectum ministro aliquo ei significabat, nauem aliq̄
 à suis ab altera Insulæ parte visam esse, quæ quidem etiam 24. Martii circa
 meridiē ad eos aduentabat, eratq; Celox, quam aliquot iam septimanis non
 viderant. Lætantes igitur Hollandi, pro naui istius conseruatione gratias
 Deo agebant maximas. At nihil interim de Viceadmiralis naui cognoscere
 poterāt, etiam si qui in Celo ce erant aliquādiu in *Mayotte* fuissent. Cum autē
 ad 20. miliaria à *Mayotte* discessissent, inuenerant in mari virū aliquem, qui
 seipsum in *Canoe* quadam alligauerat, fociis suis reliquis naufragio extinctis.
 Liberatum igitur illum & solutum rursus ad *Mayotte* traduxerant. Vnde se-
 cundo aggressi, nauem offenderant haud exiguæ magnitudinis, quæ ex ci-
 uitate quadam continentis veniens, versus *Madagascar* cursum suū institue-
 rat, itaq; illam expugnantes, multos in ea inuenerant *Melatos* quos vocant,
 h. e. Semi-Lusitanos, & linguæ Lusitanicæ peritos, qui aliquot mancipia ve-
 num deportabant. Ex hoc naui saccos aliquot oryzæ, & panni gossypini
 non parum, qualis in *Cambaya* & *Meliade*, continentis ciuitatibus, parari di-
 citur, vna cum vestimentis & armis Lusitanicis abstulerant, *Melatis* cum sua
 nati iterum dimissis.

*Celocem diu amf-
 sam iterum reu-
 perantes.*

Ingens eodem die tempestas extitit, & malus in naui fulmine percussus
 in aliquot frustra siue partes distractus est, ita vt vix colligēdo eum postmodū
 reparare & continere potuerint. Accedebat autē 25. Martii Capitaneus eius
 loci ad Celocem, Præfectum eius naui, Cornel. Speccium salutaturus, cui
 omnem etiā beneuolētiā declarabat, cumq; Præfectum generalē ibi forte
 offenderet, rogare eum iterū cœpit, vt ad edes suas aliquando venire digna-
 retur, indicans simul, *Caresmo* seu ieiunii sui tempus iam finitū esse, cōstituis-
 se se igitur ludos aliquot Hollandis exhibere, & genio cū eis indulgere. Re-
 spondebat igitur Præfectus, cōmodiorem paulo tempestatē vbi nactus esset
 cōpositis reb. suis ad eum se venturū. Non erat autem hoc ipsi cordi, nec ex
 animo ita dicebat, sed constituebat potius nunq̄ ad eum pedem deferre, sed
 & Cornel. Speccio id iniungebat serio, vt nō ipse modo in terrā non descen-
 deret, sed & suos quantū fieri posset, ab ea detineret, posthabita omni inco-
 larū beneuolētiā, cum quib. liberē vnicuiq; cōuersari hactenus licuerat. Pa-
 rabant autē Hollādi discessum, sed tacitē tñ, ne incolæ qcq̄ eius p̄sentiscerēt.
 Interea Capitaneus significari Præfecto generali iubet, visam esse ab altera
 Insulæ parte, adhuc vnā nauim. Itaq; sp̄e Præfectus de Viceadmiral. aduētu
 concipiens rogari Capitaneū curat, vt suis liceret arborē quandam ex sylua
 p̄ parādo nouo malo afferre, q̄ ipse non modo nō denegabat, sed & aliquos
 adiuncturum sese Hollandis promittebat, qui eos in syluā, vbi ligna parādo
 nouo malo idonea inuenirentur, deducerent. Instabat igitur Mertsmanus
 diligēter admodū apud Capitaneū, vt opus illud in actū p̄duceretur, sed ille
 occupationes subinde nescio quas p̄tēdes, in aliud semper tēpus reiciebat,
 itaq; Præfectus hoc animaduertens, abstinendū tandē à petitione hac cen-
 sebat, imperans similiter Ioan. Woutero Secretario, vt bona, quæ in terram
 traduxerant, paulatim ad nauim rursus deferri curaret, q̄ ipsum quidem vel
 ante octiduū ipsi iam indicatum fuerat. Verū vterq; tam Mertsmanus quā

*Malus in nauē i-
 ctu fulminis dis-
 rumpitur.*

*Rogant Capita-
 neum vt lignum
 aliquod pro nouo
 malo parando sibi
 concedat.*

Wouterus nimis magnam incolis adhibuerant fidem, & propterea etiam Generali persuadere aliquoties conati fuerant, ut in terram aliquando visum Capitanem descenderet, quod ipsum tamen palam, audientibus multis, Generalis recusauerat, ut paulo ante dictum est.

*Mittuntur quidam
in urbem pro pa-
rando nouo malo*

Cæterum Mertsmanus 30. Martii in terram profectus, remissa statim scapha, adiungi sibi quosdam petiit, qui secum in syluam proficiscerentur, spem enim sibi factam de adiungendo sibi interprete quodam, qui ad syluam se deduceret, quo facto remanendum sibi per noctem in terra fore, quod opus & iter illud expediri aliquot horarum spacio non posset. Circa vesperam autem Wouterus Secretarius ad nauem reuersus, sequenti die summo mane sibi redeundum ad urbem esse, spem enim sibi de boue aliquo factam, quem statim ibi mactaret. Addebat etiam hoc, rogatum se à Sacrificulo & aliquot nobilibus esse, daret operam ut Præfectum generalem secum adduceret, Regem enim suum ad ciuitatem tum venturum esse, ut de rebus variis cum eo conferret. Indigebant autem aqua recenti, ideo cum intellexissent, eam in sinu quadam dimidio miliari à statione sua distante hauriri commodè posse, 31. Martii, scapham suam maiorem cum 11. personis & 6. doliis, ad hauriendam aquam Præfectus generalis ablegauit, cum expresso mandato, ut nihil cunctantes opus maturarent, & ad nauim mox reuerterentur, licet vel tria tantum dolia repleta haberent. Expetebant autem & nauis moderator Cornelius Iansen & alii, ut cum dies Solis esset, liceret sibi paululum in terram descendere, & in urbem animi recreandi gratia proficisci, quod à Generali quidem ipsis vel inuitis denegatum est. Cæterum Woutero apud Præfectum admodum instante, ut sibi permetteret bouem iam mactatum & paratum ad nauem traducere, consensit quidem Præfectus, sed hac tamen lege, ut nihil ibi aliud ageret, sed accepto boue, confestim reuerteretur. Assumptis igitur tribus vel quatuor personis, cum cymba minori ad littus est profectus.

*Hollandi quidam
ab incolis detinen-
tur.*

Circa meridiem autem eius diei, cum nec scapham nec cymbam redire cernerent, dispersionem Præfectus semel atque iterum fieri, & vexillum explicari iussit, unde cognoscerent sui, redeundum sibi ad nauem esse. Cum autem nemo compareret, aliter quidem cogitare non poterat, quam eos ab incolis captiuos detineri, præsertim cum nec ullum nauigium siue *Canoe* ad nauem pergeret, quæ magna copia aliàs commeare hinc inde visa fuerant. Circa vesperam autem animaduertebant multos ex incolis in littore sese currendo exercere, ac si festum quoddam solemne & solemnia gaudia celebrarent. Itaque coniunctis aliquanto propius nauibus, militaria sua retia explicarunt, onerantes tormeta & ad pugnam sese parantes, ut qui quid monstri ab incolis aleretur nescirent.

*Coguntur discede-
re relictis post se
quibusdam ex po-
pulo, & vtraque
scapha.*

Primo autem Aprilis, cum cognoscere non possent, quid de suis in ciuitate actum esset, explicato vexillo albo, ad tertium usque diem expectarunt, an forte aliqui ex vrbe aduenturi ad nauem essent, sed illi *Canoras* suas in littore continentes, ne signo quidem vlllo indicarunt, cupere sese cum Præfecto & aliis, eorum nomine qui captiui detinebantur, quicquam conferre, Hollandi autem scapham nullam amplius habentes ad littus accedere non poterant, itaque cum nulla occasio esset cum incolis colloquendi, discessum modis omnibus parabant, ut eo commoti incolæ, mentem suam explicare & colloqui cum Præfecto, si fortè ita liberet, eo magis properarent, cum planè intermitterent, inuito cum Cornelio Speccio & moderatoribus aliis consilio, anchoras leuare & discedere constituerunt. Cæterum hoc facto facile se vlcisci de incolis istis potuissent, deferebantur enim ad pagum

pāgum quendam piscatorium, in quo ducenta ferè tuguria, & multæ arbores erant, homines autem omnes in pedes se coniecerant, & naui ipsum ferè litus attingebant, ita vt facile descendere in terram, & *Canoam* aliquam acquirere potuissent. Verum Præfektus non videri sibi consultum dicebat, vllum hostilitatis ibi relinquere vestigium, quamuis ipsi iniquè admodum & præter omne meritum suos in vrbe detinerent. Cum enim nulla vnquam cum quoquam intercessisset contentio, sperabat etiamnum Præfektus fore, vt præditorum sibi in naui beneficiorum memores, suos tandem ad nauem remitterent, itaque hinc inde oberrantes ad quintum vsque Aprilis moram ibi trahebant. Tandem autem videntes tempus sese inutiliter perdere, & incolas sese ipsis exhibere non velle, versus *Mayotte* & *Angouan* cursum suum dirigere statuerunt, vbi Regiam harum quatuor Insularum, *Angasiza*, *Mulaly*, *Angonan* & *Mayotte* habitare sciebant. Cæterum dum moram ita necerent, illi, qui in Celoce erant, quasi dedita opera, nocte tranquilla & placida ab illis discesserunt.

Amitrunt iterum Celocem suam.

Sic igitur relictis post se scaphis suis, à sexto ad 9. vsque Aprilis, inter maximas difficultates aduerso vento nauigantes, cum portum *Mayotte* afsecuti essent, cum noua sua cymba, quam interea in naui parauerant, ad paruam quandam Insulam traiecerunt, aquam recentem allaturi. Postero autem die ad terram paulo amplius appropinquantes, cum proiecta anchora plus aquæ attulissent, animaduertunt camelum siue funem anchoræ à scopulis sub aqua latentib. ita attritum esse, vt parum abesset, quin iacturam anchoræ facerent. Itaque proiecta statim anchora alia, hanc vndis liberatam conseruarunt. Atqui nec ipsa resistere vento & fluctibus diu poterat: sequenti enim die, vt huius funem vndarum & scopulorum attritu ferè dissolutum esse animaduertentes, tertiam expromere anchoram coacti sunt. Erant profecto non in nullo tum temporis periculo, puppis enim seu posterior naus pars breuius & arenis imminebat, nec procul aberat scopulus quidam admodum ingens, qui diffluentibus & recedentibus aquis, subinde se conspiciendum præbebat.

Cœpit autem ipsis 11. Aprilis die ventus nonnihil fauere, itaque leuatis anchoris progressi sunt. Quamuis enim cameli & funes omnes fere attriti essent, ipsi tamen pro auxilio diuino gratias Deo agebāt, siquidem per multos scopulos & breuia nauigandum ipsis fuerat, quæ nunquam antea præsenferant. Toto autem quo in *Mayotte* fuerant tempore, ne vnum quidem *Canoa* vel nauigium viderant, sed & nullo signo incolæ testabantur aduentu eorum sese delectari, cum tamen erga Celocem & scapham suam, satis humanos sese antea præbuisissent, & potestatem ipsis liberè in terra conuersandi, & negotiationes suas exercendi fecissent. Videntes igitur neminem ex incolis ad se venire, ipsi etiam in terram descendere & colloquium eorum expetere non audebant, præsertim cum cymba vterentur exiguæ magnitudinis & vltra 25. personas in naui sua non numerarent, quarum tamen bona pars morbo correpta decumbere cernebatur.

Pericula à scopulis experiri incipit.

Constituerat autem Generalis, idq; communicato cum moderatoribus naus consilio, *Angouan* versus nauigare, & de Celoce sua ibi inquirere, inde postmodū ad *Mulaly* se iterum conuertere, si forte populū suum liberatum recuperare posset. Imprimis enim magno tenebatur desiderio cognoscēdi, an Regina etiam in *Angouan* habitans factum illud, quod in *Mulaly* acciderat, improbatura esset. Verum enimvero exorta sub noctē tempestate, vela demittere cogeabantur, erantq; qui murmurantes nō videri sibi consultum dicebant, vbiq; locorum appellere, & nauim tot tantisq; subinde periculis expone-

Præfektus captiuos in Mulaly liberatos admōdū cupit.

exponere, siquidem pauci essent numero & anchoris tam crebro leuandis exponendisq; vix sufficerent. Non mouebatur quidem hac murmuratione Generalis, sed tamen videns, ventum sibi, *Mulaly* versus tendenti, plane contrarium esse, conuocatis moderatorib. & vniuerso in nati populo, sententiam suam exponere eos iussit, putarentne ad *Mulaly* Insulam pertinere sese ea tempestate posse, admodum enim sese cupere populum suum ibi detentum liberare? Responsum ab omnibus est, nulla ratione durante Zephyro Insulam istam assequi sese posse, siquidem contrario fluctu & vento, vel sedecim conficienda essent miliaria. Dicebant praeterea non esse consultum, vt vbiq; locorum appellerent, cum mira esset paucitas eorum, qui bona vterentur valetudine, cumque nota iam satis & perspecta incolarum perfidia esset, siquidem nec eorum, qui in *Mayotte* habitant, ad nauim quispiam accesserit, quod contra morem & consuetudinem ipsorum esset, spem omnino nullam sibi superesse videri, vel de populo suo liberando, vel de scaphis & nauigiis suis recuperandis.

Constituitur iter
suum continuare.

Cum igitur res ipsa quasi loqueretur, non expedire, vt moram ibi diutius neccientes, iacturam temporis maiorem facerent, essentq; recenti aqua & lignis parum instructi, quæ quidem in *Mayotte* comportare propter periculosa nauis stationem non potuerant, Generalis ad omnium qui in nati erant testimonium prouocauit, quod nihil quidem intentatum reliquisset eorum, quæ ad liberationem populi sui facere potuerint, quod ipsum etiam omnes vno ore verum esse affirmabant, testes sese eius fore necessitate id postulante semper promittentes. Decretum igitur tandem vnanimi omnium consensu est iter suum promouere, & ad eum locum, quo à Principalibus suis ablegati essent, destinare. Itaque progressi Septentrionem versus cursum direxerunt. Cæterum ventus circa vesperam in Austrum paulo vergere videbatur, quo viso periculum etiamnum faciendum esse concluderunt, an ad Insulam *Mulaly* pertinere possent. Sed remittebat paulo post ventus, & in Zephyrum rursus vertebatur, vt necesse esset in sententia de itinere continuando persistere. Sperabant tamen Deum populo suo in Insula *Mulaly* iniuste detento auxilio futurum, liberationemque vel aliunde oblaturum, praesertim cum incolæ de nulla iniuria sibi illata conqueri possent, essetq; ipsis pro omnibus abunde satisfactum.

Quot personas in
Insula *Mulaly* re-
liquerint.

Progressi igitur populum suum in Insula ista relinquere non sine mœrore & stomacho cogebantur, quorum fuerant in scapha quidem vna vndecim, qui aquam recentem allatum abierant, in scapha vero altera duodecim, qui in syluam lignum aliquod pro parando nouo malo allatum profecti fuerant, & tandem in cymba minori, Secretarius ille, qui cum quatuor aliis bouem allatum abierat, qui omnes 28. erant praestantissimi quique & exercitatissimi ex omnibus quos in naui habebant. Sed & ex illis, qui in naui supererant, duo paulo post moriebantur, faber nempe lignarius & quidam alius Antwerpianus. Cæterum 20. Maii quarta iam vice Aequinoctialem lineam superabant non procul à littore *Meliade*. Maii autem 23. elevationem 9. cum dimidio graduum iuxta *Cochien* assecuti, ad littus *Melabre* declinabant. Verum cum periculum esset, ne vento & procellis ad breuia propellerentur, conuerso magis in Austrum itinere, *Capo de Comoria*, 26. Maii die obtinuerunt.

Veniunt ad regnum
Matecale.

Terra huius *Capo* humilis nonnihil erat & depressa, acuminata tamen ab altera parte, & in verticem seu collem aliquem rotundum erecta, vt stationem minus commodam præbere videretur, itaque directo versus *Poincto de Galle*, angulum nempe aliquem Insulae *Celon*, quæ 28. Maii se videndum

dicendam exhibebat, cursu, iuxta terram *Celon* progressi sunt, breuia quæ ibi habentur, & Syrtes 29, Maii magna ex parte superantes. Progrediebantur autem versus fluuium *Matecalo*. Cumque exitum quendam, quasi fluuium è longinquo viderent, venientes eò, locum animaduvertebant esse multis arboribus, quas *Coques* vocant, consitum. Erat autem iuxta eum pagus quidam *Pagode* seu templo insignis, itaque missa in profundum anchora, cymbam Præfectus ad incolas ablegabat, quorum aliqui cum *Canoe* quodam ipsis obuiam procedentes, cum de *Matecalo* interrogarentur, paulo amplius versus Septentrionem progrediendum ipsis esse respondebant. Hollandi igitur perspecta illorum beneuolentia & humanitate, aliquot cultellis eos donarunt, qui auxilio se ipsis die postero venturos, & aliquos adiuncturos promittebant, qui iter *Matecalo* versus eis monstrarent, quod etiam factum est. Nam 31. Maii quendam ablegabant, qui terra *Matecalo* versus profectus, de Hollandorum aduentu Regem suum edoceret, qui vocatur *Dermuts Iangadare*. Sub vesperam eius diei portum *Matecalo* ingressi, multas naues ibi parari videbant. Sedes autem regia à portu isto integro adhuc miliaribus ultra portum istum reperitur, tot breuius tumultusq; arenariis refertus, vt vix sex vel septem pedum in eo profunditas reperiatur.

Primo Iunii die Indiani quidam, de natione quam *Cingales* vocant, ad nauem venientes, Interpretem quendam linguæ Lusitanicæ peritum se cum adducebant, qui piperis & cinnami satis ibi haberi dicebat, Præfectumque Regium, qui *Modeliar* ipsis vocatur, vehementer expetere, vt Generalis in terram descendens ad se veniret, velle enim se coram cum eo colloqui. Reuersus eodem tempore Legatus, qui voluntate Generalis terra ad Regem profectus erat, idem responsi attulit, piperis nempe & cinnami satis ibi adesse, dicebat præterea, humanissime se à Rege acceptum, & liberalissime habitum esse. Itaque Generalis *Cingales* illos & Interpretem aliquot poculis vitreis & rebus aliis donatos honorificè à se dimisit.

Promissionem & spem piperis & cinnami accipiunt.

Postero die, qui erat 2. Iunii, Generalis ipsemet cum tribus vel quatuor personis in terram descendit, inueniens in littore quinque Elephantres, quibus Generalis ad *Modeliarem* deportandus erat. Multos hi ludos dabant, & modo genua flectendo, modo promuscide eleuatos in altum homines tergo suo imponendo, admodum erant delectabiles, nam pro optimis & prudentissimis per vniuersam Indiam habentur. Ad *Modeliarem* autem perueniens Generalis, optimè ab eo acceptus est. Cumq; iterum dimitteretur, fidem dedit, se postero die reuersurum, & cum eo ad Regem de *Matecalo* profecturum esse, quod ita etiam factum est. Tertio enim Iunii acceptis variis munusculis, & cantoribus, qui fidibus canerent sibi coniunctis, ad Regem profectus est.

Generalis Præfectus ad Modeliarem pergit.

Venerat interea nobilis quidam cum *Canoe* ad nauim, sex vel octo miliaribus ex Septentrione aduectus, is instare apud Hollandos admodum cœpit, vt cum naui sua ad locum istum, vbi is habitaret, se reciperent. At incolæ ex *Matecalo* modis omnibus repugnabant, secum eos retinere studentes lucri forsitan ab eis percipiendi gratia. Quarto autem Iunii Generalis per literas suis in naui significabat, se breui vnâ cum Rege ad nauem venturum esse, quod quidem etiam sequenti die factum est, Rege cum vel mille viro- rum & ministrorum comitatu ad littus procedente, & Generalem simul secum adducente, qui cum impetrata à Rege venia ad nauem iterum re-

Generalis à Rege reuertitur.

uerfus esset, quæ sibi accidissent, commemorabat omnia; *Matecalo* enim adueniens à præcipuis quibusdam viris, obuiam ei procedentibus, ad Regem deductus fuerat, qui satellites plus quam 600. arma omnes manibus tenentes habens, ipsemet quoque euaginatam manu gladium gestans, se conspiciendum Generali præbuerat. Amicè autem eum & benignè accepit, qui munuscula ei varia exhibuit, & instrumentali musica non exiguam ei lætitiā creauit. His ita peractis ducebatur Generalis in domum Regii *Modeliar*, & lautè ibi excipiebatur. Sequenti autem die ne domo pedem efferret, sed cum suis se in ea contineret ad vesp̄eram vsque, serio ei iniungebatur, quā appetente deductus ad Regem, & grauit̄er quod Lusitanus esset accusatus est, ita vt vix multo labore contrarium probare, & opinionem de se conceptam ex animo Regis euellere potuerit. Quā confutata, cum libertati restitutus quo vellet eundi potestatem accepisset, ad suos iterum reuerfus est.

Generalis merces
pro oneranda nauī
sua expetit.

Promiserat ei Rex, effecturum sese, vt 15. dierum spacio mercium satis pro nauī sua oneranda acciperet. Itaque ablegatis quibusdam aliis, qui eum in littore tamdiu detinerent, varia ei munera offerri iussit. Sexto autem Iunii ipsemet rursus in terram descendens, ad Regem contendit, subsistebat is etiamnum in littore, & pluribus subinde armatis confirmabatur, qui magno numero ad eum confluebant. Expetebat autem Generalis merces asportari pro oneranda nauī sua, cui amicè Rex procuraturum se dicebat, vt intra quinque dies maximam partem acciperet, iubens int̄erea, vt nauī exonerata in terram bona sua traducerent, siquidem multus populus cum Elephantibus ea abductum aduenisset. Sed & *Modeliar*, vt cum nauī sua propius accederent, & vel littori quā proximè iungerentur, quod ipsi cum suis nauibus facere solerent, expetiit. Mouebatur hac iniqua petitione suspicio apud Generalem, non candide secum, sed fraudulenter actum iri. Intellexerat autem etiam paulo ante ex quibusdam Æthiopibus & Turcis negotiationes ibi exercentibus, nihil aut parum admodum piperis ibi reperiri, quod ei colligendo & vendendo operam incolæ non darent, callide igitur ad omnia se paratum esse quæ expeterent simulans, vt nauem ad littus eo melius traduceret, auxilio sese maiori opus habere dicebat, petens *Pilottam* seu moderatorem aliquem & quosdam præterea alios sibi adiungi, quorum opera in promouenda nauī vteretur, quos statim ei concedebant, petentes tamen loco Generalis quatuor Lusitanos alios sibi relinqui. Male habebat Generalem, quod persuasum ipsis nondum videret, se cum suis non Lusitanum sed Hollandum esse, negabat igitur etiamnum constanter, sibi cum Lusitanis aliquid commune esse, atq; relictis in littore tribus ex suo comitatu, ipse cum vndecim *Cingales* ad nauem profectus est.

Generalis aliquot
Cingales in nauī
captiuos detinet.

Cæterum reuerfus ad nauim descendere secum octo *Cingales* iussit, vt se in transponendis aliquot vasis & saccis onerariis peruolutandis iuuarent, qui cum conclaue aliquod in inferiori nauis parte ingressi essent, occluso statim ostio, eoque probe munito, ibi eos detinuit, postea Interpretem & duos *Cingales* reliquos, ad loca varia in nauī ducens, cum, quibus instructi bonis essent, eis ostendisset, redire ad Regem iussit, eiq; significare, se octo illos *Cingales* in nauī retinere velle, donec qui in terra essent Hollandi ad nauim remitterentur. Cæterum bonorū se sat habere, quæ vsui esse Regi possent, dūmodo de pipere & cinnamo aduehēdo curā susciperet. Scripsit vero simul etiam literas ad Regem, monēs eum, ne Consultorib. male consulē-

fulentibus aures præberet, sed sciret si piperis & cinnami copia aliqua ad-
esset, se tot mercibus abundare, vt satisfieri Regi sufficienter queat. Cau-
sam si cognoscere vellet, cur octo illos *Cingales* in naui detineret, eam esse
sciret, quod inconsiderate admodum bona nauemque ad littus traduci ex-
petiuisent, quamuis nec piperis nec cinnami quicquam adhuc adesset, &
quod pro Lusitanis haberentur, vnde facile quidem foret causam aliquam
inuenire, bona sua in littore detinendi. Quod si candidè secum Rex agere
& mercaturâ bona fide exercere velit, effecturû se affirmabat, vt de merciû
bonitate & solutione honesta nemo conqueri merito posset. Cum his lite-
ris aliquot rursus munera Regi obtulit, sperans omnino piperis & cinnami
copiam aliquam sese tandem accepturum, sed & vexillis in naui explicatis,
omnium tormentorum displosionem in honorem Regis fieri præcepit,
quod ipsum tamen terrori ei magis, quam oblectationi fuisse, postmodo co-
gnitum est atque perceptum.

*Generalis literas
ad Regem mittit.*

Acceptis hisce literis, Rex eadem adhuc die Interpretem remisit, qui
ceruinam, vitulinam & carnes alias, cum aliquot gallinis, butyrique & fru-
ctuum recentium copia non exigua Generali offerens significaret, patere
ei vniuersam suam terram, vt ea pro libitu suo vratur. Sed & tres illi, quos Ge-
neralis in littore reliquerat ad nauem reuersi, non esse temere inde solu-
endum dicebant, Regem enim satis pollicitum esse piperis & cinnami sese
procuraturum, velleque, vt ne quid de sua fide dubitarent, tres vel quatuor
Cingales secum in naui retineant, donec petitioni suæ satisfactum cernant,
sed & de incogitantia illa, quod voluisset nauem ad littus propius admo-
ueri, multis sese verbis purgasse, petiisseque sibi veniam dari, quod conditio-
nem nauis istius exploratam non haberet. Daturum autem operam sedulo,
vt allato pipere & cinnamo, satisfactum petitioni suæ cernerent.

*Rex de Matecalo
dolum apud Geno-
ralem excusatur.*

Septimo Iunii die specimen aliquod piperis Generali exhiberi Rex ius-
sit. Cum autem parum esset, & magni æstimaretur, Generalis illud emere
recusabat. Itaque Rex cum spe sua frustratum sese videret, postero die à lit-
tore ad ciuitatem suam iterum concessit. Hollandi autem 9. Iunii cum sca-
pha sua ad littus aduecti, aquam recentem & alia quibus opus haberent af-
ferebant, cognoscentes interim à quibusdâ, qui Lusitanicam linguâ calle-
bât, Regem de *Matecalo*, de quo hætenus dictum est, Lusitanis tributarium
esse. Ne igitur frustra ibi tempus tererent, mittebat Generalis, 10. Iunii ad
Regem legatos duos, quæsitum an efficere non posset, vt voti sui compotes
facti, piper & cinnamum acciperent: Quibus ille respondit, posse se id qui-
dem efficere, sed merces illas à Rege quodam alio afferendas esse. Si igitur
ita Generali consultum videatur, velle se aliquot ex suis cum vno atque altero
Generalis ministro ad Regem istum hoc nomine ablegare. Hoc audito Ge-
neralis sese ipsum eo iturum professus est, intelligēs nempe Regem eum in
Candy esse, moxque obsides à Rege de *Matecalo* quinque expetiit, quos facile
etiam obtinuit, erant vero Consiliarius *Panneka* nomine, Centuriones duo,
& duo gregarii milites alii, qui cum Elephantibus quibusdam ad littus ve-
nientes Generali sese offerebant.

*Rex de Matecalo
ad ciuitatē suam
reuertitur.*

Sic igitur secundo iam ad Regem de *Matecalo* Generalis profectus est,
qui ne iter hoc ipsemet ingrederetur modis omnibus suadebat, quod lon-
gum admodum & molestum esset. Re igitur deliberata cum satius esse Ge-
neralis deprehenderet legatum quendam alium cum muneribus quibus-
dam ad Regem istum ablegari, ipse quidem 15. Iunii ad nauem iterum est
reuersus. Interea dum subsistere ibi & responsum expectare Hollandi co-
gerentur, negotiationes cum incolis exercētes, multos preciosos lapides per-
mutabant,

*Generalis legatū
mittit ad Regem
de Candy.*

mutabant, nempe Pyropos, Carbunculos candidos, Topazios, Baccas, Granatos, Chrysolitos, Cyanos albi & caerulei coloris, Crystallos & id genus alios, quos satis magna copia coaceruabant, licet non vsque adeo praestantes essent, & propterea etiam minoris emerentur.

Generalis ad Regem de Candy vocatur.

Reuertebatur 3. Iulii Legatus, quem ad Regem de *Candy* Generalis destinauerat, cum duobus Regis istius Procuratoribus, qui literas ad Generalem datas, & munera varia, aureos nempe annulos, & res preciosas alias, quas ipsi *Segonsios* vocant, à Rege suo afferebant. Amice autem admodum salutato Generali, expetebat Rex, vt sepositis omnibus negotiis quamprimum ad se venire non grauaretur, paratum enim sese esse omnem ei beneuolentiam & officia debita exhibere. Circa vespeream eiusdem diei veniebat ad eos *Guionlesfort*, Viceadmiralis nimirum cum sua naui, quam *Arietem* vocabant, ex cuius aduentu ingens apud Hollandos extitit laetitia, cum à 24. Decembris superioris Anni ad hoc vsque momentum eam circa *Capo de bon Esperance* errori inuolutam & à se abductam non vidissent. Cæterum instituta deliberatione decretum est communi sententia, vt Generalis ad praedictum Regem de *Candy* proficisceretur, cum praesertim hoc ipsum ei etiam à Principalibus suis in Selandia iniunctum esset, vt Regem hunc salutaret, & literas Principis Mauricii, de fœdere cum Rege isto, pro oppugnandis communibus hostibus, & defendendis communibus vtriusque amicis, faciendo ei exhiberet. Sic igitur Generalis nihil quicquam itineris molestia deterritus, assumptis quibusdam muneribus, & decem ministris sibi adiunctis, quorum aliqui fidibus canere quam optimè poterant. 6. Iulii die iter ingressus ad Regem profectus est.

Viceadmiralis iungitur iterum Admirali.

Cum *Arietem* Viceadmiralis nauem aduentare viderent Hollandi, tormentorum aliquot dislosiones, in honorem simul eorum qui à Rege de *Candy* legati aderant, factæ sunt. Accidit autem vt Balistarius quidam, cum nimium sibi fidens tormenti supra modum onerati dislosionem facere vellet, eo disrupto ita læderetur, vt paulo post mortuus fuerit. Hæserat autem Viceadmiralis cum naui sua aliquamdiu in sinu *S. Augustini*, Insulae *Madagascar*, ibiq; tantam pertulerat tempestatem, vt deperdito naui malo in magno vitæ necisque periculo omnes fuerint. Et tempestas quidem illa eodem se exeruerat tempore, quo Generalem vi ventorum & procellarum à littore *Soffala* soluere coactum fuisse, supra dictum est: itaque quilibet sibi inuicem commemorabant, quantum periculorum & incommodorum ab eo tempore experti fuissent, Deo pro tam clementi ex illis liberatione, & paterna sua conseruatione, gratias agentes maximas.

Generalis à Rege de Candy reuertitur.

Cæterum dum Generalis abesset, de alimentis & rebus necessariis aliis satis superque sibi in vtraque naui prospexerunt, redimentes subinde ab incolis lapides aliquot pretiosos, & scapham etiam ablegantes, commodiorem paulo stationem & portum pro nauibus quaesitum, quem inuenire tamen non poterant. Generalis autem 28. Iulii ad suos iterum à Rege de *Candy* reuersus, Subpraefectum suum *Iungerhelt*, qui infirma valetudine & itineris molestia defatigatus, sequi & progredi ulterius non potuerat, duorum ferme dierum itinere post se reliquerat. Habebat autem tres Elephantes secum, & sex ministros, quorum beneficio & auxilio adiutus, nauem ultimo Iulii die tandem affecutus est.

Quid Generali in itinere acciderit.

Porro quæ fortuna Generalis Praefecti haftenus fuerit, & quid ei nō in itinere solum, sed & in regia Regis de *Candy* aula acciderit, ex sequentibus patebit. Principio cum iter ingressus esset ad Regem de *Matecalo* peruenit, qui cum vna cum Legatis Regis de *Candy* splendide exceptum, aliquot annulis

annulis aureis donauit, paratisq; Elephantis & lecticula, ministros aliquot ei addidit, à quibus vna cum supellestile sua, & sociis ire non valentibus, deportaretur ad terram vsque senioris Regis. Accipiebantur autem vbique liberalissimè, vtebanturque hospitiiis semper gratuitis. Cum vero ad regionem senioris Regis venissent, *Modeliar* eius cum tympanis & tibiis obuiam eis processit, acceptosq; honorifice in *Aldea* seu aulam suam deduxit, cibo & potu eos lautissimè reficiens. Cubiculum, vbi dormirent, linteaminib. candidis obductum vndique & exornatum erat, quod maximi honoris signum est, qui in *Celon* alicui exhiberi & præstari potest. Offerebat autem Generalis seniori isti Regi vt & *Modeliari* munera quædam, qui discessuro significabat, Regem non solum gratias ei pro muneribus oblati agere, sed & amicè rogare, vt in reditu ad se reuerteretur, addita hac promissione, non solum omnem suam regionem, siquidem ad eam appellere alio tempore vellet, apertum, sed & omnem beneuolentiam ei declaratum iri.

Hinc porro progressus Generalis, lecticula delatus est ad *Aldea* seu aulam Regina cuiusdam, duobus miliaribus à Regis senioris aula distantem, Regina hæc filia prædicti Regis, & vna ex vxoribus seu concubinis potius Regis de *Candy* erat, qui hanc *Aldea* ei concesserat. Profecta autem erat ad ciuitatem *Vintane*, ad quam cum Hollandi postero die venirent, procedentes ei obuiam vel sex *Modeliari* cum multo populo tibiis tympanisq; & instrumentis musicis aliis instructo, honorificè eum exceperunt, deducentes eum ad hospitium similiter candidis linteaminibus obductum. Manserant ibi per duas noctes. Regina vero, cuius modo mentionem fecimus, significari Generali iussit, magno sese teneri desiderio eum videndi, addita promissione, se omnem ei beneuolentiam vbi reuersus se in *Aldea* sua compellaturus esset, declaraturam. Sita est ciuitas *Vintane* ad fluuium *Trinquamale*, in cuius ripa multæ triremes & naues aliæ ad ministerium Regis de *Candy* extruebantur. Distat à mare quidem 9. à Regno autem *Matecalo* 21. & à *Candy* itidem 9. miliaribus. Estque ab illustri *Pagode* seu templo quodam Templa in India. rotundo præcipuè celebris, cuius fundamentum seu basis circumferetiam habet 130. passuum. Exurgit autem in summam altitudinem, & vndique dealbatum est, excepto vertice seu summitate eius, quæ auro instar pyramidum obducta, oculos aspicientium, Sole nimirum radios suos ad eam proiiciente, admodum perstringit, habetq; turrim quadrata forma magno artificio elaboratam & conspicuam.

Cæterum plura in ciuitate ista habentur templa, & monasterium etiam pro monachis, qui vestitu flauo induti per plateas incedere conspiciuntur, vmbellam manibus pro sole à capite defendendo gestantes, sunt enim rasi instar monachorum nostratum & sphærolas etiam precatorias manibus gestant, sed cruce insigniti non sunt, labia autem semper mouent quasi tacitè secum aliquid musitantes, & magnam sanctitatis speciem præ se ferentes, vnde in magna sunt estimatione, à laboribus oneribusque publicis semper excepti & liberi. Monasterium eorum ita extructum est, vt nostratum formam ferè referat, habet enim peristylia, delubra & sacella, nitidissimo auro vndiq; obducta & ornata. Sed & statuar in delubris sacellisq; conspiciuntur vtriusq; sexus quam plurimæ, quas dicunt eorum repræsentare effigies, qui præ cæteris sanctè vixerint. Impositæ sunt autem vt plurimum aris sacellorum, & vestibus auro & argento nitentib. indutæ. Ante ipsas ingentia candelabra à puellorum nitentium statuis gestantur, in quibus cerei & candelæ nocte dieque semper ardentes cernuntur. Singulis autem horis ad hæc sacella monachi preces & alia sanctitatis suæ officia peractū confluunt.

Monachi in India.

Monasteria in India.

Festi alicuius solemnitatis in India:

Erat, dum Hollandi ibi essent, solemne aliquod Festum ipsis celebrandum, itaque congregati monachi omnes, pulchro ordine, bini & bini per ciuitatem progrediebantur. Abbas vero vel Praepositus eorum Elephanti insidebat auro argentoq; refulgens, & baculum inauratum manibus supra caput eleuatis tenens. Praecedebant eum aliquot monachi pulchro ordine, variis partim instrumentis musicis, vt cornibus, tympanis, tubis, cymbalis, nolis, tintinnabulis, peluibus, & id genus aliis ludentes & mirifico concentu perstreptentes, partim cereos facesque ardentes gestantes, post eum sequebantur multi viri, itidem bini & bini. Agmen vero mulieres & puellae clauderant, eodem ordine incedentes. Pulcherrimae autem quaeque puellarum, antequam egrederetur & reuerteretur in ciuitatem haec pompa, multos ludos dabant, ducentes choreas, & saltationibus mirè tripudiantes, superna corporis parte vmbilicotenus nudae prorsus, inferna supparis seu indumentis vario colore distinctis praecinctae, & brachia, auriculas manusq; auro & gemmis exornatae. Singulis autem dieb, quidam ex incolis ad templa & sacella prostrati conspiciuntur. *Sombayo* seu preces suas tali modo peragentes, vt in terram sese primum abiiciant, postea surgentes, manib. supra caput complicatis verba quaedam tacito murmure mussitent. Certe qui monachos hosce, monasteria item & ritum processionis probe intuentur & perpendunt, aliter cogitare & statuere non possunt, quam quod nostrates monachi maximam suarum ceremoniarum partem ab illis mutuati sint & didicerint, siquidem & hunc morem habeant, quod statuas suas florib, variis exornent, quas passim ad vias, compita, angulos platearum, & arbores collocare solent, eadem ratione, qua in Papatu matris Christi effigiem hinc inde ad idololatriam prostare cernimus.

Rex de Candy suam lepticam Generalem in occursum misit.

Vinum in India crescens.

Generalis ciuitas Candy ingreditur.

Ex *Vintane* porro ciuitate progressi, ad *Aldea* seu aulam Regis filii perueniunt, vbi similiter laute satis & honeste sunt excepti. Caeterum cum itinere vnus adhuc diei a *Candy* abessent, Rex propriam suam lepticam cum Elephantis aliquot ipsis in occursum misit, itaque Generalis lepticam alteram & eos omnes, qui ex *Vintane* eum hucusque comitati fuerant, amice & honorifice a se iterum dimisit. Erat autem leptica ista Regio admodum ornatu conspicua, Attalicoque panno strata. Rex vero de salute Generalis non parum sollicitus, singulis horis alimenta, fructus & vinum afferri ei curabat, quod quidem ibi plantatum crescit virtute, sapore & colore Lusitanico vino non absimile. Veniens autem ad fluuium quendam non procul a ciuitate, cogebatur ibi subsistere, stipatus multis proceribus, qui *Modeliari* ipsis dicuntur. Cum ad horam ferè expectasset, mittebat ad eum Rex supremum suum *Modeliar* siue Praefectum, *Emanuelem Dios* nomine, cum multis Lusitanis, qui omnes Regi seruiantes dissectis auribus erant. Acceptus igitur ab illis Generalis ad urbem porro ducebatur, comitantibus eum circiter mille armatis, qui Turcae partim, partim Aethiopes, *Singales*, *Casseros*, *Lusitani*, &c. erant, octo vexilla, quae a Lusitanis non ita pridem recuperauerant, praeferentes. Erant ibi qui tibiis canentes, variisq; musicalibus instrumentis perstreptentes insignem laetitiam declarabant. Cumque in urbem venissent, & aulam regiam praetereuntes ad destinatum Generali diuersorium contenderent, insigni triumpho multaue tormentorum disputatione excipiebantur. Generalem comitabatur Capitaneus Iungerheltus Flissingenlis, praecedebant vero tres tubicines cum vexillo Principis Mauritii, sequentibus ministris quatuor, quorum alter vexillum Lusitanicum sericeum Regi donandum gerebat, pro quo Rex postmodum aliud a Lusitanis non ita pridem recuperatum ipsis obtulit. In diuersorio omnia more Lusitanico parata

parata erant, manebatque apud Generalem Emanuel Dios cum quibusdam Lusitanis aliis, ut ipsi ministrarent. Peracto prandio mittebat ad eum Rex tres equos ephippiis phalerisq; egregie ornatos, expetens ut ad se veniret, qui assumptis aliquot muneribus ad eum profectus est, cumque Regem salutasset, muneraque illa deposuisset, Rex candido indutus vestitu munera contemplatus est, & filio coniugique contemplanda transmisit, postea obambulando cum Generali de rebus variis contulit, finitque colloquio ad diuersorium eum iterum remisit, qui antequam abiret, classicum canere, fidibusque oblectare Regem ministros suos iussit, qua ex re insignem Rex voluptatem percepit, multoque abeuntem tiliarum clangore profectus est.

Generalis ad Regem in Candy profectus.

Postero die, cum acceptis à Rege equis, ad aulam iterum profectus, & à Rege honorifice exceptus esset, multa quidem Rex de negotiationibus Hollandorum, deque piperis & cinnami venditione cum eo locutus est, at vero cum de pretio conuenire inter eos non posset, iamque Generalis diuersorium suum repetiturus esset, interrogabat eum Rex, quanti aromata modo dicta emere vellet? Qui non propter aromata eo se venisse respondebat, sed ut mandato Principis Mauritijs satisfaceret, quod erat, ut Regem salutaret, omnia beneuolentiae officia ei offerret, & si forte opera sua indigeret, paratum esse Principem auxilia ei contra communes hostes Lusitanos mittere, testatum ipsi faceret. His auditis Rex praegaudio exultare, & cum multa gratiarum actione beneuolentiam hanc acceptare videbatur: comprehensum enim in medio Generalem à terra non nihil eleuabat, & quicquid piperis cinnamiq; paratum haberet (quod 3000. tamen libras non excedebat) dono ei se daturum affirmabat. Excusabat autem hanc piperis & cinnami inopiam, causamque eius esse dicebat, quod negotiationibus hisce operam hactenus non dedisset, sed & arbores aromaticas ipsemet extirpari iussisset, ne hostibus suis Lusitanis veniendi in regnum suum causam ullam relinqueret.

Generalis causam aduentus sui Regi exponit.

Conferebat autem praeterea Rex cum Generali de rebus variis, monstrans ei omnia arma, quae à Lusitanis recuperauerat. Sed & ad Pagodas siue templa, quorum multa ibi cernuntur, traduci eum curabat, ut videret imagines & statuas in eis repositas tanta multitudine, ut numerari vix possent, quae pleraque tantae proceritatis erant, ut vel malum in naui superarent, templa autem ipsa ex quadratis lapidibus extructa erant, concamerato opere, ut vel cum Pontificiorum templis cernere posse viderentur. Cum ista omnia Generalis vidisset, quarebat ex eo Rex, ecquid haec ipsi templa placerent? qui respondit, viuos sese homines aspicere, quam statuas eiusmodi vita carentes, quae nulli officium aut beneuolentiam exhibere possent, male. Cumq; Rex porro, si Hollandorum templa imaginibus Mariae, Petri, Pauli & aliorum Sanctorum, more Lusitanico exornata non essent, ecquid etiam in Christum crederent Hollandi rogaret? Respondit ei Generalis, Hollandos quidem verè Christianos, sed non Pontificios siue Romano-Christianos esse, templa nullis imaginibus conspicua habere, sed firma fide in vnum verum Deum coeli terraeque creatorem credere. Quarebat porro Rex, an Deus Hollandorum mori non posset? Itaque Generalis, cum mortalem quidem hominem nulla ratione Deum esse posse probasset, affirmabat ei expresse, statuas & imagines nullius momenti esse, nec quenquam in necessitatibus iuuare posse, addita admonitione, ut illis relictis, fiduciam suam in Deum rerum omnium conditorem collocaret. Haec omnia bene intelligens Rex, omnia se à Deo habere dicebat, conquerens de iniquitate & malitia suorum subditorum

Templa in urbe Candy.

Colloquium Generalis cum Rege de religione.

Subscribed out in 1644 copy

rum siue *Singales*, quod nimirum ad furta & rapinas propensi nimium essent, & id operam darent, vt clam aliis quicquid possent, arriperent. Respondebat Generalis, nihil quidem tam occultum esse posse, quod Deum lateret, qui nihil impunitum relicturus, sed suo tempore omnem iniustitiam vindicaturus esset, quod ipsum intellexisse sese Rex tali similitudine probabat. Verum est quod dicis, inquit, nam quod quisque seminauit, idem etiam metat oportet.

*Generalis à Rege
ad prandium in-
uitatur.*

Plures quidem sermones inter eos habitos hic referre operæ precium non est. Sequenti vero die Rex missis ad diuersorium equis, ad prandium Generalem cum vniuerso comitatu suo inuitabat. Cumq; ad aulam venisset, deducebat eum cum sociis suis in cænaculum tapetibus preciosissimis stratum, & mirum in modum exornatum. Disposita ibi cernebatur subsellia Hispanica multa, & in tabula siue mensa oblonga omnia Christianorum more parata erant, lauteque Generalis cum suis accipiebatur, cantoribus interim variis instrumentis perstreptentibus. Generalis autem donabat Regem imagine, quæ Principem Mauritium equo insidentem armatum, pugnamque in Flandria 2. Iulii, Anno 1602. habitam, referebat, quæ Regi admodum grata erat, cumque Generalis pugnae exitum rationemque confederatarum Prouinciarum, & belli, quod tot iam annos Principis Mauritijs auspicio Prouinciæ cum Hispano gererent, historiam Regi exponeret, ingentem inde lætitiā & voluptatem Rex percepisse se testatus est.

*Rex de Candy of-
fert Hollandis suā
operam in extru-
endo Castello ali-
quo.*

Commoratus autem ibi est Generalis quinque diebus, neque enim expedire sese citius poterat, cum Rex nunquam finem faceret quærendi de statu & conditione Prouinciarum Hollandiæ. Effigiem Mauritijs Principis à Generali sibi oblatam in loco primario affigi curabat, vt in conspectu eam semper & recenti memoria haberet. Cæterum cum aliquando ad habitationem Reginæ duceretur, qui honor putatur maximus, videretque ibi Generalis Reginam cum filio & filia iunioribus Principibus more Christiano indutam, affirmabat ei Rex, se cum Regina & Principibus suis paratum esse, vel humeris suis cæmentum & lapides asportare, si confederatis Prouincijs, Principique Mauritio aliquando placeret in regione sua propugnaculum aliquod vel Castellum excitare, quod vt commodius fieret, se locum eis conuenientissimum permissurum, quod ipsum quidem etiam literis aliquot ad Principem & Prouincias datis confirmauit, Generalem obsecrans, vt domum aliquando reuersus cum Prouincijs hac de re agere vellet.

*Generalis duos
Musicos Regi do-
nat.*

Sed & multis muneribus Generalem Rex donauit, cumque musicalibus instrumentis admodum delectaretur, sibi que aliqua permitti peteret, Generalis non solum instrumenta varia ei donauit, sed & Erasmodum Matisbergium & Ioannem Kempelium in omni instrumentali musica exercitatissimos iuuenes eis adiunxit, quod Regi quidem tam gratum fuit, vt non solum iuuenes eos in aulam suam statim reciperet, sed & seipsum in arte Musica exercere inciperet. Regina quidem, & Princeps iunior, Matisbergium à secretis sibi esse volebat, Rexque ipsemet linguam addiscere Belgicam incipiens, regnum suum nouam Flandriam vocabat, tantamque præ se ferebat lætitiā, vt gratum sibi Generalis aduentum esse nemo dubitaret, qui Regem ita etiam informauit, vt quin Hollandis quidem amicus, Lusitanis autem inimicus perpetuo futurus sit, dubium esse nullum possit.

*Generalis à Rege
iterum abijt.*

His ita paratis Generalis quidem à Rege iterum dimissus est, qui in lingua Singalica vocatur *Fimala Derma Suri Ada*, cuius nominis origo & ratio postea declarabitur, vbi ad illa peruenierimus, quæ post obitum magni Regis

Regis in *Darma* acciderunt. Adiungebantur autem Generali multi Elephantes & satellites, quibus ad naues suas perduceretur, sed & iacula quædam maiora, quæ *Sergonios* nominant, Rex ei donabat, quibus fidem & constantiam amoris sui confirmaret, similiter & inauratum *Somberero* cum mancipiis aliquot, quorum opera in itinere uti posset. Atque ita Generalis hinc inde per totam illam regionem profectus est, absq; vlllo sumptuum dispendio, præterquã quod munera quædam Regi & aliis obtulit, totumq; iter 22. dierum spacio confecit.

Ad naues autem iterum reuersus, constituit circa vltimum Augusti diem inde soluere & iter suum continuare, quo quidem tempore tempestates, quas *Monson* vocant, ex Oriente expectabant. Cum autem præter viginti duos in naui sua non numerarentur amplius, ex Viceadmiralis naui, in qua 45. adhuc erant, personas aliquot assumebat, licet non deessent, qui factum hoc reprehenderent, quos ipse tamen amicis verbis ita placabat, ut perficiendo itineri factum hoc apprimè necessarium & utile esse, palam profiterentur.

Generalis discessit cum nauibus suis parat.

Circa quintum Augusti veniebat ad naues *Modeliar* siue Capitaneus supremus *Emanuel Dios* nomine, cum aliis quibusdam Subpræfectis & 120. armatis. Hic ablegatus erat à Rege, ut naues perlustraret, cum Generali de rebus quibusdam necessariis conferret, & locum quendam, ubi alio tempore applicare cum nauibus suis Hollandi possent, ipsi ostenderet. Huic omnia humanitatis & benevolentiae officia sunt exhibita. Cumq; cœptam amicitiam iureiurando vtrinque confirmassent, ad littus iterum cum multo armatorum comitatu, duobus nauigiis imposito, traductus est, unde singularem ipse lætitiâ percepit. Accidit autem octauo Augusti, cum *Modeliar* adhuc in naui esset, ut viderent in mari nauigium aliquod, itaque Generalis scapham statim suam cum armatis aliquot comprehensum illud emisit, qui ei appropinquantem triremem esse animaduertent, onerum 45. capacem. Quamuis autem 46. viri in ea numerarentur, superare tamen sese à scapha Hollandorum, quæ vix 14. armata erat: viris, permittebant. Gubernator triremis istius *Antonius de Costo Montero* dicebatur, onerata autem erat maxima parte *Arecca*, fructu Hollandis parum utili, cinnami, piperisque modico. Cum igitur *Modeliar* hoc videret, confirmabatur penitus in animo suo, ut crederet vere hostes Lusitanorum Hollandos esse, de quo hætenus aliquo adhuc modo dubitauerat. Accipiebat autem ex triremi arma quædam, ipsamque triremem Generalis cum omni *Arecca* Regi donabat, qui cum excursore id intellexisset, non parum inde lætitiæ voluptatisq; percepit.

Modeliar Regis ad naues venit.

Triremis Lusitanica ab Hollandis expugnata Regi de Candy dono datur.

Nono Augusti prædictus *Modeliar* iter iterum ingressus est, Regi omnia quæ vidisset commemoraturus. Profectus est autem cum eo *Gionlefortus* & alii, promissa aromata allaturi, quæ paulo post eorum abitum nauibus illata sunt, erantque cinnami siue cassiæ 60. piperis vero 16. & corcomæ quatuor sacci. *Gionlefortus* vero ad Regem veniens, honorificè cum sociis exceptus, & aliquot annulis aureis donatus est. Quamuis autem plus cinnami siue cassiæ in ciuitate superesset, expectare tamen Hollandi, donec illud tam longo itinere adueheretur, non poterant, cum præsertim tempestates *Monsonii* præforibus essent. Itaque absente *Gionleforto*, de rebus necessariis sibi prospexerunt, ut quamprimum ipse reuersus esset, iter inde soluentes iterum ingrederentur. Cæterum cum 11. Augusti die iterum nauigium aliquod Lusitanicum *Arecca* onustum comprehendissent, illud Regi de *Matecalo* donarunt, qui licet Generali paulo ante potestatem dedisset Lu-

Gionlefortus ad Regem de Candy proficiscitur.

sitanos hostiliter persequendi, auxilio simul ad hanc rem promisso, iam tamen protestari & indignari quodammodo videbatur, quod iniuriam Lusitanis in Regno suo inferrent, idque ideo ut suspicione sese apud Lusitanos liberaret, quorum, ut cognitum postmodo est, tributarius aliqua ex parte existit. Sequenti die aliud nauigium *Arecca* similiter oneratum ceperunt, in quo viginti personarum numerabantur, quos omnes ad naues suas trauxerunt, fructum illum *Arecca* pro gemmis & cibariis aliis permittentes. Supradictus interea *Antonius de Costa Montero* captiuitate sese per custodis incuriam liberauerat, qui poenas negligentiae suae satis graues dedit. Reliqui autem Lusitani de redimenda naui agentes, tempus protrahabant, cupientes Hollandos illic detinere, donec a Monsonii tempestate apprehenderentur. Verum ipsi dolum subolfacientes, cum in tribus hisce nauigiis centum ferè viros cepissent, quosdam in nauibus secum retinuerunt, reliquos vero ad Regem de *Candy* traduci curarunt.

Hollandi ex Matocalo solunt.

Primo Septembris die Gionlefortus cum sociis suis ad naues iterum reuersus est, literas à Rege & munera aliqua afferens. Cum igitur *Monsonii* tempestates iam iam instarent, concluderunt omnino sequenti die inde soluere & iter suum continuare, idque eo magis quod viderent Lusitanos dolo malo redemptionem nauium simulare, ut ita à tempestate apprehensi in extremum periculum inciderent. Postquam itaque Generalis ad litus cum scapha profectus quaesiuisset ex incolis, nunquid eis Hollandorum aliquis quid deberet, addita promissione se debitum omne persoluturum, & vero neminem esse cui aliquid deberetur, cognouisset, nocte ea, quae 2. Septemb. diem sequebatur, nauigiis Lusitanicis duobus, in testimonium quod vere Lusitanorum hostes essent, igne accensis, ex portu illo soluentes abierunt, *Achian* in *Sumatra* Insula sitam petitori.

Historia Regni Celon.

Antequam autem itineris huius & nauigationis cursum pertexamus, placet hic commemorationem instituere eorum, quae in regno *Celon* post mortem Regis *Ragu* acciderunt, & quomodo regnum *Candy* in Insula hac *Celon* situm potestate & imperio Lusitanorum sese liberauerit. Rex huius Insulae *Celon*, dictus *Mara Ragu*, tres habebat filios legitimos Regni heredes, & vnum illegitimum nomine *Darma*, natum in vrbe *Setavacca*, quae Regum in *Celon* sedes est, matre vulgari & ignobili *Bailliardeerse*, ex earum nempe mulierum numero, quae propter insignem saltandi peritiā in aula regia habentur. Hic *Darma* cum à prima pueritia in bello educatus esset, insignem belli gerendi notitiam sibi comparauerat. Cumque prudentia & fortitudine multum valeret, iamque milites omnes sibi fauentes haberet, constituit tandem secum, patre suo *Mara Ragu* fratribusque tribus, Regni nempe heredibus legitimis sublati, Regnum ad se transferre. Cum igitur hoc ex animi sententia ipsi successisset, ad ciuitatem *Setavacca* perueniens Rex in *Celon* salutatus est. Scribunt aliqui, hunc *Darma* tonforis siue Chirurgi cuiusdam filium fuisse. Sed Hollandi cum in Insula hac versarentur, de ortu eius diligentissime inquirentes, cognouerunt, eum verè praedicti Regis *Mara Ragu* filium fuisse, licet non negauerim, eum in bello scientiam huius artis sibi comparasse, & eius amantem postmodum semper fuisse. Erat autem durus in *Singales*, & magnam tyrannidem passim exercebat, quod videret eos animo à se alieniori quam milites esse, & ut factum suum probarent, adduci non posse. Verum militibus gratus erat & acceptus, viuebatque semper in armis, omnia Lusitanis propugnacula, *Columbo* & *Mannar* exceptis, eripiens.

Rex Darma, quomodo ad regnum peruenit.

Erat in praedicta Insula aliud adhuc regnum, *Candy* nempe, Regibus illis qui

qui in *Setauacca* sedem suam habent, non subiectum. Hoc regnum potentia & opibus multis abundabat, subditosque habebat plerosque omnes *Singales*, qui prædictum *Darma* pro Rege suo agnoscere nolebant, perpetuumq; cum eo bellum gerebant, Lusitanorum vñ præsidio. Cum igitur ei semper propter sæuitiam & tyrannidem nimiam in fensu essent, factum tandem est, vt veneno extinctus tolleretur, quo sublato *Singales* quidem cum Lusitanis egerunt, vt modicum ipsis soluentes tributum in pace & tranquillitate viuerent. Hac itaque ratione accessus Lusitanis ad Insulam *Celon* patefactus est, vt hincinde in portub. maris & locis aliis propugnacula excitare pro libitu suo possent. Reliquerunt autem inhabitantibus Ethnicæ suæ superstitionis exercitium liberum, & cognationem etiam cum illis contraxerunt, matrimonia hincinde libera facientes, vt inde appareat, diuitias Lusitanis & opes momentaneas maiori, quam religionem Romanam curæ esse, cum præsertim multi inter *Singales* Ethnicos passim mixti habitare videantur, vbi nec templa aut sacella vlla, nec sacerdotes monachique reperiuntur, vnde cum ipsis etiam Ethnicis in multis iam sentire deprehendas.

Darma rex ueneno tollitur.

*Inked out in
366 copy.*

Accidit autem, vt cum Rex in *Candy* moreretur, esset ibi *Modeliar* siue Præfectus supremus quidam, qui dicebatur, *Fimala Derma Suri Ada*. Hic in iuuentute sua ex *Candy* ciuitate in propugnaculum *Columbo* dictum delatus fuerat, eratq; filius primarii cuiusdam Principis in *Candy*, cumq; in religione Lusitanica institutus esset, baptizatus est, & fratris Philippi Hispaniarum Regis nomine, *Ioannes de Austria* nominatus est. Porro ex *Columbo* ad propugnaculum aliud *Goa* dictum delatus est, vixitque ibi cum gubernatio eius propugnaculi esset penes Emanuelem Sofam Cottinium, cum Matthæus Albericus Viceregis nomine eo veniret. Hic igitur *Fimala Derma Suri Ada*, cum vir factus prudentia fortitudineq; maxima præstaret, à Lusitanis *Modeliar* siue Præfectus in *Candy* factus est, vt secundus à Rege gerendis maxime bellis præficeret. Putabāt quidem Lusitani, eum sibi fidelē fore, cum in Christiana religione institutus & baptizatus esset, at vero ipse cum nō milites solum, sed & *Singales* Sympatriotas suos sibi admodū fauentes haberet, & iam potentia opibusq; valeret plurimum, Regem seipsum constituit, omnesq; Lusitanos in *Candy* liberè habitantes extirpauit, bellum Lusitanis apertum denunciāns. Videntes igitur Lusitani, spe sua sese frustratos esse, cum superesset adhuc filia defuncti Regis, quam ipsi in propugnaculo *Mannar* educari & baptizari curauerant, Catharinę nomine ei imposito, Reginā eam facere, & Petro Lopes de Sosa, Gubernatori in *Malacca* despondere nitebatur, moxq; contracto ex *Goa* & aliis locis ingenti exercitu, eam sub prædicti Petri Lopes imperio ad ciuitatem *Candy* traducebant.

Rex in Candy mortuus quomodo ad regnum peruenit.

Cum igitur tantas secum adduceret Petrus Lopes cōpias, viribusq; suis *Ioannes de Austria* diffideret, cedendum eius furori ratus, relicta ciuitate lucos & dumeta cum armatis aliquot occupauit, transitus ad urbem omnes obseruauit, ne quid commeatus ad eam perferretur prohibuit, Lusitanosq; omnes ubicunq; extra ciuitatem constitutos trucidauit. Hisce difficultatibus coactus Lopes ex vrbe tandem egreditur, locumq; vndiq; patentem occupat, aperto Marte cū *Ioanne de Austria*, qui in Singalica lingua *Fimala Derma Suri Ada* vocabatur, conflicturus. Congressi igitur die quodā Dominico Anni 1590. vterq; exercitus, licet Petrus quidem Lopes 40. Elephantes & exercitatissimos secum haberet milites, superatus tamen tandem à Ioanne de Austria, & in pugna interfectus est, Elephantibus omnib. comprehensis, Lusitanis vero cæsis partim, partim cōprehensis & in seruitutem redactis.

Rex in Candy Lusitanos superat.

Rex in Candy Re-
gis filiam Catha-
rinam in uxorem
ducit.

Mores Singalen-
sum.

Civitas Candy
turribus & aedi-
ficiis illustratur.

Hieronymi. des O-
uedo à Rege in Can-
dy in fugam ver-
sus.

Emanuel Dios
quomodo supre-
mus Modeliar fa-
ctus sit.

Impetrata hac victoria, regia iam potestate plenariè vti Ioan. incipiebat, Catharina Regis filia matrimonio sibi iuncta, à qua iuniores suscepit Principes. Erat autem Catharina illa tum temporis annorum nouem vel decem. Victoria vero ista non quidem viribus & potentia Singalensium, sed post Deum, in cuius manu sunt omnes exercitus & fines terræ, prudenti administrationi ipsius Regis Ioannis adscribenda est: *Singales* enim, etiam si corpore sint robusto & firmo, laborem tamen & res aduersas tolerare non possunt, cumque omnes ferè bonis & opibus abundant, cibis deliciarioribus vescuntur, omnem in diuitiis suis fiduciam ponunt, & laborare sibi turpe ducunt. Cibos, pransuri, foliis arborum *Bonannes* imponunt, bibituri *Gorgelanes* vsurpant, hoc est, vasa fictilia formam ollæ referentia, quæ quidè ori non admouent, sed per immissam arundinem euacuant. Cibos, quos manibus semel contrectatos absumere non possunt, nemini præterea offerunt, sed canibus deuorandos obiciunt, nec enim quisquam tam abiectæ conditionis apud illos est, qui, quod alius contrectauit, ori admouendum censeat.

Edita hac strage Rex Ioannes regnum suum tranquillè obtinuit, *Tranqueros* & propugnacula Lusitanorum, qui illis relictis ad *Columbinum* propugnaculum confugerant, subuertit, & ad colendam pacem regnumque suum amplificandum omnes cogitationes conuertit. Cœpit igitur arcem regiam & multa templa extruere, turribus item & aliis ædificiis, more apud Christianos vsitato, urbem *Candy* illustrauit, laborem perficientibus Lusitanis, qui in pugna illa captiuitatem subierant, sed & castellis & propugnaculis passim in regno suo excitatis, contra insultum & impressionem Lusitanorum sese probè muniuit, noui subinde aliquid inueniens, quo contra hostes suos vtatur.

Anno post pugnam hanc quarto vel circiter, cœpit Hieronymus des Ouedo, Dux exercitus in *Celon*, variis modis regno *Candy* insultare, sed conatus omnes frustranei erant, donec cum multis copiis, mandato Regis Hispanici, ad apertum bellum procederet, multos *Canallieros Fidalgos* ex *Goa* secum adducens, quorum ibi ingens est frequentia. Existimabat autem regnum omne iam superatum esse & expugnatum, verum vt ad locum *Bal-lene*, vbi prædictus Lopes cæsus fuerat, progressus, ibique castra sua metatus esset, Rex Ioannes contra eum profectus, tanta fortitudine in eum mouit, vt nisi instructam semel aciem summa vi à dissolutione cohibuisset, eandem quam Lopes ante hæc tempora fortunam expertus certo certius fuisset. Verum ille exercitum suum in ordine cohibere, & inter decedendum etiam pugnare edoctus, ad quintum vsque diem se sustinuit, donec, licet non sine multorum militum iactura, propugnaculum *Columbinum* tandem iterum affecutus periculum euaderet. Ab hoc quidem tempore ad manus venire & in aciem procedere amplius non sunt ausi, licet subinde velitari pugna ex castellis & propugnaculis suis, quæ *Tranqueros* nominant, & spacio integri vel dimidii miliaris ab inuicem remota sunt, vires suas ab vtraque parte exercere videantur.

Accidit circa festum Paschatos Anno 1602. vt Emanuel Dios, qui iam supremi *Modeliaris* vel Præfecti locum in *Candy* obtinet, & tempore eo, quo Lopes caderetur, cum aliis captiuis in *Candy* ciuitatem delatus, hætenus ibi se sustinuerat, ad Hieronymum des Ouedo in *Columbinum* propugnaculum concederet, rationem sese inuenisse dictitans, sublato è medio Rege, *Candy* ciuitatem Lusitanis tradendi. Talia dictitans gratus admodum & acceptus Hieronymo erat, qui non fidem solum ei adhibebat, sed

sed & iureiurando eum sibi obstringebat, vt cum quinque Lusitanis aliis, tribus nempe Præfectis, Christiano Iacobino, Alberto Primero, Ioanne Pererro, & duobus gregariis militibus, in urbem profectus, operam suam Regi offerret, quo insidias eius vitæ struere & pmissis suis satisfacere commodius posset. Donabatur multa in hunc finem pecunia, addebanturque promissiones splendidæ, certo enim sibi persuadebant Lusitani, sublato Rege, Regnum sese facile sub iugum suum pertracturos. Et sane Hieronymus ille nihil sibi aliud persuadebat, quam ciuitatem & regnum iam in sua manu esse. Emanuel autem Dios perfugam sese ex Columbino propugnaculo simulans, cū ad Regem perductus esset, exponit ei quid inter se & Hieronymum de Rege interficiendo actum esset, monet eum de insidiis, quas in occulto Hieronymus constitutus habebat iuxta fortificationem *Ballene*, quam primo omnium expugnare constituerat. Rex igitur nocte illa cum multis armatis fortificationem seu propugnaculum istud ipsemet ingreditur, cumque quinque illi Lusitani, qui cum Emanuele aduenerant, putarent, Emanuelem suam operam Regi offerre, adest statim Emanuel eosque per obscuros aliquot transitus ad Regem deducit, habentes secum egregios *Transchados* seu pugiones Iapponicos, quibus Regem trucidarent. At ille comprehendit statim eos & in vincula conlici iussit, quibus etiamnum detinebantur, quando Generalis cum Rege sermonem haberet, cui vnum etiam ex pugionibus istis Rex donauit. Pro hac autem & simili sibi nauata opera Rex Emanuelem istum honore supremi *Modeliar* siue Præfecti, qui honora Rege proximus est, dignatus est, cum præsertim ob singularem prudentiam & fortitudinem in regno suo admodum conspicuus esset, & in oppugnandis Lusitanis nulli labori parcere videretur, quemadmodum eius rei eo quidem ipso tempore, cum Generalis apud Regem esset, haud obscura signa dedit, excursionem ad *Tranqueros* siue propugnacula Lusitanica aliquoties facta, & spoliis haud contemnendis in urbem secum allatis.

Cæterum Rex in *Candy* regionem tenet satis amplam, multis ciuitatibus & oppidis, frequentique populo conspicuam, subditi eius abundant opibus, vestitu vtuntur decenti ab umbilico in terram demisso, qui vero graciliores sunt & procero nonnihil corpore, *Roppillios* siue thoraces adhibent multis annulis insignes, ab auriculis gemmas habent dependentes, & pugionibus armati incedunt. Mulieres nudo incedunt pectore, vestitum vero ab umbilico ad pedes demissum admodum nitentem & decorum habent, verecundo sunt aspectu, & corpore satis eleganter disposito, capita capillo proprio tegunt, quem sine vllis fasciis siue sericeis siue linteis ita inuoluere & componere norunt, vt reticulum capillare seu vittam eas gestare in capite putes, in collo monilia gestant, & armillas in brachiis, gemmis & auro conspicuas, digitos vero in manibus pedibusq; aureis annulis exornatos habent. Ædificia inhabitant artificiose extructa & eleganter ornata. Viunt vero semper in delitiis, & cibis vescuntur admodum delicatis, quos mulieres quidem coquere & parare quam optimè norunt. Regionem incolunt gallinis, piscibus, ceruis, pauonibus, porcis, butyro, lacte & melle, nec non variis fructibus, veluti sunt *Annanes*, *Bonmanes*, *Coques*, *Jacques*, *Manges*, mala aurea & id genus alia, abundantem, carne vero bouilla, vaccina, & bubula plane abstinent, nec vino etiam vllò delectantur. Habitant autem inter Singales illos multi Æthiopes, Turcæ & gentes aliæ, quibus omnibus peculiare ius, peculiarisq; religio est. Præ cæteris autem frequentes ibi *Bran-cos* inuenias, qui cum admodum superstitiosi sint, magna in existimatione habentur, in cibum quod vitam habuit non assumunt, animaliaque illa in-

*Vestitus populus
in Candy.*

uocant, quæ manè domo egressis prima occurrunt. Hoc cum aliquando Generalis cur facerent rogaret: à Deo sibi ita imperatum & mandatum esse, responderunt. Cum vero pergens Generalis, omnia quæ vel in terra vel aquis viuunt Dei nostri esse, eumque, cum populus eius simus, hisce omnibus imperandi & vescendi potestatem nobis dedisse, diceret, responsum nullum accepit.

Polygamia in Insula Celon.

Cæterum non in regno *Candy* solum, sed per vniuersam Insulam *Celon* moris est, ut viri tot vxores ducant & habeant, quot nutrire & sustentare possunt, itaque virgines vix decimum ætatis annum assecutæ, ad matrimonium abripiuntur, mortui vero igne cremantur. Oryzæ in regione ista tantus prouentus est, ut magna copia ad alia etiam loca transferri possit, itaque multæ passim Canoes, Champanes & alia id genus nauigia passim in portibus ibi cernuntur pro coemenda oryza, verum negotiationes exercere sine Lusitanorum permissu non licet, itaque tributum eis persolunt, ut suis studere commodis in pace possint, idque exemplo Regis in *Matecalo*, qui licet regionem habeat multo populo abundantem, possitque Lusitanorum facile iugum excutere, tamen pacis magis quam belli studiosus, ut subditis suis negotiari passim in maris littore liceat, tributum Lusitanis persoluit annum, oryza nimirum tantum, quantum vix 50. coronatis redimi possit. Rex vero in *Candy* tributum nullum persoluit, vna cum duobus fratribus, qui ante hæc tempora similiter cum Lusitanis in *Columbo* vixerunt, & ab eis baptizati sunt. Hi Regem contra Lusitanos iuuant, sed tacite tamen & occultè, ne Lusitani id sentiant. Imperat autem Rex in *Candy* populis ab utraque ripa fluminis *Tringuanemale* habitantibus, quod flumen ciuitatem *Vintane* præterlabitur, in qua triremes & nauigia Regis parantur.

Insula aromatum & metallorum diues.

Porrò diues est hæc Insula cinnami & piperis, nam hæc aromata magna ibi copia crescunt, verum *Singales* nullam illis colendis operam impendunt. Reperiuntur vero etiam in regno *Candy* multa metalla, nempe ferrum & cuprum, suntque montes auri & argenti feraces, sed Rex fodinas nullas admittit. Gemmas & pretiosos lapides, qui in *Candy* reperiuntur, nemini colligere aut distrahere & vendere licet, præterquam ipsi Regi, qui eos quidem in thesaurum non reponit, sed cum illis opus habet, colligere iubet quantum satis est. Instabat quidem Generalis apud Regem, ut permutare sibi lapides aliquot pretiosos liceret, sed repulsam patiebatur, & ne pergeret hoc amplius expetere, offerebat ei Rex ducentos lapides omnis generis, affirmans se eos ipsis dono dare, nullos autem vendere aut permutare velle. Interim tamen ab aliis multos permutando acquirebant Hollandi lapides, existentibus quotidie in littore regni *Matecalo*, & ad naues confluentibus, qui eorum mercaturam exercebant, clam tamen & tacite, ne à Rege id animaduerneretur. Hoc quidem certum est, gemmarum in Insula hac maximum esse prouentum, nam & in fluminibus si arenam eluas, & in canalibus vrbs *Candy*, varii lapides inueniuntur. Sed & christallum ibi reperias, & si fodere ibi & inquirere liceret, dubium non est, quin ingens sese pretiosarum rerum copia sit oblatura. Lapidibus præterea operarii multi multaque ligna extruendis ædificiis, nauibusque parandis idonea, ibi reperiuntur, nec salinæ ipsis defunt, ut ita Insula hæc nulli quo ad fertilitatem cedere videatur. Terra est bona & omnium quæ ad necessitatem & sustentationem nostram pertinent, ut in nostris regionibus ferax, dummodo quis sit, qui colendo agro operam impendat. Sed & gossypium & zingiber, *Corcomma* item, *Cardomoma*, *Mirabelanes*, &c. ibi reperiuntur. Macis etiam & nucum myristicarum aliquis prouentus est. Cumque cælum bene temperatum sit,

fit, non æstus ibi nimius, nec frigus nimium deprehenditur. Sed dolendum est interim vera eos Dei agnitione carere, quamvis spes aliqua sit, fore ut ipsis lux agnitionis diuinæ imposterum affulgeat, cum populus sit non pertinax & obstinatus, sed placidus & humanus, qui non solum admonitiones libenter admittit, sed & meliorem informationem, si quando erroris conuincatur, expetit. Quod si superstitionem eorum quis reprehendat, benignè respondent, aliter sese institutos non esse, eamque religionem longo usu in sua regione receptam esse, addentes interdum non ignorare sese idola quæ colant nullius pretii esse. Regina Catharina templum profanum nullum ingreditur, Rex vero in gratiam subditorum *Singales* ea interdum frequentare cogitur.

*Spes agnitionis
Dei in regno Can-
dy aliqua.*

In dicta iam sæpe Insula *Celon* multi visuntur peregrinatores, qui peregrinationem suscipiunt ad montem *Adami*, visum ibi vestigia eius, in quo quidem monte *Ioannes* Rex ipsemet etiam aliquando fuisse, & mensuram vestigiorum in urbem *Candy* secum attulisse dicitur. Cum festa sua celebrant, multa sacrificia idolis suis *Singales* offerunt, nouitque Rex optimè pecuniam & opes à subditis suis extorquere, templa enim extruere incipit, pecuniaque in hunc usum opus sibi esse asserit, mox imperfecta relinquit, non sufficere pecuniam contributam dictitans, exactionesque nouas subinde excogitat. Nummis vtuntur argenteis, quos *Larins*, & aureis, quos *Fannons* vocant. In templo quodam siue *Pagode* eximie magnitudinis, quod conspicuum est illis, qui à *Poincto di Gallo* soluentes, *Matecalo* petunt. Statua quædam eleuata est admodum procera, strictum manu gladium tenens. De hac referunt *Singales* miraculum aliquod, nempe quod cum Rex *Ioannes*, qui ludibrio statuam istam semper habuerat, aliquando templum illud ingressus esset, statua gladium manu vibrarit & commouerit, icturæ quasi minitans, ut in stuporem Rex totus versus sit. Hoc si verum est, ludibriis Diaboli totum adscribendum, qui idololatriam hac ratione stabilire voluit. *Singales* enim tanti hanc statuam hocque templum faciunt, ut donec illud saluum sit, mundum interire non posse dictitent. Tota autem regio abominationum plena est, nam si quando morbo aliquis corripiatur, statim ad statuas confugiunt, & sacrificium Diabolo offerunt, quo fine quidem sportulas habent in ædibus suis repositas, quibus colligunt, unde Sacrificium faciant, sperantes liberationem ex calamitatibus sese hac ratione impetraturos. Reperiuntur, aliqui qui idolum ad formam capitis Elephantis ex ligno vel saxo fabrefactum pro impetranda prudentia inuocant. Et quidem eiusmodi abominationes varie ibi reperiuntur, ut optandum sit, quosdam Christianos Principes laborem hunc ab idololatria loca ista perpurgandi suscipere, quod quidem factu difficile non foret, si essent qui summo studio & pio zelo gloria Dei rem aggredirentur, cum populus sit tractabilis, ut antea dictum est. Nam quod ad *Lusitanos* quidem attinet, illis curæ non est, quomodo miseri & excæcati homines ad Deum conuertantur, sed quomodo commodum suum ipsi promoueant. Respexit hunc finem Generalis, cum *Erasmus Matisbergiū* ibi relinqueret: cum enim videret, Regem virum admodum prudentem, summo studio de politiæ & religionis apud nostros constitutione inquirere, sperauit, hac ratione fore à superstitionibus Ethnicis paulatim abducere, & ad agnitionem veritatis perueniret, quod ipsum quidem *Erasmus* modis omnibus sese promoturum pollicitus est.

*Peregrinationes
& miracula diabolica in Celon.*

*Summed out in
...copy.*

Quod ad magnitudinem & circumferentiam huius Insulæ *Celon* attinet, ea quidem ingentis olim capacitatis fuit, sed non parum ei hodie ma-
tis in-

Quantitas & di-
mensio Insulae Ce-
lon, cum præcipuis
eius locis.

ris iniuria in parte Septentrionali decessit. Existimatur tamen adhuc in cir-
cumferentia ferè 300. miliaria continere. Portus habet capiendis nauibus
admodum idoneos, imprimis autem commendatur Portus ille quem vo-
cant *Poincto di Gallo*, vbi statio nauium est tam commoda, vt vix meliorem
tota India inuenire queas. Loca vero præcipua cum eorum ab inuicem di-
stantia ita recensentur. Principio à *Poincto di Gallo* Occasum versus, ad *A-
lican* numerantur 9. miliaria, inde ad *Verberin* est miliare vnum, ad *Calutre*,
numerantur tria, ad *Columbo* sex, ad *Negombo* quinque, ad *Gilan* itidem quin-
que, ad *Putalon* decem, ad *Mannar* vero octodecim. Iam ab altera parte à
Poincto di Gallo Ortum versus si contendas, occurrit primo *Bellingan*, quod
à *Poincto* abest 4. miliaribus, inde ad *Mature* numerantur duo miliaria, ad
Dondoure vnum, ad *Tannadar* itidem vnum, ad *Halpilanam* duo cum dimidio,
ad *Sialle* tria, ad *Velebe* nouem, ad *Tansalier* septem, ad *Trincoly*, quod tem-
plum vel *Pagode* est, duodecim, ad *Matecalo* quinque, & tandem ad *Tringua-
male* decem numerantur. Hæc loca omnia in littore maris sita sunt, à *Co-
lumbo* vero versus ciuitatem *Candy* iter suscipienti, occurrit primo *Tranque-
ro grando*, numeranturque ad hoc oppidum tria miliaria, hinc ad *Malevae-
no* numerantur miliaria duo, ad *Crovabely* tria, ad *Manieratuete* quatuor, ad
Dirvely tria, ad *Matappety* duo, ad *Altonnor* vnum, ad *Ganiattany* itidem v-
num, ad *Ballene* vnum, & ad *Candy* vnum. Postremo si à *Matecalo* ad ciuita-
tem *Candy* quis contendat, occurrit ei primo *Aldea More*, abestque à *Mate-
calo* dimidio miliari. Inde ad oppidum *Oncattory* numerantur duo miliaria,
ad *Viado* itidem duo, ad *Neguritti* quinque, ad *Nilvaele* duo, ad *Vegamme* qua-
tuor, ad *Vintane* sex, ad *Vendro* quinque, & tandem ad ciuitatem *Candy* qua-
tuor.

Generalis ad A-
chian ciuitatem
venit.

Haftenus de Insula *Celon* & regno *Candy*, iam vt cœptum nauigationis
cursum pertexamus, cum ex *Matecalo* soluissemus, *Achian* ciuitatem in In-
sula *Sumatra* sitam 16. Septembris assecuti sunt. Inuenerunt autem ibi Ce-
locem suam, quam iuxta *Comoram* Insulam noctis & tempestatum iniuria
ex conspectu suo amiserant. Præfectus eius nauis Speccius, cum sibi nihil
polliceri posset de reliquarum nauium aduentu, & nauem suam aquarum
& tempestatis iniuria admodum deprauatam videret, diffideretque suis vi-
ribus, egerat cum Generali Anglicarum nauium Præfecto, *Lancestrio*, vt
Celocem istam cum omni, qui in ea adhuc supererat, populo in suum con-
uictum reciperet, & tria piperis onera gratis ad Londinum ciuitatem vsque
secum transportaret. Facta erat hæc transactio ante Generalis aduentum,
qui cum adueniret, ad prandium statim à *Lancestrio* inuitatus est, vt de hac
conuentione edoceretur, à quo cum intelligeret se cōstituisse portum *Ma-
lacca* petere, ibiq; nauem aliquam Hispanicam, quæ à S. Thoma *Malaccam*
aduentura dicebatur, oppugnare, obtulit ei Generalis suam operam, vt na-
uim istam eo commodius & rectius expugnaret.

Generalis Regem
in Achian accedit.

Antequam autem abiret, in terram prius cum decem personis aliis de-
scendit, literasque Regi à Comite Mauritio allatum profectus est. Venien-
tem autem ex naui exceperunt statim Hollandi aliqui, qui pro exercenda
negotiatione ibi relictī fuerant. Ducebant autem illum secum in domum,
quam inhabitabant, vt ibi responsum Regis expectaret, quando nimirum
ad aulam pergere & literas ei exhibere deberet. Cum igitur paululum cum
Belgis illis locutus fuisset, aduenit statim *Corcon* siue *Sabandar*, Regemque,
quando vellet, accedendi liberam ei potestatem fecit. Itineri igitur sese
quamprimum accingens, aulam regiam cum *Guionlesorto*, & prædictis Bel-
gis, qui erant *Cornelius Iolit*, *Ioannes Mertsen*, *Lucas Ianfon*, *Nicolaus
Peterfen*,

Peterfen, & Philippus Graue de Sencion, ingressus est. Veniens in aulam admissus non solum ad Regem est, sed & amicè admodum exceptus. Cumque post oblata Regi munera, literas Mauritii, quæ pro beneuolentia Regis & negotiationes exercendi licentia consequenda scriptæ erant, ei exhibuisset, breuem & modestam admonitionem addidit, vt Rex incommodum Anno 1599. duabus nauibus à subditis suis illatum, inultum non haberet, sed si fieri posset, aliquo modo recompensaret, qui respondit, se seuerè admodum in auctores istius facti animaduertisse, nec quenquam impunitum reliquisse, ita vt etiam filio suo, qui Rex in *Pedier* iam esset, non percerit, propterea quod malum hoc non prohibuisset: addebat & hoc debere Generalem liberè indicare, si quos eius facti auctores nosset, daturum sese operam, vt impuniti non maneant. Cæterum liberalem sese & beneficium erga Generalem exhibebat, inuitabat enim in eius gratiam aliquot regni sui proceres, qui eum potando exhilararent. Sed & mulieres cantu, choræis & tripudiis haud parum afferebant ipsis oblectamenti, cum præsertim auro & gemmis pulcherrimè exornatæ incederent. Finito prandio cum abitum Generalis pararet, gladio Indico inaurato, & veste auro intertexto nitente, eum Rex quemadmodum & Gionlefortum donabat.

Cæterum Generalis 21. Septembr. cum Lancestrio & reliquis Anglis inde soluens, & mari sese iterum committens, reliquit interea ibi Corneliū Speccium, alterius nauis Præfectum, vt cum Gionleforto piperis coemendi curam susciperet, ipse autem *Malaccam* petens, 25. Septembris ad Insulam *Pulo punaon* dictam delatus est. Primo Octobris cum paruam quādam Insulam, *Isla de Gerro* dictam, attigissent, hærebant ibi, nauim Hispanicam præstolantes. 11. Octobris, cum nauigium aliquod è longinquo viderent, ablegabant statim cum cymba aliquos qui illud explorarent. Erat autem nauis quædam ex *Iore*, hominesq; omnes ad Hollandorum aduentum eam reliquerant, beneficio *Canoes* euadentes. Est hisce Indianis perpetuum bellum cum Achiensibus, ideoq; frequenter iuxta portum *Malaccæ* conspiciuntur, insidias Achiensibus struentes. Decimo tertio Octobris aliam nauim videntes, cursum suum ad persequendum illam direxerunt, incedebat illa plenis velis, & secundo vento, itaque cum periculum esset, ne noctis beneficio elaberetur, placuit Lancestrio, vt Generalis Hollandorum, cum Præfecto Middeltonio, iter rectà ad nauim illam susciperent, ipse vero cum Philippo Graue de Sencion, & Celoce quam ab Hollandis emerat, in insidiis laterent, & iter ipsi præuerterent, vt licet Generalis manibus se subducerent Hispani, periculum tamen non euitarent, & alter alterum certo signo in auxilium vocarent. Erat nox illa admodum obscura & tenebrosa, itaque Generalis scapham suam cum aliquot armatis præmittebat, vt nauem istam in conspectu retinerent, qui cum eam affecuti essent, reuersi ad Generalem, referebant esse eam nauem Lusitanicam eximæ magnitudinis, neminem autem in ea ad interrogata respondere quicquam voluisse. Præceperat suis armatis Generalis, vt si interrogarentur quales naues adefsent, responderent pertinere eas ad classē Andreæ Fortado, quem in finibus *Malaccæ*, *Sundæ*, & *Monlucæ*, subinde oberrare, & versari nouerat, negotiationes aliarum nationum impediturus. Lusitani interim cum nauī sua ad Generalem & Præfectum Middeltonium appropinquantēs, nihil ad interrogata respondebant, sed tormenta statim displodere incipiebant, itaque Middeltonius accenso igne signum dabat Lancestrio, vt cum reliquis nauibus appropinquantēs auxilium sibi præstarent. Dispositis igitur in ordinem tormentis, cum reliquæ etiam naues aduenirent, tanta tormento-

Generalis cū Lancestrio Malaccam versus nauigat.

Oppugnāt nauem aliquam Lusitanicam.

rum dispoſitione Luſitanos oppugnabant, vt trucidatis non paucis, perforata nauis aquam admittere inciperet. Cum igitur dies illuceſceret, & in freto *Malacca* ad Inſulam *Darryj* uſque pugnantes progreſſi eſſent, deditio- nem facturus Luſitanorum Præfectus, ſcapa ad Lanceſtrii nauim aduectus eſt, egitque cum eo, vt Luſitani, qui adhuc in nauī ſupereſſent, ſalui & incolūmes dimitterentur, & nauis exonerata bonis Præfecto Luſitanorum reſti- tueretur.

*Nauis Luſitanica
expugnata bonis
ſpoliatur.*

Sic igitur 14. Octobris Luſitani omnes ad naues Anglorum ſunt tra- ducti. Cum vero omnes primarios viros eſſe, vel ex habitu & veſtitu appa- reret, nihil ipsis mali illatum eſt, beneque cum vxoribus & liberis habiti ſunt, Middeltonio & Generali Hollandorum ad hoc conſtitutis, ne quid ipsis iniqui accideret. Interea cum nauis exoneraretur, conclaue Præfecti ſaluū relictū eſt, in quo mulieres quædam cum miniſtris aliquot ſeſe con- tinebant, ſimiliter & Scribis, Pilotiſq; & Marineris pleriſq; ſupellex ſua re- licta eſt, cum diligentes admodum in exoneranda nauī ſeſe ipſos exhibe- rent. Occupati autem in hoc negotio erant integrum octiduum, transfe- rentes ad naues Anglicanas 960. *Ferdes*, 80. ciſtas, & 40. *Canneſtres*, præter- ea & linreamina varii coloris, veſtimenta item & arma cum cibariis eduliſ- que ſatis copioſis, corium vero, oryzam, oleum item & butyrum in nauī re- linquentes, ne naues ſuas nimis oneraret. Ingens autem tempeſtas & pro- cella circa 20. Octobris, eos compræhendit, tanto cum impetu in eos fu- rens, vt cogerentur à nauī iſta Luſitanica deſiſtere. Luſitanis igitur omnib. in ſuum locum iterum reſtitutis, nauim dimiſerunt, qui ſumma cum lætitia abeuntes, gratias pro liberali tractatione, & declarata erga ſeſe diſcretionē Anglis agebant. Præfectus equidem Luſitanicus ſtrenue pugnando ſuis nō defuerat partibus, ideoq; etiam honeſtè habitus eſt ab Anglis, & cum lau- de iterum dimiſſus. Gemmarum quidem & pecuniæ parum in nauī reper- tum eſt, numerabantur autem in ea Luſitanorum *Meſſicos*, *Marineros*, man- cipiorum, liberorum & mulierum 600. fere, omnes honeſto & egregio ve- ſtitu ſuo quidem more induti. Tantæ vero nauis iſta magnitudinis erat, vt 1400. vaſa caperet, prora puppiq; proceritate & altitudine ſua malum na- uis alicuius 200. onerum apud noſtros æquante.

*Luſitani cum na-
ui ſua iterum di-
mittuntur.*

*Colloquia inter
Hollandos & Lu-
ſitanos.*

Habita ſunt interea cum Luſitanis varia colloquia. Cumque interro- garent quæ cauſa eſſet, quod Hollandi tam longinquum ſuſciperent iter, reſpondebant ipſi, cauſam præterquam Caſtiliæ & Portugalix Regi nemi- ni imputandam: cum enim tam iniquus ſit, vt ad negotiationes exercendas admittere eos nolit, coactos inde Hollandos loca remotiora adire, & tam Orientalem quam Occidentalem percurrere Indiam, quemadmodum iam in China negotiationes dudum exercuiſſent, & fretum Magellanicum, Mardelſur, & Philippinas & loca alia percurriſſent. Mirabantur autem, quod nauibus Hollandi tam paruis reſpectu ſuarum nauium vterentur. Cumq; Generalis inter alia ipsis exponeret, quomodo in Inſula *Celon* fuiſ- ſent, ipſeque relictis in portu regni *Matecalo* nauibus ſuis, ad regnum *Candy* terra proſectus cum Rege *Fimala Darma Suri Ada*, qui Chriſtiano nomi- ne Ioannes d' Auſtria dicitur, locutus fuiſſet, & 60. canneſtres cinnami, pi- peris que non parum cum multis gemmis & muneribus aliis, in ſignum a- micitiæ, ab eo accepiſſet, mirari id ſatis non poterant, videbaturque ipsis res non contemnenda, cum ob potentiam ſuam omnibus Luſitanis formi- dini eſſet.

*Reuertitur in por-
tum ad Achiam.*

Post victoriam hanc cum *Achiam* verſus curſum iterum reflecterent, mul- tas tempeſtates experti ſunt, ob mutationem aeris tempore *Moſſonii*. Aſſe- que-

quebantur autem portum 5. Nouembris. Cumque Carbasa haud parum detrimenti à procellis acceperant, reparandis illis dies aliquot consumpserunt. Non erat ipsis animus diu ibi cōmorandi, cum parum vel nihil piperis & aromatum ibi rum haberetur, Angli licet septem ibi mensibus substitissent, & pecunia satis instructi essent, vix 50. onera piperis acquirere potuerant. Relicta igitur domo, quam nuper extruxerant, ad iter sese parabant, quemadmodum & Gallicarum nauium Præfectus *Le Berdeliore*, qui ne septem quidem onera habebat, Hollandi vero octo plus minus onera acceperant, soluentes pro quolibet *Baere*, hoc est, pro 380. libris Belgicis, 30. *Tappelas*, hoc est, totidem libras monetæ Belgicæ. Tria illa onera piperis, de quibus ad Londinum vsque ciuitatem vehendis cum Lancestrio conuenerat, ad naues eius traducebantur. Cumque omnia parata essent, soluentes inde 20. Nouembris die, versus portum *Malacca* iter & cursum suum direxerunt, quem *Queda* nominant. Cum autem ob ingentes tempestates eum assequi non possent, ad Insulas *Nicoubares* 23. Nouembris appulerunt. Incolæ harum Insularum, Gentes de *Mattos* à Lusitanis vocantur, suntque homines nulli fidentes, & quibus etiam parum fidei habendum, aduolarunt tamen statim multis nauigiis afferentes gallinas & mala aurea, quorum cum aliquam copiam permutando acquisiuisent, soluentes iterum, *Sumatram* versus contenderunt, sperantes fore, vt si Angli & Galli inde discessissent, aliquantulum adhuc piperis pro tolerabili precio ibi acquireret. 28. Nouemb. die cœpit ipsis quidē terra de *Sumatra* apparere, sed ppter nimiam procellarum ex freto *Malacca* prorumpentium vim, portum ciuitatis *Achien* assequi non poterant, itaq; cum cursum intendere non possent, hinc inde oberare in mari coacti sunt.

Tertio Decembris Insulam quandam è longinquo cōspexerunt. Cumque propter tempestates & cœlum nubilosum, eleuationem obseruare non possent, disputatio inter illos de nomine istius Insulæ exorta est, quæ quidē cōponi non poterat, donec ad eam appellentes viderent, Insulam eam esse quā *Nicoubars* vocant, mirabantur vero admodum, q̃ cum meridiem versus summo studio contendissent, procellarum & ventorum iniuria tam longe ad Septentrionem propulsi essent. Erat ipsis curæ, sinum aliquem, vbi recentem aquam haurirent, petere, verum cum locus nullus sese ipsis offerret, decreuerunt iterum *Achiam* versus, cursum reflectere, quo tandem superatis multis difficultatibus, cum vnica duntaxat anchora aduenerunt. Rex vt de aduentu Generalis certior factus esset, missa statim scapha, vt ad se veniret rogabat, qui 26. Decembris die cum muneribus quibusdam ad eum profectus, cum beneuolentiam suam re & verbis erga Hollandos declarare Regem cerneret, statuit ibi ad tempus subsistere, & bona sua ex naui in terram venum incolis exponere.

*Cogitur Achiam
rursus petere.*

Primo Ianuarii Generalis iterum ad Regem profectus est, de Rege in *Candy* cum eo collocuturus. Referebat autem ei omnia, quæ inter se & Regem in *Candy* acta essent, imprimis autem quod hostis Lusitanorum esset acerrimus, quod ipsi quidem gratum & iucundum auditu fuisse, vel inde apparebat, quod legatum postmodo ad Regem in *Candy* mitteret; & dubium quidem non est, quin auxilium Rex in *Candy* ab hoc Rege in *Achien* aduersus Lusitanos sit accepturus. Donabat eum Generalis tormento æneo 300. librarum, thorace item ferreo & armis aliis, quæ omnia ipsi gratissima erant. Significabat autem ei Generalis, se mercatorem quidem nō esse, sed legatū Principis Mauriti, cuius rei testimonium essent literæ sigillo Principis munitæ, propterea etiam pecunia non esse instructum, quam

*Generalis de Rege
in Candy cum re-
ge in Achien ser-
monem instituit.*

pro pipere & aromatibus solueret. Interim tamen habere se in naui sua multas merces, utpote ferrum & linteamina varii coloris, quae ex naui Lusitanica acquisierant. Petebat igitur, ut si Rex eiusmodi mercibus delectaretur, daret sibi ducentos *Baeres* piperis, & merces illas in solutionem acciperet. Cumque placere Regi permutationem hanc animadverteret, menssem sese vnum atque alterum ibi permansurum pollicebatur.

Scapha cum pipere & quibusdam Hollandis submersa.

Septimo Ianuarii cum sex plus minus *Baeres* piperis à Rege accepissent, ingens tempestas subito exorta scapham vndis oppletam suffocauit, perieruntque cum pipere isto nouem Hollandi, reliquis septem (fuerant enim 16. in scapha) periculum mirabiliter euadentibus, & in Insula *Gomerspoel* herbis sese & foliis arborum sustentantibus ad diem usque septimum, quo ad naues iterum sunt reuersi. Eandem ferè fortunam experta est etiam scapha alterius nauis nempe Arietis. Cum enim 10. Ianuarii ad littus aliqui eius beneficio traducendi essent, vi fluctuum subito in eam insurgentium superata & subuersa est. Submersus est autem hoc casu chirurgus eius nauis solus, reliquis cum apprehensa scapha periculum euadentibus. Non parum hoc infortunio Generalis mouebatur, verum cum sciret nihil sine prouidentia Dei accidere nobis posse, ad patientiam sese componebat. Remittebant autem venti postmodum, ita ut sine periculo merces suas ad littus traducere & lucri exinde facere haud parum possent.

Naues duae Selandicae ad Achiam ciuitatem adueniunt.

Ceterum dum ita circa merces suas distrahendas occupati essent, appulerunt ad illum portum duae naues Selandicae, quarum altera *Vlissingen*, altera vero *Goes* dicebatur. Veniebant autem ex *Matecalo* in *Celon*, ubi reliquerant nauem tertiam *Zierieze* dictam, expectantem ibi Gubernatorem suum Sebal dum de Weert, qui ad Regem in *Candy*, à quo Generalem Hollandorum amicum acceptum fuisse in *Matecalo* audierat, se contulerat. Sub finem autem Ianuarii Nicolaus Petri *Vlissingensis*, & Lucas Ian sonius *Antwerpiensis* ab *Achiam* versus *Galecutum* profecti sunt, exploratum qualis ibi negotiatio cum lucro exerceri posset. Erant hi duo ex societate Selandica, quae reparandis & purgandis nauibus suis, donec isti reuerterentur, operam dabat. Generali quidem Rex in littore domum inhabitandam detulerat, quae ab Anglis ex lapidibus extructa & aduersus incendium probe vndique communita, conclauibusque & cellulis, eleganter exornata erat, aulam quadratam non paruae capacitatis sibi coniunctam habens. Hanc domum Angli abeuntes, Regi donauerant, ut inde facile conicere posses, reuerti ad hunc portum eos vix in animo habere. Itaque Generalis insigne quidem Princip. Mauritii ei, dum ibi esset, affixum voluit. Interea & nauis tertia *Zierieze* ex *Matecalo* aduenit, cum Sebaldo de Weert, cui in regno *Candy* multum honoris & beneuolentiae exhibitum fuerat. Antequam autem ad Regem venisset, literas acceperat ab Erasmo Matisbergio, quem à Generali ibi relictum, Rex Secretarium suum fecerat, ex quibus didicerat quomodo sese ibi gerere & erga Regem exhibere deberet.

Sebald. de VVeert venit à Rege in Candy ad ciuitatem Achiam. Gionlefortus moritur.

Dum igitur in portu ad *Achiam* ciuitatem haberent, graui correptus morbo Iungerheltus, nauis alterius, quam Arietem vocabant, Praefectus die suum obiit. Mortuus vero est etiam 7. Martii Gionlefortus, qui Viceadmiralis in eadem naui antea fuerat, iam autem ab officio remotus erat, propter conspirationem aliquam, quam contra Generalem & communem utilitatem in populo molitus fuerat. Octauo autem Martii appulerunt ad portum hunc tres naues ex Hollandia, duae nimirum ex *Amstelrodamo*, quarum altera *Hollandia* dicta, Gubernatorem habebat Melchiorem Voglerum, altera vero *Accipenser*, Gubernatorem Nicolaum Simonem Michaelem. Tertia erat *Sepes* Hollandica ab *Enchausen*, Praefectum habens Iacobum Petri,

Petri. Gubernatores hi quamprimum aduenissent ad nauem *Zierieze*, Se-
baldum de Weert salutarum sese traduci curabant: instructi enim erant li-
teris, quibus prædictus Sebalus constitutus erat Viceadmiralis illarum na-
uium, quæ sub Admirali Widebrando Warwiccio negotiationes in Orien-
tali India exercebant. Hæc constitutio ut grata erat omnibus, ita maximè
etiam necessaria videbatur, cum trium Selandicarum nauium Præfecti æ-
qualem haberent potestatem, atq; ita summò necessarium esset, superiorem
aliquem constitui, cuius auctoritati & arbitrio reliqui submitterentur.

*Sebalus de Weert
constituitur Vice-
admiralis.*

Afferebant præterea nuncium secum de Hollandicæ Selandicæque so-
cietatum firmata confœderatione, itaq; Generalis Hollandorum, hoc nun-
cio accepto, constituit statim, ut in posterum quamdiu simul essent, vexil-
lum nullum explicarent, ingressus etiam nauem *Zierieze*, ubi Viceadmi-
ralem cum vniuerso Senatu militari congregatum sciebat, obtulit eis suam
& suorum operam, si forsitan ea opus haberent, quod ipsis omnibus gratum
& acceptum accidit. Sed & merces & pecuniam suam ipsis obtulit, ut ita
causa omnis maiori precio coemendi piperis euitaretur, illud solummodo
expetens, ut sibi naues suas præ cæteris onerare & piper coemere liceret.
Cum primus in portu isto fuisset, & à Rege etiam promissionem illam acce-
pisset, quod præ aliis quicunque etiam aduenturi essent, piper accipere de-
beret; Respondit Viceadmiralis, se de petitione hac in Senatu deliberatu-
rum. Interea vero Generalis omnia parauit ut prima occasione inde solue-
ret, relicturus ibi *Arietem*, nauem scilicet alteram & Cornelium Speccium
cum mandato, ut omnia probe curaret, & primam quamq; piperis vecturam
acciperet.

*Generalis offert
suam operam con-
fœderatis Selandis.*

Accidit autem, ut 23. Martii Viceadmiralis Generalem interrogaret,
an *Arietem*, prædictam nauem confœderatis vendere vellet: dicebat enim
constituisset se propediem inde cum omnibus nauibus soluere, quo facto fu-
turum, ut nauis ista sola ibi relictæ haud parum experiretur à Lusitanis peri-
culi, cum præsertim sufficientibus ministris instructa non esset, & ad septi-
mum usque mensem ibi adhuc subsistere cogeretur, donec vecturam suam
acciperet. Generalis igitur re deliberata, tandem 25. Martii respondit, se
nauem istam venditurum, si honesta & æquâ conditione id fieri posset, in-
ita enim ratione, deprehenderat nauem istam vix sedecim adhuc mensibus
itineris sui cursum absolueri posse, & vero adhuc 1200. libras plus minus re-
quirere, sed & 300. libris opus habere pro victu & sustentatione, si in portu
ad *Achiam* ciuitatem septem vel octo mensibus ipsi hærendum esset, do-
mum vero reuersam vix tantum precii refundere posse. Exoneratam igitur
& euacuatam prius omnibus rebus, quæ ad sustentationem & munitionem
pertinent, nempe cibariis & armis, omnibusq; mercibus aliis, pro 325. libris
eam tandem Viceadmirali cōcessit. Sed & 24. onera piperis in gratiam Ge-
neralis sese prima occasione empturum, & cum Præfecto Cornelio Speccio
gratis domum transmissurum Viceadmiralis promittebat. Cumq; conue-
nisset inter eos, quod non maioris piper emere quam 12. *Tapelis* vellent, nisi
forsitan extrema id necessitate postulante, & quidem cum cōmuni Con-
fœderatorum consensu, consultum iudicarunt, Regem coniunctim acce-
dere, eiq; significare, quod licet Cornelius Speccius domum eam, quam Ge-
neralis à Rege acceperat, inhabitaret, reliqui vero quos Viceadmiralis ibi
relicturus esset, in Belgarum diuersorio sese continerent, ad vnicam tamen
societatem omnes pertinerent, nec quemadmodum edibus, ita etiam com-
mercio disiuncti essent, fecissent enim hoc, ut ab incēdiorum periculo mer-
ces suas eo melius conseruarent atq; vindicarent.

*Generalis Arietis
nauem suam vendo-
dit.*

Generalis Regi in
Achien valedicit.

Contractus hic ex re vtriusq; partis erat, nam Generalis quidem com-
meatu & populo ex hac naui in suam translato, vires suas mirificè confir-
mabat. Viceadmiralis vero, quæ maioribus suis non posset, hac mediocri
naui facile aditurum sese loca & multum profecturum sperabat. 30. igitur
Martii Generalis cum Viceadmirali & Præfectis aliis ad Regem profecti
sunt, vt & valedicerent ei, & quos ibi relicturi erant ministros siue procura-
tores commendarent. Rex eos amicè & honorificè accepit, donatosq; cer-
tis muneribus dimisit, constituerat quidem eleganti gladio & poculo au-
reo Generalem donare, sed cum ea nondum perfecta essent, tempus vero
non pateretur eum diutius ibi commorari, donauit ei Rex inter alia duo-
decim *Baeres* optimi piperis, & honorificè eum à se dimisit. Cum igitur o-
mnem non solum beneuolentiam, sed & immunitatem & libertatem bona
sua ex nauibus ad littus, & inde ad naues iterum absque vilo telonio transfe-
rendi Generalis ibi expertus esset, bona Hollados spes habuit fore, vt quic-
quid vellent, impostero apud hunc Regem faciliè obtinerent.

Generalis ex portu
Achien si soluens
Procuratorem ibi
aliquè relinquit.

Rebus igitur omnibus perfectis, cum Cornelio, qui vnà cum Iulio Mi-
chaele & duobus ministris in *Achien* mansurus erat, imperasset, vt non so-
lum conuocandis illis 24. piperis oneribus, sed & mercibus, quæ adhuc su-
peressent, cum lucro distrahendis, & pecuniæ benè collocandæ studeret,
tertio tandem Aprilis ex portu illo soluens abierunt, relinquentes ibi Lu-
sitanos quosdam, qui pro honesta remuneratione salui conductus literas à
Generali acceperant, metuentes nimirum sibi ab Hollandis, cum ne maxi-
ma quidem naus, quæ à S. Thoma versus *Malaccam* contenderet, periculum
euadere potuisset. Ceterum Generalis quidem Bantamum versus iter suum
direxit. At vero Viceadmiralis Sebaldu de Weert, qui ducebat secū septem
naues, cum Generali aliquot anchoris camelisq; siue funibus subuenisset,
multa tormentorum dispoſitione ipsi valedicens, Insulam *Celon* petiit.

Generalis iter suū
versus Bantamū
dirigit.

A quarto igitur Aprilis ad vigesimum vsque secundo vento vtentes, iu-
xta littus *Sumatra*, nauigarunt, lineam Æquinoctialem quinta iam in hoc i-
tinere vice superantes. Sunt in hoc littore multi sinus multique anfractus
& multæ Insulæ. Cum vero nec *Pimiamerum* nec *Ticos*, vbi libenter appu-
lissent, inuenire Generalis posset, cursum suum ad fretum *Sunday* dirigi ius-
sit, in quo duæ admodum eleuatæ cernuntur Insulæ, ad quarum alteram
Sebely nomine, aqua dulci multisq; arboribus & apris refertam appulit. In-
terim ventus ingens exortus ad 25. Aprilis diem eos ibi detinuit, quo ad cō-
tinentem *Iaua* delati sunt, vbi cum cibis recentioribus coemendis studerēt,
de nouem nauibus Germanis ad *Bantamum* hærentibus certiores facti sunt,
videntes simul etiam cymbam aliquam, qua Germanorum aliqui vehebantur,
qui ad nauem tamen Generalis appropinquare, quod Lusitanos in ea
esse metuerent, recusarunt.

Generalis Banta-
mum aduenit.

Superatis igitur tandē multis laborib. 27. April. ad *Bantamum* appulerūt,
inuenientes ibi Admiralem Widebrandum Warwiccium, cum nouem v-
nitarum societatum nauibus, qui simul atque de Generalis aduentu certior
factus esset, ablegato Petro quodam Cornelio, vti ad sese veniret, eum roga-
uit, morbo enim correptus in Insula *Dorvo Poelo* decumbebat, vt ipsemet
eum accedere non posset. Adest hæc Insula à *Bantamo* exiguo miliari, quo cū
Generalis aduenisset, literasq; aliquot à Viceadmirali Sebaldo de Weert,
Admirali obtulisset, amicè ab eo exceptus, atq; post multa de nauib. sociis,
quæ cum Sebaldo de Weert, *Celon* Insulam petierant, colloquia, honorificè
iterum dimissus est. Sequenti die cum inuitatus iterum ad Admiralem ve-
nisset, ibique omnes prædictarum nauium Gubernatores congregatos in-
uenisset,

uenisset, rogauit eum Admiralis, vt si vestimentorū & lintheaminum, quæ ex superata naui Lusitanica acquisiuerat, aliquid adhuc in naui sua reliquum haberet, nemini id præterquam sibi venderet, Generalis id se facturum stipulata manu ei promisit.

Postero die, 29, nempe Aprilis, Generalis ad littus ciuitatis *Bantami* profectus est, vt Anglos ibi negotiationem suam exercentes salutarer & compelleret, qui gratum sibi eius aduentum esse multis verbis testabantur, rogabant autem idem, quod Admiralis antea, nempe vt lintheamina Indica, quæ haberet, sibi venderet, verum Generalis modestè se excusans, omnia Admiraliam diuendita esse, nec posse se contractū illum rescindere dicebat. Veniebat autem interea *Sabander* ex ciuitate, eum salutatū, monebatque, vt si piperis coemendi gratia aduenisset, *Roby, Roby, Byle, Byūken*, hoc est, telonium & vectigal, more consueto solueret. At ille nauem suam mercibus iam satis oneratam esse dicebat, appulisse vero ad ciuitatem hanc socios aliquos quæsitum, quos in patriam rediturus comites itineris haberet, quod si igitur telonii quid sibi adhuc deberetur, compellare eum Admiralem Warwicciū iubebat, ad cuius societatem ipse quoque pertineret.

Generalis urbem
Bantamum in-
greditur.

Cæterum cum Sympatriotis suis melius quam Anglis faueret, Generalis vendidit 5. Iunii die lintheamina & vestimenta sua Indica prædicto Admirali Warwiccio 16400. dimidiis Philippicis, hac tamen conditione, vt quantum piperis naui sua capere posset, ei traderet, & rerum necessariorum defectum, accepto tolerabili precio, suppleret. Quo facto, initium coemendi piperis à procuratore Admiralis factum est, soluente pro singulis saccis 60. librarum, quinque dimidios Philippicos. Soluentes autem ex portu isto naues duæ *Chinam* versus abierunt. Cumq; *Cornelius Iansonius Nennip* ciuis Enchusianus, qui nauigationis huius cursum ad 27. vsque diem annotauerat, morbo quodam corripereetur, præter omnium expectationem 15. Iunii die vitam cum morte commutauit.

Generalis vendit
Admirali linthea-
mina sua Indica.

Appulerunt aut porro ad portum *Bantami* 20. Iunii die, Admiralis Iacob. Hemskirchius cum naui sua, cui *Candido Leoni* nomen est, & Viceadmiralis eius Ioannes Pandlus cum naui quæ vocatur *Alcmaer*, adducentes secum eximia magnitudinis nauem Lusitanicam, quæ ex *Macan* Chinæ veniens *Milaccam* petere voluerat. Hanc nauem expectarant non procul à *Iorre*, vbi in manus eorum post conflictum & pugnam satis vehementem tandem incidit. Erat ea cupro, alumine, serico & auro rudī, multisq; rebus aliis pretiosissimis onerata, ita vt septuagies cetera millia florenorum excedere putaretur. Mirabantur autem Lusitani non parum prudentiam Admiralis Hemskirchii, qua in oppugnanda & superanda naui sua vsus esset. Percipiebat igitur Generalis insignem ex hac victoria lætitiā, præsertim cum intelligeret simul ex illis, quomodo Selandi ad Sanctam Helenam, & Angli etiam iuxta *Lixs* fluuium naues aliquot Lusitanicas exsuperassent. Non minori autem voluptate afficiebatur Hemskirchius Admiralis, audiens quomodo Generalis ad *Matecalo* in *Celon* Lusitanis triremes aliquot eripuisset, & particeps etiam fuisset expugnatae nauis illius Lusitanicæ, quæ à S. Thoma *Milaccam* versus nauigare voluerat. Erant hæc omnia cunctis auditu iucunda, cum honestius esse, vi aperta Lusitanos aggredi & adoriri, quam ipsis blandiri & inimicitiam quam corde premunt verbis dissimulare, omnes putarent.

Iacobus Hemskir-
chius nauem Lusit-
anicā expugnat.

Cæterum cum viderent Iauani, augeri quotidie nauium in portu ad *Ban-*
tamum numerum, nolebant amplius eo quo cæperant precio piper suum

Generalis nauem
suam Agnum di-
ctum ab Anglis
redimit.

urgendo,

urgendo, quo citius vecturam suam acciperet, plus pecuniæ se numeraturum diceret. Verum cum Iauani precium mutare & augere vellent, cessabant procuratores vnitatum nauium, & ab emendo plane abstinebant, donec ad constitutum primum precium iterum descenderent. Generalis igitur videns tolerabili precio piper iam coemi posse, *Agnum* nauem suam, Anglis, ut supra dictum est, diuenditam, iterum redemit, reparatamque octingentis saccis piperis oneravit.

Generalis nunciū
accipit de Sebaldo
de VVeert à Rege
in Candy interfe-
cto.

Dum hæc ibi agerentur, appulit 13. Augusti die ad portum *Bantami* nauis quædam Selandica, quam *Goes* siue Anserem vocant. Eius Gubernator *Petrus Ianfon Soet*, triste admodum nuncium ex Insula *Celon* afferens, dicebat, Viceadmiralem Sebaldu de Weert una cum 50. plus minus personis in *Matecalo* à Rege in Candy miserabiliter interfectū esse. Stupebant ad hanc relationem omnes, maximè vero Generalis, qui aliquoties Rege isto conuersatus, & summam beneuolentiam ab eo non solum, sed & ab omnibus eius subditis expertus fuerat: quærebat igitur ex Gubernatore, quid causæ Regem ad tam crudele facinus impulerit? Qui respōdebat, existimare sese causam huius facti hanc fuisse, quod quatuor naues Lusitanicas, quas expugnauerat Sebaldu, cum omni populo saluas & incolumes dimiserit; cum tamen *Modeliar Emanuel Dios* ipsemet in *Matecalo* fuisset, petiissetque Lusitanos & Mesticos aliquot ad Regem transmitti, quod obtinere tamē non potuerat. Addebat porrò Gubernator ille, Reinerum Iansonium, quem Generalis apud Regem reliquerat, datis ad Viceadmiralē literis, eum monuisse, ut si gratiam Regis conseruare vellet, Lusitanos ante aduentum eius non dimitteret. Rex enim accepto de expugnatione nauium Lusitanicarum nuncio, iter ipsemet ingressus erat, in *Matecalo* Lusitanos aliquos sese reperi- turum sperans. At vero Viceadmiralis accepto de aduentu Regis nuncio, Lusitanos omnes cum nauibus suis dimisit. Ira igitur accensus Rex, sinistri aliquid alere Viceadmiralem, & Lusitanorum uti quidem profiteretur, verū hostem non esse suspicari cœpit.

Rex in Candy ve-
rus Lusitanorum
hostis est.

Rex ille Lusitanis planè nullam fidem habet, semperque insidias sibi strui existimat, si cum Lusitanis amicè agatur, idque inde factum quod apud Ie-
suitas in *Goa* & *Columbo* educatus, multa perfidiæ ipsorum exempla obser-
uarit. Cum igitur in *Matecalo* esset, Viceadmiralis splendide admodum cum trecentorum armatorum comitatu obuiam ei processit, petens uti na-
uem suam ascendere dignaretur. At ille quasi ægrè ferens tot armatos in
terram suam procedere, iussit eum populum suum ad naues iterum remit-
tere, esse enim de quo secretò cum eo agat. Viceadmiralis igitur maxima
populi sui parte dimissa, cum aliquot tantum Præfectos tubicines & mini-
stros alios secum haberet, cœpit iterum rogare, ut ad nauem suam Rex pro-
cederet, Rex vero postulabat, ut cum nauibus suis versus promōtorium seu
Poincto di Gallo pergeret, & se in expugnando *Poincto* illo iuuaret: constituisse
enim sese exercitum suum terra eo ducere, & promontoriū illud expugna-
re. Viceadmiralis operam quidem suam ei offerebat, rogabat tamen ut na-
uem suam prius conscenderet. Cumque id se facturum Rex recusaret, respō-
dit ille, siquidem Rex nauem meam aspernetur, operam ipsi etiam meam
in expugnando *Poincto di Gallo* denegatam sciat. Quo audito Rex ira accen-
sus, *Matta esto can*, inquit, & statim horrenda illa cædes secuta est.

Generalis dolet
suorum amicorum
interitum.

Et hæc quidem tragœdiæ istius summa est, quæ Generalem quidem in-
genti affecit mœrore, qui dolebat non tantum ob interitum tot præstantis-
simorum amicorum, sed & propterea quod metueret, interruptam esse hoc
inopinato casu amicitiam, quam cum Rege illo cōtraxerat, à quo literas ad
Princi-

Principem Mauritium & vnitatum Prouinciarum ordines acceperat, quibus auxilium contra hostes suos Lusitanos ab Ordinibus Rex petierat, quos ipse vero odio persequitur, ut ex multis argumentis colligere difficile non fuit. Compræhenderat Generalis quoque dum in portu ad *Matecalo* hæreret naves aliquot Lusitanicas, easque Regi donauerat, accipiebatque *Modeliarum* quotquot Lusitanos, & *Mesticos* exprobat, qui ad Regem cum optimis, quæ in nauibus reperiiebantur, armis donati sunt. Sed & decedens ex *Matecalo* triremem nouam multa *Arecca* oneratam igne cremauit, ut *Singales* viderent verè eum Lusitanorum hostem esse. Quod si igitur Viceadmiralis ille idem fecisset, infortunium hoc omne euitasset.

Sed hæc hætenus de Viceadmirali isto. Porro 28. Augusti Generalis ex portu *Bantami* soluens abiit cum nauibus duabus aliis, quarum altera *Concordia* dicebatur, & Præfectum habebat *Ioannem Mermannum*, altera *Potentia* ab *Enchausen*, Præfectum habens *Arnoldum di Valee*. Comitabatur autem abeuntem Admiralis *Warwiccius*, cum *Celoce* cui nomen est *Roterodamo*. Cumque quinque plus minus miliaribus à *Bantamo* abessent, accipiebat Generalis ex *Celoce* illa circiter 1200. saccos piperis, quos in portu naui suæ imponere noluerat, ne cogeretur telonium vel vestigal mille & quingentorum dimidiorum Philippicorum pro qualibet naui persolvere. Isthic loci Admiralis etiam rationes cum Generali conferens, pollicitus ei est, quod quatuor millia dimidiorum Philippicorum pro pipere adhuc soluere, & nauem, quæ *Mauritius* vocatur, eo onerare vellet, offerens ei pro residuo quod Generali adhuc debebatur, literas Collybi, continentes summam 5625. dimidiorum Philippicorum, quos domum reuersus à Principalibus seu Curatoribus Indicarum nauigationum acciperet.

Sic igitur eadem Generalis post infinitos labores & pericula plenariam vesturam pro duabus suis nauibus, quæ vocantur *Ovis* & *Agnus*, nempe 5500. saccos piperis, Gemmarum item, Cinnami siue Cassiæ, Serici, Macis, *Indigo*, qui color est cæruleus preciosissimus & nucum myristicarum haud exiguam copiam diuina fauente gratia accepit. Antequam autem abiret, proponebat Admirali deliberandum, an vellet merces illas ad se recipere, & sua naui suisque sumptibus in Belgium deuehere, hoc enim si facturus esset, constituisse se dicebat cursum suum *Chinam* & *Iappaniam* versus dirigere, & postea per Septentrionem domum redire. Cum igitur Admiralis hoc facere recusaret, ipsique auctor esset, ut, cum mercibus adeo iam abundaret, ut necesse haberet 2500. saccos piperis alteri cuidam in Belgium deferendos committere, cursum suum in Septentrionem non conuerteret, sed recta domum contenderet, itaque secuturum sese eius consilium pollicitus Generalis, bona cum gratia 30. Augusti die à *poplo Pinion* soluit & iter suum domum versus direxit.

Manserunt autem in portu *Bantami* quinque adhuc confœderatarum nauium, & Admiralis *Hemskirchius* cum tribus nauibus. Comites autem Generalis erant *Concordia* & *Potentia* ab *Enchausen*, naues nimirum duæ, ut ita quatuor simul soluentes inde discederent. Ex his quatuor nauibus Generalis primo mense vexillum præferebat, secundo mense *Concordia*, & sic consequenter donec in patriam redirent. Sub vespere autem primi diei ad continentem *Sumatra* appulerunt, ubi cum dies aliquot conuehendis aquis attribuissent, quarto Septembris die, explicatis iterum velis, progressi sunt, ad octauum Nouembris usque, quo Caput bonæ Spei 34. gradibus versus Septentrionem à se abesse deprehenderunt. 26. autem Nouembris die omnes quatuor naues in portu Sanctæ Helenæ conuenerunt. Cumque recreandis

Generalis ex portu
Bantami soluit.

Generalis acceptam
plenariam vesturam
Admirali vale dict.

Generalis in comi-
tatu duarum aliarum
nauium domum
repetit.

corporibus ibi per dies aliquot studerent, venit ad eos 29. Nouembris mercator quidam, *Guilhelmus ab Hagen* nomine, cum naui non admodum magna, quam *Venatorem* vocabat. Is mense Martio ex portu Bantami soluisse se dicebat, quod omnibus quidem mirum auditu fuit. Non audebat autem cum naui sua Caput bonæ Spei contingere, cum à procellis & fluctibus admodum læsa esset, itaque Insulam, quæ *Mauritius* vocatur, se petiturum, ibique, quod supererat hyemis, quatuor nempe menses integros, reparandæ naui daturum dicebat.

Generalis continuato itinere domum tandem saluus reuertitur.

Ex portu Helenæ 29. Decembris iterum soluentes 6. Ianuarii Anno 1604. ad Insulam *Trinidado*, quæ octo gradibus Austrum versus ab Æquinoctiali linea distat, peruenerunt, superantes lineam ipsam 14. Ianuarii, quod quidem sexta iam vice in hac nauigatione factum esse, ex illis, quæ hætenus annotata sunt, constat. Primo Martii, cum affecuti essent eleuationem 49. graduum, venit ad eos nauta quidam Lubecensis, qui per procellas & tempestates maximas malum & carbasa amiserat. Primus autem omnium Generali triste illud de obitu Serenissimæ & Potentissimæ Elisabethæ Angliæ Reginæ nuncium afferebat. Octauo Martii ventorum iniuria in Angliam reiecti, ad Londinum ciuitatem applicarunt, indeq; post dies aliquot iterum soluentes, tandem 24. Martii die ad Vlissingensis ciuitatis portum appulerunt, gratias agentes Deo Opt. Max. quod post tot pericula in patriam eos tandem reduxisset incolumes, eratq; eorum aduentus omnibus longe gratissimus, quod ex frequenti ciuium concursu & congratulatione omnium colligere difficile non fuit.

F I N I S.

NAVI.



NAVIGATIONIS EX ALEPO AD REGNUM PEGVI VSQVE, NOVEM CONTINVIS ANNIS à Casparo Balby & aliis absolutæ descriptio.

CAPVT I.

*Cur non mentio hic quoque fiat itineris ex Venetiarum vrbe,
Alepum vsque, & totius operis distributio.*



Quod iter, quod ex Venetiis Alepum ducit, tritum satis & nemini ignotum sit, superuacaneum fuerit eius rationem hic percensere. At vero cum multi quotidie reperiantur, qui ex Venetiis Alepum versus nauigationem suscipiant, operæ precium fecerit, qui itineris, quod ex ciuitate Alepo per Babyloniam versus Indiam Orientalem ad Pegu vsque ducit, rationem breuiter exposuerit. Quod ut hoc quidem Tractatu fiat cōmodius, ad decem præcipua capita, seu partes libri, Lectori erit attendendum. Principio enim obseruabit, quo itinere *Alepo Babyloniam*, deinde quomodo *Balsaram*, tertio, quomodo ad *Ormy*, quarto quomodo ad *Diu*, quinto ad *Chiauul*, sexto ad *Gioa*, septimo ad *Cocchi*, octauo ad *S. Thomam*, nono ad *Pegu*, & tandem ad *Martaban*, sit nauigandum.

Decem huius vsporis partes.

CAPVT II.

De itinere quod Alepo Babyloniam ducit.



Vt itineris ratio, quod Alepo Babyloniam ducit, rectè describatur, sciendum est, mercatores quosdam 13. Decembris Anno 1579. Alepi congregatos, cum iter illud ingredi vellet, mercibus suis camelis & mulis impositis, equos suos conscendisse, & vesperi in loco quodam diuertisse, qui *Bebe* vocatur, sequenti die summo diluculo iter iterum ingressi venerunt vesperi ad *Saguir* locum reficiendis viris. admodum conuenientem, vbi cum per nocte illam mansissent, egressi tertio die, *Albiram* ciuitatem sub vesperam assecuti sunt. Ingressi autem ibi nauem, superato Euphrate ad urbem contendebant. Cumq; intelligerent loca ista pyratibus & latronibus abundare, nec tutum esse ibi pernoctare, absque vlla mora merces suas, à multis adiuti, quos ad hanc operam peculiariter conduxerant, ad nauem transferebant, & ad sinistram ciuitatis latus se traduci curabant, appellentes ad ædes cuiusdā, qui dicebatur *Muslafa*, & nauis istius Dominus erat, debebatq;

Bebe.

Saguir.

Albir.

Quo loco Euphratem conscendere mercatores soleant.

bebatq; eos porrò ad locum quendam *Fellugia*, vnius diei itinere à Babylonia distantem traducere. Cum autem ad ædes *Mustafe* venissent, obducebant nauem illam totam velamine siue stragulo, quod in hunc vsum Alepi parare curauerant. Cumque quintus Ianuarii esset, & ipsi propter intensissimū frigus continere se in naui non possent, conducebant quatuor vigiles, qui die nocteq; in naui manentes curam eius agerent, ipsi autem manebant in ædibus *Mustafe*, qui omnem ipsis beneuolentiam exhibebat, excogitatis variis mediis, quibus melancholiam ipsis adimeret, quam ex metu latronum superioribus diebus contraxerant, idque neque iniuria, paulo enim ante eorum aduentum pyratæ, *Caravana* seu naui serico onerata direpta, tres mercatores, duobus grauissimè vulneratis, interfecerant.

Munera cna Sangiacco & eius ministris in Albir sunt offerenda.

Die huius mensis 15. mercibus & cibariis suis naui *Mustafe* impositis, ad *Sangiacco* ciuitatis *Albir* sese conferebant, offerentes ei munera sua, nempe quatuor ex saccharo paratos panes, quatuor cereos constantes singuli *Saia* vno, quod est moneta, libram Veneram, vel apud nos duodecim cruciatis valens, & aliquot globulos saponis siue smegmatis Alepici. Sed & *Cacagia* prædicti *Sangiacco* famulus panem ex saccharo confectum vnum, cereos duos & smegmatis parum accipiebat. *Emin* vero, qui ad telonium istius loci sedet, vno pane ex saccharo & saponis paululo donabatur. Tamen si autem frigus ipsis nō parum molestum esset, illudq; cum multa niue indies augeretur, cogebantur tamen ibi hucusq; cōmorari & naues, quarum aliquæ ad societatem suam pertinentes adhuc venturæ dicebantur, expectare.

Nauium quibus in Euphrate vtuntur descriptio.

Naues hoc loco vsitatae alia à nostris forma constructæ sunt: constant enim duplici fundo ex asseribus, eo sine constrato, ne ex impulsu fluctuum facile mergantur, fundo huic corbes imponuntur, cooperianturq; postmodum asseribus, ita dispositis, vt alter alteri duorum digitorum latitudine immineat, rimulas autem, quas vel musco vel stupā lini obturare nostri solent, ipsi gypso oblinunt, vsum mali ignorant, prora instar Venetarum scapharum acuminata est, aliquanto tamen plus eleuata, puppis vero incuruata est figuram rotundi Delphini representans. Huic clauis loco annexū est lignum res passus longum, cuius extremitati segmentum aliquod asseris affixum est, & hoc quidem ligno nauem modo in dextrum modo in sinistrum ducere latus possunt, Patrono siue Gubernatore in medio naui constituto, & lignum illud ad placitum suum mouente. Naues autem singulae trabes habent siue transtra duo, alterum in anteriori, alterum vero in posteriori parte, duplici sine constrata, nempe, vt & naues firmiter contineant, & remigibus inseruiant. Sedentes enim, vt in triremibus fieri apud nos solet, remos, qui ligna tantū oblonga sunt segmentum asseris extremitati affixum habentia, trahunt.

Ab Albir ciuitate soluentes iter iterū ingreditur.

Cæterum cum naues, quas expectarant, aduenissent, ipsique vestigal siue tributum, pro singulis nempe nauibus, 19. Venetos more ibi vsitato solussent, conduxerunt pro sua naui quatuor ministros remiges, quorum auxilio ad ciuitatem *Anna* perducerentur, numerantes singulis tres Venetos. Soluentes igitur circa meridiem ab *Albir* ciuitate, parum promouebant, vix enim pagum *Cassera*, qui in dextro Euphratis latere non procul ab *Albir* ciuitate abest, attingere poterant. Sequenti 16. Ianuarii die iter iterum ingressi vespere ad pagum *Maxara* delati sunt, qui in sinistro fluminis latere alteri cuidam oppositus est, qui *Cerchis* vocatur. Cogebantur autem ibi subsistere & tres ex societate sua naues expectare, quæ cum nimio onere grauatae essent, fundo adhærentes progredi non poterant, donec allata ex *Albir* ciuitate naui adhuc alia, pondere suo aliquantulum leuarentur.

Octauo

Octauo igitur tandem die post aduentantes non solum multis modis deformatae erant, sed & altera ad saxum illisa tantum aquae hauserat, vt omnes reliquarum etiam nauium ministri totam noctem hauriendis & extrahendis ex ea aquis insumere cogerentur. Interea dum reparandis nauibus studerent, aduenerunt adhuc duae naues plumbo oneratae, Babyloniam similiter petiturae, coemerat enim plumbum illud in *Albir* ciuitate *Chiaus* quidam, eo ad munitionem vsurus. Vt vitet autem quilibet periculum, quod a saxis & lignorum impedimentis, quae abscondita in Euphrate latet, nauibus imminet, operam dabit sedulo, ne nimio naues suas onere grauet prematque.

Ceterum moram hoc in loco nectabant ad vndecimum vsque diem, quo soluentes iterum ad *Tolle viri* sub vesperam delati sunt, vbi cum naues quatuor in fundo confedisent, ad meridiem vsque sequentis diei commorandum ipsis fuit, donec magno cum labore & periculo inde dimouerentur, progressi autem eodem die ad *Metao Lantache*, pagum in dextro fluminis latere situm, requiebant ibi per noctem. Sequenti vero die iterum progressi, ad desolatum quoddam castellum, *Caltatelnegiu* nomine, vesperi appulerunt. Postero die depugnandum ipsis semel atque iterum cum Arabibus fuit. Quidam enim ex nauium altera in terram descendentes inciderant in Arabes, fuissentque proculdubio ab eis in captiuitatem abducti, nisi qui in reliquis nauibus, sclopis, arcubusq; & armis aliis instructi erant, auxilio ipsis venissent. Delati autem sub vesperam ad *Zoxeniafir* pagum, totam noctem armati vigilabant, metuentes, ne forte ab Arabibus qui ex rapinis viuunt, opprimerentur. Altera die pagum *Miserafi* in dextro fluminis latere situm assuebantur, vbi non tantum ob frigus maximum, sed & ob metum latronum, a quibus castellum *Beles* e regione situm, raro vacuum reperitur, parum quiescere poterant.

Vt illuxit autem dies, iterum ingressi *Blis* pagum in sinistro latere situm attigerunt, tractum illum a saxis & lignis adeo periculosum deprahendentes, vt licet merces suas, per naues varie distribueret, aquam tamen omnes haurirent. Subsistere igitur ibi vno atq; altero die cogeantur. Reparatis autem iterum nauibus, vesperi ad *Meliolzura* appulerunt, vna ex nauibus, quae ad radicem arboris cuiusdam illisa cum bonis omnibus submersa fuerat, post se relicta. Verebantur aliqui fore, vt cogerentur bonorum aliquid in suas naues recipere; ne igitur maiori quam ferundo essent onere grauantur, cum duabus nauibus statim discesserunt, reliqui vero cum quatuor nauibus ibi remanserunt, daturi operam vt bonorum aliquid saluarent. Ad erant autem statim latrones bona illa abrepturi, verum mercatores sclopis suis in fugam eos coniecerunt, qui partem etiam bonorum in naucula, quam vacuum secum haecenus duxerant, exponerebant, nauemque ingenti conatu ex vndis protractam aliquo modo reparabant, integrum diem ibi subsistentes. Cumque postero die modicum illud quod ex naufragio recuperauerant, nauis iterum imposuissent, progressi ad *Chalagiabar* in sinistro fluminis latere, sequenti vespera ad *Elaman*, & iterum sequenti ad *Suriech* appulerunt, castello *Beletfurie* post tergum relicto.

Die 25. Ianuarii continuato itinere ad *Raccha* in sinistro fluminis latere appulerunt. Locus hic eleganti castello conspicuus est, quod *Sangiacc* quidam Turcicus inhabitat, qui missis aliquot ministris interrogabat, an pannorum lanceorum aliquid in nauibus haberent? Negabant mercatores, at illi funiculis, quibus conglobata mercatorum bona erant, vi dissectis atq; disruptis, inquirere non cessabant, donec quatuor pannos coccino preciosis-

limo tinctos inuenirent. Hos *Sangiaco* oblatos, ipse dissecari statim curabat, referens mercatoribus se praesentem ipsis pecuniam pro illis numeraturum. Sequenti autem die Aethiopes aliquot in naues vi summa irruentes, imperare *Sangiaco* dicebant, ut quincuncem pro singulis mercibus vectigalis nomine persoluerent. Erat hoc iniquum postulatam, nam pro integra naui, quicquid etiam mercium in ea sit, praeter octodecim *Saie* alias non numerant, itaque commotus tandem precibus & intercessione quorundam mercatorum Turcicorum, de proposito suo remisit, pro pannis tamen nihil persoluit, itaque ut damnum maius vitarent, iacturam istam dissimulantes, cum praesertim inter peregrinos agerent, neminemque a suis partibus ibi haberent, progrediebantur, pernoctantes vesperi in *Elamora* pago ad dextrum fluminis latus sito, sequenti vespera ad *Aman* appulerunt, inde sequenti ad *Avagia Abulena*, & iterum sequenti ad *Casabi*, qui pagus in dextro fluminis latere situs est.

Elamora.
Aman.
Avagia Abulena.
Casabi.

Sequenti die, qui primus Februarii erat, postquam horas tres nauigando consumpsissent, aperiebat sese ipsis castellum quoddam desolatum cum ciuitate *Celebi*, quae in dextra fluminis ripa raris habitatur incolis. E regione ab altera parte fluminis cernebatur castellum itidem desolatum alterum, quod *Zebebe* vocant. Paulo autem ante vesperam nauigandum ipsis erat subter montem altissimum, cuius extremitas adeo supra fluuium propendebat, ut iamiam corruere videretur, & sine horrore maximoque metu aspici non posset. Erant ibi in maximo metu: nam non solum rupes & scopuli ruinam minabantur, sed & multa in flumine saxa deprehendebantur, a quibus damnum contrahere naues facile potuissent. Itaque cum nox iamiam immineret, cernereturque in sinistra fluminis ripa latrones passim plurimi, morte illo vix superato, pernoctare in dextro latere statuebant, ubi monti huic nomen *Elterostrovil* esse cognouerunt.

Celebi.

Zebebe.

Elterostrovil.

Dismontate.

Secundo Februar. venerunt circa meridiem ad locum admodum lapidosum, quem *Dismontate* vocant: tanta copia, qui a monte decidere solent, subinde lapides ibi confluxerant, ut vel ad 20. cubitus ascendisse aquae viderentur. Fusis igitur ad Deum precibus, cum aliter non possent, progrediendum tandem censebant, ubi diuina tamen gratia, & nautarum prudentia factum est, ut periculum euaderent. Sub vesperam autem in latere fluminis dextro ad ciuitatem *Elder* appulerunt, quae olim quidem portus Catenae dicta fuit, nunc autem a *Sangiaco* Turcico & *Cadi* quodam possidetur, multisque honestis viris uxores pulcherrimas habentibus habitatur. Moris ibi est, *Sangiaco* & praecipuis eius ministris munera offerre. Itaque cum hac de re mercatores edocerentur, exhibebant ei eadem adhuc vespera tres panes saccharo confectos cum duodecim frustulis & 20. orbiculis praestantissimi smegmatis, ministro autem eius donabant vuarum passerarum manipulum cum duodecim frustulis smegmatis, similiter & *Cacag.* ex singulis nauibus duo smegmatis frusta accipiebat. Conciliabant autem sibi hisce muneribus tantum fauorem, ut summam beneuolentiam postmodum hoc in loco experirentur.

Elder ciuitas.

Ciuitas Elder cur olim Porto Catena dicta.

Ciuitas haec veteribus *Porto Catena* dicta est, idque uti omnibus videbatur tantum propter impedimenta saxorum, quibus cursus & fluxus aquae certis in locis inhibetur, quae quidem impedimenta miram vetustatem referunt, & cum affixos sibi repraesentent clauos ferreos fluxui aquarum obiectos, ad quos allisae naues naufragium euitare non possunt, hostibus a ciuitate arcendis olim destinata fuisse credibile est. Ceterum cum vectigal 6. Venetorum, & duorum *Maedini* pro singulis nauibus soluissent, quod quidem naues omnes quibuscunque mercibus oneratae pendere ibi coguntur, quinto Februa-

Februarii, inter media illa saxorum impedimenta cursum suum tenentes, iterum progressi sunt tanta angustia, ut vix transire sine detrimento possent. Sub vesperam appellentes in latere sinistro ad pagum *Muachisr*, pernoctandum ibi censebant. Postero die iterum progressi, cum horas quatuor nauigando consumpsissent, cernebant ad sinistram fluminis ripam, veterem ciuitatem *Elpisara*, & post horam vnicam *Cabur* fluuium ingrediebantur, qui ex *Merdin* oritur, & cum Euphrate se coniungit, aquam habens alterius ab Euphrate coloris, nempe rubram, salutarem tamen & grati saporis.

Hora ab exorto sole septima cernebant ad dextram castellum *Rahabi*, quod à *Sangiacco* Elderensi teneretur, & iuxta illud veterem quandam & ruinofam urbem, quæ incolas paucos & variè dispersos, qui *Rahabilatici* vocantur, habet. Hoc in loco horam vnam atque alteram subsistentes, nauem alteram, ferro præter alias mercès nimis grauata, aliquo modo leuarunt; vesperi autem ad *Zoxosuldara* in sinistro fluminis latere appulerunt. Postero die cum horas tres nauigando traduxissent, videbant in dextro latere ciuitatem *Siara*, cumque eius Præfecto Turcico nempe *Sangiacco*, munera debita, nempe patinam vuis passis plenam, quinque particulas smegmatis, cum vasculo vini, ministro vero eius tres smegmatis particulas obtulissent, & vegetigal nempe duo *Saie* pro qualibet naui soluissent, progressi, *Gornur* castellum eodem adhuc die apprehenderunt.

Octauo Februarii circiter horam nonam sub rupe montis *Carteron*, ipsis transeundum erat, qui ab vndis ita excauatus erat, ut omnibus horrorem & timorem incuteret, idque eo magis, quod fissuras variis in locis accepisse montem illum viderent, quibus ruinam singulis momētis minaretur. Cum autem cursus fluminis ibi celerrimus esset, vnicus horæ quadrans metu isto eos liberauit, quo facto, desolatam iam plane urbem *Romi* viderunt, & sub vesperam ad *Heldegi* in dextro fluminis latere appulerunt. Sequenti vespera ad castellum *Sora* delati in naui pernoctarunt. Non procul ab hoc castello sita est desolata quædam vrbs à nemine habitata. Fuit autem ea, ut ex multis indiciis colligi facile poterat, tantæ magnitudinis, ut vel *Alcairum* Ægypti superarit; dicebant enim nautæ, se à maioribus suis accepisse, ciuitatem hanc 366. portas habuisse. Nominatur hodie *Elerfi*, & ita desolata est, ut præter murorum & turrium aliquot rudera nihil ibi conspiciatur amplius, cum olim insigne emporium extiterit, & multis celeberrimis ditissimisque ciuibz habitata fuerit. Post meridiem cum ad miliaria octo, relicta post se *Elerfi*, progressi essent, cernebant aliam quandam desolatam *Anga* nomine. Quæ licet non vsque adeo magna fuisse putaretur, multa tamen molendina habuisse, indicio erat, quod decem plus minus ab ipsis etiamnum numerarentur, vnde conicere licebat, Euphratis fluuium ab eo tempore, quo ciuitas ista hominibus inhabitata fuit, varie mutatum, & multis modis auctum fuisse. Sub vesperam cum turrim quandam ciuitatis *Caima* vidissent, delati sunt ad artificiosum quoddam opus, quod tribus rotulis aquam ex Euphrate haustam, per canalem ad agros humectandos propellebat. Pernoctabant autem, cum vltius progredi non possent, in *Sema*, magnum ea nocte frigus sentientes.

Sequenti die, qui erat 11. Februarii, transeundum ipsis erat per angustias admodum periculosas, prolapsa enim erant ab vtraque fluminis parte aliquot ædificia, inter quæ magna cum difficultate nauigandū, cum aut periculū illud superassēt, offerebat sese ipsorum oculis domus magnifica *Capilchelbi*, & 4. horis

horis post, alia, *Aravedi Fochelcurmi* dicta, iuxta quas duæ etiam angustiae
Edir. *Rechtalmel.* repertiuntur non minus quam priores periculosa. Circa meridiem asseque-
 bantur castellum *Edir*, quod in colle elegantissimo ad sinistram fluminis
 extructum cernitur. Appellebant autem in *Rechtalmel*, expectaturi donec pro-
 cellæ & venti magna vehementia furentes aliquo modo remitterent, quod
Zaffara. ubi factum esset, seruat inter duo molendina cursu, vesperi ad *Zaffara* per-
 tegerunt.

Duodecimo Februarii per multas angustias non sine periculo & diffi-
 cultate maxima ipsis nauigandum erat. Horam autem circiter duodecimam
 ad sepulchrum cuiusdam, quem Orientales populi in Sanctorum numero
 habent, delati, subsistere cogebantur, donec nautæ panes aliquot nauticos
 biscoctos in sepulchrum abiecissent, dicebant enim naufragium ibi multos
 subito fecisse, qui de bonis suis sepulchro isti nihil obtulissent. Progressi
 postmodum in oppido *Elmesetana* pernoctarunt. Sequenti die in locum o-
 mnium periculosissimum inciderunt, eo autem multo labore superato, vi-
 debant domos, turres & hortos, nec non splendida quædam ædificia ad ra-
 dices montis cuiusdam extructa, qui ab altera parte in fluuium excurrens
 elegantem Insulam faciebat, malorum aureorum feracem, quam ipsi præ-
 ternauigantes ad dextram relinquebant, progressi autem paulo amplius,
 turres, hortos & ædificia alia, insulamque priori non dissimilem, nisi quod
 paulo maior & satis crasso muro circumdata esset, in quo incolæ interdum
 sedentes conspiciuntur. Præter hasce duas Insulas habentur etiam syluæ i-
 bi & multæ malorum aureorum, citrinorum & aliorum fructuum arbores.
 Cumque non procul ab inuicem Insulæ hæ duæ distent, multæ nauiganti-
 bus angustiae non sine multo periculo superandæ sunt. In sinistro fluminis
Anna castellum. latere post exsuperatas angustias illas occurrit castellum *Anna*, octodecim
 ferè molendinis conspicuum, in quibus latrones sese quamplurimi conti-
 nent. Sic igitur in itinere ab *Albir* ciuitate, ubi Euphrati sese committere
 mercatores solent, ad hoc usque castellum *Anna*, dies 40. consumpserunt
 inter multa & varia non solum naufragiorum, sed & latronum pericula: nam
 ab Arabibus quidem nunquam tuti erant, qui licet neminem interficiant,
 bonis tamen obuios quosque spoliant, & postmodum in pedes sese conii-
 ciunt. Oportet igitur iter hoc ingressuros sclopetis bene instructos esse:
 nam nulla magis arma quàm sclopos reformidant, nec facile appropinquant
 ubi sonum & dislosionem scloporum audiunt. Dominus siue Dux ho-
 rum Arabum *Aborise* nominatur, vir ob annuos redditus, quos non ex telonio
 solum & vectigali, sed & ex fructibus terræ, omnibusque pecoribus habet,
 diues admodum & potens.

Cæterum loca illa, in quibus 40. hisce diebus pernoctarunt, desolata
 magna ex parte, syluis & montibus horrida, & à latronibus admodum pe-
 riculosa erant, exceptis *Albir*, *Racha*, *Elder*, *Beles*, *Rabi*, *Rabilatica*, *Siara*, *Elcuxi*,
Elmesetana, & hoc castello *Anna*. Hæc enim loca certos suos incolas habent.
 Et quidem castellum hoc *Anna* pertingit ad ciuitatem aliquam, quæ ab om-
 ni parte, excepta illa quæ castellum respicit, formam Insulæ repræsentat,
Diana. & *Diana* vocatur. In hac vrbe Arabum Dux *Aborise* sedem suam habet, qui
 imperium Arabico *Sangiacc* tradidit, cui nomen est *Cerali*. Munera quæ *A-*
borise à mercatoribus accepit, erant 10. frustra smegmatis, *Cerali* vero offere-
 bantur sex particulae cum manipulo vuarum passerum, & eius ministro siue
 satelliti duæ cum duobus paribus cultrorum germanicorum.

Locus hic multis dactylis, oliuis & malis aureis abundans est, habitatur-
 que multis Æthiopibus, Iudæis, Turcis & aliis, qui operam dant parandæ
 aquæ

aquæ vitæ seu vino igni eliquato, cuius ibi maximus vsus est. Per totam autem vitam nihil magis student, quam vt modo hunc, modo alium artificiosè circumueniendo decipiant, & bonis exuant, vnde nemo facile præternavigare potest, qui nō ab illis defraudetur. Accidit hoc vni ex nauib, illis quæ cæteras præuertens aliquanto citius portum assecuta fuerat, illa enim præter fas & æquum 60. Venetos soluere cogebatur, iamque aduentantes naues reliquas eodem modo exceperant, nisi illis *Cogia Solimannus* quidam & *Ottomannus Magrus* adfuissent: nam cū hi duo viri primarii & magnæ auctoritatis essent, omnibus in eorum gratiam honoris plurimum exhibebatur. Quamuis autem pœnæ nomine nihil accipere ab ipsis possent, cogebantur tamen munera offerre, duobus nempe *Bassis*, & Seniori ciuitatis, qui dicebatur *Cacagia*, cui libet duos panes saccharo cōfectos, cum duodecim particulis, & quindecim orbiculis smegmatis. Hoc facto nihil inquirebant amplius præterquam ordinarium vectigal, nempe duo *Saie* pro singulis fasciulis, vel 18. *Maedini* si pannus esset.

Cæterum cum intelligerent ibi iter reliquum admodum periculosum esse, prospiciebant sibi de aliis nautis, soluentes ei qui ad clauum federet 9. *Saie*, gregario vero ministro sex, cum frusto smegmatis & vuarum passarum manipulo. *Emin* vero qui ad telonium sedet, veniebat 14. Februarii die, vectigal suū allatum. Huic primo in patina uvas passas & nuces comedendas exhibebant, postea donabant ei quinq; smegmatis frustula, & tres vuarum passarum manipulos. Scriba autem *Eminis* istius mittebat eis dono duos pisces, quem ipsi remunerabant decem frustulis & aliquot orbiculis smegmatis. Tandem cum à *Cogia Solimanno*, omnem ibi beneuolentiam experti fuissent, donabant ei 20. frustula & aliquot orbiculos smegmatis, cum petine eburneo. Cumque ab eo admonerentur, vt quamprimum iter ingrederentur, aduentare enim quendā *Subassi*, qui pannos aliquot & alia petiturus esset, tribus ante vesperam horis iterum soluentes abierunt.

C A P V T III.

Continuatio itineris ab Anna ad Giuba vsque.

ROSTQVAM igitur castellum *Anne* reliquissent, perueniunt paulo post ad quatuor scopulos, vbi aqua tantis sese fluctibus exonerabat, vt quid facerent præ metu & timore nimio nescirent. Superato autem per gratiam Dei, remigum & ministrorum quos nuper conduxerant opera, hoc periculo, in tantas ab ædificiis & molendinis vtrique fluminis ripæ adiacentibus incidebant angustias, vt vix nauibus suis eas transire possent. Assequebantur autem vesperi Insulam *Anatelbes*, in qua cum ruderarum murorum cernerentur, ciuitatem olim fuisse à nautis intelligebant, quæ terræ motu perierat, quod quidem verisimile videbatur, cum etiamnum in sinistro latere turris conspiceretur, quam de castello, vbi qui de terræ motu reliquias superesse dicebant. Expectabant autem in hoc loco vnā ex nauibus, quæ ad castellum *Anne* remanserat, quæ tamen vt reliquis iterum cōiuncta erat, progressi iterum reliquerunt post sese in latere sinistro syluam quandam palmarum hominibus habitatam. Erat autem propter molendina quædam fluuius ibi frequentibus saxis ab vtraque parte ita oppletus & coarctatus, vt vix transitum reperire nautæ possent, diligenti tamen eorum cura factū est tandem, vt duabus horis angustias & difficultates illas omnes superarent, postea inuenerunt in sinistro fluminis latere multa ædificia, quæ

G

vocan-

Cabini.

Sberie.

Benexi.

vocantur *Beniabem*, & Insulam *Beggiam* multis amygdalis confitam, locus vero ipse vocatur *Cabini*. Ab altera parte præter solitudines & montes palmes quibusdam confitos, nihil cernitur. Post meridiem multa numerabant molendina, unde colligere poterant, loca etiam à flumine remota ab hominibus habitari. Ad sinistram cernebant arcem *Sberie*, & paulo post aliam, cui nomen est *Zovia*. Relinquebant autem post se etiam parvam Insulam *Zera*, multis lignis refertam, pagum item *Giera* multis molendinis conspicuum. Item *Adlelie* pagum, & undique habitatum castellum *Busobileia*, *Ederita* itē & *Germa*, quæ loca omnia ad sinistram sita sunt, donec tandem habitatum hominib. pagum *Benexi* assequerentur, ubi per noctem illam requierunt.

Dulebgidit.

Albusabur.

Sequenti 16. Februarii die, iter iterum ingressi post horam vnam atque alteram ad duos pagos peruenerunt sibi inuicem ab vtraque fluminis ripa oppositos, quorum alteri in sinistro latere, *Simia*, alteri in dextro, *Dera* nomen est. Non multo post alius est multorum ædificiorum, *Gielma* dictus, itemq; in latere dextro alius nomine *Sia*, sex molendina habens. Cum vero tractus hic multis pagis & villis conspicuus sit, quorum nomina Lectori tædiosum nimis est cognoscere, præcipuorum tantum annotabimus nomina, qui ab vtraque fluminis ripa & littore visuntur. Itaq; ad sinistram occurrit primo *Duleb*, postmodo *Asop*, paulo post candidus mons *Begheri*, vna cum pago *Cicida*, villæq; sequentes, *Verixa*, *Gida*, *Dulab*, *Lulap*, inter quas sylua quædam palmarum ferax cernitur, cui nomen est *Setisfa*. Peruenerunt autem paulo post ad vicum *Dulebgidit*, relictis post sese duabus in latere dextro exiguis Insulis, lignarum feracibus, quæ cum non ita pridem extitissent, nullo adhuc nomine gaudebant. Cæterum progressi vterius pertingebant in latere dextro ad vicum *Zibida*, inde ad *Vrasa*, ad *Amerie*, ad *Elbara*, & tandem ad *Fuochelbera*. Hoc superato in tantas incidebant iterum angustias, multis saxis constratas, vt vix transitum inuenire possent. Superatis vero hisce quoque angustis, aperiebat sese ipsis in latere dextro castellum *Albusabur*, postmodo pagus *Butsora*, *Giedida*, *Forusfa*, itemq; duo montes albi, & molendinum vi aquarum ita à littore abreptum, vt quasi Insulam aqua vndiq; cinctam constituat. Sed & vicus *Segadid* cum multis aliis ædificiis, turribus, & murorum desolatorum rudibus ibi cernere est.

Aditi ciuitas.

Tandem ad ciuitatem *Aditi* delati sunt, quæ castello paulo maiori quàm castellum *Anna* fuerat, conspicua, in Insula quadam sita est, quæ in transitu ad dextram relinquitur. Non procul ab hoc loco in montis cacumine fanum *Sechaita* extructum est. In ciuitate autem *Aditi*, habitat quidam *Sangiaccio* ab *Aborise* Arabum Duce eo missus. In opposita fluminis ripa, turris quædam & sepulturæ, quales ibi vsitata, cernuntur. Cæterum progressuri ab hac ciuitate per summas angustias inter mœnia ciuitatis & saxa quam plurima, ad munitionem sex molendinorum disposita, transire cogebantur, ita vt ne remos quidem adhibere possent. Cumq; Æthiopibus eius loci parum fidendum esset, absque vlla mora oblatis *Sangiaccio* eius loci muneribus, nempe duobus *Saie*, sex particulis smegmatis & vuarum passarum manipulo, tribus ante vesperam horis abierunt. Videbant autem passim ab vtroq; latere multa ædificia, turres, hortos & sylvas palmarum feraces, relictisq; ad sinistram duabus paruis Insulis, ad tertiam delati sunt multis ædificiis conspicuam, in qua *Cacagia* prædicti *Sangiaccio* habitat. Transitus ibi similiter admodum angustus, & à fluctuum impetu satis periculosus est, eoque vix superato, in alium nihilo meliorem, propter molendinum saxi & lapidibus constructum inciderunt.

Postquam

Postquam igitur multas Insulas præteruecti essent, ad locum quendam vesperi delati sunt, qui *Zezirnaly* vocatur, multis hortis, ædificiis, turribus, & frutetis palmarum in dextro fluminis latere conspicuum, vbi per noctem illam requierunt. Sequenti die cum horas circiter tres nauigando consumpsissent, obtulit sese oculis ipsorum locus, duabus turrib. & tribus ædificiis conspicuus. Aberat autem non procul facellum quoddam, in quo primum quendā suæ religionis Patronum sepultum iacere nautæ dicebāt, qui simulatq; ad locū illum venissent, orare cœperunt, preces suas donec oculis ipsorū expositum facellū illud esset finire nolētes. Cæterum cum multos lapides marmoreos, multa molédina, ædificia, syluas & fruteta palmarū post tergū remisissent multaq; pericula supersissent, tandē ad oras ciuitatis *Giuba*, quæ in sinistro latere sita, & aquis vndiq; circumdata est, venerunt. Ciuitas hæc ab vtraque parte castello fortissimo munita, multis ædificiis conspicua est, habetque solum fertile admodum & fœcundum. Vestigalis loco de naui qualibet duo *Saie*, sex particulas smegmatis, & vuarum passarum manipulum accipit. Incolis quidem parum audebant fidere, quod per insidias mercib. suis inhiare eos deprehenderent, itaq; soluto statim vestigali, itineri sese iterum commiserunt, videntes toto isto tractu hortos malorum aureorum & dactylorum feraces quamplurimos. In sinistro latere templum erat *Siechgiba* dictum, quod magna cum deuotione ab incolis frequentatur.

C A P V T IV.

Continuatio itineris à Giuba vsque ad Felugia.

NON possum hic intermittere, quin Lectorem commonefaciā, quod vtile admodum sit & ad promouēdum iter maximopere faciat, si munera quædam *Sangiaccio* in *Giuba* eiusque *Emini* offerantur. Verum enim est hic illud Poetæ; Munera crede mihi placant hominesq; Deosq; facile enim ab eis impetratur & perficitur munerum interuentu, quod alioquin factū impossibile videtur. Postquam autē soluentes ab hac ciuitate paululum progressi fuissent, viderunt in sinistro latere Insulam, muro vndique conclusam, multisq; arboribus frugiferis & aliis confitam. Estq; vt breuiter dicam, totus hic tractus rupibus, ædificiis & molendinis abundans. Duabus horis post, quam *Giuba* soluissent, in vadū delati, ad ciuitatem *Nausa* peruenerunt, quæ in Insula quadam ad dextram fluminis sita est iuxta montem quendam, ruinoso templo conspicuum. Totum hoc territorium, multis ædificiis, hortis, molendinis, albis montibus, syluis & dactylorum frutetis conspicuum est. Superatis autem eo die plus quam quadraginta angustiis, appulerunt vesperi in *Giaregirvola*, loco solitario. Cumq; ibi pernoctassent, sequenti 18. die nauigationem suam continuantes, viderunt in transitu multa dactylorum fruteta, molendina, insulas & pagos *Ziriza*, *Bostamia*, *Besina* & *Zizire*, quorum descriptionem breuitatis gratia hic omittimus.

Circa meridiem assequebantur ciuitatem *Eit*, quæ ad dextrum fluminis sita, multis latronibus Arabibus habitatur, qui *Zizaeri* dicuntur, & castellum non procul ab vrbe tenent. Cogebantur in hac vrbe tantum vestigalis, quantum in castello *Anna*, pendere, quod per *Eminem* quendam pro Bassa Babylonix colligitur, tota enim ciuitas ad Arabum Ducem *Aborise* pertinet. Ne igitur mercatores à prædicto *Emine* circumuenirentur, offerebant ei primo in duabus patinis vuas passas & nuces, petentes vt illis videretur, quod ipsi quidem ita placuit, vt non modo nihil iniquum ab ipsis

postmodo postularet, sed & plus honoris quam ullibi factum esset, eis exhiberet, praesertim cum & *Sangiaco* & eius Scribae munera cuilibet, nimirum patinam vuarum passarum & quinque orbiculos smegmatis, offerre eos videret. Progressi autem quarta ante vesperam hora, montem conspexerunt eleganti templo conspicuum, similiter & fruteta dactylorum, molendina, colles & aedificia varia. Cumque vespera facta esset, appulerunt ad Insulam quandam vna ex nauibus, quae mercatores quosdam Turcicos, qui locum quendam spectatum in terram descenderant, expectabat post se relicta, quae paulo ante noctis medium ipsis se iterum coniunxit. Locus autem quem contemplatum mercatores isti abierant ille est, ex quo bitumen profluit. Reperitur enim non procul ab *Eit* ciuitate lacus quidam, pice seu bitumine perpetuo ebulliens atque feruens, cuius vsus est in aedificiis nauibusque extruendis. Incolae enim aedes suas ex arborum ramis constructas multo bitumine ita oblinunt atque obducunt, ut parietes & muros piceos eas habere non immerito dicere possis, naues itidem ex ramis dactylorum parantur, & bitumine vndique obducuntur. Liberum autem & permissum cuilibet est capere de hoc bitumine siue pice quantum expetit, maxima enim copia ebullire quotidie cernitur. Inter feruendum autem ingentes bullae exurgunt, quae tumore nimio postmodum disruptae campum vndique bitumine siue pice deformant. Nec verentur incolae affirmare, tanta picem illam copia efferuere & in terram profundi, ut, nisi Euphratis inundationibus illa eleuata subinde abduceretur, in ingentes montes iam dudum excreuisset. Ex lacu autem isto piceo riuulus aliquis, quod mireris, resultat aquae dulcis & potabilis, quam incolae eius loci ad potum adhibere possunt.

Lacus bitumine
feruens.

Ceterum 19. Februarii relicta Insula ista, iter iterum ingressi sunt, ut illuxit autem dies, conspexerunt in dextro latere insignem montem marmoreum, sed & nauem ibi offenderunt, ex *Felugia* aduerso flumine regressam, & *Eit* ciuitatem petentem: nam eo usque in reditu nauibus illis peruenire adhuc possunt, quas angustiae imposterum non transmittunt, quod notandum quidem illis est, qui nauigia sua in *Albir* ciuitate Babyloniam profecturi coeunt, ut nimirum ea vel in *Eit*, vel in *Felugia*, diuendant, nec reduci illa sese posse sperant, idque ob angustias & loca periculosa alia, quae in Euphrate, ut hactenus ostensum, satis multa occurrunt. Quam autem nauem 25. Ducatis Hungaricis in *Albir* quis emit, eam in *Felugia* vel *Eit*, maioris vendere non potest, quam quatuor vel ad summum quinque Ducatis. Porro cum progredierentur paulo amplius, in faxa & solitudines inciderunt, praeter montes & syluas nihil videntes. Erant autem in cacumine montis alicuius admodum excelsi duo sacella, quae *Maleben* vocabant. In flumine ipso multas minores Insulas, & inter eas aliquam paulo reliquis maiorem cernebant, quae ab aqua in duas partes diuisa *Elchaligi* vocatur.

In Euphrate ad-
uerso flumine na-
uigari non potest.

Elchaligi.

Non procul ab hac Insula collis est, & in eo turris quaedam desolata, ubi ad tres fere horas haerere cogeantur, propter ventum ipsis admodum contrarium, qui ut cessauit, placato iterum flumine nauigationem continuauerunt, ad aedificia quaedam desolata delati, de quibus praeter delineamenta & vestigia nihil fere reliquum erat, quae tamen indicio satis magno esse poterant, quod a primariis olim hominibus habitata fuissent. Tractus hic vocatur *Avosi*, multis arboribus syluestribus, & inde consequenter, multis etiam ceruis, apris, vrsis & feris aliis abundans. Cum autem vna ex nauibus praecessisset, ut ad littus appellens pernoctare commodius ibi posset, contendebant reliquae remis omnibus illam sequi; cum vero non satis caute agerent, accidit ut in arenam delati totam illam noctem ibi haerere, & metu

grassan-

granstantium magno numero latronum Arabum in armis stare, sclopiisque instructi vigilare cogerentur. Cæterum cum desiderata lux sequentis diei iterum apparet, promotis magno labore nauibus, post horam vnam atque alteram, ad vicum quendam in sinistro latere deferebantur, qui totus ex ramis arborum & peculiari quodam luto, quod *Caragnol* vocant, excitatus erat, incolas trium linguarum, Æthiopica, Turcica, & Aghamica siue Persica peritos habens. Noua hi homines agros suos rigandi ratione vtuntur: vtres enim ex pellibus caprarum vel aliarum ferarum (quarum magna ibi copia est, imprimis vero leonum, qui agricolis tam molesti sunt, vt ne exire quidem sine armis audeant) paratos molendinorum rotis alligant, quas boues postmodo circumagunt, vt hausta ex Euphrate aqua, per canales in agros late propellatur.

Noua ratio rigandi agros.

Cum autem hunc locum ad sinistram post se reliquissent, multa passim conspiciebant ædificia ita disposita, vt pagum constituerent, qui *Cozzur* nominatur. In dextro latere fluminis facellum cernitur cum campana, cui *Misiat* nomen est, & habetur locus hic initium siue ingressus in Eremum. *Initium solitudinis.* Pernoctabant autem tum in sinibus *Caragnoli*, cuius tractus tantæ longitudinis est, vt integro die superari nauigando nō possit. Incolæ huius loci nec Turcæ sunt, nec Æthiopes, nec Persæ, sed à vicinis pro eiusmodi habentur hominibus, qui sine legibus viuunt. Sequenti 21. Februarii die continuata iterum nauigatione, post exortum Solem, riuum quendam conspexerunt, qui ex Babylonia profluens hoc in loco Euphrati miscetur, & vix cymbas minores admittit. Non multo post videbant etiam syluas, in quibus Babylonii ligna sua cædere solent. Quamuis autem parum cessarent, non poterant tamen ante meridiem de *Felugia* ciuitate quicquam videre, donec post meridiem ea sese ipsis conspiciendam daret, ad quam quidem tertia ante vesperam hora salui & incolumes omnes appulerunt, Euphrate, qui gruibus aliisque volatilibus cœli nunquam destituitur, tandem relicto. Afferunt Æthiopici populi riuum quendam ex Euphrate non procul à *Balsara* in Tigrim alium item in Golum siue sinum Persicum sese exonerare, cuius beneficio ad *Ormy* vsque perueniri possit. Piscium quos Euphrates suppeditat, optimi sunt, qui *Frati* ipsis dicuntur, sunt enim nō solum boni saporis, sed etiam præ aliis salutare, & capiuntur tanta copia, vt exteris etiam nationibus cibum præbeant. Populorum iuxta fluuium hunc habitantium aliqui *Gurgi* vocantur, Mahometho addicti; alii Arabes sunt, ex rapto viuentes; alii denique Turcomanni, qui à rapinis abhorrent & iurati Arabum hostes sunt. Cum igitur ad *Felugia* ciuitatem venissent, soluerunt pro singulis nauibus quatuor *Saie* & tres *Maedini*, alligatasque ad palum naues exonerare paulatim incipiebant.

Felugia.

CAPVT V.

De oppido Felugia, & reliquo versus Babyloniam itinere.

OPPIDVM *Felugia* sesqui dierum itinere à Babylonia distat, quod quidem à peregrinis mercatoribus admodum frequentatur. Quicumque enim Alepo Babyloniam proficiscuntur, naues in hoc oppido exonerant, & bona sua camelis imponunt, Babylonia vero reuersi naues hic conscendere & Euphrati se committere coguntur. Incolæ huius loci nauium loco ratibus vtuntur, lignis enim aliquot oblongis colligatis, & asseribus stratis, merces imponunt, hinc inde eas deferentes.

Felugia.

Mercatores ea vespera, qua aduenerant, naues exonerare non poterant,

continebant igitur merces suas in nauibus, donec sub vesperam sequentis diei 23. cameli aduenirent, quorum opera merces inde abduxerunt. Non proficiscebantur autem omnes simul, sed postquam cum magistro *Caravanarum* conuenissent, ut pro singulis camelis 7. *Saie* solueret, cum alias, si magna eorum frequentia adfuisset, 30. *Maedinis* singulos habere potuissent, noctis beneficio clam sese inde subdixerunt, iter suum Babyloniam versus dirigentes. Relinquebant autem vnum ex sociis suis in *Felugia*, qui mercium, quæ adhuc ibi supererant, curam ageret, donec ipsi camelos remitteret, qui delatus ad Præfectum oppidi, cogebatur, antequam camelos mercibus oneraret, *Gianitscherum* cuiusdam *Chiaus* & *Emin* eius loci pecunia & muneribus aliis placare, & cum magna *Caravana* inde discedere.

Vigesimo quarto Februarii quamprimum solexoriretur, iter fecerunt per pontem fluuii alicuius, qui ex Euphrate promanans Tigri non usque adeo dissimilis est. Circa meridiem peruenerunt ad oras desolatæ urbis cuiusdam, quæ *Sendia* nominatur, & hora dimidia post ad principium veteris Babyloniam, quod principium hodie *Facheria* dicitur. Progressos autem eadem via excepit *Nareisa* vesperi, qui locus medio inter Babyloniam & *Felugiam* itinere, à latronibus & leonibus admodum infestus est. Cogebatur autem nihilominus ibi pernoctare. Cumq; dies iterum illuxisset, itineri sese accingentes, iuxta veterem Babyloniam progressi sunt, ita ut ad sinistram ea relinqueretur. Conspiciebant autem non pauca muri admodum crassi rudera, cum vestigiis ingentis veteris ciuitatis turris, in loco qui *Carcufrate nemeru* vocatur.

Cum venirent ad *Mascadon*, apparebant ipsis pinnae templorum nouæ ciuitatis Babyloniam. Cumq; plus quàm integri diei itinere in latere veteris ciuitatis progressi essent, cuius quidè finis siue terminus *Durelcus* nominatur, conspexerunt etiam templum eius ciuitatis maximum & incredibilis altitudinis. Et sane fateri omnes, quotquot hoc opus intuentur, necesse habet, hanc tam præstantem & ad perpetuitatem olim excitatam urbem singulari fato & ultione diuina, propter multiplicia peccata & nefaria scelera ab hominibus in ea perpetrata, desolatam periisse. Est enim illustre speculum iræ diuinæ aduersus peccata, cum & terra omnis inter *Felugiam* & *Babyloniam*, quantumuis bona admodum & pinguis, nec arbores nec herbas vllas producat, sed tota sterilis & desolata sit, nec quicquam præter fungos gignat, boni tamen saporis, ita ut etiam crudis illis *Æthiopes* vescantur. Non procul ab hac veteri ciuitate conspiciuntur adhuc rudera castelli cuiusdam, quod *Calagiamus* vocant, estq; quinque sacellis conspicuum, quorum tria iuxta viam, qua mercatores hi proficiscebantur, duo vero ab altera parte sita sunt. Hora prima post meridiem peruenerunt ad *Rachiche* in littore Tigris fluuii nouæ Babyloniam opposito, vnde in ciuitatē per pontem ligneum, 37. nauigiis, quæ catenis ferreis colligata sunt, impositum, iter patet. Manebant autem mercatores hi in *Rachiche* donec merces suas in ordinē iterum disposuisset. Ut igitur omnia hæcenus dicta, breuiter repetatur, sciendū est, mercatores hos ex Alepo ad *Albir* ciuitatem, equis trium dierum itinere vectos esse, ubi *Caravanam* conduxerunt usque ad Euphratem fluuium. In itinere autem ab *Albir* usque ad nouam Babyloniam 49. dies consumpserunt,

propter temporis iniuriam, a stiui enim tempore longè citius & commodius illud absolui potuisset.

PARS SEPTIMA.

CAPVT VI.

De sumptibus ad iter Alepo Babyloniam versus necessariis.

55

ALEPO versus *Albir* profecturi, pro clitellis singulis camelo imponendis soluere coguntur 60. *Maedinos*. Est autem *Maedino*, moneta quædam quatuor solidos Venetos valens, qui totidem cruciatos apud nos efficiunt. Pro clitellis singulis mulo imponendis soluuntur 45. *Maedini*.

Pro clitellis singulis in *Albir* soluuntur vestigalis nomine 10. *Maedini*. Muneris loco *Emini* præstantur 400. *Maedini*, & pro auertenda iniuria, quæ peregrinis alias infertur 200. *Maedini*.

In quatuor patinæ vuarum passarum, & 20. frustula smegmatis, sumptus fiunt 35. *Maedinarum*.

Pro nauī, quæ 30. plus minus clitellarum onera capiat, soluuntur 60. Ducati, siue 2400. *Maedini*.

Pro comœatu & cibariis omnis generis 200. *Maedini* requiruntur.

Vestigalis nomine in *Racha*, pro clitellis singulis soluendæ sunt 5. *Maedini*.

Tres patinæ vuarum passarum, & 25. frusta smegmatis, constant 25. *Maedinis*.

Aborise in *Raii*, vestigalis nomine 20. Ducati, siue 800. *Maedini* soluuntur.

Vestigalis nomine in *Der* soluuntur 5. Ducati, seu 230. *Maedini*.

Quatuor patinæ vuarum passarum & 20. segmenta smegmatis, valent 35. *Maedinis*.

Pro vestigale in *Ossara* requiruntur 10. *Maedini*.

Pro duabus patinis vuarum passarum, & 10. segmentis smegmatis, 17. *Maedini*.

Vestigalis in castello *Anna* nomine, pro singulis clitellis soluuntur 10. *Maedini*.

Quatuor patinæ vuarum passarum, & 20. segmenta smegmatis, 35. *Maedinis* valent.

Vestigalis nomine in *Adite* pro singulis nauib. 10. *Maedini* soluuntur.

Duæ patinæ vuarum pass. & 10. segmenta smegmatis, constant 17. *Maed.*

Vestigalis nomine in *Giub*, pro singulis nauib. soluuntur 10. *Maedini*.

Pro 2. patinis vuarum pass. & 10. segmentis smegmatis, 17. *Maed.* soluuntur.

Vestigalis nomine in *Eit*, pro clitellis singulis numerantur 10. *Maedini*.

Pro 4. patinis vuarum passarum, & 20. segmentis smegmatis 35. *Maedini*.

Sûptus qui in munera fiunt, vbi ad *Felugia* peruenieris, sunt 30. *Maedini*.

Pro clitellis singulis, camelis merces ex *Felugia* Babyloniam transferentibus imponendis, soluuntur 30. *Maedini*.

Et hi quidem sumptus sunt, quos mercatores Alepo Babyloniam proficiscentes in itinere necessario expendere coguntur. Quid autem in victum quilibet infumere voluerit, meum hic nō est annotare, cum metiri se quemque suo modulo ac pede oporteat.

CAPVT VIII.

De noua Babylon.

BABYLONIA noua, quæ hodie à Turcis *Bagiodet* nominatur, insigni sua amœnitate, vel cum Damasco certare posse videtur, hortos enim habet delicatissimos & arborum præstantissimarum copia pulcherrimas. Turres & pinnae templorum tam eleganti aduentantium oculos fulgore perstringunt, ac si ex Iaspide acrisula omnes constarent. Ciuitas ipsa populosa quidem est, sed non vsque adeo magnæ

magnæ capacitatis, nec multorum admodum ædificiorum. Quia autem portus est præcipuus, & transitus in Arabiam, Persiam & alia loca, multis quotidie mercatoribus exteris frequentatur, qui multas ibi negotiationes exercent, id quod ex *Carauanis* magna quotidie copia ibi transeuntibus colligere difficile non est. Ex Armenia transfertur eo, quicquid ad victum & sustentationem pertinet, idque Tigris beneficio, quo fluuius ad ipsa urbis mœnia perueniri potest. Nauium autem loco Armeni ratibus vtuntur, colligata enim ligna aliquot oblonga, caprinis pellibus aere completis siue inflatis imponunt, asseribusq; consternunt, vt continendis mercibus idonea fiant. Vt ad urbem autem cum eiusmodi ratibus ventum est, asseres quidem & ligna omnia diuenduntur, vtres vero siue pelles caprinæ, aere euacuata, camelorum opera in Armeniam iterum reducuntur.

Sita est ciuitas in regno Persico, sed longo iam tempore à Turcis possessa. Transfluuium, qua Arabiam respicit, capellam habet, quod *Rachiche* vocant, multis ædificiis & mercatorum tabernis siue officinis conspicuum, in quo plerique peregrinorum mercatorum diuertuntur. Cum autem inde ciuitatem ingredi expetunt, si fluuius ex multiplici & frequenti pluuiâ, aliquo modo excreuerit, pontem aperire in medio coguntur, vt eius pars altera ad ciuitatis mœnia tum pertingat, altera vero in littore prædicti castelli recumbat, & transeundum tunc quidem nauigiis in ciuitatem est non sine magno periculo, cum nauigia illa fluctuum impetu facile subuersa vndis mergantur. In sinistro ciuitatis latere castellum alterum extructum, & pro defendenda ciuitate, tormentis militibusq; multis munitum est. Tertium vero in ciuitatis medio, area late patenti perquam elegatissimum cernitur, & à *Bassa* quodam ceu Gubernatore ciuitatis inhabitatur, qui satellitum multis militibus constans secum habet. Præterea multis thermis hæc ciuitas gaudet, ita vt vel sexaginta in ea numerentur. Ipsa vero urbs vetus admodum apparet, excepto castello seu arce, quam Gubernator pulcherrimam & splendidissimam inhabitat.

CAPVT VIII.

De turre Nimrodica prope Babyloniam.



TURRIS Nimrodica plus quam octo leucis siue miliaribus Gallicis à Babylone distat, cis Tigrim, in loco plano & patenti Arabiam versus sita, nominatur ab Æthiopibus *Disela*, plane autem desolata est, & ruina sua ingentes quasi circumquaque montes excitauit. Fundamentum quidem adhuc integrum est, sed lapidibus fere obrutum, qui quidem omnes initio ex argilla, admixta lini stupa parati & solis æstu indurati coctiq; fuere, vt contra omnem externam vim subsisterent. Maior apparet absentibus longius, minor vero propius accedentibus, idque contra aliorum ædificiorum rationem, quæ accedentibus propius maiora semper redduntur. Ratio vero huius rei videtur esse, quod sola in patenti admodum planicie constituta, præter murorum desolatorum rudera, nihil sibi coniunctum habet.

De ponderibus, mensuris & numismatibus civitatis Babylonie.



De ponderibus etiam, mensuris item & monetis in Babylonie visitatis aliquid dicamus, sciendum est pondus Babylonicum, quod ipsi *Mano* vocant, idem esse cum eo, quod Alepi *Rotolo* dicunt, valetq; apud nos quincuncé siue quinq; vncias. Itaq; 68 $\frac{3}{4}$. *Mano* & 100. *Rotolo* Alepicæ constituunt 720. libras Venetas minores, quarum quælibet semuncias 24. continet. Centum *Mano* faciunt vnum *Cantaro* Babylonicum; centum & quadraginta sex *Rotoli* Alepica; 1052. libras minores Venetas cum semunciis quatuor. Mercatores autem inter vendendum & emendum solo minori pondere, quod *Mano* vocant, vtuntur.

Mensuram Babylonii aliam non habent, quam quæ ipsis *Pichi* dicitur, quæ tamé paulo maior est illa, qua Alepienses vtuntur. Centum enim mensuræ Alepicæ tantum 82. Babylonicas constituunt.

Numismata *Saie* sunt, quorum quodlibet quinque *Maedinos* facit, *Saie* vero & *Maedini* vno in loco cuduntur, faciuntque 40. *Maedini* ducatum vnum Sultanicum siue Turcicum; quadraginta vero septem constituunt vnum *Zechinum* Venetum. Nummi argentei valent 33. *Maedinos*. Philippii vero Hispanorum valent, quantum in pondere habent, drachmæ nempe quælibet 100. *Maedinos*, nullum enim certum habent pretium, & cum mercatoribus de monetis sermo est, plerumq; centum *Metecchali* nominantur, qui Alepi faciunt 130. drachmas. In domo autem monetaria, Babylonii monetas exoticas & peregrinas iuxta pondus centum drachmarum permutant, & quinque *Maedinos* de valore siue pretio detrahunt.

Quod ad vectigalia ipsorum attinet, de omnis generis mercibus semissem plerunque accipiunt, de coralliis vero & ambra quincuncem cum dimidio. At de pannis Anglicanis, linteaminibus pretiosis, pannis bombycinis, vndulatis, gossypinis, holofericis, scutulatis, Damascenis & aliis, quincuncem accipiunt, siue emantur siue vendatur. Omnes autem merces maioris æstimant, quam vulgo venduntur. *Toaso*, *Boabo*, & *Scribis* sex debentur pro singulis mercatorum fasciculis *Maedini*. Primus enim ex ministris illis, nempe *Toaso*, fasciculos apertos ad publicanum trāsfetri curat, vt merces recte perlustrari possint, *Boabo* autem ad hoc constitutus est, vt telonium siue domum soluendis vectigalibus destinata aperiat, claudat, purget & custodiat. *Emini* vero, qui rei nummarie præest, 30. *Saie* muneris loco offerendi sunt, nisi quis malit, vt nauem postmodo ingressus, colligatos mercium fasciculos, amisisse se pecuniam aliquam querens, aperiat, & omnia variè dificiat atque confundat.

De itinere quod ex Babylonia Balsaram ducit.



Mercatores nostri cum aliquot diebus Babylonie fuissent, & omnia non solum vectigalia, sed & munera ministris exhiberi solita persoluissent, cœperunt 13. Martii, Anno 1580. merces suas in nauem duplicatam transportare, tales enim omnes naues sunt, quibus *Balsaram* itur, nominanturq; hanc ob causam duplicatæ, quod ab interiori parte asseribus vndique sint obductæ, vt fluctibus

Nauium Babyloniarum descriptio.

H

resistere

resistere eo melius possint. Et quidem notandum hic est Babylonios nulla habere ligna, ex quibus naues suas conficiant, sed asseribus vti illarum nauium, quæ ex *Albir* aduentantes ad *Felugiam*, dissoluuntur. Proram autem admodum eleuatam, puppim vero depressam faciunt, clauus enim ex asseribus palmarum multis funiculis tam artificiosè colligatus & contextus est, vt quatuor digitorum spacio ab inuicem distantes asseres, aquam vndiq; transmittant. Transtra quibus remiges insideant, in naui nulla sunt, sed extra nauem lateribus adhærent, quotiescunque autem remos ducunt vmbilicotenus in altum assurgentes ab aqua eleuantur. Vtuntur alioqui etiam alio genere nauium, quæ instar lincris siue aqualiculi alicuius oblongæ & graciles sunt, habentq; clauum vt reliquæ, sed & carbasa adhibent, quæ superiori sui parte ad trabem siue malum in prora alligata, vtrinq; integro passu extra naues prominere videntur. Remi palis siue infurnibulis & batillis nostris non absimiles sunt, segmenta enim asserum ab vna parte hastilibus alligantur, quæ, quemadmodum & malus cui carbasa adhærent, varie incuruata & inflexa cernuntur.

Postquam igitur mercibus suis nauem onerassent, nocte ea, quæ inter 13. & 14. Martii intercedit, soluentes, cursum suum versus *Balsaram* in fluuio Tigri direxerunt. Venerunt autem cum sol proximò die oriretur, ad desolatam urbem *Gionanchefera*. Cumque fluuius hic Nilo non admodum dissimilis, pulcherrimus & placidissimus sit, nullis lapidibus, saxis, lignorumve remoris, vt Euphrates refertur, quæ nauigationem periculosam redderent, absque omni metu progredi poterant. Nihil autem toto die visum ipsis est, præterquam sacellum aliquod, & ab vtroque latere fruteta quædam palmarum, iuxta quæ apri pascentes ad fluuium subinde potum properabant. Cæterum cum desolatos duos pagos, quorum alter *Zidide*, alter *Chert* nominatur, post se reliquissent, tota nocte progressi nihil præter aliquot tentoria siue ruguria pastorum Arabum ad pecora sua excubantium viderunt, donec sequenti die, qui erat 16. Martii, in dextro latere pagum hominibus habitatum *Duleb* nomine, & non procul ab eo in medio flumine Insulam quandam minorem multis arboribus consistam, offenderent. Progressi igitur tertia noctis hora ad *Elmara* appulerunt, vbi vectigalis nomine tres ducatos Turcicos *Sangiaccio* soluere cgebantur.

Hoc in loco Tigris in duo diuiditur flumina, quorum alterum *Balsaram* versus labitur, alterum cum flumine *Settigivalez* coniunctum in Euphratem sese tandem exonerat. Quamuis autem angustior iam inde fluuius redditur, ipsi tamen iter suum continuantes, animaduertebant regionem istam in sinistro quidem latere populis, qui *Gurgi* vocantur, in dextro autem ab Arabib. habitari, qui vitam suam in tentoriis degunt & ædes prorsus ignorant. Arabes hi fluuio ex parte vtuntur: nam ad castellum *Gurigielaui* profecti, omnem solitudinem peruagantur.

A meridie assequebantur locum *Gher*, vbi alius *Sangiaccio* habitat, qui vectigalis nomine pro qualibet naui duos ducatos exigit. Regio hæc multis abundat leonibus, qui gregatim subinde potum venire ad fluuium solent, estque ibi fluuius quoad latitudinem non maior Medoaco qualis Patavii, vel Nicro, qualis Tubingæ visitur. Sed & latronum ibi Arabumq; magnus prouentus est, qui tantum ex rapto viuentes tot sagittas in præternauigantes aliquando eiaculari solent, vt ad littus applicare, & bona sua inter ipsos distribuere, vt mortis periculum euadant, cogantur. A bombardis autem & sclopis sibi admodum metuunt, & propterea displosionem bombardarum audientes naui appropinquare non audebant.

Sequenti

Sequenti 17. Martii die multos in agris pastores videbant, qui pecora sua pascentes omnes in tentoriis habitant, sub vesperam autem ad *Encaferami* appulerunt, quo loco sepultus quidam est, quem in Sanctorum numero Arabes habent. Cum igitur & nautarum aliqui, quos in naui secum habebant, Arabes essent, quamprimum locum illum assequerentur, dactylorum & panis bis cocti aliquid piscibus deuorandum obiciebant.

Haftenus tam in Euphrate quam in Tigri, bono & saluari aere vsi fuerant, qui putredine hic infectus foetorem naribus, qualis in sinu seu Golfo Veneto existit, obiciebat, durabatq; foetor iste ab hoc loco vsque ad *Margheram*. Cum autem nox facta esset, & ipsi securi vt antea pregrederentur, ventus subito exortus, abreptam magna vi nauem in aestuarium admodum periculosum proiecit, itaque in magno versantes metu, socios, qui in reliquis quatuor nauibus erant, acclamabant, quorum si fine opera & auxilio fuissent, in Arabum manus certo certius incidissent. Sequenti die, horam circiter tertiam post exortum solem ad pulcherrimum locum peruenerunt, qui *Casale* vocatur, & à *Sangiaco* quodam habitatur. Hoc in loco labitur fluuius *Maroan*, qui ex finibus Persiae erumpens in Tigrim sese hic exonerat, idque ingenti impetu, vt longe etiam ampliorem Tigrim faciat. E regione huius *Casale*, ad dextram domus alia, *Corcab*, & non procul ab ea, tertia *Socher* dicta cernuntur. Quia autem fluuius hoc in loco maior fit, iam imposterum incrementa & decrementa sua, maris instar habet, singulis enim sex horis accrescens, sequentibus sex horis decrescit, idq; propter Golfum aquae salae Persicum, qui non procul inde abest.

Paulo amplius progressis aperit sese vicus *Elcharer* frequenti populo habitatus, & e regione eius alius quidam desolatus, nomine *Calaetel*. Solent autem hoc in loco crescentib. ex aestu maris vndis nauis appellere & naues in littore alligare, propterea quod confurgentes aquae vi & impetu, retroagantur, quantumvis remis eas promouere nauis laborent. Agri ab vtraque parte fluminis hominib. habitantur. Reperiuntur autem ibi equi, crines habentes virides & oculos flauos, similiter & muscae albae, quae mercatorib. in naui admodum infestae erant, cum vesparum instar laedant, & quasi acu homines pungant. Castrum cum propter affluxum aquae vsque ad tertiam horam noctis ibi subsistere cogerentur, progressi postmodum circiter noctis medium ad ciuitatem *Corzo* appulerunt. Habitat in ea *Sangiaco*, cui vectigalis nomine pro qualibet naui 25. *Saie*, & pro quolibet mercium fasciculo 2. *Saie*, soluendi sunt, nisi pannos quis vehat; tum enim pro quolibet fasciculo 4. *Saie* numerantur. Perseuerabant autem ibi ad sequentem vsq; diem, qui 20. Martii erat, cumq; iterum progressi essent, riuulum quendam deprahenderunt ex Euphrate profluentem, qui cum Tigri hoc in loco miscetur. Excitatum est ibi propugnaculum aliquod *Serfisanzaca* nomine, praesidioq; militum pro compescendis & auertendis latronibus firmatum.

Paulo post tanta sese latitudo fluminis aperuit, vt vix Nilo cederet, eratque ab vtraque parte pagis elegantissimis conspicua. Ingens autem hoc loco solis aestus interdum deprahenditur, quo vel homines etiam suffocantur & perimuntur. Accidit enim, vt quatuor ex mercatoribus in terram descendentibus, ire aliquantisper vellent, cumque lassus & defatigatus confiderent vires recollecturi, a vento quodam calidiori subito obruerentur & suffocati perirent. Vnde sacellum eo loco aedificandi incolae occasionem arripuerunt, quod hodie *Mansorbene Sieb* vocatur.

Paululum progressi Insulam *Ebenanmer* conspexerunt frequenti populo habitata, aliamque iuxta eam *Zezircatelatamo* nominatam. Populi

puli hi peculiari artificio capiendi pisces vtuntur, possuntque vitam suam commodè traducere, cum frumento abundant, eoque non vulgari, sed eiusmodi cuius grana vel nuces equare magnitudine sua videantur, cuius rei rationem hanc esse quidam opinantur, quod tot agris abundant, vt illi, ex quibus frumentum iam collectum est, 20. plus minus menses quiescere possint, donec sementis in eis iterum fiat. Maximus hic oryze prouentus est. Cumq; mercatores ad vesperam vsque nauigassent, venerunt ad castellum *Manoi*, vbi vestigal de mancipiis siue coemptis siue captis persoluendū est. Totam autem noctem nauigando traduentes, cum ab utroque fluminis latere multos pagos & arces vidissent, proximo die, qui 21. Martii erat, salui & incolumes, ciuitatem *Balsara*, secunda post exortum solem hora assequebantur.

CAPVT XI.

De ciuitate *Balsara* vel *Basora*.



CIVITAS *Balsara*, alias *Basora* dicta, in Arabia, Turcis hodie subiecta est, cum antea fuisset sub potestate Arabum, qui *Zizaeri* dicuntur, qui etiamnum hodie satis amplam regionem possident, & à Turcis superari non possunt, idque propter æstus & vicissitudines maris, quod accrescens Insulam quasi in regione ipsorum facit, decrescens autem eam omnino deserit, vt ita nec terra nec mari exercitus eo traduci queat. In ciuitate *Balsara* Sultanus firmissimum semper præsidium non sine magnis sumptibus sustentare cogitur. Ea vero ipsa 15. leucas à mare abest, negationes aromaticas exercet. Aromata enim ex *Ormus* eo magna copia transferuntur, cumque dactylis, oryza & frumento alio abundet, salutaritamen & potabili aqua destituitur, quam qui sitiunt, dimidii diei itinere aliunde afferre coguntur. Qui enim ex fluuio ciuitatem istam præterlabente bibunt, morbi statim aliquid contrahunt. Rustici enim & agricolæ agros suos fimo humano stercoreare cōsueuerunt. Cum igitur ab inundationib. ad agros aquæ ascendit, de fimo isto tantum secum trahit & abducit, vt non solum ipsa corumpatur, sed & aerem interdum inficiat, vnde pedicorum, pulicum, cimicum, muscarum & id genus aliorum insectorum, ingens apud eos prouentus.

Agri fimo humano stercoreantur.

Vestigal quod hoc loco persoluendum semissis est, & accedunt multa alia incommoda atque grauamina, quibus *Emin* mercatores onerare solet, qui eousque impudentiæ progressus est, vt tantum muneris, quantum *Bassa* ipsemet accipiat. Etiam si enim ipsemet *Cicala* Præfecti nimirum in *Messina* filius existat, effecit tamen vt pannis aliquot mercatores priuarentur, simulans initio se eos præsentem pecunia empturum. Iniquius equidem cum ipsis nullibi actum est: nam & maius sensissent incommodum, nisi quidam *Scander Aga* ad *Bassam* pertinens pro ipsis intercessisset, qui cum intellexisset ex *Bassa* suo, insidias mercatoribus paratas esse à piratis, qui *Nuteccbi* vocantur, & non solum bonis peregrinantes spoliare, sed & vita priuare & naues eorum plane submergere solent, eos non solum de periculo hoc admonuit, sed consilium etiam dedit, ne iter suum maturarent, sed nuncium & tempus melius expectarent.


Non contemnendum hoc consilium rati mercatores, amicitiam contraxerunt cum mercatoribus aliquot, qui *Bagiani* vocantur, vt cum ad ciuitatem *Campagiam* pertinerent auctis aliquo modo viribus tutiores aduersus pi-

ratarum insultus essent. Populus hic admodum superstitiosus est, semel tantum in die comedit, nihil præter oryzam, panem & lac in cibum assumens, nullum quantumvis abiectissimum animal vitæ priuaret, ita ut etiam pediculis & pulicibus parcant, quos in chartam colligentes postmodum in patenti campo dimittunt. Quod si murem à puero quodam in *Balsara* comprehensum cernerent, certo eum precio redimentes dimittebant. Barbam non alunt, præterquam quæ superius labrum vestit, quamvis & hanc radere quidam soleant. Comam autem siue capillos capitis prolixos admodum habent, eosque ad verticem conuolutos pileolis contegunt. Vestitu utuntur oblongo candido, eumque in crucis formam in pectore disponunt. Lingua ipsis peculiaris est ab Indianorum idiomate parum discrepans. Colore sunt fusco. Mortui de mandato consanguineorum suorum igne comburuntur, cinerisque pars in ignem coniicitur, pars vero in aerem dissipatur, & pars in aquam dimittitur, parte quarta in terram defossa, quod æquum censcant & rationi consentaneum, ut qui ex quatuor elementis constat homo, post mortem suam in eadem resoluator, ut ita cuilibet elemento quod suum est restitatur.

*Bagani populus
superstitiosus.*

CAPUT XII.

De ponderibus, mensuris, & numismatibus ciuitatis Balsara:

 VO ad pondera, mēsuras & numismata huius ciuitatis attinet, *Mano*. *Mano* quidem vnū, quinque *Rotolo* Alepica, & apud nos sextantē cum vna tertia constituit. Nouendecim *Mano* faciunt *Cantaro* Alepicum, quod 100. *Rotolo* continet, apud Venetos vero 720. libras minores, 24. dipondis siue semunciis constantes. Viginti *Mano* constituunt *Cantaro* in *Balsara*, quod Alepi 104. *Rotolo*, Venetiis vero 748. *Cantaro*. libras cum 18. semunciis facit. *Mino* autem in hac vrbe pondus præcipuū est, quod ad omnes fere merces ponderandas adhibetur. Mensuræ in hac ciuitate *Pichi* ut in Babylonia vocantur, & cum illis per omnia conueniunt. *Pichi*.

Moneta utuntur cuprea, vocaturque *Estinni*, quorum 12. vnum *Maedin*, *Estinni*. quemadmodum & Alepi faciunt, apud Venetos vero valent 4. solidos, & apud nos Germanos tres fere cruciatis. *Maedin* vero moneta est argentea, *Maedin*. similis ei quam *Sadin* in *Ormus* vocant, in vtraque facie signum aliquod Turcicum referens. Duo eiusmodi *Maedini* faciunt vnum *Damin*. Alepi totidem *Maedinos*, Venetiis 8. solidos, & apud nos Germanos 6. cruciatis. *Damin*. *Damin* vero iridem moneta argentea est, signum Turcicum in vtraque facie referens. Horum vnum cum dimidio faciunt vnum *Saie*, quemadmodum & Alepi, Venetiis vero 20. solidos, & apud nos Germanos 12. vel 13. cruciatis. *Saie* ciuitatis *Balsara* eiusdem sunt precii cum illis in Alepo. Ad vnum *Saie*. enim 20. *Estinni* siue 1. *Larino* numeratur, quæ in Alepo constituunt septem cum dimidio *Maedin*, Venetiis vero 26. solidos, & 8. *Bagatin*, duodecim vero *Bagatin* constituunt 1. solidum, sex vero solidi faciunt 4. cruciatis. *Larino*. *Bagatin*. *Larino*. moneta est non rotunda aut quadrata, sed oblonga, calami scriptorii instar, cuius in longitudine octauam partem equat, in extremitatibus non nihil incuruata, signum Turcicum referens. Duplex autem huius monetæ genus est, alterum quod in Turcia cum signo Turcico, & alterum quod in *Ormus* cum imagine & signo Regis istius ciuitatis cuditur. Qui primus hanc monetam cudere cœpit, erat Rex *Lar*, qui longo tempore in Persia latè imperauit, iam autem eo angustiarum redactus est, ut nihil ei reliquum sit, præter exiguam regionem, quæ ad mare Persicum pertingit. Amicus est Regi in

Ormus, & propterea iuratus hostis Lusitanorum. Et hæc quidem moneta prima & præstantissima habetur, cuius per vniuersam Indiam vsus est. Sex autem *Larini* faciunt vnum Venetum, Alepi 40. *Maedinos* Venetiis 8. libras, & apud Germanos 28. plus minus bazenos. Venetus *Zeebia* ex auro, siue ducatus Turcicus valet 7. *Larin*, & 1. *Damin*, quæ faciunt Alepi 48. *Maedinos*, & 4. *Flussos*. Venetiis 9. libras, & 14. solidos. Moneta Veneta venditur 100. *Matecallis* & 88. *Larinis*, quæ faciunt 150. drachmas Alepicas. Vbi notandum quod plerunque inter mercatores, centum *Matecallis* agatur, qui, vt dictum, faciunt 150. drachmas Alepicas. In vrbe autem *Voeua* continet vnũ *Zecca*, qualia quidem in castello reperiuntur, centum drachmas, & numerantur ad minimum quinque; *Maedini* pro centum drachmis, quales in regione ista frequentes sunt.

Vestigal quod hoc in loco tam de cõemptis quam de venditis soluitur mercibus, semissis est. *Toaso* autem & *Boabo* de qualibet fasciculo mercatorio 6. *Maedini* debentur, quos exigunt à mercatoribus, quando bona sua siue merces ex telonio auhere incipiunt. Quod si *Emin* eius loci pluris æstimare merces, quam par est, velit, datur ei potestas retinendi tantum de mercibus, quantum 6. *Maedini* de centenis constituunt, id enim mandato & ordinationi Magistratus eius loci conuenit. Soluta autem vestigali solet *Emin* omnes merces probè contueri, & peculiari quodam signo signare, vt si forte in reditu alias afferri contingat, fraus omnis vitetur, cum præsertim *Æthiopes* admodum fraudulentis sint, & varijs technis vtantur. Cum supra *Matecalli*. monetæ illius mentio facta sit, quam *Matecalli* vocant, notandum est, quod eorum centum in *Balsara*, 18. semuncias Venetas in pondere habeant, & vt dictum, 150. drachmas Alepicas faciant. *Cantaro*. *Cantaro* in Damasco & Tripoli continet 100. *Rotoli*, qui faciunt 618. libras Venetas minores, semunciarũ 24. *Cantaro* autem Alepicum continet 100. *Rotoli*, qui faciunt 720. libras Venetas minores. *Cantaro* in *Aman* continet 110. *Rotoli*, qui faciunt 740. libras Venetas minores. Noli ciuitatis *Balsara* cum nauigiis, quæ vocantur *Terradi* vsque ad *Ormus* contracta, persoluantur habita ratione magnitudinis nauium. Quæ enim *Carra* decem capiunt, de illis 180. *Larin* persoluantur, quæ 15. præstant 270. quæ 20. 360. quæ 30. 540. solunt, & sic cõsequenter. Vbi *Carro*. notandum q̃ per vnũ *Carro* in *Balsara* intelligantur 4. *Cantara*. Domino *Terradi* siue nauis istius 1. *Cantaro*, reliquis autem nautis tria *Cantara* cedunt, vt ita totum naulum siue precium, quod pro vectura & traiectu soluitur, sint 4. *Cantara*, quæ vbi solueris, nihil à te expetere amplius possunt: nam de victu nautæ sibi ipsi prospicere coguntur. Quod si vero in ciuitate *Ormus* maiori quam vsitatum, onere naues suas onerasse intelligantur, nihil pro eo precii postulare possunt. Christiani enim in ciuitate, velut in sua patria versantur, & nautæ isti nihili æstimantur, quod quidem nisi obstaret sæpe maiore naues suas onerarent pōdere, quā ferre possent, siquidem avaritia eorum tanta sit, vt etiam nauium propriarum rationem nullam habeant, vbi lucri aliquid inde percipere sese posse sciunt, quod quidem mercatores hi, cum damno & vitæ periculo ipsimet sunt experti. Necesse igitur est, vt quis sui ipsius rationem diligentem habeat, & in præsentia vel ipsius *Emin* vel alterius cuiusdam honesti viri, omnia peragat, quamuis bonorum & honestorum virorum mira apud ipsos paucitas, qui pessimi omnium, quotquot Arabia nutrit, habentur.

De navigatione ex Balsara ad Insulam Ormus.



NTE QVAM ab hoc loco discedam, notatu dignum aliquid commemorare libet, q̄ mirabile quidem & incredibile Lectori videbitur, verissimum autem est & certissimum. Curant mercatores, qui ex Babylonia *Balsaram* & hinc rursus in Babyloniā merces suas transuehant, negotiationesq; suas hinc inde exercent, columbas sibi aliquot ex Babylonia afferri, idque in columbario aliquo obscuro, ne videant quō deferantur. Has ubi acceperint in loco itidem obscuro fouent, donec earum opera uti velint. Quando igitur precium aromatum in *Ormus* vel augetur & ascendit, vel minuitur & descendit, inscribunt hoc ipsum chartis easq; complicatas aliquot columbis alligant, iamq; ex ciuitate ad miliare vnum vel alterum prolatas, liberas dimittunt, tunc licet non omnes domum redeant, reperit tamē vna vel altera habitationem suam pristinam vnde ablata fuit, idque vnus diei spacio; quod ubi animaduertit dominus, eam compræhendit, literasq; inquirat, & statum ciuitatis *Balsara* cognoscit. Quæ quidem res magni momenti est, cum vnico die per literas alter alterum tāto interuallo à se remotum edocere de rebus scitu ei necessariis possit, idq; tam occultè & absque omni sumptus & pecuniæ dispendio, quod idem quidem etiam ex *Ormus* annunciari columbarum ministerio potest.

Columba literas ex Balsara Babyloniā deferunt.

Postquam igitur mercatores nostri omnia quæ debuerāt persoluissent, & nuncium etiam de non magnopere timendis amplius prædonibus accepissent, conducebant sibi 19. Aprilis die Anni 1580. nauem aliquam, qua *Balsara* in *Ormus* perducerentur, soluentes pro ea 200. *Larinos*. Licet autem alias tantum non necesse sit persolvere, ipsi tamen minores eam tunc accipere non poterāt, propterea quod nullæ præterea onerariæ naues aessent, quæ autem aderant ad alios vsus essent destinatæ. Mercibus igitur omnib. nauis illatis sub vesperam diei 21. eam ingrediebantur, moxq; sequenti die soluentes ex canali ciuitatis *Balsara* abierunt. Cum autem in Tigrim iterum delati, ad sepulturam alicuius, quem Sanctum nautæ prædicabant, peruenissent, in loco *Siccali* dicto expetebant nautæ à mercatoribus aliquam pecuniam, ut sacrificiū Sancto illi offerre possent, quo peracto naues quidem alligabant, propterea quod aquæ crescere viderentur, & quidam ex nauib. aliis, (erant enim septem numero) promouere nihil quicquam possent. A meridie licet aquæ iterum decederent, non poterant tamen contra ventū nauigare, sed per noctem ibi hæreere cogebantur. Sequenti autem 23. Aprilis die, secundo vento iterum progressi pertingebant ad Insulam quandam *Fugiadi* nomine, multis & arboribus & ædificiis conspicuam, licet in medio flumine sita esset. Inueniebant ibi multas naues, illis quibus ipsi utebantur similes, quarum uti descriptionem subiiciam operæ precium videtur.

Siccali.

Fugiadi.

Naues hæ in fundo excavatæ sunt & vacuæ, asseribus insigni artificio in prora puppiq; ita cōiunctis, ut aluum in medio faciant, quamuis aliquanto angustiores, quam in nauibus ad *Caramusali* conspiciuntur. Puppis aliquāto eminentior est prora, clauumque sibi alligatum habet, qui ad latera vix duorum digitorum spacio moueri possunt. Gubernator trabi insidens funiculum manibus tenet, qui clauo ita alligatus est, ut in quam partem à Gubernatore trahatur, in eam clauus nauim propellat. Malum habent in medio consistentem, carbasa vero ei alligata in inferiori parte velut in quadris excavata sunt. Cum autem in puppi obseruant, velum quoddam minus ipsis

Nauium in Ormus descriptio.

ipsis *Sambusa* dictum, dimittunt, illudque ab vno latere in aliud ad ventum dirigunt, postmodo aliud velum parti illi, in qua remiges sedent, alligatum, inferiori sua parte puppim versus trahunt, moxq; velum minimum ad verticem siue supremam mali partem protrahunt, eique vexillum aliquod affigunt. Funiculum autem cuius beneficio hoc velum attractum, & reliqua omnia malo alligata sunt, trahi postmodum, cui Gubernator nauis insidet, alligant, vt dimoueri non possit. In puppi nauis cooperculum habent, triū vlnarum altitudine ex lignis & stercis siue tegetibus arcendis pluuiis destinatum. Sed & quatuor vexilla in puppi ad quatuor latera, & vnum in medio erecta cernuntur. In prora autem duæ constitutæ sunt anchoræ, quibus nauem, si ita necessitas ferat, retineant. Carbasa ex crasso constant linetamine, suntq; maiora & minora pro libitu nautarum. *Pennon* pro firmanda antenna, in prora nauis constitutus, eam velut æquilibrium continet, ne vel in hanc vel in illam partem nimis inclinet. Focum ad malum nauis firmitum, puppim versus conuertunt, ad latus eius situlæ duæ, seu vasa quibus aquam hauriant, *Tangi* ipsis dicta, ex funiculis & clauis ligneis confuta, & piscium adipe, vt naues ipsæmet illinita, pendent. Cæterum naues ipsæmet intrinsecus ramis palmarum vndique suffultæ & obductæ sunt: ita tamen vt rami isti neque latera neque fundum contingant, sed inter suffulturam illam & nauem ipsam spacium relinquatur, ne merces ab irrumpentibus fortè aquis humectatæ corrumpantur. Naui autem semper cymbam aliquā coniunctam habet, quæ peculiari etiam velo instructa est, ne maiorem illam in cursu remoretur. Cum enim tempestas aliqua ventorum exoritur, velum illud per puerum in cymba illa sedentem explicari, rursusq; ventis cessantibus contrahi curant.

Feguada.

Mare ingreditur.

Iam vt ad cœptum iter reuertamur, 22. Aprilis circa meridiem, insignem & dactylorum feracem Insulam *Feguada* dictam assequebantur. Ager ibi ab vtraque fluminis ripa fecundus est & bene cultus. Flumen ipsum latitudine sua Nilum ferè æquat, & quasi stagnum aliquod efficit, vnde riuus quidam per oras *Bairen* & *Afgionfan* transiens, tandem in mare exoneratur. Circa vesperam ad Insulam aliam applicarunt, mari quod *Golfo* siue sinum Persicum vocant, vicinam, vbi per noctem substiterunt. Postero die cum horam vnam atq; alteram nauigando traduxissent, ad mare delati, vento omni destituebantur, cumque circa meridiem ventum sibi aliquo modo depræhenderent aduersum, in dextro latere Arabiam versus firmatis anchoris nocte ea permanserunt.

Fines Imperij Turcici.

Ratio noua reparandi naues in flumine harentes.

Sequenti 25. die, secundiori vtentes vento, directo in Austrum cursu, fines Turcici Imperii exteriores relinquebant. Pro vitando autem angulo, qui Persiam versus sub vndis excurrens *Rasalchel* nominatur, in altero latere Arabiam versus se continebant, progredientes felici itinere ad medium vsque noctis, cum subita tempestate exorta, carbasa & clauis frangerentur, ipsique ingenti periculo exponerentur. Durabat hic ventus ad vesperam vsque 27. Aprilis, itaque illi sedato mari progressi sequenti 28. die ad Insulam *Gebel* appulerunt. Cum autem nauis foramen aliquod ex tempestate contraxisset, aquamque sorbere animaduertetur, patronus siue dominus eius in mare se dimisit, foramen illud obice vel cunco ligneo obturaturus. Quamprimum enim fissuram aliquam in nauí animaduertunt in aquam descendentes, tam diu sub nauí hærent, cuneoque, cui equorum setæ annexæ sunt, rimam illam inuestigant donec attractis per rimam setis, læsum ab vndis locum inuenisse se depræhendant, tunc enim adactis per rimam illam stipite siue cuneo, & obturato hac ratione foramine, ipsi salui ex vndis reuertuntur.

uertuntur. Sunt qui factis ex cornibus caprarum retinaculis nares comprimant, ut eò diutius sub aquis commorari possint, quod licet illis, qui id non viderunt, incredibile videatur, verum tamen est, & mercatoribus nostris haud semel compertum.

Circa meridiem eiusdem diei conuersa nonnihil prora, angulū alium Persiam versus excurrentem, quem *Casarusuend* vocant, declinaturi progrediebantur; donec sequenti die *Silaum* assequerentur, qui locus reparandis nauibus perquam oportunus habetur, & quidem expediebat ipsis, quod ad hunc locum peruenerint & horas aliquot reparandis nauib. impendere uoluerint. Tanta enim tempestas in eos paulo post irruit, ut maiorem in vita sua mercatores isti non viderint. Contendebant ipsi equidem remis velisque ad promontoriū aliquod applicare, ubi saluare sese & tuti latere à periculo possent, verum tātus erat fluctuum impetus, ut cum quinque adhuc leucis à promontorio abessent, clauus nauis in duas partes rumperetur, parte altera in aquam prolabente, altera vero funiculorū beneficio puppi cui alligata erat adhærescente. Poterant nautæ isti vel piscium instar natæ, itaque duo ex illis omni fluctuum impetu neglecto atque posthabito in mare sese abiiciebant, arreptamque partē illam clauo iterū colligabant, ut uti eo aliquo modo iterū possent. Concipiebant ibi spem aliquam fore ut periculum hoc euaderent, sed spes illa frustranea erat, paulo enim post clauus totus vi fluctuum auulsus abripiebatur, cogeanturque ipsi carbasa sua explicare, & quo fors eos missura esset, sequi. Cum igitur de salute sua desperantes Deo sese precibus quisque commendarent, & mortem singulis momentis expectarent, fluctibus montium instar sese eleuantibus, naui vero clauo destituta, modo in hanc modo in illam partem inclinante, accidit, ut anteriori nauis parte ad littus fluctuū impetu proliceretur, in quo alia quædam nauis hærebat. Videntes igitur, qui in ea erant quanto iactaretur hæc nauis discrimine, processerunt eis obuiam, comprehensamque funibus ad littus protraxerunt. Quantum inde extiterit inter mercatores nostros gaudium, vel coniectura assequi cuique facile est. Gratulabantur equidem sibi inuicem, Christiani quidem Æthiopicis, & Æthiopes Christianis, confidentesque peractis precibus & gratiarum actione ad Deum, cibo & potu sua corpora reficiebant, totam postmodo noctem aquis ex naui hauriendis insumentes. Locus hic ubi auxilium hoc ipsis obtigerat, *Natutz* dictus est. Commorati autem ibi integro biduo, cum nauem suam reparassent, clauum alium ei alligassent, & de rebus necessariis sibi prospexissent, soluentes iterum iter suum continuarunt, videbant autem prætereuntem nauem aliquam, quæ ante 40. dies ex *Ormus* ciuitate soluerat, & metu piratarum iter suum continuare non audens in Insula quadam substiterat. Hanc paulo post ex Insula *Chermon*, alia sequebatur, nuncium afferens de piratis, eos nempe ex *Golfo* siue sinu Persico discessisse, & non solum bonamercatorib. eripere, sed & submersis nauib. vita eos priuare solere. Pirati hi *Nutechi* vocantur, suntque omnium, quorum in historiis vnquam mentio facta, crudelissimi atque sauiissimi. Venerant autem ex longinquis locis per duos transitus *Calmet* & *Puserin* dictos, in hoc mare, & à Lusitanis ita excepti sunt, ut cæsis quamplurimis fugam arripere qui superfuerant cogerentur.

Cæterum sub occasum solis ex prædicto loco soluentes cursum suum iuxta littus dirigeabant, aperto mari sese committere non audentes. Perueniunt autem sequenti die ad locum aliquem *Barisaris* dictum, ubi ingentes admodum pisces mare nutrit, delphinis non ab similes, qui minores ita persequuntur, ut cogant eos sæpenumero ad littus prosilire, & sese incolis istius

Naufragij periculum.

Nautæ piscium instar natæ valentes.

Natutz.

Piratarum crudelissimi & sauiissimi.

Barisaris.

*Homines quinque
vel 6 leucas na-
tando conficere
valentes.*

*Populi natandi pe-
ritissimi, solum pisci-
bus cum oryza
vescantes.*

*Lar.
Piratarum peri-
culum.*

Andrabè.

Quais.

loci prædam exponere. Postquam autem totam illam noctem nauigando traduxissent, assequebantur 2. Maii die Insulam *Cailon*, à qua non longe meridiem versus alia distat, quæ *Lar* vocatur, iuxta hanc Insulam videbant ingentem serpentum sub aquis hinc inde natantium copiam. Directo autem in Austrum cursu conspiciebant oras Persicas, regionem sterilem admodum & infœcundam, habitam populo paupere & rerum omnium indigente, qui si quando nauem videant præterire, posthabito omni periculo, mare ingrediuntur, & sæpe quinque vel sex leucas natando conficiunt, donec eam assequantur & eleemosynas ab ea obtineant, quibus vel panis bis cocti, vel datylorum vel aliorum cibariorum aliquid communicari & exhiberi solet. Natatores autem hi pilam aere tumetem sibi subiicere solent, ut super eam quasi quiescant, ne fractis forte & debilitatis viribus, mergantur. Cæterum pilæ istæ foramen habent, quod corpore suo pressum ab aquarum influxu tumentur. Quando igitur aliquid ipsis communicatur, in pilam statim illud ingerunt, cum nudi alioqui incedant, & ubi eleemosynas suas recondant, præter pilas illas nihil habeant, quæ duplex ipsis officium præstant, alterum, ut super eas natantes requiescant, & alterum, ut accepta munera in illis recondant. Populi hi in natando piscibus similes sunt, nec reperiuntur, (ut nautæ nostrorum mercatorum, qui tamen & ipsi nandi erant peritissimi, ipsimet fatebantur) qui cum eis conferri possint. Cibus ipsorum pisces tantum sunt & oryza, illis enim, sicut nos pane & oryza, vescuntur. Vnde videre est piscibus eos loco panis uti, quod idem & animalia ipsorum, utpote canes, felles, gallinæ, &c. faciunt, cum præsertim nec frumentum, nec herbas, nec arborum fructus in regione sua habere possint.

Cæterum mercatores nostri totum diem nauigando traducebant, ut istam Insulam superarent, sub vesperam autem in fretum aliquod inter Insulam *Lar* & oras Persicas incidebant, ubi pirati sese occultare solent. Cum igitur in freto hoc nauigantes Insulam quandam aliam, priori non absimilem, assecuti essent, ecce naus quædam piratica multis armatis instructa eis obuiam processit. Itaque mercatores ea visa, amicos sese primum ipsorum esse simulantes, imperterrito cursu eis appropinquabant, ita tamen ut nemo præter remiges & naus Gubernatorem sese conspiciendum præberet, donec adesse eis quam proximè viderent. Tum vero statim ad bombardas & sclopos suos conuertit, ita eos adoriebantur, ut sagittarum lancearumque cum gladiis in manibus obliiti, remos quantum possent impellerent, & ad Insulam suam properarent. Quamprimum autem eam assecuti essent accessit igne fumum ingentem excitabant, eo forsitan fine, ut piratis aliis signum darent, & ita fortiores in mercatores impetum facere possent. At illi cum, nauibus cæteris in tempestate supra commemorata amissis, solos sese esse viderent, ingruente iam nocte, conuertebant cursum suum in Orientem, relictæque post tergum *Andrabè* Insula, itemque alia cui *Caris* nomen est, sequenti 3. Maii, quamprimum dies facta esset, procul à terra se abesse depræhendebant, quæ *Quais* vocatur, viridis admodum & pulchra aspectu. Prima hæc terra erat, quam in finibus Persicis gramine, herbis & arboribus decoratam viderent, tota enim regio illa sterilis, saxea & desolata est. Circa meridiem cursu in Austrum directo, animaduertunt piscem nigrum, qui populis illis *Cherso* dicitur, nauem sequi, & cum magnitudine sua ipsam nauem superaret, aquam faucibus expuere, tanta altitudine, & sine horrore intueri eum non possent.

Sub vesperam proiecta anchora ibi requiescebant, quod mare placidum esset, & ventus nullus audiretur. Sequenti die relictæ post se Insula

Furor

Furur post meridiem in duas naues incidebant, quæ ante quinque dies ex *Insula Ormus* soluerant. Afferebant autem nuncium de piratis, nullum ab eis in tota ista regione totoq; *Golfo* seu sinu periculum metuumdum esse, cum ab illis qui in *Ormus* habitant emissis aliquot triremibus, in fugam versi, & ex regione ista exterminati essent. Omnes autem *Insulæ* istæ, quemadmodum & tota regio à *Furfur* & *Basidon* vsque frugiferæ sunt, & ab hominibus habitantur.

Sequenti die, nempe 5. Maii, depræhendebant in *Insula Basidon* triremes illas seu naues præliarias, ex *Ormus* ablegatas, proiecta igitur anchora sua substerunt, nauigium quoddam de præliariis illis expectaturi. Quamprimum enim aduentantes Præfectus viderat, ablegato ad nauem nuncio, ad colloquium mercatores inuitabat, cumque ad littus venissent, quærebat ex eis, ecquid literarum ad Præfectum siue Capitaneum in *Ormus* haberent, militemque ex classiariis suis eis adiungebat, qui ad *Ormus* vsque ciuitatem eos comitaretur. Cum igitur aliquem sibi adiunxissent, maris istius expertum secundo vento progressi, ad tres illos vicos, *Basidur*, *Iersar*, & *Cerbil* appulerunt, postea conuerso versus Septentrionem itinere, cum angulum quendam euitare vellent, subito in arenam delati sunt, ex qua magna difficultate sese vix explicare poterant, cogeabanturq; ibi hære per totam fere noctem, donec crescentibus ob refluxum maris vndis, naus iterum eleuata progredieretur. Continuato autem versus Septentrionem itinere, sub iugo montis transeundum ipsis erat, freto tam angusto, vt funes etiam adhibere certis quibusdam in locis ob defectum aquarum, & nauem protrahendo iuuare cogerentur, cum præsertim multis etiam saxi transitus iste abundaret. Hoc superato assequebantur duas *Insulas*, quarum circumferentia octo leucarum est, continuatoque versus Septentrionem cursu, sub vesperam ad vicum *Lefratie* appulerunt, in quo nauæ quibus tum utebantur, habitabant. Hi abeuntes cucumeres fructusque alios mercatoribus afferebant, erantq; ibi gallinæ & capræ tolerabili pretio venales, vt ita de rebus necessariis sibi prospicere commodè mercatores possent.

Cæterum nauæ ad naues reuersi, fissuris rimulisque omnibus in naui obturatis, continuato itinere, in tantas delati sunt, ob montium & saxorum frequentiam, angustias, vt vix ingenti cum labore & periculo transire possent, quare cum in opertum rursus mare peruenissent, reperta 9. passuum profunditate, quiescendum ibi per noctem putabant. Sequenti 9. Maii die, Orientem versus iuxta littus progressi, multos agros, pagos, hortos & ædificia cernebant, quorum incolæ cibum alium, præter pisces, dactylos & oryzam non habent, panem enim, quemadmodum & populi in reliquis *Insulis* habitantes non solum non habent, sed non norunt quidem, adeo, vt si quis panem nauticum bis coctum ipsis exhibeat, statim an Rha barbarum sit in terrogent. Lingua vtuntur Persica. Nomen autem *Insulæ* est *Boreche*, in longitudine Candiam referens, & 360. vicos maiores, pagis minoribus non computatis, continens.

Post meridiem eiusdem diei aperuit sese eis tractus *Insulæ Borech*, iam *Rafatabel* dictæ. Cumq; illam post se reiecissent, cæpit eis apparere desiderata *Ormus* *Insula*, in cuius portum sub vesperam, cum nimirum mensẽ & diem integrum, à 9. nempe Aprilis ad 10. vsq; Maii diem in itinere fuissent, feliciter appulerunt.



ORMUS ciuitas est non magnæ quidem capacitatis; sed tamen valde populosa, sita in Insula quadam, quæ licet ad 30. leucas se extendat, tam sterilis tamen est, vt præter lignum & sal nihil producat, sed aliunde quæ ad vitæ necessitatem pertinent, acquirere cogatur. Illa autem ex finibus Persiæ, sex miliaribus ab Insula remotis, tanta copia aduehuntur, vt nullarum rerum penuria in ciuitate hac deprehendatur. Non procul à ciuitate propugnaculum est pulcherrimum ad mare extructum, in quo Præfectus Regis Portugalliæ *Don Consaluo di Mienxa*, habitat. Is potestatem habet Reges in *Ormus*, qui semper ex Persis eliguntur, & quorum modernus *Siafirusia Gialaledi* nominatur, nomine Regis Portugalliæ coronandi, illisq; imperandi, vt mandatis suis pareant, & sese ad nutum suum componant. Incolæ ciuitatis maxima parte Lusitani sunt, itemque Agiami, Æthiopes, Ethnici, Iudei, aliarumq; nationum & religionum mercatores, qui variis mercib. negotiantur. Reperias enim ibi omnis generis merces & aromata, pannos item laneos, linteos, sericeos siue bombycinos & gossypinos, cum coraliis, ambra & id genus rebus aliis. Magna autem imprimis ibi equorum negotiatio est, qui inde in Indiam transferuntur.

In eligendis Regibus hunc seruant modum. Principio Rege aliquo defuncto, alium eligunt regio sanguine & stemmate prognatum, non tamen absque consensu Præfecti Lusitanici, idq; adhibitis variis ceremoniis. Postmodo electus cogitur fidem & obedientiam Regi Portugalliæ promittere, quo facto, porrigit ei Præfectus nomine Regis sui Sceptrum & Coronam regiam, eumque magna solemnitate in arcem Regiam, quæ in vrbe est, deducit. Reges hi vitam honestam & satis splendidam agunt, redditus habent copiosos, & nulla prorsus grauamina experiuntur, cum Præfectus Lusitanicus eos tueri, & iurisdictionem eorum conseruare cogatur. Defert autem Præfectus istis Regibus, si forte cum eis aliquo proficiscatur, debitum suum honorem, sed ipsis iter aliquod ingredi, nisi id Præfecto prius significarint, non licet.

Æthiopes in ciuitate illa aliquot sacella habent, quæ ab eo tempore quo Lusitani ibi dominantur impetrarunt. Eleuatio poli in ciuitate est 25. graduum, portumque habet mediam inter Septentrionem & Orientem plagam spectantem. Pro auibus in hac Insula conseruandis exponuntur quotidie ad fenestras vascula quædam fictilia & cuprea, granis & aqua repleta, vnde cibum potumq; habere possint. Hoc enim nisi fieret, breui tempore omnes extinguerentur, nec vlla amplius per totam Insulam auis appareret. Abundant autem suibus, quæ maximè in littore maris pascuntur. Aqua potabilis ex Persia in vasis quibusdam fictilibus maris beneficio ipsis affertur, estq; salutaris admodum & palato grata. Ex iisdem locis accipiunt etiam fructus, oua & pecudes omnis generis. Vinum autem ex *Goa* partim, partim ex *Balsara* allatum, non vsq; adeo magno precio venditur. Vrna enim Veneta ad summum 4. coronatis venit, & tamen ipsis carum nimis videtur, itaq; ipsi sibi aliud ex vuis passis, quæ ex Babylonia & *Balsara* accipiunt, nucibusq; myristicis, quæ ex Arabia fructifera octingentarum leucarum itinere eo perferuntur, conficiunt.

Numerantur in ciuitate hac quinque templa & armamentarium vnum, fornicibus decem constans, quarum quælibet peculiare habet naues præfidiarias,

Indiarias, ad hoc constitutas, ut iis mare à piratis & prædonibus vindicaretur, tutusque peregrinis mercatoribus accessus præstetur. Fœminæ omnes, Christianis solum exceptis, aurum naribus appensum gerunt, atque ex eius magnitudine de facultatibus earum iudicatur. Æstatis tempore tantus ibi feruor & æstus est, ut præterquam matutino & vespertino tempore, domo exire nemo audeat. Naues in portu constitutæ ramis palmarum & storeis siue mattis ad aquam vsque obteguntur, hoc enim nisi fiat, resoluta estu solis nimio pice corrumpuntur. Hyems, initium in medio Nouembri sumit, & ad finem Ianuarii vsque durat, tempus reliquum est uti in Italia moderatum, excepta æstate, quam supra modum calidam experiuntur.

Dum mercatores nostri in hac vrbe versarentur, factus est ibi 21. Iulii, horam circiter pomeridianam tertiam ingens terræmotus, sed non diu tamen durauit, nec damni inde illi multum vrbi illatum est. Ingens autem eodem tempore auri & margaritarum thesaurus in ædibus primarii cuiusdam *Visir* inuentus est, quem Præfectus nomine Regis Portugalliæ ad se recipiebat. Hic *Visir* eadem potestate qua *Vice Re*, seu vicarius Regis præditus est, & nomine Regis in *Ormus* telonio assidet. Sed & duo alii, Regis Portugalliæ nomine ad telonium sedent, itaque si mercium aliquid domo mercatoria effeendum sit, fieri id, nisi tribus hisce personis præsentibus, ut Scribas & alios taceam, non potest.

C A P I T U L U M X V.

Vbi, quando & qua ratione margaritæ capiantur.

QUAMVIS in *Ormus* margaritæ non capiantur, cum tamen Insulæ, quibus hoc fieri solet, non procul ab hac Insula remotæ distent, aliquid de captu earum hic annotare visum est. Omnium igitur, quæ haberi possunt, margaritæ præstantissimæ & optimæ sunt, quæ in Insulis *Bairen* & *Gionsar* reperiuntur. Reliquas enim omnes candore, magnitudine & rotunditate superant, quæ in aliis minoribus Insulis capiuntur, quales sunt *Latif*, *Lasen*, *Barechator*, *Zezirafilbar*, *Alul*, *Seran*, *Dsive*, *Daas*, *Emegorcenon*, *Antevi*, *Zerecho*, *Delmephialmas*, *Sirbenias*, *Al-dane*, *Festebruatich*, *Ckerizorn*, *Dibei*, *Sarba*, *Agiman*, *Ras*, *Emelgovien*, *Rasagiar*, *Daoin*, *Rasaelchimè*, *Sircorcor*, *Casab*, *Conzar*, *Mesendenderadi*, *Lima*, *Debe*, *Chorf*, *Chelb*, *Sarar*, *Suet*, *Mestar*, *Garagiat*, *Tevit*, *Golat*, *Fur Gatile*, *Sam*, *Gamedà*, *Bacha*, & *Iadi*. Nam in omnibus hisce locis margaritæ inueniuntur, sed non vsque adeo elegantes & rotundæ, sed oblongæ & incuruatae siue gibbosæ, tam maiores quam mediocres atque minores. Inuentæ sunt quidem ante hæc tempora & in *Muscato*, qui locus 60. leucis ab *Ormus* abest, margaritæ admodum pretiosæ, verum locus iste nullas amplius suppeditat, reperiunturque ibi hodiè pisces gallis gallinaceis similes, quorum venenatus morsibus, qui capere margaritas instituunt, statim necantur.

Generantur vniones & margaritæ ex pluuiâ, quæ in Aprili cadit. Est enim in mari genus aliquod ostreorum, vim aliquam sese commouendi naturalem habetium, instar *Cappesante* in Italia. Hæc in Aprili ad superficiem aquæ ex mari eleuata, sese aperiunt, conceptisque de pluuiâ aliquot guttulis, conclusa iterum in fundum maris se dimittunt, vbi omnes istæ guttulæ in vniones siue margaritas commutantur. Non capiuntur autem nisi sub finem Iulii & per totum Augustum, non enim citius maturescunt, sed crudæ & molles instar visci & bituminis in ostreis reperiuntur. Insulæ equidem, quæ à *Comeri* ad *Chilao* & *Seilan* vsque se extendunt, omnis id nominis ha-

Vbi generantur margaritæ.

Modus generationis.

Quando capiuntur.

bent, vt margaritarum Insulae dicantur, nouerunt enim earum incolae optime tempus, quo margaritas capere oporteat, quod cum iam instat, peritissimos quosque natandi sub aquas dimittunt, exploratum quo loco quamplurimum ostrearum margariferarum contineatur. Hoc enim cognito, mox tabernas & tuguria quaedam ex stramine & alia leui materia ad eum locum excitant, assumptisque rebus ad victum necessariis, toto capturae tempore ibi commorantur, quae peracta mansiunculas illas iterum destruunt. Permittitur autem unicuique margaritas capere, cum Regi Portugalliae, quem admodum etiam Ecclesiae Cathedrali ad Sanctum Paulum, certum suum tributum hoc nomine persoluant.

Quomodo capian-
tur.

Quamdiu margaritarum haec captura durat, semper in mari praesidia-
riae aliquot naues cum multis classiariis militibus constitutae sunt, qui pi-
scatores margaritarum a piratis & praedonibus defendant. Congregantur
enim in vnum locum multis nauigiis piscatores, simulque ex oriente sole a
littore in *Golsum* seu mare progressi, varie sese distribuunt, cumque locum
sibi quisque peculiarem elegerunt subsistentes funiculos aliquot, quibus
lapides alligati sunt, ex nauigiis ad fundum usque demittunt, postmodo
claustrum ex caprarum cornibus factum naribus aprat aliquis, aures vero
oleo quodam, quod aquam non admittit, inungit, atque ita appenso ad
collum sacco, apprehendens ex funiculis illis aliquem, ad imum usque ma-
ris descendit. Summa autem celeritate repleto ostreis sacco, signum il-
lis, qui in naui sunt, commoto funiculo praebet, qui commotione hac visa
nihil cunctantes, piscatorem cum ostreis extrahunt, ne iusto diutius sub
aquis manens, quod quidem vsuuenire haud raro solet, suffocetur. Cate-
rum vno egresso descendit alius, continuaturque piscatio haec ad vespere-
ram usque, donec omnes descenderint & officio suo perfundi sint, ubi sae-
penumero accidit, vt si commodum offenderint locum, nauculam suam
ostreis probe repletam domum aduehant. Reuersi autem ad tuguria sua,
quaelibet societas, quae vna naui vitur, ostreas suas in vnum aceruum cu-
mulant, nec tamen eas attingunt donec captura prorsus finita est, tunc e-
nim assidentes aceruo suo, eas absque omni labore, cum mortuae iam sint,
aperiunt, margaritas eximunt, & in pertuso aliquo vase aeneo percolan-
tes, rotundas a longiusculis separant, illas enim utpote praestantissimas,
Lusitani coemunt. Secundum genus, quod rotundam figuram plane re-
spuit, vocant *Aia di Bengala*. Tertium, quod aliquo modo, non tamen per-
fecte rotundum est, *Aia di Canara*. Quartum vero minimarum & vilissi-
marum margaritarum genus *Aia di Cambaia* vocant. Ad sunt enim sta-
tim, qui separatas hoc modo, & secundum genera sua distributas aestiment,
ne ab aduentantibus mercatoribus, qui exiguo temporis spatio omnes
postmodo coemunt, ipsis tanquam simplicioribus rudioribusque facile
imponatur, cum praesertim infinita pericula, non solum ab aquis,

sed & ab arenis & saxis sub aqua latentibus, experiri & su-
perare margaritarum piscatores
cogantur.

*De ponderibus, mensuris, monetis & vectigalibus, in ciuitate Ormus
vfitatis.*

PRO aromatibus & mercibus aliis diuendendis varia in hac ciuitate pondera habent. *Droga* enim habent interdum 3. *Cantara* Droga. & 3. *Rubi*, interdum vero 4. *Cantara* & 25. *Rotoli*, quæ omnia *Baro* *Cantara.* nominantur; continetq; *Baro* maius & minus 20. *Frassolas*. *Frassola.* Vnum autem *Frassola* facit 100. *Mano*, atque ita *Baro* quodlibet 200. *Mano*. *Mano* continet. Quodlibet *Mano* habet 24. *Chiasso*. Quodlibet *Chiasso* habet 10½. *Chiasso.* *Metacalli*, quodlibet *Cantara* continet 4. *Rubi*, vnum *Rubi* sunt 32. *Rotoli*, vnum *Metacalli.* *Rotolo* sunt 16. vnciæ, vna vncia habet 7. *Metacalli*. Itaq; vnum *Cantaro* habet 128. *Rotoli*, quæ faciunt 192. libras Venetas minores. *Rotoli.*

Bari in *Ormus* sunt multorum generum, cumq; nominatur *Baro* maius, intelliguntur 7. *Cantara* & 24. *Rotoli*, quæ faciunt 1380. lib. Venet. minores. *Bari.*

Monetæ hoc in loco vfitatiores sunt *Lecca*, valet autem *Lecca* vnum 100. *Lecca.* *Asari*, quæ faciunt 190. *Larini*, vel 38. *Pardai*, & dimidium *Larin*, si 5. *Larini* ad *Asar.* *Pardao* vnum computentur. *Asar* vnum sunt 10. *Sadini*, vnum autem *Sadino* *Larini.* sunt 10. *Danari*. *Larini* quinq; faciunt 1¼. *Sadini*. Si autem spectes monetas *Sadino.* *Alepicas*, *Sadino* idem est quod *Maedin*, vna autem eius quarta facit 5. solidos Venetos, qui *Larini* in *Ormus* facerent 26. solidos Venetos minores.

Mensura in *Ormus* duplex est, vna vocatur *Caudo*, & superat mensuras *Alepicas* integro quadrante, cui enim *Alepi* dantur 100. *Pichi*, is in hac ciuitate reperit 103. Quod si mensuram hanc cum ea, cuius in *Balsara* aut *Babylonia* vsus est, conferas, superabit eam 25. partibus cum duabus tertiis. Quare cui in *Babylonia* aut *Balsara* dantur 100. *Pichi*, quarumcunq; mercium, is in hac ciuitate deprehendet se habere 125. cum duabus tertiis. *Caudo.*

Sed & aliud mensuræ genus habent, quod *Vara* vocant, transmissum *Vara.* nempe à Rege Portugalliæ in hanc ciuitatem, vt vilioris precii mercib. adhiberetur. Hæc mensura palmos quinq; digitos vero 20. continet, & superioris mensuræ *Conedo*, vnam saltem quartam partem cum duabus tertiis constituit, vt qui 100. *Conedo* coemit, si hanc mensuram *Vara* adhibeat, non plus quam 60. reperiatur.

Quod ad vectigalia huius ciuitatis attinet, admiratione dignum est, qd naues quæ ex *Goa* aut aliis Indiæ locis, mercibus oneratæ in portu huius ciuitatis appellunt, si tantum mercium aduehant, quantum decem equis onerandis sufficit, ne minimum quidem teruncium vectigalis nomine persoluant, sed planè liberæ sint: Rursum autem, si tantum nō adferant, quantum decem equi ferre possunt, vectigal totum persolvere cogantur. Præterquam enim quod longo vsu ita receptum apud eos fuerit, Rex Emanuel etiam consuetudinē hanc non ita pridem cōfirmavit. Quod si quis decem equos mercibus suis onerasset, vnum vero in itinere deficere & mori contingeret, necesse est, vt, nisi perspectę fidei sit, caudam demortui istius equi resectam ad *Eminum* perferat, si liber à vectigali esse velit. Cæterum vectigal in *Ormus* deunx est: nam de centenis singulis vndecim persolvere mercatores coguntur, quorum decem quidem Regi Portugalliæ, vnum vero præsidariis nauibus cedunt. De speculis, perspiciliis, sphæruleis precatoriis, & id rebus aliis vitreis, vectigal nullum soluitur. Iudæi autem, Armenii & Æthiopes, præter deuncem hunc aliud adhuc vectigal præstare coguntur, nempe quadrantem, seu tria de centum, quod *Caida* ipsis vocatur. *Caida.*

De vestigali & sumptibus, quos ab Ormus vsque ad Chiavul, Goa, & Cocchi, naues facere coguntur.

P O P V L I, qui vocantur *Imocaiarri*, soluunt pro tabula vna 60. partium, 6. *Larin*.

Pro ordinaria seu consueta *Cassa aquæ rosarum*, 8. *Larin*.

Pro vnoquolibet *Cantaro* seu 128. *Rotuli*, 10. *Larin*.

Pro vnoquolibet *Cantaro* amygdalarum 9. *Larin*.

Pro *Cantaro* *Ruina de Calagnii* 12. *Larin*.

Pro *Cantaro* mercium vitrearum 8. *Larin*.

Cassa continens quinque *Pardi* soluit 10. *Larin*.

Casoni maiores singuli 14. *Larin*. Mediocres vero 12. *Larin*.

Tamari vsque ad *Moscatum* soluunt pro quolibet *Fardo* 3. *Sadin*.

Tamari vsque ad *Diu* vel *Chiaul* soluunt pro quolibet *Fardo* 4 $\frac{1}{2}$. *Sadin*.

Quod si vero merces pro 10. equis in nauibus vehantur, vestigalis quidem nomine nihil præstatur. Quod ad nautas attinet, ipsosmet de sumptu suo sollicitos esse oportet.

Iam cum debitum omne mercatores nostri in *Ormus* persoluissent, muneræq; non pauca Præfectis eorumq; ministris obtulissent, constituerunt inter suum *Goam* versus dirigere. Antequam autem ad itineris istius descriptionem descendam, visum est mentionem hic facere aromatum, quæ in *Ormus* reperiuntur, eorumq; pondera cum ponderibus Venetis conferre.

Sicigitur *Baro* vnum nucum myristicarum, ex 3. *Cantara* & 25. *Rotoli* constans, habet 68 2 $\frac{1}{2}$. libras Venetas minores.

Tria *Cantara*, quæ ex 71. *Rotoli* constant, *Caryophyllorum*, habent 68 2 $\frac{1}{2}$. libras Venetas minores.

Tria *Cantara* *Macis*, quæ constant 71. *Rotoli*, habent 68 2 $\frac{1}{2}$. libras Venetas minores.

Tria *Cantara* *stanni*, quæ constant 86. *Rotoli*, habent 705. libras.

Tria *Cantara* *Cassia*, quæ constant 86. *Rotoli*, habent 705. libras:

Sandalii optimi ex *Malacca* tria *Cantara*, quæ constant 86. *Rotoli*, habent 705. libras Venetas minores.

Sandalii vilioris ex *Cucci*, quatuor *Cantara*, quæ constant 25. *Rotoli*, habent 805 $\frac{1}{2}$. lib.

Verzinii Cantara 4. *Rotoli* 13. lib. 787 $\frac{1}{2}$.

Spicanardi Cantara 4. *Rotoli* 25. lib. 805 $\frac{1}{2}$.

Argenti viui Cantara 3. *Rotoli* 86. lib. 705.

Piperis oblongi Cantara 4. *Rotoli* 25. lib. 805 $\frac{1}{2}$.

Sandaraca 4. *Cantara* 25. *Rotoli*, lib. 805 $\frac{1}{2}$.

Galanga ex *China*, *Cantara* 4. *Rotoli* 25. lib. 805 $\frac{1}{2}$.

Zingiberis albi saccharo conditi Cantara 3. *Rotoli* 64. lib. 672.

Myrobal. condit. Cantara 4. *Rotoli* 25. lib. 805 $\frac{1}{2}$.

Moschi Metacalli 7. faciunt vnciam vnam Venetam minorem.

Ambra grisea opt. Metacalli 7. faciunt vnciam vnam.

Ambra nigra Metacalli 7. faciunt vnciam vnam.

Benzoin Cantara 4. *Rotoli* 25. lib. 805 $\frac{1}{2}$.

Benzoin sublimat. opt. Cantara 4. *Rotoli* 25. lib. 805 $\frac{1}{2}$.

Lacca ex Pegu, Cantara 4. *Rotoli* 13. lib. 787 $\frac{1}{2}$.

Lacca ex Bengala, Cantara 4. *Rotoli* 13. lib. 787 $\frac{1}{2}$.

Zingiber

Zingiber ex *Buli*, Cantara 4. Rotoli 13. lib. 787 $\frac{1}{2}$.
 Zingiber ex *Mecha*, Cantara 4. Rotoli 13. lib. 787 $\frac{1}{2}$.
 Zingiber *Beledi*, Cantara 4. Rotoli 13. lib. 787 $\frac{1}{2}$.
 Nuces condit. Cantara 3. Rotoli 64. lib. 672.
 Cardamomi opt. ex *Barzolar*, Cantara 4. Rotoli 25. lib. 805 $\frac{1}{2}$.
 Cardamomi ex *Bengala*, Cantara 4. Rotoli 25. lib. 805 $\frac{1}{2}$.
 Zingib. condit. ex *Giaga*, Cantara 3. Rotoli 64. lib. 672.
 Myrobalani *Chebuli*, Cantara 4. Rotoli 25. lib. 805 $\frac{1}{2}$.
 Myrobalani omnis generis, Cantara 4. Rotoli 25. lib. 805 $\frac{1}{2}$.
 Aloe succotrina, Cantara 2. Rotoli 86. lib. 705.
 Aloe Epatica, Cantara 3. Rotoli 86. lib. 705.
 Sacchari candid. Cantara 3. Rotoli 96. lib. 720.
 Sacchari *Mezan* vel mediocris, Cantara 3. Rotoli 96. lib. 720.
 Croci Cantara 3. Rotoli 64. lib. 672.
 Ligni Chinenfis *Ganta*, h. e. Cantaro dimidium seu fefqui Rotoli lib. 2 $\frac{1}{4}$.
 Thuris opt. in granis, Cantara 4. Rotoli 13. lib. 787 $\frac{1}{2}$.
 Turbith Cantara 4. Rotoli 24. lib. 805 $\frac{1}{2}$.
 Abelmelucea, Cantara 7. Rotoli 24. lib. 1380.
 Nuces gomitæ, Cantara 7. Rotoli 24. lib. 1380.
 Rhabarbari Cantara 4. Rotoli 25. lib. 805 $\frac{1}{2}$.
 Specula fract. Cantara 3. Rotoli 96. lib. 720.
 Sacchari Canar. Cantara 3. Rotoli 64. lib. 672.
 Curcuma, Cantara 4. Rotoli 13. lib. 787 $\frac{1}{2}$.
 Syluestris cassiæ Cantara 3. Rotoli 61. lib. 859 $\frac{1}{2}$.
 Cucculæ Orientales, Cantara 7. Rotoli 24. lib. 1380.
 Comin, Cantara 7. Rotoli 24. lib. 1380.
 Tamarin, Cantara 8. Rotoli 25. lib. 805 $\frac{1}{2}$.
 Salarmoniaci Cantara 3. Rotoli 86. lib. 705.
 Zedoariæ amaræ, Cantara 4. Rotoli 61. lib. 859 $\frac{1}{2}$.
 Cubearum Cantara 4. Rotoli 25. lib. 805 $\frac{1}{2}$.
 Gamphoræ, Cantara 3. Rotoli 86. lib. 705.
 Myrrhæ Cantara 3. Rotoli 86. lib. 705.
 Costi dulcis, Cantara 4. Rotoli 25. lib. 805 $\frac{1}{2}$.
 Boracis Cantara 3. Rotoli 86. lib. 705.
 Asæ fœtidæ, Cantara 3. Rotoli 86. lib. 705.
 Ceræ flauæ Cantara 5. Rotoli 86. lib. 705.
 Serapini Cantara 4. Rotoli 86. lib. 705.
 Cassiæ ex Campagia Cantara 4. Rotoli 24. lib. 805 $\frac{1}{2}$.
 Styracis liquidæ Cantara 7. Rotoli 24. lib. 1380.
 Tutia Cantara 3. Rotoli 75. lib. 690.
 Onto sottil vel vnguenti subtilis Cantara 7. Rotoli 24. lib. 1380.
 Olei omnis generis Cantara 7. Rotoli 24. lib. 1380.
 Nucleorum ex nucibus Indicis Cantara 7. Rotoli 24. lib. 1380.
 Ques de Calencha Cantara 3. Rotoli 96. lib. 720.
 Aluminis Rochæ Cantara 3. Rotoli 96. lib. 720.
 Copræ de nucibus Indicis Cantara 4. Rotoli 13. lib. 787 $\frac{1}{2}$.
 Ligni paradisi de Cucci & China, Cantara 3. Rotoli 86. lib. 705.
 Ligni paradisi de Malacca Cantara 4. Rotoli 25. lib. 1805 $\frac{1}{2}$.

Itineris ex ciuitate Ormus vsque ad Diu descriptionio.



PERACTA in *Ormus* negotiatione cum incredibili cupiditate quidam ex mercatoribus nostris tenerentur Indiam Orientalem perlustrandi, egerunt cum *Don Consaluo*, qui tum temporis Praefectus seu Capitaneus Insulae & ciuitatis *Ormus* erat, ut sua naui in *Goam* traducerentur. Nihil autem vestigialis nomine, praeter ordinarium tributum *Crugie* ipsis dictum, persoluebant, cum alias omnes peregrini quadrantem siue tria de centenis numerare cogantur, exceptis solis Lusitanis, quibus etiam mercatores nostri à Praefecto adnumerabantur. Quare cum *Nolo* siue naulum, ordinarium nempe nauigationis precium, pro se & mercibus suis persoluissent, cymbam, qua mercatorum bona ad naues peruehuntur, ingressi, ad nauem praedicti *Don Consaluo* se traduci curabant. Consensa igitur naue circa meridiem 29. Septembris ex portu soluentes inter ingressi sunt, peruenientes eodem adhuc die ad Insulam Bonae spei, ubi proiectis duabus anchoris per noctem illam sequentemque integrum diem substituerunt, donec merces suas in naui sua disposuissent.

Insula Bonae spei.

Sub vesperam 30. Septembris cum Austrum ventum nimium sibi conuenientem flare animaduernerent, eleuatis anchoris progrediebantur, assequentes sequenti diluculo Insulam *Larac*, qua ad dextram relictâ, postero die, qui 2. Octobr. erat, ad angulum quendam, saxi aliquot munitum, cui nomen est *Masedon*, in latere Arabiam respiciente deferebantur. Cumque ei oppositus esset in latere Persico alius, quem *Diamat* vocant, cogebantur inter hos duos angulos non sine magno periculo cursum nocte ea tenere. Ceterum cum non hos solum angulos, sed & scopulos quamplurimos alios, nempe *Giasch*, *Colmobarech*, *Giachni*, *Pacheston*, *Zanca*, *Gordon*, *Palme*, & *Rasazira* nauigando superassent, & iam terra omni ex oculis ipsorum se subducente, praeter caelum & aquam nihil viderent, cogebantur per *Golfum* siue sinum quendam, longo admodum & periculoso tractu, cuius aqua alba & lactea apparebat, nauigare. Continuato autem itinere sub vesperam 10. Octob. apparebat ipsis in Occidente ingens Cometa horrido admodum aspectu, qui caudam suam in Austrum proiciebat, radios subinde aliquos versus ortum spargens. 13. Octob. Balenae ipsis duae, vix tantillo quod sagittae iactu assequi possis spatio, à naui remotae, cernebantur tanta magnitudine, ut quantum ex superficie dorsi ipsarum coniicere licebat, nauem suam longe superarent. Sequenti vespera caelum quasi apertum, ignem vomere, & tanta copia expuere videbatur, ut incedium naui suae metuerent. Ignem hunc sequebatur accensus quidam vapor, qui stellae assimilatus, magnitudine quatuor passuum, cernebatur sese instar ignitorum radiorum in mare demittere. Erant ab hoc visu non parum exanimati, continuata tamen nauigatione progrediendum sibi censebant, videntes interim magnam piscium copiam circa nauem suam à fluctibus ferri & protrudi, quasi mortui essent. Monebant autem nautae ne quis eos contrectaret, esse enim ex eorum genere, qui acutissimis suis pinnis, non solum manus contrectantium vulnerarent, sed & venenum quasi affunderent, ut manus inde intumescerent exquisitissimos dolores, quandoque & mortem ipsam hominibus afferrent.

Larac.

Cometa.

Balena dua naui instar.

Vapor accensus in mare dimittitur.

Pisces pinnis suis homines lethaliter laedentes.

Balena triremem longitudine sua superans.

Non poterant adhuc terram videre, quamuis dies noctesque nauigationem continuassent. Cernebant autem rursus 15. Octob. horam circiter 9. matutinam, ingentem balenam, quae longitudine sua triremem maximam superabat,

perabat, & aquam tanto impetu in altum euibrabat, ut malum nauis suæ excedere videretur. Progressis nocte illa *Testoni* aliquot rotundi & candidi in mari apparebant similes coronatis argenteis Venetis. Itaque nautæ inde colligebant non procul sese iam à finibus Indiæ abesse, sed fallebat ipsos coniectura. Nam etiam si integrum adhuc biduum nauigando absoluerent, non poterant tamen vel fundum deprehendere, vel terram vllibi videre, quod mirum ipsis videbatur, cum præsertim iam dies aliquot præterissent, quibus terra ipsis nulla visa esset. Minuebantur autem quotidie cibaria, equis præsertim 22. quos in naui secum habebant, pabulum & aquam potabilem magna auiditate absumentibus, ut periculum famis imminere ipsis certissimum videretur.

Nautæ itaque, ut nihil in se desiderari paterentur, gradus eleuationis diligenter obseruabant. Cum vero ad 21. vsque Octobris ita nauigassent, cœperunt ipsis serpentes aliqui in aqua apparere, colligebant igitur inde se sexaginta amplius leucis à finibus Indiæ non abesse amplius, siquidem eiusmodi serpentes tractum illum suppeditare scirent. Circa meridiem, cum Nauarchus eleuationis gradum obseruaturus esset, deprehendit lunam ex ventorum varietate halonem contrahere, quod cum ante tres annos similiter factum diceret, & tantam postmodum tempestatem in mari extitisse, ut quamplurimæ naues hoc ipso tractu naufragium fecerint, non exiguum mercatoribus timorem incussit. Habent autem nautæ, qui hac nauigare consueuerunt, vexillum aliquod, quod Sancti Thomæ nominant, suntque in ea opinione, quod, si vexillum hoc in mare abiiciant, illud pacificum statim & quietum reddatur. Nauarchus igitur ipsorum præuisa tempestate, vexillum suum requisivit, illudque ventis obiciens eos ita compescuit, ut tranquillitas in mari maxima existeret, & quilibet animum rursus concipiens meliora speraret.

*Vexillo S Thomæ
venti placantur
& sedantur.*

Sedato hac ratione mari profunditatem Nauarchus explorare cœpit, cumque orgyrum 40. eam reperiret, lætitiā omnes haud exiguum conceperunt, quæ paulo post augebatur, cum & hirundines & grues præteruolare viderent, quæ volucres terram non abesse iam longius argumento ipsis erant certissimo. Postquam igitur vario vento ad 23. vsque Octobris visi essent, significabat ipsis, qui excubias in corbe mali agebat, terram sese videre, quam putet esse regionem *Diu*, cum nimirum Septentrionem versus se extendat. Circa meridiem eius diei nauem aliquam cernebant Insulam *Diu* petentem, quo cum & ipsi contenderent, vna atque altera ante vespere hora littus Insulæ *Curinal* assequebantur. Erant ibi aliquot facellæ, & iuxta ea innumera gryllorum noctu stridentium, præterea etiam muscarum, à quibus non parum molestiæ in nauibus percipiebant, multitudo; sed & pisces aliqui decem & amplius passus lati in littore illo sese conspiciendos præbebant, magnum strepitum excitantes, quos nautæ illi *Lachan* vocabant.

Diu.

Non procul ab hac Insula Septentrionem versus aliam cernebant Insulam, cuius solum rubicundum apparebat. Sequenti autem vespera applicantes iuxta propugnaculū *Diu* inueniebant ibi duas naues præsidiarias Lusitanorum, qui referebant superioribus diebus quinque naues ex *Mecha* venientes in portu illo naufragium fecisse, & in angulo seu extremitate portus non ita pridem 65. varii generis nauculas submersas periisse, addentes præterea Cardinalem, qui Rex Portugalliæ fuerat, postquā Romano Pontifici regnum suū pro arbitrio & libitu suo constituendum obtulisset, diem suum obiisse. Sed & hoc dicebant, Lusitaniam duplicem iam experiri pœ-

nam, pestem nimirum & Regis Hispanici militem, aeremq; in *Goa*, cadauerum ex quadrimo bello trucidatis hominib. Elephantibusq; multitudine, maximopere infectum & perniciosum redditum esse.

*Rex in Magor baptis-
mū admittit.*

Appulit in portum hunc 27. Octobris die naus quædam alia præsi-
diaria ex *Goa*, nuncium ferens, quod potentissimus Rex in *Magor*, dispu-
tatione aliqua cum Canonicis ad Sanctum Paulum non ita pridem institu-
ta, eo adductus esset, vt constituerit baptismum vna cum coniuge & duob.
filiis admittere, quo facto spem etiam de reliquis subditis cōcipi posse, fore
vt ipsi quoque ad Christianam religionem conuertantur, cum Æthiopes
hactenus ethnicis superstitionibus fuissent addicti. Cæterum vt appareret
hanc in Rege conuersionem non simulatam sed seriam esse, preces cum
sele singulis diebus coram crucifixi imagine peragere dicebant. Rex hic
potentior est Imperatore Turcico, vel etiam Rege Hispano, & consistit po-
tentia eius in innumera Elephantum & equorum copia, siquidem tota eius
regio, cuius octo millium leucarum circumferentia est, vndique illis abun-
det. Erat hoc nuncium bonum equidem, verum cum mercatores nostri
paulo amplius progressi ad ciuitatem *Diu* peruenissent, illud quidem quo-
ad Regis ipsius personam verum esse, subditos autem eius tantum abesse,
vt imitari Regis exemplum vellent, vt etiam vitæ eius, propterea quod ba-
ptizari se curauerit, insidias struerent, cognouerunt.

C A P V T XIX.

Descriptio ciuitatis Diu.



CIVITAS *Diu* non quidem multorum est ædificiorum, sed mul-
tæ tamen negotiationis, siquidem naues quamplurimæ omnis
generis mercibus oneratæ, quæ ex Media venientes, *Ormus* ci-
uitatem petunt, ibi appellant. Sita est in parua quadam Insu-
la regni Cambaiæ, sub 11. poli gradu, angulum Indiae respiciens, vnde pri-
ma est, ad quam in nauigatione ex *Ormus* ciuitate, in Indiam suscepta, per-
uenitur. Propugnaculo gaudet omnium fortissimo quotquot Lusitani in
tota hac regione possident: nam eleuato maximo scopulo impositum, &
duplici circumquaque vallo cinctum est, vt insuperabile & inuictum ha-
beatur. Sub ingressum eius tormentum constitutum cernitur, tantæ ca-
pacitatis, vt sedere in eo quis erectus possit, dicunturque plura & maiora i-
bi fuisse, cum à Rege Portugalliæ expugnaretur, quæ postmodum in Por-
tugalliam traducta sint, supersunt tamen ibi adhuc tormenta cum sclopis,
bombardis, & id genus aliis armis quamplurimis. Canalis siue transitus na-
uium inter propugnaculum & continentem est, vt ita naus transire absque
Lusitanorum permisso nulla possit, cum præsertim tormentis suis ex pro-
pugnaculo ad continentem vsque pertingere facillime possint. Inter pro-
pugnaculum autem & ciuitatem columna posita est, tribus sagittis in mo-
rem stellæ dispositis, pulcherrimè exornata & coronata, in signum, quod
naues isthac transeuntes vectigal persolvere debeant.

In littore maris portus est gradibus aliquot 50. passus longis ornatus,
per quos merces eleuantur & demittuntur. Collocatæ autem sunt in portu
illo duæ columnæ siue pyramides, quarum quæ in dextro latere cernitur,
insignia Regis Portugalliæ, altera vero in sinistro latere tres sagittas exhi-
bent, de vectigali Portugalliæ Regi soluendo monentes. E regione portus
huius domus mercatoria est, duobus vexillis Cruce insignitis, sub ingres-
sum conspicua, & area tantæ capacitatis prædita, vt pallatium Ducis Vene-
torum

torum superare videatur. Multis autem cameris & tabernis vbi merces deponantur, distincta est, reperiunturq; ibi multi Scribæ & librarii, pleriq; tamen superstitionibus ethnicis addicti.


Mare hoc in loco à Præfecto quodam plusquam 50. præfidiariis nauibus, quæ singulæ suum peculiarem Subpræfectum habent, à piratis tutum redditur. Ciuitas ipsa satis pulchra est, multis tabernis mercatoriis pro omnis generis mercibus, & aliquot templis elegantibus columnis impositis conspicua, à Lusitanis muro vndique cincta firmissimo, qui ab vtraque portus extremitate terminatur. Pro defensione sua duos sortita est Præfectos, quorum alter in arce siue propugnaculo, alter in domo excubitoria residet. Multis abundat herbis, maximè vero raphanis & id genus aliis, fœniculum etiam & cucumeres habet, nec volucris destituitur, præterquam quod anates & gallinas non habeat, quæ ex *Chiaul* eo deferuntur.

Incolæ bouina, veruecina & suilla carne parce vtuntur. Mulieres ornatui parum indulgent, nec fucandis faciebus operam dant, præterquam gentiles Æthiopicæ, quæ dentibus nigro colore inficiendis multum student, quo enim nigrioribus cernuntur dentibus, eo amabiliore & chariores viris habentur, itaque vt dentes eo melius conspiciantur diductis semper labiis incedunt. Corpora mortuorum igne cremantur, cineresque in quatuor elementa distribuuntur, ea ratione, quod, cum homo ex quatuor elementis constet, æquum sit, vt eo defuncto, quodlibet elementum, quod suum est, recipiat. Moris est in *Cambagia*, vt vxores mortuis maritis suis pretiosissimas vestes induât, gemmisq; & margaritis sese mirum in modum exornent. Quando igitur corpora defunctorum rogo imposita iam cremantur, ipsæ ad ignem accedunt, vestes & ornatum omnem exuunt, atque inter astantes amicos variè distribuunt, postmodo canentes atque saltantes in ignem sese coniiciunt, vt vna cum corporibus maritorum suorum comburentur. Et quidem hanc consuetudinem tam sanctè obseruant, vt si qua id facere recuset, pro impudica & perfida in virum suum habeatur.

Vinum in hac ciuitate non reperitur, quod illis quidem in locis crescat, potum vero ex nucibus myristicis, oryza, dactylis, & vuis passis conficiunt, qui grati quidem saporis est, sed stomacho multum nocet, cum vt Aqua vitæ seu vinum igne eliquatum eum vrat atque inflammet. Suppeditat hic locus Zingiber etiam. Cancros autem habent miræ magnitudinis. Aer nocturno tempore supra modum frigidus est, ita vt vix perferri queat, interdiu autem tantus ibi æstus à sole depræhenditur, vt vestitum tolerare nemo possit. Mare eius loci pisces producit squamis candidis oppleros, *Pisces volantes.* & iuxta branchias ab vtroque latere alatos, qui eleuati ex vndis, alarum suarum beneficio, ad sclopi displosionem, sese promouere volando possunt. Piscatores neglecta omni tempestate bini & bini in nauicula piscatoria, vix quatuor vlnas longa & vnam lata, confident, & artem

suam piscatoriam mira dexteritate
exercent.

De itinere ex Diu ad Chiaul.



PERACTA in ciuitate *Diu* mercatura sub vesperam 30. Octobris Anno 1580. nauem iterum conscenderunt, *Chiaul* ciuitatem petitori. Postero autem die, cum ad primum terminum peruenissent, qui nautis *Chugna* dicitur, curabant ibi tormenta sua ad alteram naui partem traduci, quod nauem mercibus quibusdam in *Diu* exoneratam, in partem alteram propendere nimium cernerent. Occurrerunt autem ipsis paulo post tres naues armatae, quae plenae quidem velis ad eos contendebant, ut difficile non esset intelligere naues quidem piraticas, populumque ex piratarum genere esse, qui *Maluari* dicuntur. Appropinquantes autem ad nauem, cum sibi inferiores forte mercatoribus nostris viderentur, taciti praterierunt, mercatores vero cursum suum continuantes breui temporis spacio eoque progressi sunt, ut 1. Nouemb. die terram amplius nullam conspicerent, quod ipsis quidem mirum videbatur, cum ex eo loco *Golsistius*, usque ad *Chiaul* ciuitatem non amplius 18. Lege numerarentur, ubi alias propugnaculum Lusitanicum *Daman* videri solet. Dirigebant igitur cursum suum versus meridiem, respicientesque ad sinistram, piscem aliquem cernebant, qui magnitudine sua ipsam nauem superans duo cornua in capite praeferebat, & modo dorsum modo ventrem oculis ipsorum obuertebat, quod mirum omnibus visum est.

Pisces cornuti.

Templum ab Alexandro Magno extructum.

Sub vesperam apparebat ipsis arx & ciuitas Lusitanica *Basait*, 30. Lege à *Diu*, & 10. à *Chiaul* distans, quam 2. Nouembris die assequentes paulo post ad oras *Bombain* veniebant, videntes ibi templum quoddam vetus Romanum, saxo incisum, supra quod *Tamarindi* crescebant; infra illud autem fluuius est, cuius profunditatem explorare haecenus nemo potuit. Templum hoc *Alephante* dictum, & multis imaginibus exornatum, vel pertilionum iam domus & habitatio est, diciturque ab Alexandro Magno olim in testimonium, quod ad loca illa ipsemet peruenerit, extructum fuisse.

Progressi autem paulo post templum illud, propugnaculum & ciuitatem *Daman* conspexerunt. Haec sub potestate Regis Lusitanici sita lignis admodum abundat, itaque multae ibi naues & triremes subinde opera cuiusdam *Dominici de Castel* Veneti, artificii huius extruendi naues peritissimi, parantur. Post meridiem cernebant nouem armatas naues, quae ab inuicem sese separantes, cursum ad nauem suam recta dirigebant, verum ut appropinquantes viderent pirata maiorem eam esse, quam quae a se expugnaretur, aliam viam ingressi sunt. Mercatores vero nostri paulo post Insulam *Mambonit*, turri admodum procera, quae *Mambaira* vocatur, conspicua, & quatuor leucas in circumferentia habentem, affecuti sunt. Erat autem ibi rupes admodum eleuata, & ob nucum Indicarum copiam visu admodum delectabilis.

Ceterum cum non esset, quod in ciuitate ista perficerent, applicantes ibi ad littus nauiculam minorem, quam naui suae coniunctam ducebant, cum multis mercibus in urbem, 4. tantum leucis ab isto loco distantem, ablegabant, a piratis & praedonibus, quorum ibi passim aliqui cernebantur, ei non parum metuentes. Piratae hi *Maluari* dicti, ut eo audacius pugnent, solent, antequam pugnam aggrediantur, herba quadam vesci, ea enim inebriati & dementati quasi, posthabito omni periculo, aduersariis sese immiscunt,

scēnt, in nauem, quam spoliare est animus, descendunt, eamque modis omnibus læsam bonis exuunt, & igne interdum, vbi armis parum valent, perdunt. Depræhēdebant autem in regione ista aliquot piscatorum nauiculas, quatuor vlnas longas & vnam latas, quibus qui vtuntur piscatores, nullam omnino tempestatem & periculum metuentes, securi quocunque volunt nauigant, ligna enim duo transuersim posita ad passus longitudinem vtrinque prominentia nauiculas quasi in æquilibrio continent, ne vel in hanc vel in illam nimium inclinantes partem, faciliè à fluctibus subuertantur & mergantur.

CAPVT XXI.

Descriptio ciuitatis Chiaul.



CIUITAS *Chiaul* in patenti campo, sub 19. poli gradu sita, Lusitanis subiecta est. Portum habet muro firmissimo conclusum, quem Præfectus quidam Lusitanicus ab incurſu Æthiopici Regis *Zamalucco*, qui & ipse ciuitatem aliquam vix sesqui leucarum itinere ab hac distantem tenet, tuetur. Est autem in ciuitate *Chiaul* celebre pannorum sericorum,

aromatum, & aliarum mercium emporium, nauibus ex China & Malacca eo cum mercibus variis frequenter confluentibus.

Vestigalis nomine vnum solummodo de centenis mercatores hic persolunt, idq; eum in finem, vt inde ciuitas, quæ à Rege *Zamalucco* multis modis desolata & deformata superioribus annis fuit, iterum reparetur. Rex enim ille, ex *Abdenegar* ciuitate, quæ 7. vel 8. dierum itinere à *Chiaul* distat, habitans, ingentem ducentorum millium exercitum contra ciuitatem hanc eduxerat, & tormentis eam ingentib. mirum in modum deformaue- rat, vnde passim globi faxei horrendæ magnitudinis ex ædificiorum muris in belli huius cum *Zamalucco* gesti recordationem, & signum, quod ab eo expugnari ciuitas non potuerit, prominent.

Ingens autem 22. Nouembris die tempestas extitit, ventis tanto impetu furentibus, vt turres passim delicerentur, ædificia testis nudarentur, muri dissiparentur, & multæ nauiculæ, quibus commeatus in ciuitatem deferretur, submergerentur, panis enim, gallinarum, volucrum, carniūq; aliarum satis eo transvehitur, sed vini parum admodum, vnde etiam care nimis venit. Tempestas illa eadem adhuc vespere cessabat, itaq; mercatores nostri cum merces ciuitati huic conuenientes vendidissent, & vestigal visitatum, nempe vnum de centenis, persoluissent, receptis in nauem, qui *Goam* cupiebāt, quinque Franciscanis Monachis ex portu soluentes abierunt. Tempus autem, quod ex *Diu* ad hunc vsque locum *Chiaul* nauigando consumpserant, 6. dies erant, quibus non parum periculi à piratis & prædonib. ipsis obtigerat. Cæterum, quod hoc in loco de ponderibus, mensuris & monetis hoc in loco visitatis nihil dicam, causa ea est, quod iisdem ponderibus, monetis & mensuris, quarum in *Goa* vsus est, hic vtantur, de quibus quidem suo loco dicetur copiosius.

CAPVT XXII.

De itinere ex Chiaul ciuitate Goam. vsque.



CONFECTIS in ciuitate *Chiaul* rebus omnibus sub vesperam 4. Nouembr. Anno 1580. ex portu illo iterum soluentes cursum suum versus austrum direxerunt, *Goam* ciuitatem petitori. Summo autem diluculo sequentis diei ad propugnaculum

Dada

Dada. *Dada* venientes, cogeantur ibi propter ventum aduersum vsque ad meridiem subsistere. Post meridiem, cum iterum progredierentur, in nauem aliquam *Goam* similiter petentem incidebant, cognoscentes ex ea Regem *Dialcan* ante duos menses mortuum esse, illum vero, qui *Chiaul* oppugnatum venerat, cum magno exercitu in mari submersum periisse. Poterant autem tum ex naui sua regionem *Daman Basait*, quæ Zingiberis ferax est, quam optimè cōtemplari. Vesper *Safardon* affecuti progrediebantur tanta dexterritate, vt sequenti diluculo à *Dabul* ciuitate, vbi Zingiber etiam magna copia prouenit, non abesse sese longius viderent. Ciuitas hæc regia sedes est, à Rege in *Bul* habitata, qui Regi in *Dialcan* tributum annum persoluit, vt defensionem sui contra Lusitanos suscipiat: Lusitani enim odio eum hætenus maximo persecuti sunt, idq; propter cædem in eos perpetratam. Cum enim aliquando multos Lusitanos, qui tribus nauibus aduenerant, conuiuio excepisset, omnes trucidari iussit, vt præter nautas nemo effugerit.

Safardon. *Dabul.* Sed vt ad iter nostrum reuertamur, mercatores nostri strenue progredientes peruenerant 7. Nouemb. ad oras *Sanchiser*, qui locus ab arboribus & herbis aliis aspectu pulcherrimus existit, occurrebant autem ei duæ naues, quæ ex *Goa* ciuitatem *Ormus* petituræ venerant. Circa vespæram autem cum non procul ab Insula *MazZacan* abessent, cernebant ibi vndecim piratarum nauigia, deliberantium inuicem de oppugnanda hac naui, sed cum à tormentis & sclopis sibi metuerent, ab irruptione sibi temperabant. *MazZacan.* Interim mercatores sequenti die ad magnam Æthiopum ciuitatem *Carafata* appulerunt. Erant ibi adhuc quatuor naues piraticæ, itaque cum reliquæ vndecim etiam sequerentur, & cum hisce quatuor vires suas coniungerent, haud exiguum mercatoribus metum incusserunt. Sed cum tormentis & sclopis sese bene instructos scirent, iuxta littus paulatim incedentes, angulum *Zambara* sub vespæram, sequenti vero die angulum alium *Dandabasi*, duodecim saxis eleganter quasi munitum, affecuti sunt, ac tandem 10. Nouemb. ad *Giapora*, inde ad portum ciuitatis *Goa*, cum sex dies in itinere fuissent, appulerunt.

CAPVT XXIII.

Descriptio ciuitatis Goa.

GOA ciuitas est, respectu Indicarum ciuitatum satis magna & pulchra, sub 6. poli gradu in Insula quadam sita, quæ in circumferentia sua 30. leucas continet, & pagis aliquot, hortisq; & arborib. pulcherrimis ornata cernitur. Est autem præcipua inter omnes, quas Lusitani per totam Indiam possident ciuitates, vnde & Vicerex seu Præfectus, qui locum Regis in Portugallia tenet, sedem ibi suam constituit. Regio autem ipsa, in qua ciuitas hæc sita est, Æthiopum Regem *Dialcan* Dominum agnoscit, qui sedem suam in vrbe *Bisapor*, quinque dierum itinere à *Goa* distante, tenet. Viribus hic Rex & potentia tanta pollet, vt aliquando bellum cum Lusitanis gerens, plus quam ducēta millia armatorum aduersus ciuitatem hanc produxerit, & obsidione eam 14. mensibus firmissima cinxerit, quam etiam certissime expugnasset, si portus tanta profunditate esset, vt præsidiarias naues maiores admitteret. Munitur portus iste hodie fortissimo propugnaculo super collem ad latus eius extructo, estq; ab altera eius parte templum, quod *Remago* seu trium Regum vocant, itidem super collem siue monticulum aliquem extructum, quod monachi Franciscani hodie possident.

Multæ ibi negotiationes exercentur: Æthiopes enim cum quinque vel sex

sex onerariis nauibus ex Portugallia, ciuitatem *Cocchi* petentes, ad portum huius urbis primum applicant, & negotiationes suas per mensem integrum ibi exercent, reuersiq; postmodum ex vrbe ista itidē per aliquot dies ibi cōmorantur. Hyemē habent in Maio, Iunio, Iulio & Augusto, nullum tamen frigus aut gelu animaduerrunt, sed hyemem vocant ob ventorum & pluuiarum frequentiam, quibus æstus solis nimius inhibetur, & ita per diuinam prouidentiam moderatur, ne nimio feruore exsiccata terra hominibus pecoribusq; sustentationem suam deneget. Venti quidem toto isto tempore durant, & absque vlla intermissione dies noctesq; spirant, suntq; illi quos ex Portugallia in Indiam nauigaturi exoptant. Pluuia vero non continua est, sed remittens interdum; solis etiam radiis locum concedit, qui tum temporis tam vehementes & feruentes existunt, vt nemo eos perferre posset, ni & venti eos moderarentur, & terra aerq; ipsemet pluuiā prius recreata & quodammodo refrigerata esset.

Habitant in hac Insula populi quidam, qui *Canarini* vocantur. Hi statuā quandam nudatā, non quidē pro Deo sed pro idolo suo habent. Norunt enim Deum quendam esse, qui totum mundum & omnia, quę in eo sunt, gubernet, ideoq; hanc quidem statuam non vt Deum, sed vt idolum aliquod, eadem qua superstitioni alii defunctos sanctos colunt & venerantur. Ex hisce populis, si quis filiam suam alicui in vxorem dare constituit, proficiscitur cum ea ad statuam hanc, quę octodecim leucis ab vrbe distat, vt pro felici matrimonii successu ei prius supplicet votumque faciat, quę peractis precibus, interfœmineum suum ad virgam statuę ferream applicat, fortiq; commotione perrumpit, vt flos virginittatis idolo huic sacrificetur. Quod si puella tenerior dolorem reformidatē videatur, eā applicare saltē membrum ad virgā statuę iubetur, quo factō mater puellam à tergo apprehēdēns, commouet truditq; donec virginittatem amisisse eam sentiat.

*Canarini populi
superstitiosi.*

*Inlaid out in
BA copy.*

C A P V T XXIV.

De ponderibus, mensuris, monetis & vectigalibus ciuitatis Goā.

PONDERA quibus in *Goā* vtuntur, & maxime *Cantara*, vō *Chintal*. cantur *Chintalli*. Habet autem *Chintal* vnum quinq; *Mano* & 8. *Rotoli*. Vnum *Mano* sunt 24. *Rotoli*, atque ita *Chintal* vnum sunt 128. *Rotoli*. Quodlibet autem *Rotolo* facit 16. vncias in *Goā*, vel 1½. libras Venetas; itaque *Chintal* vnum 192. libras Venetas minores constituit. Passim autem ad aromata & merces alias *Chintal* adhibent; præterquam in regno *Cinna* & *Galanga*, *Candil*. quibus in locis *Candili* in vsu sunt. Notandum autem est, in *Goā* duo *Candili* genera haberi, vnum enim 16. alterum vero 20. *Mano* constat, illud tria *Chintalli* facit, hoc autem tria *Chintalli* & tria *Rubbi*. Quodlibet autem *Chintal* quatuor *Rubbi* sunt, & quodlibet *Rubbi* sunt 32. *Rotoli*, vt ita *Chintal* integrum constituat 128. *Rotoli*.

Habent præterea adhuc aliud ponderis genus, quod *Marco* nominant, *Marco*. continetq; in *Goā* octo vncias, quę faciunt dimidium *Rotolo*, vel 9. vncias minores Venetas. Hoc pondus adhibent in emptione ambrę, coralliorum, argenti, auri, molchi, zibethi, & id genus aliarum mercium.

Pondus quod *Mangielino* vocant, & non plus quinque granis Venetis *Mangielino*. continet, solummodo ad adamantes adhibent. In vendendis autem pyropis pondere alio, quod *Manno* ipsis vocatur, & duos tantum *Carratos* *Manno*. Venetos continet, vtuntur. Notandum autem præcipuē est, merces in hac ci-

uitate nullo signo notari, & propterea diligenter attendendum esse, ne quis in emendo decipiatur, siquidem ne moschus quidem Tartaricus, quem bullis inclusum aduehunt, signatus cernitur, sed cum bullis ad trutinam appenditur.

Cauda.

Mensuram, qua in *Goa* vtuntur, *Cauda* nominat, & ad omnis generis pannos & lincamina adhibent, tantumq; illam, cuius in *Babylonia* & *Balsara* vsus est, superat, vt qui ibi centum mensuras emit, in *Goa* centum & septendecim cum septem octauis inueniat, exempli gratia, qui in praedictis locis tantum panni emit, vt centum ipsi *Pichi* sint, deprahendit in *Goa* se habere 117. *Covodi* cum septem octauis. Qui vero 100. *Covodi* ex *Ormus* *Goam* aduehit, non reperit ibi plus, quam $93\frac{1}{2}$. *Covodi*, vt ita ex *Ormus* in *Goam* negotiationem exercentibus sex cum dimidio de centenariis decedant. Sed & aliud mensurae genus habent, quod *Vare* nominant, estq; idem cum eo, quod in *Ormus* etiam & alibi reperitur.

Vare.

Nummi, quibus in *Goa* vtuntur ex stanno & plumbo, forma rotunda constant, ab vna facie sphaeram, ab altera vero duas sagittas representant, & nominantur *Basarucchi*. Horum 18. faciunt vnum *Ventinno* vulgaris monetae. Quinque vero *Ventinni* vulgaris monetae faciunt vnum *Tangha* monetae melioris, quae sunt monetae vulgaris 60. *Basarucchi*, & 75. melioris. Caeterum *Tangha* vnum, si ad monetam Venetam conferas, valet 18. solidos, & quinque *Tanghe* constituunt, vnum *Serafinno* argenteum, quod in mercatura sunt quinque *Tangha* melioris monetae. Qui vero in *Basarucchi* eam commutare vult, non plus reperiet, quam 5. *Tanghe*, & 16. *Basarucchi*, quod vocant *Serafagio*. Quando de *Pardai* aureis sermo habetur, intelliguntur 6. *Tanghe* monetae melioris. Verum ad nullas merces *Pardai* aurei adhibentur, praeterquam ad gemmas & equos: merces enim aliae, vt & aromata, omnia *Serafinis* argenteis venduntur.

Basarucchi.
Ventinno.

Tangha.

Serafinno.

Pardai.

Pagodi.

Habent vero & nummos alios, quos *Pagodi* vocant. Haec rotunda & crassa est, idolum aliquod exhibens. Huius monetae duplex genus est, vetus & nouum, illud octo, hoc septem cum dimidio *Tangha* valet.

Regales argentei.

Regales argentei siue dimidii Philippici constant de mandato Regis Portugalliae 400. *Reis*. Quodlibet autem *Reis* valet vnum *Basaruccho*, & vnam eius quartam, quae faciunt 6. *Tangha*. Quinquaginta autem *Basarucchi* constituunt vnum Regalem argenteum, cumque Regales hi ex optimo argento constent, per totam Indiam valent, maximè vero in *Malacca*, cum naues ex portu, quem *Monsonni* vocant, eo appellunt, tunc enim plus valent, quam alias, ita vt cum ceteris vel octodecim vel 20. vel 22. lucrari quis possit, quod ipsis *Serafagio* vocatur.

Serafinno.

Patachine.

Caeterum *Serafinno* vnum de mandato Regis valet 300. *Reis*. Habent vero non solum Regales integros, sed etiam quartas eorum, *Patachine* ipsis dictas. Regales hi cum residuo suo nempe octo ad centum, faciunt $86\frac{1}{12}$. monetae Venetae vulgaris, alterius autem siue melioris, vnum *Tanghe*, & $56\frac{1}{2}$. *Basarucchi*. Dimidium *Patachine* facit 65. *Basarucchi* & tres quartas, quae idem sunt quod Regalis. Non est autem Regalis moneta constans & perpetua, sed pro ratione temporis crescit atq; decrescit, pretium tamen eius constitutum est 400. *Reis*, vt supra dictum.

Zechin.

Venetorum & Sultanorum aureorum *Zechin* pretium constitutum & legitimum sunt $9\frac{1}{2}$. *Tangha* melioris monetae, quae faciunt 8. libras, & $18\frac{1}{2}$. solidos Venetos. Non sunt autem hi *Zechini* constantes & perpetui. Cum enim naues ex *Goa* versus *Cocchi* nauigant, valent 9. *Tangha* & tres quartas, vel etiam

etiam decem interdum, cum monetarum, quæ in *Cocchi* habentur, optima sit.

Pretium *Larini* est 93. *Basarucchi* cum tribus quartis. Itaque quatuor *Larini* ^{*Larini.*} faciunt vnum argenteum *Serafinno*, de 5. *Tanghe* monetæ melioris. Cumque naues versus *Chiaul*, *Diu*, *Cambagia*, *Bengala*, *Daman*, & *Bassain* nauigationem instituunt, de hac moneta sibi prospiciunt, plurimum enim lucrari ea illis in locis possunt, cum optima ibi habeatur. Aurei *Serafini* cuduntur in *Ormus* & in *Goa* quinque *Larini* redimuntur, cum auro optimo contenti, & propterea aurifabris quamplurimum expetantur.

Præterea moneta adhuc alia rotunda argentea vtuntur, quæ in facie vna crucem, in altera vero coronam exhibet, & dimidium *Tanghe* melioris monetæ valet. Sed & eiusmodi typi alia, paulo minor ibi reperitur, cui *Rintinno* ^{*Rintinno.*} nomen est. Hæc monetis melioribus adnumerata 14. *Basarucchi* cum tribus quartis valet. Vbi notandum, quod cum in negotiationibus minorum mentio fit, *Tanghe* melioris monetæ intelligantur. Cum autem tantum *Tanghe* nominantur, & nihil præterea additur, moneta vulgaris intelligatur.

Qui ligna, carbones, cœmentum, & id genus res alias emunt, *Braganinis* ^{*Braganini.*} vtuntur, quorum vnus sunt 24. *Basarucchi*, cum alias *Braganini* monetæ cusa non sit. Postremo reperitur ibi adhuc aliud genus *Tanghe* vulgaris monetæ, quorum vnum valet 50. *Basarucchi*, & huius vsus est in emendis lignis. Quod si quis igitur pro 5. *Tanghe* ligna expetat, intelliguntur statim 250. *Basarucchi*, qui faciunt 3. *Tangha* melioris monetæ, & 25. *Basarucchi*.

Vestigal huius ciuitatis, quod tam de emptis quam de venditis bonis, ^{*Vestigal.*} quemadmodum etiam de acceptis & expensis debetur, bes est, seu octo de centenis, vbi merces quidem ita taxantur, vt mercatores quod conquerantur nihil habeant. Naues quæ ex *Ormus* adueniunt, & equos nullos adferunt, de bonis omnibus bessem præstant, quæ à mercatoribus venum exponuntur, siue ea vendantur omnia siue ex parte tantum, quæ enim non venduntur, ea nauibus iterum inferre, & auerere licet. Idem vestigal præstatur etiam de bonis ibi coemptis, qui vero decem equorum onus naui suæ imponit, tantum de expensis, non vero de acceptis vestigal persolvere tenetur. Quod si quis præstito vestigali, dum merces suas venum exponit, animaduertat, minorari earum pretium, & tantiam venire, quanti ipse eas vendere nec possit nec velit, ei permittitur, bona sua conuolare rursus, & alio quocunque velit nauigando transferre. Non enim tenetur de expensis quicquam præstare, quod alias fieri oporteret, si mercaturæ initium fecisset, & partem aliquam bonorum iam diuendisset. Quod, si quis aromatum vel eorum bonorum, quæ ex *Malacca*, *China*, &c. proueniunt, in *Goa* aliquid mercari expetit, is, vbi cum Domino, cuius merces illæ sunt, de pretio egerit, liberè eas ad naues deferre, & quocunque vult, transportare potest, nec quicquam vestigalis persolvere tenetur, nisi iterum eas diuendendi initium ibi fecerit.

Quod ad *Æthiopes* & *Ethnicos*, qui in *Goa* habitant, attinet, peregre quidem abire nemini eorum permittitur, nisi signum Lusitanicum in brachio impressum habeat, vt ex illo, vbi reuersus fuerit, agnoscatur. Hoc enim si quis negligat, pro incola ciuitatis amplius non habetur, nec in eam admittitur.

CAPVT XXV.

De itinere ex Goa in Cocchi.



ERCATORES nostri, cum in *Goa* bona sua omnia diuendissent partim, partim cum coemptis aliis conuasata in nauem aliam, ad Alphonsum di Morais pertinentem, cui Sancto Sebastiano nomen erat, traduxissent, persoluto quod debebant vestigali 11. Aprilis die Anno 1582. ex portu illo soluentes abierunt; cursu igitur in austrum directo circa vesperam ad locum quendam, cui *Angiedina* nomen est; sequenti vero die ad *Betacala* peruenerunt, qui locus in Insula quadam montem complectitur, in cuius iugo siue vertice fons est, aquam dulcissimam profundens.

*Dedali.**Onor.**Cananor.*

Progressi autem 14. Aprilis, non procul à *Dedali* Insula frequentibus populis habitata abesse se depræhendebant. Cumq; sequenti die, relicto post se propugnaculo *Onor*, quod in regione Regine *Betacala*, quæ Regi *Beneger* tributaria est, cernitur, ad ciuitatem *Cananor* appulissent, & iam dies pasceus Paschatos adesset, proiecta anchora signum incolis disputatione tormenti dabant, qui audientes peregrinos adesse hospites, quatuor statim nauigia illos allatum ablegarunt. Descendens igitur in vnum *Ioannes Maria Daleffe* cum viginti millibus ducatis, quos in *Larinis* habebat, emptum piper in urbem nauigauit.

CAPVT XXVI.

Descriptio ciuitatis Cananor.



CIUITAS *Cananor* potentissimum Regem Dominum agnoscit, qui se ab hac ipsa ciuitate Regē *Cananor* vocat. Hostis est Lusitanorū iuratus, & in alia ciuitate vix ad bombardæ iactū ab hac distante habitat. Ciuitas multis palmis abundat, quæ arbores omnium quotquot in mūdo sunt vtilissimæ habentur. Fructus earū nuces sunt, lignū ipsum extruendis nauib. conuenientissimū est. Ex foliis carbasæ & vela nauium parantur. Nuces simul, saccharū, vinum & acetum præbent. Truncus si perforetur succum exhibet, instar aquæ tenuem & album, ex quo incolæ vuis passis admixtis potum suauissimum conficiunt. Nucum putamina oleum præbent, ex cortice vero arboris funes parantur, qui robore suo etiam cannabinos nostros superant. Rami parandis pulcherrimis cistulis; folia storeis siue mattis; cortex vero ramorum tenerior obturandis nauium rimulis conueniunt, vt ita nihil in tota arbore sit, quod vsum nullum præbeat, & abiici possit, præter radicem.

Cum Præfectus vel Nauarchus potius ad nauem reuersus esset, mercatores statim 16. Aprilis die portu soluentes progressi sunt. Postero autem die, cum *Calecutum* assequerentur, cuius loci Rex iuratus Lusitanorum hostis est, non parum ipsis periculi à piratis, quos *Æthiopes* ex *Cauapuzza* vocant, imminebat. Post horam tamen vnam atque alteram liberati, angulum siue extremitatem propugnaculi *Cananor*, quod in regione Regis *Cra-negenor* situm, à Lusitanis possideretur, assequebantur. Propugnaculum hoc in littore maris excitatum, Regi istius loci valde infensum est, facitq; vt Lusitanis irascatur Rex, siue non, susque deq; ferant, siquidem dominium maris ad se iam pertraxerint, propugnaculum non solum, sed & portum ipsum tenentes, & ad Regem nihil nisi qd sibi videatur transmittentes. Ceterū non procul

procul à *Cocchi* abest, itaque statim à meridie portum eius affecuti sunt, inuenientes ibi minora aliquot populorum, qui *Balloni* vocantur, nauigia, quæ ex vnico excauato ligno parata, multis vtrinque foraminibus pertusa, vt pisces in eis viuere possint.

CAPVT XXVII.

Descriptio ciuitatis Cocchi.



CIVITAS *Cocchi* sub 10. poli gradu, Septentrionem versus sita, mare habet ad occidentem, versus austrum autem angulum quatuor leucarum facit, syluam habet crassissimis arboribus consitam, ex quibus excauatis nauigia parant, ipsis *Almedie* dicta, quibus ad *Goam* vsque excurrere nauigando possunt. Portum habet saxi & latentibus offendiculis ad eo impeditum, vt naves vix admittat, vnde etiam hyberno tempore plane clauditur, ne peregrini nauibus suis intrare conantes perniciem sibi attrahant, cum venti eo tempore ab occasu furentes, fluctus ibi non solum maximos excitent, sed & nubes densissimas cogant, quæ postmodum in aquam resolutæ magno cum impetu ex montibus illis in portum profluunt, sabuli arenarumq; non parum secum vehentes.

Cæterum ciuitas hæc post *Goam* prima est, quam Lusitani in India tenent, magna aromatum & aliorum bonorum commercia exercet, & multum piperis in territorio suo producit, quod quidem certa pecuniæ summa Regi Portugalliæ, multo autem maiori precio Æthiopibus venditur. Sunt autem duæ in hoc regno ciuitates huius nominis, hæc, quæ Lusitanorum est, & altera, quæ ad Regem *Cocchi* fratrem nimirum Portugalliæ Regis pertinet, littori magni cuiusdam fluminis adiacet, qui quidem Rex tam potens est, vt breui temporis spatio centum millia peditum, cum innumera nobilium, (qui ipsis *Natri* dicuntur) equis & Elephantibus vrentium multitudinem colligere & in aciem producere possit. Incolæ huius loci tam foeminæ quam mares, à vertice ad vmbilicum vsq;, quemadmodum & pedibus nudi incedunt, & viris quidem mos est, vt si fortè ad mulierem aliquam ingrediantur, arma sua cum clypeo ad ianuam domus illius collocent, quamdiu enim ea ibi visuntur, nemini domum istam ingredi licet.

Vxorem ducturus, siue Rex siue alius quicumque ex subditis eius, primus cum ea non dormit, sed virginitatem vxoris cuidam ex Sacrificulis, qui *Bramini* ipsis dicuntur, largitur. Hi enim libertatem habent ædes quasque ingrediendi, & cum vxoribus tam Regis ipsius quam aliorum quorumcunque pro libitu suo conuersandi, ita quidem, vt & mariti & fratres mulierum, aduentibus Sacrificulis cedant, locumq; cum vxoribus colludendi relinquunt, habentes eos pro viris sanctissimis, qui in lege vxores & filias suas erudire quam optime possint. Vnde non solum domo libenter sub eorum aduentum exeunt, sed etiam sibi de dignitate hac ex animo gratulantur, eamq; vicinis & amicis suis gaudio prædicant.

Mortuo Rege, neminem ex ipsius filiis honore successionis dignantur, sed sororis eius filium in Regem eligunt, propterea quod nemo certo scire queat, an, à quib. pater salutatur, verè filii sui sint. Cum autem sororem Regis ex Regia prosapia esse sciant, posse se errare statuunt, si filium eius, vtpote regia natum prosapia, in Regem assumant.

Mulierès magno sibi decori putant, si aures habeant turpiter perforatas. Nam in auricula infima, quam nostri etiam interdum perforare solent, rimam siue fissuram faciunt, plumbumq; ei inserunt, quod pondere suo auriculam

riculam ita extendit, ut ad humeros usque promineat tanto foramine, ut vel brachium traicere possis, quæ quidem deformatio oculis ipsorum ita arridet, ut viri etiam eam adhibere vulgo cernantur. Nobiles autem, qui *Narini* dicuntur, ut præ aliis dignoscantur, armillas gestant & comas eleganter componunt, qui quidem ornatus ipsarum maximus est, cui in viris accedit, quod clypeum, euaginatūque in manu semper gladium teneant, eumque incedentes quasi concutiant vibrentque, quasi pugnam semper sitientes & expetentes.

CAPUT XXVIII.

De ponderibus, mensuris, monetis & vectigalibus, in ciuitate Cocchi usitatis.

Chintal.

PONDERA huius ciuitatis, quæ bonis omnibus adhibentur, *Chintal* sunt. Quodlibet autem *Chintal* continet 5. *Mano*, & 8. *Rotoli*. Quodlibet *Mano* sunt 24. *Rotoli*, itaque quodlibet *Chintal* valet 128. *Rotoli*, & *Rotolo* quodlibet 16. vncias. Pondera enim in *Cocchi* & *Goa* sunt vniuersi modi.

Bari autem non sunt vniuersi modi sed multorum generum, pro diuersitate bonorum, quibus adhibentur, solentque contrahentes nominatim exprimere, qualia *Baro* intelligant, cum quædam tribus, quædam tribus cum dimidio, quædam etiam quatuor *Cantaris* constent. Quodlibet autem *Cantaro* sunt 4. *Rubbi*, & quodlibet *Rubbo* valet 32. *Rotoli*, ut ita *Chintal* quodlibet præcisè 128. *Rotolis* constet.

Nummi huius ciuitatis sunt *Covodi* & *Vare*, illis quæ in *Goa* etiam reperiuntur per omnia similes. In vendendis coralliis & aliis id genus mercibus. *Marco* vtuntur. Gemmæ autem, margaritæ & adamantes, peculiaria sua pondera, quæ *Mangielini* ipsis dicuntur, habent, & in vendendis pyropis *Fanno* vtuntur. Sed & monetas alias cum illis, qui in *Goa* sunt, communes habent, suntque vtroque vnius valoris & pretii. Veneti vero *Zechini* valent 10. *Tanghe* melioris monetæ. *Serafinni* valent de mandato Regis Portugalliæ 300. *Reis*, quæ faciunt 5. *Tanghe* melioris monetæ. Regales argentei valent 400. *Reis*, quæ faciunt 6. *Tanghe* & 50. *Basarucchi*, quemadmodum & in *Goa*. *Vintinni* ipsorum argentei cuduntur in Lusitania, quemadmodum & *Sadini*, itaque signum Lusitanicum referunt. Valent autem 20. *Reis*, quæ faciunt 25. *Basarucchi* Huiusmodi *Vintinni* quinque faciunt vnum *Tesson* Lusitanicum, quorum singula vnum *Tangha* & 50. *Basarucehi* melioris monetæ valent, quæ in moneta Veneta 31. solidos constituunt. Tria *Tesson* faciunt vnum *Serafinni* argenteum 5. *Tangha* melioris monetæ continentem, ut ita *Tesson* de mandato Regis Portugalliæ 100. *Reis* valeat.

Aurei *Pagodi* recentiores valent 7½. *Tangha* melioris monetæ, veteres vero octo. *Larini* certum pretium non habent, quamuis quinque *Tangha* melioris monetæ ipsis initio assignata fuerint. Moneta illa maior aurea Lusitanica, vna facie crucem, altera vero insignia Portugallica referens, valebat ante hæc tempora 10. *Cruciatti*, iam autem raro conspicitur, & valet 14. *Cruciatti*, vel etiam amplius, *Cruciatto* autem vnus valet 7. *Tangha* melioris monetæ, quæ faciunt 19. *Serafinni*, & 3. *Tangha* monetæ melioris.

Vectigal bonorum acceptorum & expensorum, bes est. Octo enim de centenis omnes, qui in matrimonio non viuunt, persolvere coguntur. Qui vero matrimonium in *Cocchi* contraxerunt, primis tribus annis trientem tantum, siue quatuor de centenis vectigalis nomine præstant, quod vectigal qui-

gal quidem ad Regem in *Cocchi* pertinet, cui omnes, qui in *Cocchi* habitare & matrimonium contrahere cupiunt, *Serafinno* vnum pro corpore suo persolvere coguntur.

CAPVT XXIX.

De itinere ex Cocchi in Silon.



RESOLVTO in *Cocchi* vestigali, 25. Aprilis Anno 1582. nauem iterum conscendentes, cursum suum versus austrum direxerunt, cumque ventis melioribus vterentur; sequenti statim die ad locum *Calacolon*, & sub vesperam in *Silon*, peruenerunt, vbi cum viros aliquot, equosq; , quos pro certa mercede ad hunc locum ex *Cocchi* deduxerant, exposuissent, continuata statim velificatione abierunt.

CAPVT XXX.

Descriptio ciuitatis Silon, & itineris continuatio.



CIUITAS *Silon* sub Lusitanorum dominio in campo patenti & viridi sita est, austrū spectans, & portum habens elegantissimum. Nullam autem ibi moram necebant mercatores nostri, sed 27. statim die progredientes cursum suum versus Insulam *Seilan* dirigebant, regione *Camerino* in finibus Indiae extremis relicta. Insula haec in circumferentia sua 900. leucas complectitur, Septentrionem versus spectat, portumq; pulcherrimum habet, dominio Lusitanorum subdita. Rex enim eius legitimus & naturalis in ciuitatem *Columbo* secessit, quae licet ipsa met etiam Regem Portugalliae Dominum agnoscat, permittitur tamen ei, vt tanquam Praefectus sedem ibi suam habeat, cum baptismum admiserit, & ad Christianam religionem se conuerterit.

Crescit in hac Insula Cinnamum magna copia, idq; in arboribus tenerimis, quae non assurgunt à terra longius, & folia habent lauris similia. Colligitur autem cinnamum duobus tantum mensibus, nempe in Martio & Aprili, ita vt dissectus vndique in internodiis cortex à stipite & ramis magna dexteritate liberetur, & soli desiccandus exponatur; à quo postmodum ita contrahitur, vt studio quasi conuolutus videatur. Caeterum arbores etiam si cortice suo vndique nudentur & exuantur, non tamen propterea inarescunt & moriuntur, sed nouum statim corticem agere incipiunt, vt sequenti anno elegantiori cortice vestitae cernantur. Quo enim sapius arbores istae putantur & cortice liberantur, eò corticem teneriorem & praestantiorem gignunt atque producant, quo vero corticem suum diutius retinent, eo crassiorem eum & viliorem suppeditant. Praeter cinnamum vero etiam pipæris, zingiberis, nucum myristicarum & aliorum aromatum, vt de Crystallo, gemmis & metallis variis, vtpote de auro, argento, ferro, chalybe, &c. nihil dicam, ferax haec Insula est, & nihil, quod ad sustentationem animantium pertinet, deesse ei videtur.

Cinnamum ubi crescat, & quomodo colligatur.

Caeterum mercatores nostri ventis secundioribus vsq; cursum suum in austrum direxerunt, & 28. Aprilis, quam primum sol oriretur, sese ad oras *Comerin* in finibus Indiae versari viderunt. Itaq; vt terram istam vitarent versus occasum non nihil nauem dirigentes triduum integrum nauigarunt, vt terra ipsis nulla appareret. Tandem primo Maii aperiebat sese ipsis angulus *di Galbo* transeuntibus nautis admodum periculosus, itaq; pro euitando eo ortum versus velificationem direxerunt. Secundo Maii cernebant terram,

ram, quam inferiorem *Seilan* vocant, vbi idolum aliquod seu statua cupræa, in loco quodam eminentiori erecta & ita disposita est, vt austrum versus respiciat, & ad 10. leucas videri possit. Locus hic sanctus vulgo habetur, itaq; vndiq; eo homines confluunt, & sacrificium statuæ huic offerunt, aquam ex longè distitis locis afferentes, qua pedes eius lauent.

Sequenti octauo die, cum vento vñ vario Insulam *Seilan* superassent, ad aliam delati sunt Insulam, cui *Pacca* nomen est, viderunt autem ibi statuam aliam, *Pagodo de Chini* dictam, quam nautæ referebant ex *China* allatâ quondam, & hoc in loco erectam esse, quod quidem & nomē innuere videbatur. Inuocatur autem à nautis, vt terram eo citius eos contingere faciat. Itaque mercatores velificationem Septentrionem versus, vt angulum *Chiaramandello* assequerentur, direxerunt. Qui ad clauum sedebat, nunquam in his oris fuerat, nihilominus tamen nauem, habita tantum ad eleuationem loci ratione, ita gubernare poterat, vt nihil aberraret, sed vbi essent præcisè indicare mercatoribus posset. Accidit autem, vt cum aliqui de naui prospicientes, aquam albescere aliquo modo & herbas secum vehere viderent, itaque admonitus hac de re Nauarchus profunditatem statim tentare cepit, cumq; 12. primo, postea 10. & mox tantum sex orgyrum eam depræhendisset, proiecta statim anchora, cursum nauis inhibuit, periculum aliquod subesse ratus, licet terram vndique nullam viderent. Substiterunt autem per noctem ibi, conuersaque postero die naui, eo quo aduenerant itinere regressi, cum 30. iam orgyrum profunditatem depræhendissent, Septentrionem versus velificationem instituerunt.

Sequenti die regionem humilem & depressam viderunt, quæ solo candido existens septem *Pagodi de Chini* vocabatur. *Chini* enim siue Chinenfes olim cum aliquot nauigiis nauigationem hac fecerant, quæ ipsis *Chionchi* dicuntur, estque genus nauium eiusmodi, quod carbasis ex arundinibus contextis vtitur, clauos duos in puppi, & vnum in prora nostratiū quidem clauis similes, sed ex eadem cum carbasis materia constantes habet, nihilque à tempestatibus periculi timet, solent enim Chinenfes cum nauigiis hisce usque ad *Giappone* & *Molucca*, vbi caryophyllorum, itemque ad *Chiaua*, vbi nucum myristicarum prouentus maximus est, excurrere, indeque magna copia ad Sanctum Thomam & loca alia merces & aromata ista transportare.

Cæterum locus hic, quem septem *Pagodi* vocant, à Chinenfibus tali occasione excitatus est. Cum terram quādam humilem & depressam inter nauigandū inuenirent, q̄ ipsis adhuc incognita erat, *Pagodi* statim eo in loco seu templū aliquod statuantes tanta altitudine & proceritate excitabant, vt ad aliquot miliaria videretur, & nauigantes inde, quonam in loco versarentur, colligere commodè possent. Adhibuerunt autem ad structuram huiusmodi firmissimos quosq; lapides, qui duritie & firmitate sua vel ipsum marmor superant, & colore sunt cæruleo. Eos ex *China* longo admodum itinere nauigiis suis ad locum hunc detulerunt, vt non solum ex nautarum relatione, sed & inde constabat, quod nec in India, nec in regno *Pegu*, nec vñlo alio in loco similes mercatoribus nostris visi sint. Et quidem ex populis ibi adhuc habitantib. cognitum est, Chinenfes olim loca illa omnia occupasse & tenuisse, donec belli, q̄ Rex in *China* ipsemet excitavit, iniuria, alterius potestati cesserint, Rege vt inferiorem se vidit in *Chinam* rursus cum suis concedente, & loca hæc aliis possidenda relinquire, in cuius rei memoriam templa ibi adhuc conseruata, nominis hoc acceperunt, quod *Pagodi de Chini*, hoc est, templa Chinenfium vocentur. Cæterum ab hoc loco septem

Pagodi

Pagodi iterum progressi, nouem dies nauigando consumpserunt, donec ciuitatem *Negapatan* tandem assequerentur.

CAPVT XXXI.

Descriptio ciuitatis Negapatan.



NEGAPATAN ciuitas admodum populosa est, ad Lusitanos pertinens, sub 9. gradu & duabus tertiis versus meridiem sita. Incolas habet Lusitanos, Ethnicos & Æthiopes, nec ita pridem insigni propugnaculo, cui *Ragiu* nomen est, à Lusitanis munita, ad præcauendam seditionem & tumultus à Rege *Negapatan* excitari solitos, qui in continenti eius regionis habitans, amicus quidem Lusitanorū videri vult, sed defectionē tamē ab illis haud raro molitus est. Nulla ibi præterquam pannorum gossypinorum commercia exercentur. Multa ibi templa, & inter alia etiam monasterium ordinis S. Francisci visitur. Hostem habet Dominum regionis cuiusdā, quā *Naiçh* vocant, cuius experiri insidias haud raro solet. Regio hæc oryzā tāta copia p̄ofert, vt incolæ suis nauigiis eam ad alia etiam loca transportare solēant. Nauigia autem ista vocantur *Gatameroni*, similia sunt ratibus Venetis: ex septem enim rotundis lignis constant, quæ ita inter se colligata sunt, vt quinque media fundum constituent, & alterum altero semper longius existat, maximè vero intermedium, quod tam in anteriori quam in posteriori parte nonnihil incuruatum est & eleuatum, vt sedem gubernatori præbeat, qui lignum aliquod oblongum manu tenet, cuius extremitati asseris segmentum affixum est. Nautæ nudi incedunt, subligaculo pudenda tegentes, & pileolum stramineum, coni instar eleuatum margineq; carentem capiti imponentes. Nauiculæ vero, quæ deuehendis & reuehendis ad naues maiores mercibus inferuiunt, non sunt vniusmodi, sed variæ, ex rotundis tamen lignis compositæ & funiculis colligatæ, habentes ab utroque latere remos quatuor, quibus impellantur.

Ciuitas ipsa rebus necessariis omnibus abundat, pane tamen destituitur, cum frumentum, vnde ille conficiatur, regio ista nullū ferat, vt oryza contenti esse homines cogantur. Moneta vtuntur aurea, diciturque ipsis *Fanno*. Inter alia autem, quæ mercatores hoc in loco notatū digna viderunt, hoc est; quamprimum naui descendissent, foueam quandam viderunt, ardentibus prunis repletam, adueniebant autem quidam iuenculam quandam mulierem in sella sedētem gestantes, quam longo ordine & magna festiuitate mulieres aliæ comitabantur. Iuencula illa manū altera speculum, altera vero malum aureum tenebat, variisq; gesticationibus se oblectabat. Ad foueam autem vt peruentum, mulier illa consurgens, canendo & sal-

Mulieres sese in ignē precipitantes.

tando horam vnā atque alteram exegit, postmodo deposito vestitu & ornatu suo, eoque inter amicos variè distributo, linteo sese inuoluit coniectoque in ignem ligno Paradisi & rebus ad suffitum idoneis aliis, præcipitem se in foueam dedit, ita vt prona in prunas decidens; quasi somno sopita, non moueretur amplius. Hoc facto quæ astabant mulieres, ipsi congratulantes, ligna Paradisi & res bene olentes alias in foueam abiecerunt, iuencula vero ipsa ita exstincta, & igne absumpta periit. Mercatores igitur nostri, qualis hæc cōsuetudo esset, interrogantes cognouerunt, fieri hoc ab illis solere, qui amicū aliquem præ cæteris sibi charum per mortem amiserunt, viduis vero lege iniunctum esse, ne forte mulieres maritis, quorum

M

facietas

facietas eas coepit, insidias struant, cum sciant mortuo marito sibi etiam necessario moriendum esse. Rege eius loci, vel viro præ cæteris primario, morte extincto, omnes mulieres quotquot in aula eius reperiuntur, hac sibi ratione mortem consciscere solent.

Mira superstitio.

Est in hac ciuitate currus quidam octo rotis insistens, auro vndique obductus & mirum in modum eleuatus, in cuius summitate residet idolum aliquod cupreum inauratum, quod incolæ eius loci *Pagodo* vocant. Currus autem multis gradibus siue subsellis conspicuus est, in quibus viri quidem sedent, qui *Gioghi* ipsis dicuntur & Sacrificulorum loco habentur, quod idoli huius curam agant, vnde etiam sustentationem suam accipiunt. Sed & meretriculæ aliquot currui huic insident, quæ corpore suo quæstum facientes, quicquid præter sustentationem suam lucrantur idolo huic offerunt, vnde meretrices *Pagodi* vulgo nominantur. Vtriq; autem tam Sacrificuli quàm meretriculæ à parentibus suis ex nimio pietatis zelo à primis incunabulis idolo huic destinantur & sacrificantur, cumq; adoleuerint non solum libidinibus sese impunè polluant, sed & hominibus aliis incitamento sunt, vt sobolem suam idolo huic largiantur. Iuxta currum hunc primarii quiq; pedites incedunt, cumq; a nullo iumento sed ab hominibus tantum protrahatur, quilibet ex nimio pietatis feruore funes apprehendere satagit, beatum sese prædicans, si vel currum protrahere vel funiculum saltem cōtingere sibi detur: nam quo festum solemnus est, eo præstatiores ad currum hunc protrahendum adhibentur, estq; tum feruor in populo tantus, vt vel in viam sese prosternant, & currum hunc per corpus suum traduci patiantur.

Cultus hic idololatricus infinitis urbem hanc meretriculis impleuit: nam vt alias non dicam, locus in vrbe hac peculiariter à conuersatione honesta discretus est, vbi plus quam quadringētas habitare meretrices videas, quæ quæstus sui meretrici partem idolo huic largiuntur, edoctæ nimirum ita à parentibus suis, & à pueritia ita assuetæ, vt idolo huic gratissimum istum cultum præstent. Cæterum nobiles huius ciuitatis & dignitate diuitiisq; præ cæteris pollentes, Franciscanis monachis sustentationem suam præbent, quemadmodum etiam illis, qui ad Sanctum Thomam reperiuntur, idque ex amore, quo Lusitanos complectuntur maximo.

C A P V T XXXII.

De monetis & vectigalibus in ciuitate Negapatān vsitatis.



MONETA qua in hac ciuitate vtuntur aurea est, ipsis *Fanno* dicta, forma rotunda & lata, literas aliquot, siue scripturam ex altera parte referens: cuduntur autē ex viliori auro, valentq; decem solidos monetæ Venetæ, & eorum 17. cum vna quarta *Zechinum* Venerum constituunt. *Larin* vnus sunt 122. *Basarucchi* Vnum vero *Fanno* sunt 45. *Basarucchi*, qui forma quidem rotunda ex cupro constant. *Pagodi* ex auro duplices sunt, veteres, quorum vnus valet 16. *Fanno*, & recentiores, qui 15. *Fanno* valent. *Zechinus* vero Venetus valet 17. *Fanno*, quæ quidem præstantiores illis sunt, de quibus supra dixi: nam in vtroq; latere caput humanum cum humeris ad pectus vsque resectum exhibent, latitudine sua solidum Venerum æquant, sed tanta crassitie, vt *Zechino* Veneto in pondere æquiparentur.

Pro mercibus & bonis, quæ inferuntur in ciuitatem, vectigal nullum soluitur, pro illis vero, quæ ciuitate efferuntur, triens, hoc est, quatuor de centenis præstare mercatores coguntur. Quod si autem quis merces suas extra ciuitatem distrahere & vendere possit, ab eo nihil omnino exigitur. Omnes autem

autem, qui aliquid ibi ementes ad alia loca transferre volunt, trientem siue quatuor de centenis persolvere tenentur, quod quidem vectigal pro Ethnicis, non vero pro Lusitanis colligitur.

CAPUT XXXIII.

De itinere ex Negapatan ad Sanctum Thomam.

REVVS in *Negapatan* perfectis omnibus, cum persoluto vectigali ad iter sese iam parassent, duplex adhuc periculum, antequam ex portu soluerent, experiri cogebarur. Principio enim ignis in nauem aliquam studio coniectus ita flagrare coepit, ut ingentem scintillarum vim hinc inde spargeret, illę vero à vento tanta vehementia ad nauem mercatorum nostrorum propellebantur, ut eam vix ab incendio conseruare possent. Mox vero, ut periculum hoc cessauit, ventorum & procellarum vis tanta in portum ingruit, ut aliter non putarent, quā & suam & reliquas naues omnes iam iam subuersum iri. Liberati igitur tandem hisce periculis, 19. Maii ex portu illo soluentes, pro euitandis, quibus tractus ille abundat, offendiculis cursum suum Septentrionem versus direxerunt. Habebant autem in itinere sibi obuios multos piscatores, qui capiendis piscibus, quibus cum oryza vulgo vescuntur, operam dabant. Postero die, cum totam noctem nauigando traduxissent, fines regionis, quam septem *Pagodi* vocant, assecuti sunt. Conspiciuntur ibi colles octo, qui non ultra 7. leucas à Sancto Thoma absunt, itaque ad ciuitatem hanc 30. Maii, cum trium tormentorum displosione eam primo salutassent, circa meridiem appulerunt.

CAPUT XXXIV.

Descriptio ciuitatis Sanctę Thomę.

CIVITAS hæc nomen suum accepit à reliquiis Apostoli Thomę, quæ à Pontificiis ibi magna cura & diligentia asseruari dicuntur. Sita est sub 13. gradu, anteriore sui parte Orientem respiciens, & tormentis super portas dispositis admodum munita est, quę quidem portę tam humiles sunt, ut vix equos, ne elephantes dicā, admittant.

Tribus primariis templis insignita ciuitas est. Primum vocatur ad S. Thomam, estq; longe pulcherrimum, & à Capitularib. quibusdam, quorum superior Vicarius est ab Episcopo in *Goa* habitante, constitutus tenetur. Alterum ad Sanctum Franciscum vocatur, & à monachis Cappucinis possidetur. Terrium Sancti Ioannis Baptistę, Paulini quidam & Iesuitę obtinent. Ceterum templum hoc eo ipso, quo mercatores nostri ibi versabatur, tempore absolutum lacunari siue tigno carebat, & propterea tecto stramineo cooperiebatur. Accidit autem ut ingens lignum in formam tigni fabrefactum, à fluctibus maris mirabili modo in ipsum portum propelleretur: itaq; cum ea longitudine & robore esset, ut à capite ad calcem tecti pertingeret, & quasi summo studio ad hunc usum destinatum videretur, eo secundum longitudinem aliquoties dissecto, & ad tectum adhibito, templum tandem absolutum est. Dum autem disseccando huic ligno operam darent, tantus fœtor, quem ab aqua marina lignum hoc contraxerat, narib. astantium est obiectus, ut moram ibinectere diu nemo posset, q; ipsum quidem argumento erat, longo iam tempore lignum hoc in mari oberrasse & vel ex longinquis locis ad hunc portum à fluctib. delatum esse. Itaq; multi etiam ex infidelib. veritate rei perspecta, Christianā religionem amplexi sunt & sese baptizari curarunt.

*Subiacet aut m
Bu copy*

Cæterum qui ex ordine Paulinorū sunt, aliud adhuc in ciuitate ista templum habent, quod ad Sanctam Mariam vocant, vbi infideles, qui ad Christianam religionem accessuri sunt, erudire & baptizare solent. Extraciuuitatem templum adhuc aliud est Luciae sacrum, quod à Canonicis ordinis S. Thomae possidetur, & aliud, quod ad Mariam de Monte vocant, itemque adhuc aliud ad Sanctam Crucem. Sed & in ciuitate monasterium est, quod à Misericordia nomen habet, & aliud ad Sanctum Lazarum, prætereaq; tria alia, quæ à monachis habitantur & frequentantur.

Ciuitas ipsa pulchritudine sua omnes eius regionis alias superat, habetque ædificia optimo ordine disposita, vt plateas pulcherrimas constituent. Dum mercatores nostri in ciuitate hac conuersarentur, tumultus quidam 20. Iunii die ab infidelibus excitatus est. Ethnicici enim exteri conceptum suum aduersus ciuitatem odium in actum producere volentes de nocte surgebant, factoque ingenti concursu ignem hinc inde in ædificia proiciebant ciuitatem perdere omnino volentes. Erantque Ethnicici hi alterius cuiusdam ciuitatis, quæ miliari integro ab hac distans firmissimo muro vndique cincta & munita est. Præfectus istius ciuitatis *Adicario* nomine, vir tantæ auctoritatis est, vt multis semper sclopetariis stipatus ingrediatur, qui toto quidem corpore, pudendis solum exceptis, nudi incedunt, & sclopos bombardasq; in humeris gestant. Hi igitur, vt dictum, 20. Iunii nocturno tempore ad ciuitatem Sancti Thomae progressi, eam cum omnibus incolis subuertere nitebantur. Ciues vero improviso hoc incendio viso, Lusitanorum statim auxilium implorabant, quorum Præfectus, quem ipsi *Diegopusogna* vocant, campanas statim pulsari iussit, vt omnes per ciuitatem excitarentur. Expergefacti igitur hoc tumultu etiam mercatores nostri cum cateruatim ad forum properare incolas viderent, interrogabant, quid fieri in eiusmodi tumultu oporteret: Cumq; cognouissent, oportere quolibet audito campanæ sono, quem ipsi *Sino* vocant, arma sua capere, & auxilium periclitanti Reipubl. ferre, ni ab omnibus pro *Patifo* siue homine nihil & abiecto haberi velit, ipsi apprehensis statim bombardis, clypeisq; & gladiis suis, (hæc enim arma sunt, quibus in India vti militantes solent) ad Misericordiæ templum, iuxta quod Præfectus habitabat, sese receperunt. Cumq; omnes Proceres Lusitanicos quotquot in ciuitate ista habitant, congregatos ibi viderent, obtulerunt ipsis promptissimam suam in defendenda ciuitate operam. Erat ipsis hæc mercatorum nostrorum promptitudo gratissima, nesciebantque quomodo eam prædicare satis deberent. Imprimis autem gratias ipsis agebant maximas, quod ad sonum campanæ tam cito armati comparuissent, & ciuitatem iuuare parati essent.

Cæterum hostes cum animaduernerent, Lusitanos iam in procinctu stare, & ad persequendum sese paratos esse, arrepta statim fuga, significari Præfecto Lusitanorum curarunt, non venisse se, vt Lusitanis damnum inferrent, sed vt hostes suos subuerterent, itaq; si damni quid Lusitanis ab hoc incendio illatum sit, paratos sese esse illud reparare & restituere. Nam quos redditus Clerici in hac ciuitate habent, eos Ethnicis acceptos referre coguntur, qui licet infideles sint, in honorem tamen & recordationem Apostoli Thomae, qui multis ibi miraculis paulo ante mortem suam inclaruisse legitur, fratres eius, Canonicos nempe, modis omnibus iuuant & promouent. Cum igitur incendio hoc multa loca & ædificia huius vrbs vastata proximo die depræhenderentur, ex quibus ad templum Sancti Thomae non parum quotannis redire solebat, mittebant incendii huius auctores post paucos dies ingentem auri vim, qua damnum hoc compensaretur, sed & loca omnia

omnia incendio deformata reparabant, factum hoc sibi ignosci à *Diegopusogna* petentes. Erat hic *Diegopusogna* non ita pridem à Francisco Mascarenè, primo Philippi Regis Portugalliae in his locis Praefecto, ad hanc dignitatem euectus. Cum enim Franciscus ille in Portugalliam redire cogeretur, & hunc *Diegopusognam* naui illius, qua ex Portugallia superioribus annis huc delatus erat, Praefectum & moderatorem prudentem admodum & fidelem habuisset, Praefectum eum ciuitatis huius, utpote tanto munere non indignum, constituit.

Ciuitas hæc multos pulcherrimos hortos habet, sed multis ventis exposita est, quibus mare subinde ita eleuatur, ut vel ædificia proximiora destruat & abducatur, alioquin illud tantam profunditatem non habet, ut ad litus appellere naues maiores possint; sed necesse est, ut minorum nauigiorum opera in deuehendis reuehendisque mercibus mercatores utantur, quæ quidem regere & moderari nautæ tanta dexteritate solent, ut inter medios fluctus quam celerrime littus assequantur, quo facto in arenam propelluntur, ut damnum à tempestate accipere nullum possint: nam & nautarum aliquis in puppi constitutus, si tempestatem solito maiorem ingruere videat, funiculum naui adherentem corpori suo alligat, seque ita dimittens nauiculam retinet, ne subuersa fluctibus naufragium faciat. Quia autem exercitum aduehere & ad littus deponere non datur, eo magis munitam urbem eam esse vulgo prædicant.

Sed & præter hanc primariam ciuitatem, ciuitas ibi alia cernitur, muro luteo circumdata, quæ infidelibus militibus habitatur, quorum Praefectus *Aldicario* vocatur, habetque potestatem capitis suppliciique sceleratos afficiendi. Hi eadem, qua in *Negipatam*, consuetudine mortuos suos comburendi utuntur. At vero non procul ab hac ciuitate vrbs alia abest, quam *Castam* vocant, huius incolæ in more positum habent, ut, si forte maritus aliquis moriatur, sepulchrum ei satis amplum & profundum parent, cumque defunctum in foueam intulerint, collocant iuxta eum uxorem eius, moxque cognaticorum proximi foueam terra opplent, & pedibus super eam prosiliunt, ne forte in viuis vxor maneat, sed vna cum viro suo moriatur.

Vxorem ducentes similem quarunt, ita ut faber fabri filiam, & sic consequenter ducat, preces suas ad imaginem Vacce alicuius, vel etiam serpentis, cui *Bitria di Capella* nomen est, inuocant, cum venenatis suis moribus omnia lædat, & hominibus dies noctesque insidietur. Alii, qui *Bramini* dicuntur, finum vaccarum comburunt, cineribusque illis, si fortè pugnam inire cum gentibus aliis decreuerunt, frontem & nares aspergunt, nec aqua eos ad vesperam usque abluunt. Qui idolo *Pagodo* sese sanctificarunt & desponderunt, cum satis diu in voluptatibus sese & libidinibus quasi volutarunt, carnis suæ particulas sagittis alligatas in auras eiiculantur, & variè discerpunt, donec tandem manus sibi violentas inferentes gulam præscindant, seque ipsos *Pagodo* ita sacrificent.

Sunt præterea populi quidam, qui *Amocchi* alias *Chiaui* dicuntur, ex *Chiata* oriundi. Hi cum animaduertunt, vitæ suæ terminum instare, apprehendentes arma sua, quæ *Chisse* vocant, egrediuntur & obuiam quemque trucidant, donec & ipsi interficiantur, idque ex desperatione, cum de vita sua iam desperarint. Habent equidem infideles isti populi idola quæ inuocant varia, quidam enim Deum in imagine hominis, quidam in vaccarum vel serpentum imagine colunt. Sunt qui solem & lunam inuocant, ut taceam quos arborem aliquam, vel flumen aliquod precibus suis compellare iuuat.

Inter festa alia, quorum multa per annum celebrant, vnum in autumnō maxime solemne habent. Tunc enim arborem in terram defodiunt instar mali in nauibus, cum antenna erectam, ab antenna harpagines siue retinacula duo ferrea dependent. Cumque, qui vel ægritudine vel aliis calamitatibus & miseriis diu vexati votum *Pagodi* siue idolo suo fecerunt, accedunt, admonentur primum à ministris ad hoc constitutis, vt si cupiant ex singulari pietatis zelo ad *Ganzam* ascendere, sacrificium prius offerant, postmodo retinacula ferrea dimittunt, apprehensosq; in vtroque humero ad *Ganzam* in altum protrahunt, retinentes eum ita pendentem donec complicatis manibus ter pectus suum percusserit idolumque salutarit, & armis, quæ in manibus habet, ludum aliquem *Pagodo* exhibuerit. Hoc facto dimittitur, & sanguis ex vulneribus eius profluens ad arborem istam in honorem *Pagodo* aspergitur, postea funiculo ex *Ganza* parato eum in medio corpore colligatum, iterum ad *Pagodo* attrahunt, vt honorem idolo debitum exhibeat, gratitudinemque suam testetur, quo facto datur ei potestas vulnera sua obligandi, vt si fieri possit, cicatricem ducat, atque iterum conualescat. Hoc autem illi solum faciunt, qui vel amissam valetudinem recuperare, vel peculiare aliquid & magnum à *Pagodo* impetrare volunt. Sed & aliud festum habent, quod nocturno tantum tempore celebrant. Durat hoc festum octo continuis noctibus, vbi in longa quadam platea ciuitatis multæ candelæ ardentes cernuntur. Cumque cōuenerunt ad festi huius solemnitatem, tres vel quatuor manibus sese tenentes à capite ad calcem plateæ currunt, oryzamque & cibos alios post se spargentes insequenti sese Diabolo, quod comedat, offerre asserunt, nullo modo retrospectantes, ne ab ipso perimantur & interficiantur.

Sed hæc de superstitionibus populorum horum Ethnicis dicta sufficiat. Quod ad pondera, monetasq; & mensuras, quemadmodum etiam ad vectigalia ciuitatis huius attinet, cum Rex in *Negapatan*, hic etiam dominium suum exerceat, omnia illa cum incolis in *Negapatan* communia huic ciuitati sunt, exceptis *Basarucchi*, qui ex cupro hic cuduntur, & minores longe sunt, quam illi quorum in *Negapatan* vsus est.

CAPVT XXXV.

De itinere ex Sancto Thoma vsque ad Pegu.



NEGOTIATIONE in hac ciuitate peracta, cum merces suas ad naues iterum detulissent, & quod vectigalis nomine debebant, persoluissent, soluentes iterum 13. Septembris velificationem Orientem versus direxerunt. Cum autem nauem dies integros hac velificatione cōsumpsissent, cœperūt ipsis nouæ Insulæ *Allegate* apparere, quæ sic dicuntur, q, cum fluctibus vndiq; marinis antea obrutæ laterent, nuper emergere & prominere ex vndis cœperint. Cæterum cum ad 23. Septembris vsque nauigationem continuassent, deprehenderunt non procul à *Maccareo* se abesse, loco admodum mirabili; quod aquæ ibi magna celeritate crescere & decrescere videantur. Naues enim ex *Martavan* eò venientes, vel sagittas celeritate sua crescentibus vndis superant, illis autem iterum decrescantibus in fundo subsistunt. Aqua certe vbi in canali ad summū peruenierit, omnes arbores transcendit, itaque contraniti semper fluctibus inter nauigandum oportet, qui tanto cum impetu in canalem ruunt, vt sonum strepitumq; maximum edant.

Conuertebant autem sese in austrum, & cum in *Bara di Negrais*, qui portus est in *Pegu* ducens, venissent, *Pegodo* ad sinistram cernebant inauratum, quod

quod quidem nauibus longissime adhuc remotis affulget, sole præsertim radios suos in illud coniiciente. Solent quidem pluuiæ aurum aliquando abluere & obfuscare, at vero incolæ illud subinde reparant renouantq; vt nauibus peregre aduentantibus signum sit, quo obseruato à portu non aberrerent. Et sane apud mercatores nostros *Pagodo* vel templum illud non parū etiam lætitiæ peperit, cum non ignorarent se ob ventorum vehemenciam, si post quatuor vel quinque dies venissent, portum assequi nequaquam potuisse. Subsistentes igitur, vt scopulos aliquos vitarent, recursum & accessum aquarum expectabant. Interea circumspicientes locum pulcherrimis arborib. consitū, & in eo templū aliquod, vbi *Talopi*, homines monachis nostratib. similes, habitant, viderunt. Locus iste sanctus incolis illis habetur, qui orare volentes eū frequentant, posthabito omni periculo, cū tigrib. infensissimis tā hominib. q̃ pecorib. bestiis alioqñ locus iste abūdare dicatur.

Antequam autem hinc abirent, appropinquabat ad eos 24. Septembris die nauicula quædam, quam *Salangara* ipsi vocant, itaque ipsi misso ad eam Lusitano aliquo cum muneribus Regi offerendis, petierunt, vt Regem de aduentu suo certiore facerent. Ipsi autem progressi ad Insulam *Moschee*, multis piscibus abundantem, vt de piscibus sibi prospicerent, appulerunt. Cumque capiendis piscibus operam darent, venit ad eos dominus in *Cosmi*, multisq; gallinis & malis aureis, quorum magnus ibi prouentus est, Præfectum nauis donauit. Nauis, qua Dominus ille aduenerat, quoad longitudinem triremi similis erat, ita tamen vt in medio vix passum lata videretur, prora certe puppisq; ita coarctata erant, vt nauigia Veneta, quæ *Gondole* ipsis vocantur, referrent. Sedebant in naui hac centum fere remiges, remos habentes infurnibulo similes, quos ducentes, aquam quasi ad se trahebant, idq; ad sonum quatuor buccinarum, quibus signum remigib. dabatur, quando nimirum remos ducere deberent. Sedent autem remiges in media naui, estq; supra illos tabulatum aliquod mirum in modum exaltatum, & vt *Gondole* Venetum coopertum, vbi Dominus sedem suam habet, q̃ occludere & referare pro libitu suo potest, ne cui accessus ad eum pateat.

Nauis cuiusdam regia descriptio.

Progrediebantur igitur vna simul vsq; ad ciuitatem *Cosmi*, cuius tractus multis arboribus vtrinq; consitus est, psittacis, tigribus, apris, simiis, & id genus animalibus aliis abundans. Ciuitas autem ipsa sub 16. gradu sita, ædificia habet ex arundinibus Indicis crassioribus extructa, & stramine contexta. Locus alioquin satis pulcher & amœnus est, sed trigribus multum infestatur, quæ interdiu quidem in arundinetis & frutetis latitantes, noctu prodeuntes in homines & pecora grassantur. Mercatores nostri cum domū ibi conduxissent, merces suas nauī prolatis sub porticum stramine contextam exponebant, vt à ministris Domini in *Cosmi*, quorum alter *Decacien*, alter *Ciricai*, vocatur, perlustrari & signari possent. Horum enim officium est bona omnia annotare & consignare, ne quid in exigendo vestigali postmodum errent, sed & mercatores merces ita expositas diligenter annotare solent, quo facto transferunt eas in naues, alias ipsis *Arò* dictas, quæ supra remos & transtra aliam adhuc contignationem habent, tegmine obductam, vt mercatores ibi sedere possint.

Mercatores igitur cum bona & merces suas annotassent, & maiorib. nauigiis in *Pegu* deferri curassent, ipsi 26. Octob. die ex *Cosmi* soluentes, minorib. utebantur nauigiis, quæ ipsis *Parò* dicuntur. Progressi aut iuxta litus, vespere ad promontorium quoddam, in sinistro latere *Pain Perlon* dictum, perueniebant, assequentes sequenti die circa meridiē quidem *Marma Mala*, circa vesperam vero oppidum *Iacubel*, & paulo post aliud *Tegiatden* nomine.

Postero

Postero die attrigebant locum alium *Balatini* dictum, ubi pulcherrima vasa fictilia parari solent, conspicientes paulo post *Dian*, regionem magnam, & lignorum parandis nauibus conuenientium ditissimam; vnde multae etiam naues ibi parantur, quae triremibus similes, multis cellulis, quibus diuersae merces imponantur, distinctae sunt, medioque loco, ubi malus alias collocatur, porticum habent, sub qua moschi *Belzoin*, & variarum gemmarum exerceri negotiationes solent.

Porro cum 29. die regionem *Bedogiamana*, *Lagapala* & *Purdabui* conspexissent, vesperi ad regionem *Gungiebudi* appulerunt, ubi non solum propter piratas & praedones, qui sub specie insignis beneficentiae & humanitatis opprimere aduentantes solent, sed & propter tigrum multitudinem, quae obuia quaeque discerpunt, multis periculis expositi erant. Etiam si enim in terram non descenderent, audiebant tamen ex aliis, bestias illas aquam etiam ingredi, & praedam inde capeffere solere. Postero die angustum admodum canalem ingressi sunt, qui a palmis magna frequentia ab utraque ripa crescentibus inumbratur. Conspexerunt autem ibi ciuitatem *Coilan*, quae in quadrata forma 12. leucarum circumferentiam continet. Paulo post ciuitatem aliam *Tuvagnedan*, multis templis & statu is conspicuam, & vesperi pulcherrimam ciuitatem *Leungon*, in patenti, multisque palmis decoro campo sitam. Cumque vtrinque multa aedificia vidissent, continuato itinere ciuitatem frequenti populo habitatam *Siluanfedi*, & circa vesperam urbem aliam, cui *Moggio* nomen est, affecuti sunt. Haerebant ibi in littore multae naues, quae cellulis aliquot distinctae & stramine a prora ad puppim usque contextae, vel aedificiorum vsum hominibus praestare poterant. Homines hi aquam ex oryza parare extrahunt, quae cum aqua vitae vel vino igni eliquato certare sua virtute & efficacia potest, reperituique in toto hoc tractu com meatuum satis, ita ut nauigantes non necesse habeant cibos, quos secum habent, ibi consumere, possintque eos, donec in mare iterum perueniant reseruare, & quae ad sustentationem pertinent, tolerabili sibi pretio ibi comparare.

Secundo Nouemb. ad *Dala* ciuitatem appulerunt, ubi praeter alia decem stabula elephantum cernuntur, qui in gratiam Regis *Pegu* a ministris varè exercentur & instituuntur. Postero die pulcherrimam ciuitatem *Dogon* affecuti sunt, ad quam ex portu viginti gradibus ascendendum est: nam propter accessum & recessum aquarum, ex faucibus *Sirian* prorumpentium, fieri solet, ut fluctus ad supremum usque gradum ascendant, & mox ad infimum usque recedentes, littus omne deserant. Facti sunt gradus isti ex firmissimo ligno insignis longitudinis, constitutaque est ab utraque infimi gradus extremitate tigris eximiae magnitudinis ex ligno fabrefacta, & viuis suis coloribus ita illuminata, ut bestiam viuam repraesentet, similiter vero & in medio gradus illius duae constitutae sunt, quae deductis faucibus interitum hominibus minantur, dicuntque incolae positae ibi esse in tutelam idoli *Pagodo*, ut nimirum absterreant homines, ne idolo isti vim aliquam inferant.

Hanc ciuitatem visuri mercatores nostri nauigiis egressi sunt, cumque in terram descendissent, viam ingressi sunt ad dextram, ferè 500. passus latam, inuenientes in ea aliquot aedificia lignea inaurata, & pulchris hortulis ornata, quibus *Talapoi*, qui monachi horum populorum sunt, *Pagodo* ministrantes, habitant. Sinistrum latus multis porticis exornatum est, sub quibus merces variae expositae venales habentur, estque via haec satis longa, ita ut leucam integram eundo quis conficiat, antequam ad *Pagodo* siue idolum in *Dogon* pertingat. Ut vero ad locum istius idoli peruentum est, cernitur ibi

PARS SEPTIMA.

scala 90. graduum, & tantæ longitudinis, quantæ canalis *Rialdo* est Venetiis. In fundamento ante primum gradum positæ sunt duæ tigres, altera ad sinistram, altera vero ad dextram, ex saxo, eadem qua priores littore forma sculptæ, ita ut sese inuicem intueantur. Gradus autem scalarum tribus interstitiis distinguuntur, quorum primum est 40. alterum 30. tertium vero 20. graduum, consistuntq; in gradu infimo duo lapidei angeli, quilibet tribus coronis, altera alteram magnitudine superantibus, insigniti. Hi duos dexteræ manus digitos in aduentantes intendunt, quasi benedictionem ipsis impertientes, sinistram manum is, qui ascendentibus à dextris est, in caput pueri, alter vero qui à sinistris est, in caput simiæ reclinatam habet, suntque statuz istæ omnes lapideæ. In summitate ad dextram quidem *Varella* lapideum est, auro vndique obductum, rotundæ formæ, tantæque magnitudinis, ut circumferentia quidem sua aream palatii Veneti, altitudine vero turrin campanariam templi, quod Venetiis ad diuum Marcum vocatur, usque ad columnas æquet. Ad sinistram aula cernitur magnæ capacitatis, auro vndique obducta, & hic quidem locus est, ubi preces suas peragere, & conciones *Talapoi* siue monachorum suorum homines isti audire solent. Locus certè hic sanctissimus ipsis habetur, itaque ex longinquis locis homines ad eum quotannis terra mariq; confluere videntur, ut superstitiones suas ethnicas ibi peragant. Cum verò festum aliquod anniuersarium celebrandum est, Rex ipsemet cum coniuge liberisq; suis, & proceribus regni aliis, indulgentias allatum aduenit, hunc multitudo subditorum & peregrinorum sequitur. Peraçto autem hoc festo nundinæ celebrantur, quibus omnis generis merces venales habetur, licitumq; est omnibus etiam Christianis, quicquid voluerint emere. Cæterum multæ in gradibus hisce simiæ discurrunt. Mercatores autem nostri inter descendendum ad sinistram primi interstitii scalarum, in turri quadam campanam viderunt, eiusq; circumferentiam septem passuum & trium palmorum depræhenderunt. Est hæc elegantissima scriptura, à vertice ad calcem usque vndique conscripta, literas exhibens pulcherrimè sculptas & incisas, sed quæ neq; à peregrinorum aduentantium, neq; ab incolarum quoquam in *Pegu* legi possunt. Quin imo non reperitur ibi quisquam, cui, vel qua ratione, vel quo tempore, vel quib. ex locis campana ista eò delata sit, quicquam constet.

Ex hoc porro loco cum sub vesperam soluissent, nocte illa reti piscatorum sese ita implicarunt, ut parum abesset, quin, quod vni ex nauigiis illis, quæ simul nauigabant, accidit, naufragium fecissent. Culpa vero piscatorum erat, qui cum retia laxare volunt, ignem in cymba sua piscatoria per totam noctem fouere tenentur, ut aduentantes nautæ, eo admoniti, sibi cauere facilius & periculum declinare possint. Progressi igitur primo diluculo imminere sese faucibus *Sirian* videbant, ubi cum fluctus rapidissimi eos in *Maccareo* abripere vellent, vix magno tandem labore eluctati ad portum *Sirian* applicarunt.

CAPUT XXXVI.

Descriptio ciuitatis Sirian, & itineris continuatio.



SIRIAN Cæsarea quondam ciuitas fuit, in qua Cæsar quidam sedem suam habuit. Muros habet desolatos, sed ex quibus appareat tamen, inuictam eam quasi & insuperabilem quondam fuisse. Anno 1567. in potestatem Regis *Pegu* peruenit. Cum enim is sesquimilliones armatorum contra hanc ciuitatem in aciem produxisset, ob-

N

sidionemq;

fidionemq; integro biennio, quo quidem tempore ultra dimidium millionem vel quingenta millia militum amisit, continuasset, per prodicionem ea tandem potitus est. Cæsar igitur cognita expugnatione, hausto veneno sibi mortem conscivit, aulici vero eius cum multis Elephantibus, auro & gemmis onustis, in *Pegu* abducti sunt.

Cæterum relicta hac ciuitate *Sirian*, in cæpta nauigatione pergentes habitata hinc inde ab hominibus oppidula & pagos viderunt, donec tandem ad locum quendam *Maccao* dictum peruenirent, vbi nauigiis descendentes, leucas superstites duodecimeundo cõficere, omnes, qui in *Pegu* iter suscipere volunt, coguntur. E regione huius loci multa pulcherrima ædificia cernuntur pro Rege in *Pegu* extructa, vt ad illa diuertere & inde nauigia sua auro pulcherrime exornata conscendere pro libitu possit. Tempus autem, quod in hoc itinere ex *Cosmi* vsque ad hunc locum *Maccao* consumpserunt, vndecim dies sunt, quibus in hisce dulcium aquarum fluminibus nauigarunt, quæ quidem certis temporibus accedere & recedere maris instar videntur. Ab vtraque ripa ædificia multa cernuntur, quæ trabibus in terram defixis insistant, vt homines à tigris tuti in illis esse possint, ascendentes enim ad ædificia sua scalis leuioribus vtuntur. Cumque vesperi omnes domum sese receperunt, remotas à terra attrahunt, ne fortè belua etiam quædam ascensum pareat. Sunt qui bubalos in ædibus suis nutrant, dicantque odorem horum animalium tantopere tigris infestum esse, vt ad locum, vbi bubalos esse sentiant, nullo modo appropinquent.

Qui ex Sancto Thoma versus *Pegu* iter facere instituit, melius sibi consulere non poterit, quam si in ciuitate Sancti Thomæ armillas aliquot vitreas, quæ ibi parantur, coemat, & secum ad hæc loca transporter, pro illis enim cibum sibi melius quam pro præsentī pecunia in itinere comparare poterit. Non ausim hic recensere numerum *Pagodi* siue idolorum, quæ toto hoc tractu cernuntur. Sunt enim multa & varia, atque vt saltem duorum mentionem faciam, quæ in littore ciuitatis *Dogon* constituta sunt, illa à capite ad pedes vsque formam adolescentum referunt, vultu vero diabolū repræsentant, & in tergo alas duas habent. Reperiuntur præterea ibi aliquot *Varelle* in locis amcenioribus extructa, & auro vndique obducta, quibus quidem multum auri & aliarum rerum quotidie offertur, vt subinde, deformata à pluuiis crebrioribus, iterum renouentur. Circum *Varelle* hæc simiæ reperiuntur magna copia alligatæ, quarum incolæ quidam curâ diligentem agunt. Cum enim manib. pedibusq; vt homines donatæ sint, pro eiusmodi habentur animalibus, quæ Deo præ cæteris grata & accepta sint, & hinc omnes quidem syluæ & fruteta, quæ ibi reperiuntur, simiis abundare cernuntur, cum à nemine, nisi fortè in vsum horum *Varelle*, capiantur.

Vt autem ad iter mercatorum nostrorum reuertamur, ipsi 6. Octobris diē in *Maccao* venientes, bona sua omnia ex nauibus prolata duobus curribus imposuerunt, illisq; *Pegu* versus præmissis, ipsi cum Præfecto manserunt, vt ei consueto more ministrarent. Vocatur Præfectus iste *Mureno Mor*, quod Præfectum omnium Lusitanicarum nauium, quæ vel *Pegu* versus, vel ad loca alia quæcunq; sub imperio & iurisdictione Regis *Pegu* sita, denotat. Huic officio præerat tum *Antonius di Suosa*, qui nauem præsidiariam cum 30. armatis satellitibus ducere solet, mercatores vero ei similiter, vt & suo Præfecto in itinere ministrare cogebantur. Miserat autem Rex in *Pegu* ad Præfectum istum per *Chiricai* suum duos Elephantes, cum mandato vtī ad se veniret; quare cum *Chiricai* iste, nauem ingressus, Præfectum Regis nomine salutaf.

salutasset; ipse tormentorum omnium displosione facta, in terram descendit, collocatoque in Elephantem alterum satellite suo, peluim argenteam elegantissima scriptura exornatam, quam *Olle* vocant, Regi dono misit. Cumq; *Delingo* accepisset, vnà cum mercatoribus *Pegu* versus profectus est. Cæterum *Delingo* pannus est gossypinus crassior, variis coloribus ornatus, tanta & latitudine & longitudine, quanta tapetia sunt siue aulæa, quæ ad parietes suspenduntur, in extremitatibus annulos ferreos habent, per quos arundo crassior traiecta est, cuius beneficio à quatuor viris sustinetur atque gestatur. Imminet vero ei regmen aliquod, quod à pluuiis & solis æstu eum, qui panno eiusmodi velut lectica vtitur, defendat: cum enim eo vti quis expetit, necesse est vt eum explicet, impositoq; in eum puluinari, sese super illud collocet, & tunc à quatuor baiulis tam molliter gestatur, vt commotionem nullam sentiat, nec aliter quam in lecto sese recumbere existimet. Baiuli hi ad laborem hunc assuefacti totum diem (quod mireris) currendo exigunt, & non nisi semel in eo quiescunt. Itaque eiusmodi equis ad *Pegu* ciuitatem aduecti mercatores, magna cum lætitia ab incolis accepti sunt; cum quadriennio integro nulla ibi nauis Lusitanica appulerit, idque propter bellum, quod propter nauem Æthiopicam igne à Lusitanis exustam extiterat, iam vero morte senioris in *Pegu* Regis compositum fuerat. Itaque Præfectus quidem ad consuetum hospitium cum suis proficiscebatur, mercatores vero nostri ab Armeno quodam, cui Emanueli nomen erat, in domum aliquam deducebantur, vbi expectarent, donec merces eorum aduenirent, quæ & ipsæ nono eiusdem mensis die in ciuitatem allatæ & ipsis restitutæ sunt.

CAPVT XXXVII.

Descriptio ciuitatis & bellorum Pegu.



CIVITATES *Pegu* duæ sunt, *Pegu* vetus & *Pegu* noua, in quibus quidem exteri cum indigenis mercatoribus, quorum multi ibi reperiuntur, habitationem suam habent. Noua à moderni Regis patre non ita pridem eleganti ordine excitata, & multis fortificationibus propugnaculisque munita est. Altera autem vetusta admodum est, & multis ædificiis ex arundinibus crassioribus extructis constans. Verum, vt de noua, quæ propter sedem Regiam præcipua est, dicam, ea quidem iucundissimo & amœnissimo loco sub 16. gradu sita est, forma quadrata & muro firmissimo vndique cincta atque circumdata, portas habet quatuor, & fossas aliquot aqua repletas, in quibus multi crocodili eo fine sustentantur, ne quis tranando eas superare conetur. In muro ciuitatis castella passim lignea excitata sunt, in quibus armati quidam excubias agunt, qui nullum quidem ordinem seruant, sed satis tamen diligentes in officio suo sunt, vt dato forte signo, respondere absque mora possint. Milites hi *Brama* vocantur, suntque viginti numero, qui interdum quidem excubare ad portas ciuitatis solent, ita distributi, vt quini ad portas singulas constituti totius lateris curam agant, sunt enim latera quælibet secundum rectam lineam ita producta, vt ab angulo vno ad alterum prospicere commodè possis, estque via tam lata, vt quinque vel sex equites simul equitantes admittat.

Ædificia huius ciuitatis ex crassiorib. lignis extructa, & muro lapideo illis in locis, vbi ignem extruunt, munita. Incolæ autem fœde admodum viuunt,

suos plerunque in ædibus nutriunt, & quasi ex singulari pietatis zelo potum fieri nullo alio præterquam aqua ex fossis ciuitatis hausta vtuntur, licet crocodilis, vt paulo ante dictum, scateat plurimis, quorum vel 30. pedes longitudine sua aliqui excedunt, & diem præterire non sinunt, quo non homines aliquos abducant & deuorent. Hoc tamen non obstante, hæc ipsis bestię, quemadmodum & simiæ, tam sanctæ habentur, vt certo certius saluari dicant, quotquot à bestiis illis deuorētur, quæ tantæ sunt astutiæ, vt inter densissimas herbas occultatæ lateant, dum ad hauriendum aquam vrbe quidam egrediantur, tum enim profluentes manibus pedibusve apprehensos in aquam præcipitant, secumque in speluncam suam abducunt & deuorant. Accidit hoc, spectantibus mercatoribus nostris, mulierculæ cuidam, quæ manibus in cælum protensis, opem hominum frustra implorabat. Rex igitur de crudelitate & sæuitia harum bestiarum edoctus, iussit vnā ex illis, & quidem illam, quæ plurimum damni hominibus inferre dicebatur, interfici, erat enim ingentis magnitudinis, quo facto deuoratos quosdam esse rarius auditum est.

Egressuri ciuitate, vallum siue aggerem, qui supra fossas ciuitatis, ex portis ad campum vsque protenditur, transcendere coguntur, ad ripam autem fossarum variæ arbores consitæ delectationis haud parū præbent. Elephantēs, qui quotidie lauatum fossas illas ingrediuntur, nihil à crocodilis illis damini accipiunt, quod magnitudinem eorum bestię illæ exhorrescant.

In ciuitate ad dextram intermedio inter duas portas loco, *Varella* siue templum inauratum cernitur, eiusdem cum illo in *Dogo* magnitudinis. Hoc templum Rex aliquando frequentare solet, qui preces suas peracturus scalam quandam ascendit, ad cuius gradum infimum tigres duæ, quæ diductis faucibus viuas repræsentant, collocatæ sunt. In Palatio Regis tympanum est, quod pulsatum sonum edit tam horrendum, vt quis sibi tormenti alicuius lōgiusculè à seremoti dispoſitionem audire videatur. Situm est autem Regis palatium loco ciuitatis medio, estque quasi propugnaculum aliquod fossis vndique cinctum, & duabus portis ita munitum, vt vna ante aliam posita cernatur. In parte propugnaculi siue palatii huius exteriore, porticus est, sub qua nobiles & alii primarii viri Regi ministrantes domicilia & stationem suam habent, Rex enim quotidie horam vnā atque alteram audiendis causis attribuit, antequam autem palatio suo exeat, duodecim buccinis argenteis signum suis nobilibus & toti populo dari curat, vt antequam prodeat, parare sese in eius occursum possint. Rex modernus ad declarandam potentiam suam, duas columnas lapideas, ab vtroque ingressus in arcem latere erigi curauit, quibus inscriptum est, accessum patere omnibus, vt sine venia ingredi possint.

Non possum intermittere, quin cōmemorationem hic instituam eorum, quæ vni ex mercatoribus nostris, Casparo Balbio, ex cuius cōsignatione hæc scribo, coram Rege hoc acciderunt. Erat hic Gemmarius, & cum ad Sanctum Thomam esset, mōstrauerat alicui ex ministris Regis in *Pegu* pulcherrimos aliquot smaragdos, qui Regi suo eos gratos futuros dixerat. Cum igitur in ciuitatem Pegu venisset, & quidem ea ipsa hora, qua causas auditum Rex in publicum prodibat, accurreret, vt Regem videret, accidit, vt ad Regem venire & smaragdos suos secum afferre iuberetur. Properans igitur ad domicilium suum Gemmarius, smaragdos attulit, assumptoq; Interprete per primam palatii portam ingressus, vt Regem cum ingenti pompa (omnium enim quotquot in mundo sunt Regum potentissimus haberi, & viuus quasi Deus videri vult,) progressum vidit, in genua statim cum

Inter-

Interprete suo procidens, manus instar rogantiū aliquid eleuabant. Cumq; facie sua terram ter attigissent, eandemq; deuotionem semel adhuc antequam ad thronum maiestatis suæ pertingerent, repetiissent, exhibebat Interpreti smaragdos suos, qui dictum iam honorem repetens, protensa supra caput manu, eos spectatum eleuabat. Rex visis gemmis illis, innuebat *Nagira* seu Oratori suo, qui honore eodem Regi præstito, acceptos ex manibus interpretis smaragdos Regi offerebat, longo statim interuallo inde recedens.

Rex acceptis smaragdis illis, quærebat ex Gemmario nostro, cuias esset, quamdiu domo abfuisset, quid nominis haberet, & ubi locorum gemmas istas accepisset? Gemmarius per Interpretem, cum singulari reuerentia, quam ad singula verba præstare oportet, respondebat: Patriam suam Venetias esse, vocari sese Casparum Balbium, domo iam quatuor annos abfuisse, & gemmas istas Venetiis secum nullam aliam ob causam attulisse, q̃ vt Regiæ maiestati, quæ per totum mundum innotuisset, & cum qua nullius Regis potentia comparari posset, donaret. Hoc responsum Gemmarii ordine consignatum, & per Oratorem Regi expositum est, qui porro interrogabat, in qua mundi plaga vrbs Venetiæ sita esset, & quem Regem haberet? Cumq; intelligeret in Italia urbem hanc sitam esse, nullum vero Regem agnoscere, sed à Senatu & populo gubernari, miratus admodū, & vehementi risu concussus, vix verbum facere amplius potuit. Quærebat tamen tandem, postquam sese iterum collegisset, an etiam Portugalliæ Rex alicuius potentia esset, & quid de Venetorum potentia statuere deberet? Respondebat igitur Gemmarius, Regem Philippum, cui Portugallia subiecta, in Christiano quidem orbe potentissimum esse, & Venetis optimè cupere, qui licet ea sint potentia, vt non necesse habeant aliquem metuere, colere eos tamen cum omnibus Principibus amicitiam, vtque argumentum aliquod potentia Venetorum proferret, damnum illud, quod Imperatori Turcico, dissipata & submersa classe ipsius, non ita pridem intulerant, commemorabat.

Finito hoc colloquio curabat Gemmario offerri phialam auream, & quinq; pannos Damascenos ex *China*, variorum colorum, dicebatq; Regem non dare hoc ei loco solutionis pro smaragdis, sed *Terreca* siue æstimatori suo mandatum dedisse, vt smaragdus illos æstimaret, & pretium ipsi conueniens persolueret, quod ipsum quidem omnes mirabatur, cum in more positum non haberet cuiquam aliquid donare. Ipse autem præterea etiam imperabat, ne quicquam vectigalis nomine *Decacini* à Gemmario exigerent, cui alioqui plus 1600. *Bize*, vel 800. ducatis soluendum fuisset. Gemmae vero istæ adeo ei placebant, vt continere se non posset, quin filio suo & reliquis regni proceribus eas continuo monstraret. Filius autem eius *Mari-pasaglia* nomine, à dextris Regis in sella deaurata sedebat, semperq; cum Rege loquens, manus more rogantium aliquid complicabat.

Sequenti die Rex missis ad Gemmarium tribunis ærariis suis, interrogauit, nunquid auro vel *Ganza* solutionem smaragdorū fieri veller? Qui respondit: Cum Rex liberum sibi faceret, solutionem eo modo petere, qui sibi conuenientissimus videretur, petere se, vt dimidiam pretii partem vñionibus siue margaritis, & alteram dimidiam *Ganza* sibi præstarent. *Ganza* autem moneta est ex cupro & stanno constans, cuiq; cudere permissa, dummodo debitum suum Regi persoluat. Annuebant statim tribuni. Gemmarius vero cum gemmarum etiam aliquid appetere, rogabat tribunum, vt vñnicam saltem ex præstantissimis quas Rex haberet gemmis sibi venderet,

qui se quidem id libenter facturū dicebat, sed necesse tamen esse, vt veniam prius à Rege impetraret, quo cōsentiente petitioni Gēmarii abunde satisfactū est. Post dies 5. reuersus ad Gemmarium tribunus ærarius, gēmas preciosissimas attulit, easq; lōgè minoris q̃ priores Gemmario vendidit, cumq; nō ignoraret eum duas bombardas pulcherrimas habere, monuit vt iuniori Principi Regis nimirum filio alteram donaret, quod ab ipso quidem statim factum, licet remunerationem nullam acciperet.

Cæterum cum solutio smaragdorum de die in diem differretur, & de margaritis quidem in solutionem accipiendis Gemmarius fermè iam desperaret, constituit, omissis illis, totam solutionem in *Ganza* accipere. Erant enim qui suaderent, vt veniam à Rege peteret in ciuitatem *Avua*, pyropos & alias gemmas ibi coemptū proficiscendi, cum sine venia Regis ad ciuitatem istā appropinquare nemini liceret. Gēmarius igitur iuniorē Principem cōueniens rogabat, vt causam hanc suo nomine apud Regem ageret, quod ipse quidē non solum libenter sese facturum, sed & nauem suam ei in hunc vsum permissurum pollicebatur. Accidit autem vt eadem hora nuncium Rex acciperet, quod legatus, quem ad Regem in *Avua* eam ob causam miserat, vt officii sui eum moneret, qui iam integro triennio tributum Regi non persoluisset, interfectus esset. Itaque hoc cognito, per legatum alium bellum ei indixit. Cum igitur ad bellum sese tota ciuitas *Pegu* pararet, metū inde haud exigū Gēmarius percepit, merces n. suas diuenderat ita, vt triū mensium spatio pretium pro illis solueretur. Erantq; omnes in *Pegu* eius sententiæ, quod putarent Regem in *Avua* superiorem futurum, præsertim cum Præfecti in *Pegu* constituissent inter pugnandum ad Regem in *Avua* deficere. At vero Rex hac ipsorum malitia cognita, conuocatis omnibus, cuiuslibet in specie sententiā de bello hoc recte instituendo auditurum sese simulabat, & sub hoc prætextu quemlibet vinciri curabat & seorsim conseruari, ita vt nemo quid de eo factum cognosceret. Post viros conuocabat & vxores & liberos eorum, ita vt numerus captiuorum quatuor millia excedere diceretur, quos omnes vno inclusos ergastulo vno simul incendio perdidit.

Dum hæc ibi agerentur, transferunt dies quindecim, vt suæ quælibet mercatoribus merces, quæ hætenus in spatiosa quadam camera asseruata fuerant, restituerentur. Omnes enim peregrinæ merces ibi deponuntur, & si aliquid perire contingat, culpa quidem, quibus cura domus illius demandata, imputatur, & ipsi restitutionem damni facere coguntur. Post dies autem decem vel quindecim, necesse est, vt dominus mercium istarum cum munere aliquo ad Regem se cōferat, & permitti sibi petat, post solutionem vestigalis eas ad se iterum recipere. Sine munere autem Regem accedere nemini permittitur, qui cum animaduertit, petitionem hanc æquam & iustam esse, accepto munere ei consentit, quod si consentire non possit, ne munus quidem etiam accipit. Persoluto autem vestigali, ministri coria vaccarum, quibus merces inuolutæ sunt, per sortem inter se distribuunt, & in cibum sibi preparāt. Vestigal autem, quod à mercatorib. hoc in loco persoluitur, dextrans est siue decem pro centenis, & quadrans præterea siue tria pro centenis, in vsum & sustentationem Scribarum siue librariorum. Nauium Præfecto in itinere ex Sancto Thoma ad Pegu vsque semissis, siue sex pro centenis debentur. Panni autem, qui ex ciuitate Sancti Thomæ afferuntur, in *Paggiavellon* venduntur, estque *Paggiavellon* fasciculus quatuor pannis constans. Transferuntur autem in *Pegu* panni varii, quorum aliqui *Topiti*, aliqui *Corpi Pintadi*, &c. nominantur. Sunt enim colore vario infecti, & tan-

to arti-

to artificio contexti, vt Regis *Lagia* vocentur, & 50. 60. 70. & 80. *Bize* veneant. *Bize* autem moneta est dimidium ducatum valens, quamuis etiam minoris precii, nempe quæ 15. 20. 30. & 40. *Bize* veneant, inueniantur. Sed & ex *Muselipatan* panni in ciuitatem *Pegu* transferuntur, sed longe minoris precii sunt, vtpote illis, qui ad Sanctum Thomam parantur, longè inferiores, hienim quo sæpius lauantur, eo præstantiores & pulchriores euadunt, idque propter coloris præstantiam, & succum herbæ alicuius, quæ ex propugnaculo *Manna* ad Sanctum Thomam perfertur, quamuis etiam ex *Petropoli* eam accipere possint. Cæterum & panni gossypini ad Sanctum Thomam colore vario inficiuntur & tinguntur; sed qui 16. *Coudi* & non minus in longitudine, quatuor vero in latitudine contineant oportet, alias in *Pegu* diuendi non possunt.

Eiusmodi igitur pannos coloratos homines in *Pegu* ab vmbilico ad genua vsque demissos gestant, reliquo corpore nudi incedentes. Qui bonorum aliquid vendunt, necesse est, vt solutionem tribus mensibus expectent, tanto enim tempore naues ad perficiendum iter ex Sancto Thoma in *Pegu* vsque opus habent. Finito hoc tempore solutionem mercatores accipiunt, & quidem in auro habita ratione valoris & præstantiæ ipsius, optimum enim, quod auro Venetorum *Zechin* simile est, & *Novellan* ipsi nominant, in solutionem accipere consultum non est. Siquidem in ciuitate Sancti Thomæ lucrari ex hoc auro nemo quicquam potest. Quod si finito hoc tempore quis vel ex ciuitate cedat, vel alibi sese occultet, vt conueniri non possit, tunc *Tarreca* pro eo solutionem præstari cogitur. Si vero præsentem quidem se exhibeat, verum non soluendo sit, tradit eum *Tarreca* in domum creditoris, vt ibi captius teneatur, donec satisfaciat, quod raro tamen fieri solet: nam vt dedecus hoc & infamiam vitent, mutuatur potius pecuniam, & vsuram ad certum tempus pro ea persoluunt. Quod si per hyemem ibi subsistere quis velit, etiam *Ganza* in solutionem accipere potest. Cum pro illa gemmas, aurum, argentum & quasunque res alias accipere & emere possit. Huius autem pecuniæ 1200. *Bize* integrum assem faciunt auri præstantissimi, quod ipsi *Novellan* vocant. Ponderus in auro superat illud in *Ganza*, sed decem partibus. *Bize* vnum in pondere continet 40. vncias Venetas & centum *Teccali*. Vnum vero *Gito* facit 25. *Teccali*. Sic *Abucco* vnum sunt 12½. *Teccali*. Æstimatori bonorum siue *Terreca* debetur vnum cum dimidio de centenariis, vel vnum tantum, si auro fiat solutio. Atque hi homines muneri huic à Rege præficiuntur, & neminem defraudare vel circumuenire possunt.

Interea temporis dum mercatores nostri solutionem mercium suarum expectarent, ciuitas tota propter bellum inquieta & turbata erat, quamuis bona spes aliquos haberet, fore, vt Rex in *Ayua* culpam deprecaretur, & Regi in *Pegu* sese vt antea submitteret, quod quidem etiam fecisset, nisi seditio quædam inter milites per prodicionem excitata fuisset. Peperit hæc res varias Gemmario nostro cogitationes, nec parum sollicitudinem eius auxit, quod videret, Regem ipsummet in bellum proficisci, & omnes *Magazeni* siue cameras & gazophylacia eius obserari vsq; ad reditum eius. Reliquerat ille quidē Principem filium suū cum magno *Broma* siue Cancellario in *Pegu*, qui vices eius interea ibi agerent; verum solutionem ab illis accipere Gemmarius non poterat, nec dies quidem transibat, quo nō sinistro aliquid nuncii ex castris ad ciuitatem deferretur, Rege præsertim ex variolis in castris grauissimè & periculissimè decumbente, qui morbus apud illos contagiosus & periculosissimus habetur. Sed conualuit tamen tandem Rex & conse-

consecuta victoria, domum reuersus est, quo facto solutionem suam pro voto Gemmarius accepit.

Cæterum Rex hic in *Pegu* splendidam admodum vitam agit, habetque aliquot hinc inde constitutas excubias, maxime in ipsa aula siue area arcis interiori, eo ipso loco, quo exire & redire solet, ibi enim ab utroque latere sedentes cernuntur excubitores siue vigiles plurimi, armis suis instructi, qui *Brama* ipsis vocantur. Antequam excubias hasce quis assequatur, stabulum ei prætereundum est, longè pulcherrimum, in quo quatuor Elephantes albi & vnus niger, admirandæ magnitudinis, nutriuntur, quib. Rex ad negotia varia vtitur, in reliquis autem vilioribus stabulis detinentur Elephantes alii, quibus in bello Rex vti solet, reliquis variè per ciuitatem & extra eam distributis. Tribunal Regium seu locus causis cognoscendis destinatus supra modum elegans & splendidus apparet, colore enim cæruleo illuminatus, & auro obductus est. Sedens autem pro tribunali, ipse quidem *Ventolo* siue flabellum in manu tenet, à tergo autem astant ei quatuor satellitum filii, quibus ad explendam libidinem abutitur. Ante ipsum sunt quasi procuratores, qui causas & petitionem subditorum Regi exponunt, responsumque eius ipsis referunt. A sinistris astant ei Tribuni ærarii, à dextris autem iuniorum Principem filium suum in deaurata sella sedentem habet. Ad pedes eius siue in loco paulo inferiori cernuntur primarii, quos in aula sua habet procures, quales apud nos Duces sunt, Marchiones, Comites, Equites, Præfecti & alii, quilibet suo loco consistentes. In capite diademagestat aureum quadruplex, cuius pars quælibet peculiari quodam fulcro innititur, ita, vt quam altissimè eleuetur & consurgat. Est autem partim argenteum, partim aureum, & multis aureis bullis hinc inde dependentibus conspiciuum.

Cum Rex pro tribunali sedet, Elephantes primum albi & post illos omnes alii suis stabulis per ministros, quibus cura horum animalium demandata est, producuntur, qui vt in conspectu Regis veniunt, honorem ei exhibituri, promuscides erigunt, apertoque ore sonum ter edunt, postmodò ingenua concidunt, & surgentes iterum stabula sua repetunt, vbi, quod mercatores nostri suis sese oculis vidisse asserunt, ex vasis aureis cibantur, & ex argenteis aqua repletis lauantur, quod quidem singulis diebus bis fieri solet, non in stabulo sed sub tegmine, quod octo arundinibus innititur, & à totidem ministris gestatur, ne solis ardore forsitan lædantur. Cum producuntur Elephantes, præcedunt buccinatores quidam buccinis clangentes, eosque Elephantes postmodum tanta grauitate sequuntur, vt intelligere eos instrumentorum sonum iurares. Si quid ipsis imperes, diligenter statim omnia exequuntur, & sese ita exhibent, vt præter sermonem ipsis deesse parum ad perfectionem dicas. Quod si vero quid intermittant, nō eò fit quasi quid imperatum fuerit ignorent, sed quod pertinaces aliquando, obstinato animo imperium negligant.

Rex singulis fere diebus sese conspiciendum præbet, eumque arce sua in ciuitatem egreditur, non patitur quemquam aduentum eius fugere, libenter enim & subditos suos videt, & se ipsis videndum præbet, quod quidem à consuetudine parentis sui prorsus alienum esse perhibent. Erat tum temporis, cum mercatores nostri eum viderunt, 50. plus minus annorum, filius vero eius annum 25. agebat, quamuis ex vultu de ætate eorum iudicari, cum barbas non alant, facile non possit. Area arcis, quam Rex inhabitat, tantæ est capacitatis, vt maximam quamque Venetiis bis superet. Portas præter illam de qua supra dictum adhuc duas alias habet, ponte versatili & firmo

& firmo armatorum præsidio munitas. Ad dextram aulae istius, ubi stabula elephantum præterieris, sacellum est, auro vndique obductum, & tantopere eleuatum, ut ascensus ad illud decem gradibus fiat. Sacelli huius pars anterior, qua ortum respicit, annexum quasi altare habet, cui statua quædam ex solido auro constans imposita est, hæc coronam in capite gestat, à qua ad frontem statuæ usque pyropus siue carbunculus dependet, magnitudine sua vel prunum superans, ad tempora autem nitentes saphiri demittuntur, reliquum coronæ pretiosissimis gemmis ita oppletum est, ut vix aliud quid præter gemmas in ea conspiciatur, statua ipsa virum magnitudine æquat, & palleo aureo, ab humero dextro ad femur usque sinistrum demisso, multisque saphiris & carbunculis micante ornata est. Præterea in sacello hoc tres adhuc aliæ statuæ ex argento fusæ, longitudine duorum palmorum auream illam superantes, & coronis aureis, multisque gemmis exornatæ cernuntur. Sed & statua alia argentea excauata alio in loco, miri artificii, & alia ex *Ganza*, cupro nimirum & stanno, quæ pecuniæ vulgaris materia est, reperiuntur, quas omnes Regis huius pater eo quidem tempore parari, & in sacellum hoc collocari iussit, quo imperium in *Sirian*, expugnata nempe ciuitate *Sirian* nactus est, à quo quidem tempore Rex alborum Elephantium vocari cœpit, cum bellum illud propter istas beluas exortum fuerit. Antequam ad sacellum hoc pertingas, vaccæ quædam cernuntur, ex *Ganza* artificiose admodum fusæ, quæ similiter ex superata ciuitate *Sirian* eo translata sunt.

Rex hic plures sub se Reges habet, qui si forte eum venire & alloqui videntur, in genua concidere, & ipsis etiam albis elephantibus honorem exhibere coguntur. Multos autem in aula sua æstimatores & tribunos ærarios habet, cum varias habeat cameras, auro, argento, cupro, stanno, gemmis, pannis, moscho, *Benzoin*, sandalio & ligno Paradisi, refertas. Auri enim, argentiq; & gemmarum ditissimus totius orbis terrarum, Chinesi tamen excepto, qui huic nihil quicquam concedit, vulgo existimatur. Si forte bellum eum gerere contingat, nihil quidem de suo expendit, impenfas enim & sumptus omnes vasalli & proceres regni præstare & perferre coguntur, quicquid enim semel vel auri, vel argenti, vel gemmarum in gazophylacium & thesaurum Regis illatum est, inde non dimouetur amplius. Sane quod ad arma attinet, quæ sunt tormenta & bombardæ, lanceæ siue hastæ, gladii, & clypei, illa procurare & suppeditare in bellum profecturis cogitur, sed sumptuum præterea nihil.

Tormenta & bombardæ ipsorum sua & pulchritudine & præstantia nostris nihil concedunt, lanceæ siue hastæ ex validissimis arundinibus & acuminato ferro constant, gladios habent non acuminatos & ex vna tantum parte acutos, longitudine trium quartarum vlnæ Venetæ. Clypei ex duplici corio constant, quod mixtura quadam nigra fulgida, quam *Achiran* vocant, induratum & obductum est. Eiusdem vero materiæ etiam galeæ sunt, & si forsitan necessitas ita postulet, breui temporis spacio millies mille & quingenta millia militum in aciem producere Regi difficile non est. Elephantes semper ferè vltra octingentos ad bellum assuefactos alit. Sed & eorum magna ibi frequentia est, qui licet non usque adeo generosi & feroces sint, vñibus tamen quotidianis, quemadmodum & illi, quos in *China* habent, satisfaciunt. Bubuli colore sunt cæruleo, Elephantibus ferè magnitudine pares. Aliorum vero animalium commemoratione supersedendum censeo, cum nullum eorum, quæ apud eos quidem reperiuntur, deesse ipsis videatur. Tormenta quidem maiora & minora multa habet, sed nemo

est, qui ea tractare possit, similiter & triremes, nauesq; praesidiarias plurimas parare posset. Verum cum eas regendi & gubernandi peritos nullos habeat, ne parandas quidem censet, & si forte in bellum abeundum sit, praeter sclopas manuales, tormentorum nihil secum ducit, illos vero Aethiopibus quibusdam ex *Bendala* oriundis committit, licet ipsis, tanquam peregrinis, non usque adeo multum fidere dicatur.

Vt autem de bello inter Regem *Pegu* & Regem in *Avua* gesto, prolixius aliquid commemorem, sciendum est, Regem in *Avua* defuncti Regis in *Pegu*, qui moderni Regis pater fuit, fratrem quidem germanum, sed nihilominus tamen ei subiectum & tributarium fuisse. Hic, defuncto Rege fratre suo, conabatur eius filium regno pellere, illudq; ad se transferre, existimans sibi tanquam seniori Regnum illud praeter ceteris deberi. Recusabat igitur ad inuestituram & coronationem moderni Regis comparere, & ei cum reliquis Regibus Principibusq; fidelitatis iuramentum praestare. Praeterea tributum etiam gemmarum, quod fratri quotannis persoluerat, huic Regi denegabat, & quod omnium maximum erat, commercia mercatoribus intercludebat, gemmasq; diuendere nemini permittebat. Ceterum ut Regem *Pegu* superare facilius posset, amicitiam cum aulicis & precipuis proceribus eius, iureiurando eos sibi obligans, contrahebat, quod licet Rex non ignoraret, dissimulabat tamen, memor sermonis illius, quo a patre suo iam iam morituro admonitus fuerat, ut Regem in *Avua* patrum suum sibi commendatum praeter aliis haberet, tandem tamen per Legatum ei significabat, se contemptum & contumaciam hanc egre ferre, nolle tamen aliquid grauius in eum statuere, si ad officium reuersus faceret imposterum, quae viuentis patre suo fecisset. At vero Rex ut causam belli daret, Legatum hunc trucidari curabat, fretus beneuolentia aulicorum Regis, qui in medio pugnae feruore a domino suo deficere, & suis accedere partibus iureiurando confirmauerant. Rex igitur iratus apertum ei bellum denunciat, postmodo conuocatos proceres, Praefectosq; militum & omnes quos in confederatione cum Rege in *Avua* esse sciebat, quasi seorsim in causa belli huius auditurus, ergastulo includi, & vno die omnes viuos cremari curat. Ne autem videretur tyrannice agere, sed iustitiam in sceleratos exercere, denunciat *Degagini*, qui proceres illos cremauerat, uti, donec nouum mandatum aureis literis sua manu exaratum acciperet, nihil inceptaret & moliretur amplius. Interea liberos etiam & uxores iam interfectorum procerum, inter quas multae grauidae & partui vicinae erant, cum vniuersa eorum familia, conquiri & ergastulo includi, missisq; ad *Degagini* literis, eodem supplicio affici curabat, quae quidem etiam eodem in loco, ubi mariti & viri eorum perierant, posthabito omni earum eiulatu & ploratu, igne misere crematae & interfectae sunt. Dicebatur autem numerus eorum, qui hoc supplicio affecti fuerant, quatuor millium esse, eratq; omnibus tam in veteri, quam in noua ciuitate existentibus peculiariter per ministrum Regis iniunctum, ut ad locum supplicio destinatum accedentes, executioni iudicii huius interessent, quod quidem miserabile admodum & triste aspectu erat, praesertim cum ne infantibus quidem & facinoris huius per aetatem nulla ratione conscis parceretur.

Praestis hisce omnibus Praefectos & proceres reliquos, qui coniurationis huius socii non fuerant conuocans, ita Rex allocutus est: vidistis, inquit, quid de proditoribus nostris factum, vestrarum igitur partium fuerit, officio vestro fideliter posthac praesse, & exercitum quam potestis maximum primo quoque tempore colligere: nam & ego ipsemet in bellum vobiscum proficisci, & non nisi superato perfido hoste & patru meo, redire omnino constitui. His auditis Praefecti officio suo diligentissime fungentes, breui tempore ex vna atque

Atque altera ciuitate plus quam trecenta millia virorum in aciem producebant, Rex vero gladio, nostris simili, quem à *Vice Re* seu Præfesto Regio in *Goa*, cui nomen *Luigi di Taida* est, dono non ita pridem acceperat, armatus post dies aliquot in Elephante auro gemmisq; ornato sedens, sese in ciuitate passim conspiciendum exhibebat. Caterum ciuitate cum exercitu egressus, albis tamen Elephantibus domi relictis, puerili paulo post variolorum siue morbillorum, vt vocant, morbo correptus, dies aliquot decubuit, postmodo conualescens ad monomachiam siue duellum Regem in *Avua* prouocabat, exercitu vtrinque quiescente, exceptis vtriusque partis satellitibus, quorum quilibet suum sibi etiam virum, quo cum cōcertaret, eligebant, donec ad pugnam plenariam & perfectam vtrinque veniretur. Congressi igitur Reges, licet sclopis primum, postmodo sagittis & gladiis tandē inuicem certassent, & omnem quilibet pro superando altero diligentiam adhibuissent, nihil tamen proficere poterant, donec Elephas Regis *Pegu* indente læderetur, quem alter ipsi perfregerat, dolorē enim inde percipiens, quasi æstro percitus, magno impetu in alterū ferebatur, Rexq; in *Pegu* occasione hac obseruata, gladium in Regem *Avua* tanta fortitudine vibravit, vt percussus animam statim exhalaret. Concidebat autem simul Elephas Regis in *Pegu*. Rex igitur, in brachio altero nonnihil vulneratus, elephantem Regis in *Avua* modo trucidati conscendit, & victorem se palam ostendit.

Cum igitur copiae Regis in *Avua* viderent Regem & Dominum suum in prælio succubuisse, remittentes statim à pugna, sese in potestatem Regis *Pegu* tradiderunt, qui hilari eos vultu accipiens, ciuitatem *Avua* desolari, & omnes quotquot in ea reperirentur in captiuitatem abduci præcepit, inter quos quidem & Regina erat, quæ licet ægre casum hunc ferret, solabatur tamen sese eo, quod Regem *Pegu* fratrem suum sciret, & propterea conditionem tolerabiliorem aliquanto speraret. Sed nihilominus tamen ad perpetuam custodiam damnata, & postmodo in palatio quodam Regio splendide semper habita est. Quicunque fuga elapsi captiuitatem euitauerant, in syluis & desolatis postmodum locis inter feras bestias vitam agere coacti sunt, propterea, quod Rex patruī sui, trucidati nempe Regis in *Avua* thesaurum, quem magnum admodum habere dicebatur, exquirere & inuenire non potuerat.

Factum est hoc bellum sub initium Aprilis, eo ipso tempore, quo illis quidem in regionib. hyems & multiplices pluuiae ingruere solent. Emanfit autem Rex ad 14. vsq; Iulii, quo cum nemine id cogitāte domum rediret, & excubias nō eo quo perceperat modo constitutas inueniret, Principē filium suum ad se accersuit, causam negligentiae huius cogniturus, qui eum facile reconciliauit, significans ei, quod Imperatoris in *Silon* filius, cum quinquaginta elephantibus, octingentis equis, & multis militibus, absente Rege in veterem ciuitatem *Pegu* aduenisset, auxilium Regi contra hostem suum laturus, & quod ei quosdam adiunxisset, qui eum ad *Avua* vsq; comitarentur, cognouisset vero postmodum ex reuersis comitibus, eum ex ciuitate egressum, mutato consilio, domum iterum reuersum esse.

Interea adducebatur Elephas Regis in *Avua*, qui mortem sui domini ægrè admodum ferens, totum diem eiulando & lachrymando consumebat, & vix persuaderi poterat, vt vel parum cibi gustaret. Viderunt equidem mercatores nostri ipsimet eum lachrymantem. Et licet in locum elephantis Regii, qui in acie occubuerat, constitutos duos sibi astantes haberet ministros, qui eum consolarentur, & monerent, vt deposito tandem luctu ci-

bum caperet & lætaretur, quod longe potentio rem iam Dominum nactus fuisset, parum tamen proficere apud eum poterat, finem enim lachrymandi facere nolebat, & in signum luctus sui promuscidem semper in terram propendentem habebat. Tandem tamen cum 15. dies in luctu fuisset, appposito iterum cibo vesci cepit, quod Regem quidem non parum exhilarauit, qui dentes demortui sui Elephantis ad statuas idololatricas adhibuit, quarum quinque ex *Ganza* mirabili aspectu parari curauerat, sedebant enim cruribus in formam crucis dispositis, & nihilominus tamen tanta altitudine erant, quantum vix iactu lapidis assequi potuisses, digitis pedum viri alicuius staturam superantibus. Has statuas auro vndique obduci & in patentiloco ante arcem suam collocari iussit.

Cæterum bello hoc finito Rex in *Silon*, missa ad hunc Regem, cui subiectus erat, legatione, non parum se dolere significat, filii sui, quem in auxilium ei miserat nullam in *Pegu* rationem habitam, & à mancipio quasi exceptum esse, nolle igitur posthac ipsum superiorem & Dominum suum agnoscere. Rex itaque in *Pegu* Præfectum quendam cum parte exercitus oppugnatum Regem in *Silon* misit, qui cum non paucos in obsidione ab æstu nimio amisisset, videretque ciuitatem *Silon* ferè expugnatum impossibilem esse, obtinere quidem amplius nihil potuit, quam quod promitteret, se honorem quidem Regi in *Pegu* exhibiturum, pro Domino autem suo, & qui se maior esset, nequaquam eum habiturum. Non parcebat quidem Præfectus ullis laboribus, sed nihil tamen proficere poterat, ciuibus magna alacritate repugnantibus: ædificia enim eorum ex ligno constant, & cum mare hyberno tempore valde crescere soleat, supra modum eleuata sunt, scapham sibi adiunctam habentia, vt ex vna domo in aliam traicere possint, sed & lignis mobilibus quædam insunt, vt necessiatis tempore ex loco vno in alium transferri possint, & eiusmodi domibus, quas nauigia potius dixeris, vtuntur commercia exercentes mulieres maximè, quæ cum naues quædam adueniunt, illas quidem exonerari non sinunt, sed cum suis nauigiis statim aduectæ commercia emendo & vendendo exercent. Populus in *Silon* nobilis admodum est & fortis, albi coloris, qui potentiam Regis in *Pegu* nihil veretur, licet huius Regis in *Pegu* pater ciuitatem eam cum octingentis millibus armatis sibi subiugarit: nam omnis illa militum vis longe minor fuisset, quam vt ciuitas hæc expugnari potuisset, nisi per prodicionem in ciuitate aliqui portam alteram Regi aperuissent, tunc enim ea expugnata & multi Lusitani captiui abducti sunt, quos Rex tamen postmodo omnes iterum dimisit, aliter eos facere non posse affirmans, quæ à Rege in *Silon* iussi essent.

Ingens interea incendium in ciuitate *Pegu* ex domo quadam Lusitanica initium sumens, vi ventorum ita excitatum & inflatum est, vt quatuor mille plus minus ædificia, quemadmodum etiã sacella quædam idololatræ, in quibus supersticiosas conciones suas habere consueuerant, igne deformata perierint. Rex igitur, more solito, diligenter in eos inquiri curabat, à quibus incendium hoc exortum esset, cumque in nauarchi istius Lusitanici ædibus initium illud cepisse constaret, qui mercatores nostros in *Pegu* traduxerat, non exiguo in metu omnes erant, verentes fore vt igne simul omnes cremarentur. Sed Rex nihil seuerius in eos statuens, dixit, bonum istum virum studio quidem & data opera incendium hoc nequaquam excitasse, & propterea causæ se nihil inuenire, cur pœnam de eo seueriorem sumeret. Metum alioqui mercatoribus nostris etiam harioli cuiusdam consilium auxerat, qui non posse Regem ciuitatem *Silon* expugnare, nisi ciuita-

ciuitatem aliquam, quod & à parente eius olim factum fuerat, igne vastaret atque deleret. Sed persuaderi Rex, vt hoc faceret, nullo modo poterat, filio præsertim eius idipsum etiam dissuadente, qui singulari est humanitate, & bombardis, sclopisque maximè delectatur, cumque per plateam exire vult, ab aliquibus ministris in throno quodam Regio sedens gestatur, quod ipsum quidem etiam tres eius fratres minores in more habent, vt in sella vndique cooperta per plateas gestentur. Atque hæc de ciuitate *Pegu*, & aliis in ea memorabilibus, dicta sufficiant.

CAPVT XXXVIII.

De venationibus Elephantum in Pegu.

SOLET interdum Rex in *Pegu* venationes Elephantum instituere, quæ quidem visu omnium sunt iucundissimæ. Sunt autem carceres in ciuitate ad hunc vsum destinati, qui ex columnis ligneis tanto intervallo à se inuicem distantibus cōstant, vt homines quidem transmittant, beluæ autem istæ transitum inuenire nō possint. Cum igitur venationes instituere Rex cupit, dimittuntur fœmellæ quædam Elephantæ in syluam, quæ ad hanc rem assuefactæ sunt, & linguâ hominū istorum intelligunt. Antequam autem exeant fœmellæ istæ, peculiari quodam oleo partes obscenas inungunt, cuius odorem percipientes Elephantæ tanto amore erga fœmellas accenduntur, vt neglecta omni astantium multitudine, eas in ciuitatem & ipsos carceres sequantur. Cæterum ingressis illis adsunt statim, qui pessulum obiciant, & exitum ipsis præcludant. Hoc facto fœmellæ quidem stabula sua quælibet repetunt, quæ præter bestiam vnā non admittunt, & à venatoribus statim occluduntur. Remotis autem fœmellis tandem sentiunt Elephantæ se captiuos & libertate sua priuatos esse, moxque in furorem quasi versi, totis viribus sese liberare conantur, exhibentque astantibus spectaculum visu admodum iucundum, gement enim & lachrymantur, currentes ex vno loco in alium, & in homines magno cum impetu irruentes, donec cursu nimio defatigati sudorem toto corpore emittant, tunc enim promuscidem in terram insecrunt, tantamque aquarum copiam ex corpore suo prouocant, vt astantes omnes madefiant. Cum autem stabulis illos includere volunt, fœmellas iterum producant, quæ præcedentes eos ad stationem destinatam siue stabulum traducunt, quod quidem tam angustum est, vt præter bestiam vnā non admittat, itaque fœmella progrediens stabulo emittitur, ipse vero Elephas ad columnam alligatus ibi detinetur, donec mœrore & inedia confectus (cibum enim porumve aliquot diebus non admittit) cicuretur, quod quidem octo dierum spacio fieri solet, quo facto ministri ei adduntur, qui curam eius agant & ad bellum aliaque officia eos assuefaciant: magnus enim eorum in bellis vsus est, siquidem quatuor viri vni elephanti simul & semel insistere, & sese contra hostem, bombardis, lanceis, arcubus gladiisque tueri quam rectissimè possunt, cum non solum ingenti sint magnitudine & robore, sed & pellem habeant tam crassam, vt dispoſitioni scloporum præterquam iuxta tempora & oculos nequaquam cedat.

HABET Rex in Pegu naues aliquot auro vndiq; obductas, quibus nemo præter ipsum vehitur. Inter alias autem vna est, quam Regis huius pater in suum vsum parauerat, hæc in *Maccão*, loco quodam concluso, à militibus quibusdam custoditur. Similem enim in toto mundo non haberi dicunt; auro enim non solum intèrius sed exterius obducta est; sed & tam pulchra & artificio cælatura constat, vt sine magna admiratione eam intueri nemo possit. Eximia est lōgitudine, sed angustior quam pro ratione longitudinis esse debebat, habetq; remos ab vtraque parte centum & quinquaginta, auro ad inferiorem vsque partem, quæ vndis inhæret, obductos, quos remiges totidem tanta æqualitate ducunt, vt instar sagittæ alicuius auolare videatur. In medio huius naus domus est occlusa, & fenestris vndique conspicua, clauus vterque, vt naus ipsa, totus inauratus est.

In more autem positum habet Rex, vt domum ex itinere reuersus, sese palam videndum exhibeat: itaque cum ex bello, de quo supra dixi, reuerteretur, in loco publico sese sistens, proclamari curabat, vt qui se conuentum vellent, accederent & causam suam proponerent. Hoc facto accedens primo Princeps, Regis nimirum filius natu maximus, cum honorem ei exhibuisset, munera sua, quatuor Elephantes & res alias, obtulit. Hunc sequebatur *Brama* maior, offerens Elephantes duos. Veniebant post eum, quos ipsi *Bagio* nominant, hoc est Duces, Comites, Equites, Nobiles & Præfeti alii, offerentes singuli munera sua. Tandem & mercatores nostri cum Lusitanis aliis munera & honorem ei deferentes accedebant. Declarabat autem sese Rex admodum benignum, & munera illa sereno vultu accipiebat, nihil enim est quod ipsi magis placeat, quam subiectio & obedientia, quod aulici quidem eius non ignorant. Itaque cum media hyeme canalem forte quendam parari curaret, accederetq; subinde cum aulicis suis, visum quid operarii facerent, præcipui quique palas & ligones apprehendentes, neglecta pluuia operarios iuuabant, vt opus eo citius perficeretur, Regi officium gratissimum hoc modo facientes.

Populus alioqui ceremoniarum & legis suæ obseruantissimus est, & inter alia festa annua quinque admodum solemnia habet, quorum primum, *Sapan Giachie*, secundum *Sapan Catena*, tertium *Sapan Giainosegienon*, quartum *Sapan Daichè*, & postremum *Sapan Donon* vocant. Primum, nempe *Sapan Giachie*, itinere duodecim leucarum à ciuitate Pegu celebratur, quare vt Rex tempestiue satis eò pertingat, die Parasceues siue festum præcedente, iter ingreditur. Cumque festum iam celebrandum est, ipse quidem currum triumphalem, auro vndique obductum, & quatuor rotis insistentem, tegmine superimposito, conscendit, Reginamque suam pretiosissimè exornatam, à dextris sibi assidentem habet, ipse vero caput multis margaritis, inæstimabilis precii ornatus est, inter quas duo carbunculi, quorum quilibet duos dactylos magnitudine sua excedunt, ad aures vtrinque propendent, præterea linea pretiosissimarum gemmarum à dextro humero ad vmbilicum vsque demittitur, & inde sub alam siue axillam sinistram ascendit, tanto fulgore intuentium oculos perstringens, vt visum hebetare videatur, taceo iam annulos aureos, quos digitis suis gestat, carbunculis, adamantib. & smaragdis fulgentissimis conspicuos. Circum currum triumphalem gynæceum consistit, ex Regum aliorum, procerumq; filiabus collectum, quæ omnes

*Festum Sapan
Giachie.*

omnes flexis genibus, & complicatis manibus, Regem coniugemque eius honorant. Currus autem ipse octo generosissimis vnus coloris equis, auro & gemmis nitentibus, protrahitur, incedentibus iuxta eos Præfectis aliquot, qui funiculos manibus tenentes, equos sese in protrahendo curru iuuare simulant.

Cæterum ordo, quem Rex arce sua egressurus seruat, is est, principio Principis, filii nempe Regis natu maioris ministri aulici, tribus ordinibus distincti. Primo enim lancearii, secundo sclopetarii, & tertio qui gladios clypeosque gestant, incedunt, in medio agmine Elephantibus eius armati conspiciuntur, ipse vero omnes hos ordines equo præstantissimo insidens sequitur. His autem præmissis, nouum iam agmen intermedii filii, *Naidu* dicti, ministri inchoant, qui & ipse equo insidens incedit. Sequitur postmodo filius tertius *Naimor*, & post eum ministri Regis aulici, quatuor ordinibus distincti. Primo enim lancearii magno numero, postmodo sclopetarii, mox sagittarii, & tandem qui gladios clypeosque gestant, incedunt, mixtis hinc inde Elephantibus, eodem quo in bellum abeunt modo ornatis. Vbi totum hoc agmen præterit, sequuntur postmodo Duces belli cum Præfectis & aliis aulæ proceribus, post illos duo Elephantibus rubri, panno Artalico instrati, & quatuor Elephantibus albi, auro & gemmis pulcherrimè exornati procedunt, theca siue capsula quadam dentibus singulis imposita, quæ carbunculis tota referta est, unde non parum ipsis gratiæ & decoris, quemadmodum etiam ex umbraculo, quod solem à corporibus eorum prohibet, conciliatur. Interea currus triumphalis, cui Rex insidet, aduehitur, sequentibus præcipuis & primariis aulæ proceribus, qui omnes, quemadmodum etiam præcipuæ quædam ex gynæceo mulieres, equis generosissimis insident.

Alterum festum *Sapan Catena* in vrbe *Pegu* celebratur. Quilibet autem procerum, utpote Duces & Præfecti alii peculiare pyramides siue columnas parant, alia atque alia forma: nam ante festum hoc nemini columnam alterius videre permittitur, artificibus se in secretiorem quandam locum concludentibus, & ab aliorum dum in opere sunt conuersatione sese subducentibus. Adhibent autem crassas arundines Indicas, & adhibita cælatura varia, auro obductas curribus imponunt. Cumque Rex arce sua egressus est, protrahuntur à plus quam trecentis ministris, & coram Rege sistuntur, ut iudicium de singulis suum exponat, & laudem cuique suam attribuat. Postquam igitur Rex vnâquamque diligenter intuitus est, & artificiosissimam suâ laude ornauit, singulæ ad Dominum suum reuertuntur. Per totam autem noctem ingentes cerei in plateis hinc inde dispositi ardent, ne qui magnam illam statuam seu idolum inuisere expetunt, in tenebris fortè offendant, portæ enim ciuitatis nouæ per noctem istam non clauduntur, vetus vero ciuitas portas nullas habet, atque ita ad idolum istud liber omnibus accessus patet. Accedentes autem vacui non apparent, sed munusculum aliquod siue magnum siue paruum, prout fert fortuna cuiuscunque, afferunt.

Tertium festum *Sapan Giaimosegienon*, peculiare quoque idolum habet, coram quo Rex curru triumphali insidens, certo & definito tempore, eodem quo supra dixi ordine, aduectus comparet, alio tamen, quemadmodum & Regina & Principes filii eius, vestitu indutus.

Quartum *Sapan Daichè*, festum aquarum est, quod in veteri ciuitate loco quodam auro vndique exornato celebratur. Rex igitur curru suo aduectus, locum istum cum Regina & Principibus filiis suis ingreditur, sequitur aquarum

rosarum quemadmodum & procures aulicique alii omnes inspergunt. Extra enim locum hunc Regi destinatum, in patenti campo Duces belli, Praefectique & ministri alii longo ordine consistentes singuli vascula aqua rosarum repleta manibus tenent, seq; mutuis aspersioibus tam madidos reddunt, ut fluuio quasi egressi videantur. Pater quidem moderni Regis defunctus in more positum habuisse dicitur, ut, dum populus aqua se ita perfunderet, Elephantem ipse interea admodum formidabilem emitteret, qui multos furore quasi percitus prosterneret & trucidaret, unde ipse quidem ad risum; populus vero ad lachrymas & eiulatum commotus est. Diebus autem huic festo destinatis, nemo per plateas veteris nouaeque ciuitatis incedere potest, quin per fenestras (ita enim moris apud eos est) aqua perfundatur.

Sapan Donon.

Quinto festo, quod *Sapan Donon* vocant, Rex cum Regina nauem suam, auro pulcherrime exornatam ingressus, in ciuitatem *Meccao* cum tribus suis filiis, qui singuli peculiares naues habent, traiecit, comitantibus eos proceribus & aulicis omnibus, ita ut centum & amplius nauigia ibi congregentur. Portum autem assecuti in terram descendunt, domumque Regiam intus & exterius auro obductam, & pulcherrimo horto circumdatam ingrediuntur, ut prospicere de fenestris Regina cum Gynaeco suo possit. Nobiles enim proceresque inito certamine cum nauigiis suis ad domum istam Regiam velificationem instituunt, quique primus metam assequitur, praeter laudem & gloriam statua aurea potitur, quae in hunc finem ad metam exposita est, qui secundus metam attingit, statua argentea donatur, reliqui ludibrio habentur, & qui postremus omnium accedit linteum a Gynaeco ignominiae notam accipit. Nauigia autem singula duos tantum remos habent, itaque singuli summo studio ad metam contendunt, ut laudem inde reportet. Durat enim festum hoc mensem integrum, licet non singulis diebus, sed post alterum plerumque diem celebretur.

Ceterum quamuis plura alia festa a Rege subinde instituantur, haec tamen praecipua sunt, & certis per annum temporibus celebrantur. Solet interdum Rex idola quaedam curribus aliquot inauratis imponere, & locum aliquem, ad quem traducantur, constituere, eleemosynas inter eos, qui currus protraxerunt, quorum 300. saepenumero ad currum vnum numerantur, distributurus. Sed & per plateas aliqui incedere, & flores omnis generis in reti gestantes, & eleemosynam colligentes subinde cernuntur.

Porro in more positum habent, ut corpora eorum, qui *Talapoi* ipsis vocantur, semel in anno lauent, aquamque eam tam sanctam habeant, ut in potum eam assument. Rege aliquo demortuo naues duas cum tegmine aureo utrique naui conueniente, & eleuato in medio theatro aureo, parant, postmodo corpus defuncti Regis theatro imponunt, adhibitis fragrantissimis lignis moschoque & rebus aliis, theatrum accendunt, & fluctibus maris committunt, adhibitis in naui altera *Talapois* quibusdam, qui nauem comitentur, ipsi vero canendo tempus transigunt, donec in cinerem corpus redactum esse cognoscant. Tunc enim ex cinere hoc, affuso lacte, massam faciunt, eamque in faucibus portus *Sirian* aquae, per aestum maris recedenti, committunt, ossa vero residua ad locum alium traducunt, extructoque sacello quodam rotundo in terram sepeliunt. Hoc facto ad arcem regiam reuersi, Regis defuncti filium, adhibitis certis ritibus, Regem faciunt & in thronum defuncti patris collocant. Ossa quidem defuncti senioris Regis, qui moderni huius pater fuit, in *Dogon* sepulta sunt, qui verò ante ipsum fuerunt, eorum ossa ad illam, quae sibi quilibet paulo ante mortem

tem

rem elegerunt, loca translata sunt, quæ quidem omnia templo aliquo donata cernuntur, sed longè tamen à postremo hoc, quod *Dagon* vocatur, præstantia & splendore superantur.

Talapoi siue monachi & sacrificuli in *Pegu* per totam ciuitatem mendicantes incedunt, appensa olla ad cingulum, in quam cibum colligant, qui ipsis abundè communicatur. Habentur enim vulgo sanctissimi homines, utpote, qui singulis Lunæ diebus conciones habere, & legem horum populorum explicare solent. Illis enim diebus summo mane surgentes, per omnes ciuitatis plateas cum pelui incedunt, & pulsando populum excitant, ut cibum sibi parent & ad conciones accedant, quibus finitis canere incipiunt, & populum iterum dimittunt. Nihil autem in concionibus suis præter particulam aliquam secundæ Tabulæ tractant, monentes populum ne furentur, ne occidant, ne scortentur, & ne iniuria aliquem afficiant. Omnes enim in ea sunt sententia, eos, qui neminem lædunt, proximumq; suum beneficiis afficiunt, cuiuscunq; sint religionis, ad locum beatitudinis post mortem suam peruenire, itaq; si fortè aliqui ad Christianam religionem accedentes baptismum admittant, egrè id nequaquam ferunt. Tamen si vero elato animo sint, licet aliis longe inferiores existant, mansueti tamen sunt, benefici & liberales, quod illi maxime experiuntur, qui peregrinantes, vnde viuant nihil habeant, illis enim victum abunde suppeditant, quemadmodum etiam *Talapoi* siue monachi ipsorum, tam apud Regem, quam apud populum alium, in magna exultatione habentur.

Ædificia sua hi *Talapoi* in syluis habent admodum à terra eleuata, ut tuti à tigribus esse possint, semel tantum in die cibum capiunt, tunica oblonga mixti ex rubro & nigro coloris vtuntur, pedibus autem nudis & aperto capite incedunt, crines nec in barba nec in vlla corporis parte alentes; tunicam cingulo coreaceo quatuor digitos lato colligunt, & stolam ex dextro humero ad latus sinistrum demittunt. Pro auertendo solis æstu umbraculum gestant ex gossypio eiusdem cum vestitu coloris factum. Vitam autem pudicam agunt, & honestatem in incessu eximiam præferunt. Mortuo ex ipsis aliquo, festum per aliquot dies agitur multis ei assistentibus, & corpus eius tandem, Sandalii & Paradisi, aliisque odoriferis lignis adhibitis, magna cum solemnitate comburentibus, quo facto cineres quidem in aquam proiciunt, ossa vero reliqua in terra iuxta ædificium eius sepeliunt.

In morbo vel calamitatibus aliis constitutus votum Diabolo facit, ne plus miseriarum sibi immittatur. Quemadmodum enim Deum causam omnis boni; sic vice versa Diabolum malorum omnium auctorem statuunt. Itaque votum aliquod fecerunt: magnò cum apparatu aram quasi quãdam admodum eleuatam extruunt, mappam insternunt, & variis floribus exornant, apponentes simul cibos omnis generis, quibus saturatus Diabolus, cesset imposterum eos affligere. Quin & instrumenta musicalia & cantiunculas varias pro oblectando Diabolo adhibent. Virum enim quendam huic solemnitati & festiuitati præfectum habent, quem Diaboli patrem vocant. Is, quæ ad festum hoc necessaria sunt, comportat, & musicam, qua Diabolum maximè delectari nouit, adhibet. *Talapoi* quidè siue monachi ipsorum pro abrogando hoc festo admodum laborant, & conciones suas contra illud subinde dirigunt; sed nihil apud populum proficere & obtinere valentes, vel inuiti illud tolerare coguntur. Quin & aliqui reperiuntur, qui quamprimùm cubitu surgunt, sportam oryza & cibus aliis repletam arripientes, & tædas ardentes manibus gestantes hinc inde per plateas currant, & Diabolo sese alimentum afferre apertè profiteantur, ut per diem istum tuti ab iniuriis eius

esse possint, addentes & hoc, si canes fortè sese sequi cernant, Diabolum eos instigare & cogere, ut cibos istos colligant & suo nomine deuorent. Reperias etiam aliquos, qui cibum non capiant, nisi primum totum post tergum abiectum Diabolo obtulerint. Ditissimi quique in terra *Tavaé*, quæ & ipsa ad Regnum *Pegu* pertinens huic Regi subiecta est, tres menses quotannis in pagis habitant, domosque suas omni alimentorum genere repletas Dæmonibus interea habitandas relinquunt, idque eam, uti dicunt, ob causam, ut reliquis nouem mensibus. eò benigniores eos experiantur, & tyrannidem eorum metuere non cogantur.

In vniuerso hoc regno nihil præter oryzam crescit, gallinis autem, capris, anatis, anseribus, columbis, & suibus, regio admodum abundans est, sed columbas peregrinis haud facile vendunt, cum delicatissimus ipsorum cibus sint, quo ipsi libentissimè vescuntur. Vespertilionibus loca omnia repleta sunt, & multum damni hominibus ab illis inferitur. Cæterum incolæ pisciculos quosdam minutos magna copia in massam contundere, & soli postmodum exponere solent, ut cōputrescant & fœtorē contrahant. Hanc massam ad oryzam & cibos alios loco butyri vel olei adhibent, & licet fœtore suo vel demortui canis cadauer superet, tanti tamen faciunt, ut vel Rex ipsemet omnibus eam deliciis præferat, & cibos hac massa non conditos repudiet. Gallos habent collo & cruribus tam crassis, ut similes nusquam reperiantur. Mulieres in cibum eos parare volentes collo ipsorum insident, ut suffocentur & nihil sanguinis amittant. Sed & aliud gallinarum genus habent, quod *Lorine* vocant, magnitudine turtures non excedunt, sed pulchritudine sua omnes aues reliquas longè superant. Inter edendum autem foliis vtuntur, hederam nostram referentibus, quæ *Betel* vocant, & viua calce aspersa in cibum assument.

Ementes & vendentes verbū nullum faciunt, sed datis inuicem manibus, cum linteolo quodam, quid factū opus sit intelligūt. A *Mascaratis* siue laruatis hominibus admodum sibi metuent, itaque cum mercatorum nostrorum famulus quidam alligato in pectore & in tergo puluinarī tunicam oblōgam siue cucullum indueret, atque ita larvatus in publicum procederet, tantum ipsis metum & timorem incussit, ut etiam fortissimi quique equis insidentes fugam arriperent.

Cæterum populus hic Sodomiticis olim peccatis & libidinibus totus deditus fuit, hoc vero Regina quædam tali ratione correxit. Mandatum promulgauit, quo omnes masculi excauatos aureos vel argenteos globulos, put cuiusque ferret conditio, inter carnem & cutem virgæ insertos gestarent, capitis pœna secus facientibus imperata. Cum autem dolorē quisque metueret, rationem, qua huic mādato satisfacerent, talē excogitarunt. Adolescentes, cum eam affecuti sunt ætatē, ut mulieres iam appetāt, ad impudicas mulieres ducunt, iubentque quamcunque velint eligere, ut expleuerunt autem libidinē, poculum eis soporiferū præbent, & profundissimo eos somno immergunt. Cæterū dormientibus cultello cutē penis vndique à carne liberant, insertoque ab utraque parte globulo, vnguentum siue emplastrū efficacissimum adhibēt, ut paucis diebus cicatricem ducere & coalescere iterum possit. Hoc factū virgæ in viris intumescebant, ut inutiles omnino ad Sodomiam redderentur, & pueri dolorem metuentes virum nullum imposterum admitterent. Cæterum nullas omnino in hoc regno virgines reperire licet. Puellæ enim omnes statim à puericia sua medicamentum quoddam vsurpant, quo muliebria distenduntur, & aperta continentur, idque propter globulos, quos in virgis viri gestant: illis enim admittendis virgines arctiores nullo modo suffice-

sufficerent. Vt autem ad amorem mulierum viri eò magis inuitarentur, cōstituit Regina illa, vt brachiis totoq; pectore ad vmbilicum vsq; nudæ mulieres incederēt, & præter femorale siue linteum tenuissimum nihil induerent, quo partes pudendæ ita quidem tegerentur, vt ventus eas leuissimus omnium exponere oculis posset, & hoc quidem habitu etiamnum vtuntur. Pueri cæruleo colore ab humeris ad crura vsque se inficiunt, qui nullis quidem lotionibus cedit, sed & cutem tam deformem reddit, vt horrorem incuriat viris potius, quam ad libidinem eos inuitet. Id enim hoc sine faciunt, vt illicitum virorum amorem euitare commodius, & tuti esse à sollicitationibus eorum possint.

Vtraq; ciuitas crebris subiecta est incendiis, vix enim septimana transire potest, qua non incendium aliquod ibi exoriat, unde singulis dieb. per præconem Rex proclamari curat, vt ignis quilibet diligentem in ædibus suis curam agat. Cum autem frumentum præter oryzam ibi non habeant, placentis ex oryza pistis loco panis vti, tam Lusitani quam Christiani alii coguntur, loco autem vini potum ex *Anippa* arbore paratum adhibent, qui sapore quidem bono est, sed nō omnibus conducit. Inter equitandum materiam aliquam in ore cōtinent, unde buccæ eorum intumescant, & dentes habent nigro colore infectos. Vxorem ducere expetens, eam præsentī pecunia à parentibus vel cognatis eius redimere cogitur, vbi vero satietas eius eum cepit, remittere eam quolibet tēpore ad parentes eius potest, retentis tamen liberis quos ex ea suscepit. Sed & parētes cognatīq; vxoris eam repetere à viro possunt, sed pecuniam tamen prius refundere, quam pro ea acceperant, coguntur. Si quem sine liberis & heredibus decedere moriq; contingat, bona eius omnia ad Regem transeunt, quod si vero liberos habeat, inter ipsos quidem duæ tertiæ bonorum paternorum partes distribuuntur, reliquum vero Regi cedit.

Merces quas quis in ciuitatem *Pegu* transportare maximo cum lucro potest, sunt panni, qui ad Sanctum Thomam in *Mesilapatan*, *Bengala*, & *Aufion* parantur, quemadmodum etiam piper, cinnamum, nuces myristicæ, Sandalum & Paradisi lignum: nam præstantissimi zingiberis magnā ibi copia est. Ex *Pegu* nullæ merces maiori cum lucro *Bengalam* versus transportari possunt, quam argentum: plumbum enim stannum & chalybem eo transehere non licet propter inimicitiam, quæ Regi cum ciuitate ista intercedit, *Malaccam* vero versus oryza plerunq; aduehitur. Lusitani equidem in regno *Pegu* chari & accepti sunt, Rexq; illis bene admodum cupit, licet defuncto eius patri odio fuerint. Incolæ vero huius regni si forte pecunia opus habeant, non solū bona sua, sed & vxores liberosq; oppignorare creditorib. solent, sed si forte creditor vxori vel filiæ debitoris vitiū aliq. offerat, & debitor id resciscat, pignus suum repetere potest nulla solutione præstita. Creditor enim tunc debitum omne amittit, nec quicquam amplius exigere à debitore potest. Numerantes aliquid, sequentibus vtuntur vocibus: *Moi, ba, pi, pon, masun, trao, dapo, daciā, dacin, ciio*, qui sunt numeri cardinales vsque ad decem. Pro viginti dicunt *Bacin*, pro triginta, *Picin*, pro quadraginta *ponciu*, pro quinquaginta *Masunciu*, pro sexaginta *traociu*, pro septuaginta, *dapociu*, pro octuaginta *daciāmciu*, pro nonaginta *dacinciu*, pro centum *Colon*, pro mille *gnia*, & pro decem millibus *sunim*. Plura hic de moribus populorum in *Pegu* annotare non libet.

CAPVT XL.

De ponderibus & mensuris ciuitatis & regni Pegu.



OMNES merces, quæ sub commercia ciuitatis & totius regni *Pegu* veniunt, eadem balance, qua & monetæ libruntur & ponderantur, vocatur autem pondus, quo vtuntur, *Biza*, estque vnum & idem cum *Ganza*, & valet *Biza* quodlibet centum *Ticcali*. Sed & pondere minore alio vtuntur, quod tantum $1\frac{1}{2}$. *Ticcali* valet, quæ faciunt vnum *Abocco*. Duo *Abocchi* faciunt vnum *Agito*, duo *Agiti* dimidium *Biza*, & quatuor *Agiti* integrum *Biza* faciunt. Quodlibet autem *Biza* Venetiis, duas libras & quinque vncias, grauioris ponderis, vel tres libras cum vncis nouem, ponderis minoris constituit, nec vllum præterea pondus aliud in toto regno *Pegu* nouerunt.

CAPVT XLI.

De itinere ex Pegu versus Martaban.



CONFECTIS rebus omnibus in *Pegu*, mercatores nocte 5. Ianuarii die, Anno 1586. *Delengo* siue currum conscendentes, iter versus *Martaban* terra ingressi sunt. Sub vesperam ad vicum quendam peruenientes, per noctem illam cum multis aliis, qui simul aduenerant, sub arundinetis quiescebant, non parum sibi à tigribus & feris bestiis aliis metuētes, & propterea bombardas & sclopetas manibus perpetuo tenentes. Postero die continuato itinere ad vicum alium multis hominibus habitatum, vbi exhibitis salui conductus literis, vltius progrediendi licentiam impetrare peregrinatores coguntur, peruenerunt. Cum autem fluuium ibi traicere eos oporteret, & istantæ profunditatis tunc non esset, vt nauem admitteret, expectandū paulisper ipsis erat, donec aqua ex æstu maris iterum accresceret. Postquam igitur traiecissent, & postmodo montem aliquem excelsum superassent, in pago ad radices montis pernoctarunt. Sequenti die fluuium alium traicere cogebantur priori non dissimilem, cumque pagum in ripa fluminis inuenirent, & iam syluam admodum magnam præ se haberent, quiescendum in pago isto per noctem censebant. Vt dies autem illuxit iterum, syluam illam ingressi sunt, quæ tam horrida & prolixa est, vt tribus diebus eam transire & superare vix possent. Erant autem in sylua ista structuræ passim à terra non nihil eleuatæ, in quibus à tigribus & latronibus etiam tuti pernoctare poterant: has enim structuras in exilium à Rege missi, siue ob facinora & delicta enormia proscripti, sibi parauerant, quorum multi in sylua ista tum reperiiebantur. Tandem igitur sylua hac superata, in pulchrum & apertum campum delati sunt, cui insistentes, iter ad duodecimum vsque Ianuarii diem protraxerunt, quo ciuitatem *Martaban* accesserunt.

CAPVT XLII.

Descriptio ciuitatis Martaban, & de moribus populorum in Regno Dacin.

CIVITAS Martaban anteriori sua parte austrum respicit, extenditurque secundum longitudinem suam Orientem & Occidentem versus. Pertinet ad filium Regis, natu maiorem, Principem nempe *Manparagia*, qui prouentus omnes ibi percipit, & per Praefectum siue Vicarium suum colligi curat. Est autem ciuitas pulchra & admodum populosa. Quamuis enim per pestem, quæ paulo ante quam mercatores nostri aduenerant, grassari cessauerat, ferè tertia pars ciuitatis sublata & extincta diceretur, ita tamen omnes plateæ adhuc hominibus abundabant, vt iacturam nullam fecisse videretur. Portum habet nauibus nunquam vacuum. Itaque cum mercatores nostri aduenirent, septem ibi naues depræhendebant, quarum duæ sandalii, Paradisique ligno, nucibus item myristicis, & caryophyllis onustæ, ex *Malacca* aduenerant. Cognoscebant autem mercatores nostri ex nautis aliisq; qui in nauibus istis erant, quod, si quando Rex in *Dagin* amore puellæ cuiusdam accendatur, parentem eius compellere & interrogare soleat, nunquid eam sibi in vxorem dare velit? Eo enim consentiente reliquos puellæ cognatos nihil moratur. Raro autem, dicebant, reperiri aliquem, qui filiã suam Regi permittat, propterea quod Rex sumptus nullos faciat, & pater filiam suam, etiam si Regi nupserit, nutrire tamen & sustentare semper cogatur, itaq; ei etiam Rex, si alteri cuidam nubat, parum succensere deprehenditur.

Reperiuntur in quibusdam locis regni *Dacin* homines Anthropophagi, qui humana carne vescuntur, & *Batacchi* nominantur. Liberi eorum vbi parentes suos senio confectos vident, eos mactare, & in cibum parare solent, inuitantes conuiuas aliquot & suauiter de parentibus suis epulantes. Rex si quando de scelerato quodam supplicium sumere vult, conuocatis aliquot ex hisce populis, condemnatum donat, qui præsentem Rege eum occisum, capite, manibusque & pedibus truncant, & adhibito salis piperisque paululo, carne eius cruda vescuntur. Rex istius loci vocatur Rex ab *Assi*, qui locus est piperis admodum abundans, estque magnæ potentiae, qui breui tempore classem multarum trirerum nauiumque comparare & in bellum extruere potest. Iuratus autem hostis est Lusitanorum, & ciuitati eorum *Malacca* semper insidiatur. Moris in hoc regno est, vt si forte filius patrem suum delinquere videat, eum vita priuare possit; sed rationem tamen Regi postmodum reddere cogitur, qui si causam eum sufficientem habuisse animaduertat, filium absoluit, & heredem paternorum bonorum pronunciat. Idem & in filium pater iuris habet. Est in *Bengala* fluuius nomine *Cange*, & in eo locus, quem *Gongasagie*, hoc est, fauces maris nominant, multis piscibus, quos canes marinos dicunt, abundans. His piscibus homines, qui miseriarum huius vitæ pertæsi Paradisum quamprimum ingredi desiderant, se ipsos deuorandos obiciunt, persuasum sibi omnino habentes, fore vt anima eiusmodi à beluis marinis deuoratorum hominum rectà in Paradisum commigret.

*De ponderibus, mensuris, nummis & vectigalibus in Malacca
usitatis.*



Domnes merces, quæ in *Malacca* venduntur, pondus adhibetur, quod ipsi *Baro* vocant. Estque notandum non vniusmodi illud, sed pro mercium varietate varium & multiplex esse. Per *Baro* illud, quod vendendis caryophyllis adhibetur, tria *Cantaro*, duo *Rubbi*, & decem *Rutoli* intelliguntur. *Cantaro* autem quodlibet, sunt 4. *Rubbi*. Vnum *Rubbi* sunt 32. *Rutoli*, atque ita *Cantaro* quodlibet sunt 128. *Rutoli*, vnde apparet quod *Baro* vnum caryophyllorum in *Malacca* faciat 687. libras minores Venetas. Sed & aliud genus ponderis in hac ciuitate habent, quod *Marco* vocant, estque æquale *Marco* illi, quo in *Goa* vtuntur, continens dimidium *Rutolo* & octo vncias, seu nouem vncias minores Venetas, atque hoc genere, qui corallia & id genus alias res preciosiores vendunt, vtuntur.

Mensuræ in *Pegu* similes sunt illis in *Goa*, nempe *Covodi* & *Vare*, illas ad res preciosiores, has ad viliores adhibent.

Nummos habent pro ratione *Sacchi* & *Fardi*, & discrimine mercium varios. Minimi qui in vsu apud illos sunt, ex stanno constant, forma rotunda, in altera facie duas sagittas & quinque vulnera, in altera vero insignia Lusitanica referentes, vocantur *Dannari*, & decem huiusmodi nummi constituunt vnum *Cazza*, quod duos *Pagadin* cum dimidio continet, *Pagadini* autem 70. vix quatuor cruciatis faciunt. *Cazza* itidem moneta est ex stanno cusa, sed paulo maior quam *Danari*, licet eundem cum illis typum habeat. Duo autem *Cazza* faciunt vnum *Calain*, quæ itidem stannea moneta est, eiusdem cum præcedentibus typi, valetque quinque *Pagadin* cum quinque octauis. Quadringenta *Calain* faciunt vnum *Tangha*, quamquam in hac ciuitate quidem *Tangha* non cuditur, sed ad numerandum saltem adhibetur, valetq; 18. solidos Venetos. Hæc igitur monetæ *Danari*, *Cazza*, *Calain* & *Tangha*, omnes ex stanno constant. Præter illas autem etiam argenteam monetam habent, similem illi, quæ in *Goa* vocatur *Serassini*. Hæc in altera quidam facie duas literas, nempe S.T. quæ Sanctæ Trinitatis nomen denotant, in altera vero insignia Lusitanica exhibet, vocatur *Pataccône*, valetque sex *Tangha* monetæ melioris, quæ Venetiis faciunt 5. libras, & 12. solidos, apud nos florenum vnum & octo cruciatis, Lusitanis 360. *Reis*, quæ 6. *Tangha* constituunt. Sed & moneta aurea vtuntur, quæ paulo minor est quam *Zechin*, & non ita pridem inuenta, tempore nimirum eo, quo *Don Francesco di Costa* cum imperio ibi fuit. In vna quidem facie diadema cum duabus sagittis diuariatim positis, in altera vero insignia Lusitanica exhibet, vocaturq; *Crociatto*, & valet 6. *Tangha* monetæ melioris, quemadmodum moneta illa præcedens argentea. *Larini* noui valent duo *Crociatto*, quæ faciunt 12. *Tangha* monetæ melioris, idque tam in *Goa*, quam in *Malacca*, si autem ad monetam Venetam eos conseras, *Larini* eiusmodi 25. solidos valent. Hi *Larini* in *Balsara* & *Ormuz* cuduntur, eiusdem sunt per totam Indiam valoris, nec quicquam ex illis lucri quis percipere potest, quemadmodum etiam Reales, quos ipsi *Pardao di Reales* vocant, eorum enim valor vbique idem est, 7. nimirum *Tangha*, melioris monetæ, qui nec augetur nec minuitur.

Quod attinet ad vectigal huius ciuitatis, tam de exceptis, quam de expensis dextans siue decem de centenis soluntur. Qui autem merces aliquot ex vrbe alio traducit, intra annum quidem vectigalis nomine nihil debet,

bet, finito autem tempore isto dextantem præstare, quemadmodum etiam mercatotes exteri & peregrini alii, tenetur. Pondera, quibus in ponderandis metcibus vtuntur, *Fuslo* vocant, suntque alia ferrea, alia ænea, alia lignea, quemadmodum etiam balances siue trutinæ omnes ex asserum segmentis constant.

C A P V T XLIV.

De itinere ex Martaban versus Cocchi.

REVVS in *Martaban* confectis, 10. Februarii die Anno 1586. naue mercatores nostri iterum ingressi sunt, quæ pridie eius diei ad discessum sese parauerat. Soluentes autem inde, cum quatuor dies nauigassent, appulerunt 14. ad vicum quendam *Cadaperpain*, quod caput marinarum faucium sonat, ibi enim maris initium cernitur, estque locus propter saxa & latentes scopulos admodum periculosus. Postero igitur die mare ingressi, quod lingua Lusitanica *Mare di Serpe*, hoc est, mare serpentum vocatur, cum ad 25. huius nauigassent, ad Insulam *Carnalcubar* appulerunt, feris admodum hominibus habitata, qui humanis maxime carnibus delectantur, & propterea aduentantibus peregrinis hominibus insidias semper struunt, ex vna Insula ad aliam traicientes, & subinde ex insulanis aliquos capientes & secum abducentes, ab illis tamē, qui in hac Insula prognati sunt, abstinentes. Vescuntur quidem etiam piscibus quorum magna ibi copia est. Tori autem nudi incedunt, & nec religionem nec legem vllam nouerūt. Ceterum cum naus illa multum aquæ hauisset, & vento etiam ipsi contrario vterentur, non exiguo in periculo naufragii erant, itaque nauarchus cessante paululum vento in aquam descendens, infra nauem serpendo, rimam quærebat, per quam aqua in nauem irrumperet, inuentamque massā quadam ex pice & calce factā obturabat, reliquis aquam ex naui haurientibus & periculo sese ita liberantibus.

Vento postmodum conuenienti exorto progrediebantur, licet ventorum iniuria fluctus subinde maximi excitarentur, à quibus non parum periculi pertimescendum erat, præsertim cum naus illa, præterquam quod rebus necessariis parum instructa erat, mirum in modum iam etiam deformata esset. Tandem cum 17. dies ab Insula *Carnalcubar*, à ciuitate *Martaban* vero 22. consumpsissent, ad Insulam *Seilan* delati sunt. Iam igitur 1. Martii die iuxta illam nauigantes in littore sese continebant, non ausi nimirum aperto mari sese committere, ne versus Insulam *Maldauan* locum periculosissimum abriperentur. Superato autem hoc periculo, & angulo Sancti Galli in *Seilan* post tergum reiecto, aperto sese mari commiserunt, ne præfidiariis nauibus, ad propugnaculum *Columbo* pertinentibus, præda fierent. Directo igitur versus *Comerin*, locum à captura margaritarum celebrem, cursu, sub vesperam profunditatem explorantes, 18. eam orgyarum depræhenderūt. Rati itaque non abesse se à *Comerin* iam longius, sequenti statim die templum conspexerunt à nobili quadam fœmina non ita pridem extructum, quæ votum pro filio à Christianorum Deo obtinendo fecerat, cuius cum compos facta esset, se cum viro & vniuersa familia sua baptizari curauerat, templo hoc pro Paulinorum ordine excitato.

Cæterum 4. Martii ad *Comerin* aduecti, cum non procul à propugnaculo *Coilan*, quod Lusitanos dominos agnoscit, abessent, constituebant quidem ibi appellere, verum cum ventum sibi fauere cernerent, totum adhuc diem noctemque nauigando consumentes, sequenti die ad portum *Cocchi* delati, anchoras

anchors duas ex ligno, quod eiusdem est cum ferro ponderis, & à Lusitanis *Pao di ferro*, hoc est, lignum ferreum vocatur, constantes, proiciebant. Ceterum naues ibi quidem multas inueniebant, nulla autem erat, qua mercatores nostri in *Ormuz* reuerterentur, itaque cum 39. dies in itinere ex *Martaban* adhuc usque portum in perpetuo piratarum, qui *Salaniporchasi* dicuntur, periculo fuissent, cogebantur bona sua in *Cocchi* transportare, & septem menses ibi, donec occasio in *Ormuz* nauigandi sese ipsis offerret, subsistere.

Interea dum mercatores nostri in hac ciuitate haerent, accidit, ut duo Reges ethnici, Rex nempe de *Cocchi*, & Rex de *Paruta* ibi aduenirent, pacem & confederationem cum Paulinis monachis facturi. Non progrediebantur quidem monachi Regibus istis obuiam, sed in vestibulo templi sui eos expectantes duo puluinaria ex holoserico parata certis locis, ubi Reges isti sederent, disposuerant. Venientes igitur ad monasterium, excipiebantur ab Antonio, monasterii Rectore, & aliis quibusdam, quorum templum Rex de *Paruta* igne accensum nuper deleuerat. Promittebat autem ipsis, se nouum templum, nouumque monasterium extructurum, idque non quidem quale antea habuissent, sed ex lapidibus utque viderent, serio sese haec dicere, tradebat eorum potestati omnes, qui auctores istius incendii & subuersionis fuissent, quos monachi quidem non exigua pecuniae summa mulctabant. Faciebat autem haec omnia Rex, ne monachi de vindicta cogitantes rem eo perducerent, ut ipse regno suo priuaretur: nam Lusitanorum quidem potentiam iam ante expertus erat, nec ignorabat multos ex subditis suis Christianorum religionem amplexos & baptizatos esse, quos à partibus monachorum futuros non dubitaret: pendebant namque ab ore Iesuitae cuiusdam, qui ex Genua oriundus, regionem istam armatus pererrabat, & multos quotidie ab impietate Ethnica ad Christianam religionem conuertebat, qui eum quocumque sese verteret sequebantur. Venerat paulo ante quam mercatores nostri ad portum in *Cocchi* appellerent, naus quaedam ex *China*, retulerantque qui in ea fuerant, Regem eius loci, Iesuitam quendam ex *Neapoli* accersitum, in Chinesiorum lingua erudiri curasse, quae lingua quidem 60000. literas habet, & propterea omnium difficilima est. Iesuitam igitur illum, cum linguam didicisset, fidem Christianorum praedicare coepisse, & ingentem hominum multitudinem conuertisse, iamque propter moderatam suam vitam, potestatem accepisse Christianam doctrinam per vniuersum regnum istud propagandi, ut spes sit, Regem cum vniuersa sua familia Christianorum sese numero breui aggregaturum.

Lusitani quidem in *Cocchi* propugnaculum praeter domum quandam aqua vndique cinctam habent, ad quam non nisi per pontem accessus patet. Haec domus Regis permissu non ita pridem artificiosè admodum extructa, & tormentis illis, quae in littore maris olim cernebatur, munita est, ut propugnaculi cuiusdam vicem supplere facile possit. Sunt autem in ciuitate hac sacerdotes qui *Bramini* ipsis dicuntur, hi potestatem habent conuersandi cum omnibus mulieribus virginibusque & eas cognoscendi, ne Regina quidem & filiae eius exceptis, quae causa est, quod Regi defuncto filius succedere in regno non possit, sed ex sorore Regis natus in locum eius surrogetur. Subditorum in *Cocchi* aliqui *Nairi* dicuntur, suntque nobiles, alii *Pulia*, suntque vulgares & plebei. Hi nobilibus in via cedunt, & honorem tantum deferunt, ut indignos sese putent, qui eos praetereant. Si vero accadat, ut plebeius aduentem nobilem non videat, inclamatur ab illo, & via cedere iubetur. Incedunt autem *Nairi* nudo corpore, pudendis solum partibus occultatis, manu altera euaginantur

tum gladium, altera clypeum gestantes, quidam rotundo pileolo caput tegunt, plerique vero capillos mirificè exornatos ostentant. Rex in *Cocchi* pileum ex holoserico rubro more Lusitanico factum gestat.

Non procul à *Cocchi* versus *Calocutum* fluuius quidam est, quem *Panani* vocant, piratis quibusdam, qui *Malauari* dicuntur, admodum infestus. Hi magno numero naues inter *Comerin* & *Cambagia* insultantes, Lusitanis mercatoribus haud parum damni superioribus annis intulerunt, sed pace postmodum inter Lusitanos & *Calocutum* facta, permissum Lusitanis est propugnaculū aliquod ad ostium fluminis excitare, vnde tribus piratarū & prædonū generibus, nempe *Malauaris*, *Sangiseris*, & *Sanganis* cum maximo ipsorum detrimento hodiè resistunt. Cinnamo & Cassia omnes syluæ abundant, permissumque cuilibet est, afferre & colligere quantum velit, dummodo illis, penes quos custodia linguarum est, munusculum aliquod offerant. Arbores alioqui habent parandis nauibus admodum cōuenientes: lignum enim earum tam firmum est, vt vix clauis ferreis cedat, eosque progressu temporis penitus consumat.

C A P V T XLV.

De itinere ex Cocchi versus ciuitatem Ormus.

DI E octauo Octobris, Anni 1586. nauem Præfeti in *Cocchi* ingressi, quæ magna ex parte Cassia aliisq; aromatibus onerata erat, carbasa austro commiserunt. Quinque autem diebus *Chianul* affecuti, cum nec in *Goa*, nec alibi in terram descendissent, 19. dieb. ibi cōmorati sunt, mercibus quibusdam distrahendis operam dantes. Postmodo iterum inde soluentes, septem dierum spatio ad *Diu* applicarunt, vbi cum noctem diemq; dimidium conuehendis aquis traduxissent, constituerūt iter suum *Ormus* versus dirigere, sed vento contrario, versus *Insegiada Segiet*, periculosissimum locum reiecti, tantis exponebantur periculis, vt naufragium singulis momentis metuerent. Proiectis igitur anchoris, expectandum ibi censebant, donec venti & tempestates nonnihil remitterent. Cæterum cum duodecim diebus ab anchoris hærentes, magna potabilis aquæ inopia laborare iam inciperent, propterea quod 500. fere personæ in nauilla numerarentur, tempestate nōnihil remittente, ventus commodior exortus est. Progressi igitur iterum, post dies quinque, terram tractus Persici, à piratis, qui *Nutechi* dicuntur, & Lusitanorum iurati hostes sunt, habitatam, conspexerunt. Quare licet aquam haurire & dolia sua implere iterum adniterentur, non poterant tamen illud propter congregatam in littore armatorum multitudinem perficere. Postero tamen die aliquibus cum scapha ablegatis, ex torrente quodam vasculum vnum atque alterum aqua impleuerunt, moxque iterum soluentes inter varia pericula progressi sunt, donec tandem 24. Decembris die, qui Parasceues natalis Christi erat, ad *Ormus* feliciter appellerent, vbi postmodum ad 11. vsq; Iulii sequentis anni ipsi commorandum fuit.

Cæterum, cum prima vice Indiam petentes ad *Ormus* venissent, vectigalis nomine præter dextantem, hoc est, decem de centenis, nihil persoluerunt, quod Lusitanis similes haberentur, iam autem reuersi legem inueniunt, qua qui nō prognati Lusitani, sed vel Itali, vel Galli, vel Æthiopes, vel Ethnici, vel Armenii, vel Iudæi essent, præter dextantem illum, adhuc *Caida*, hoc est, quadrantem, siue tria de centenis præstare vectigalis nomine cogerentur. Franciscus quidē Mascareni Comes *di Villa d'Orta*, vrbis eo tempore Præfectus, quemadmodum & *Consalve di Minaxi* Capitaneus, non pa-

rum pro abrogando hoc nouo uectigali, & vt Itali Lusitanis similes haberentur, laborabāt. Et licet literis suis à Præfecto vrbs in *Goa* id facillè obtinerent, attamen cum lex illa à quatuor iudicibus in *Goa*, quorum decreta Præfectus infirmare non potest, lata & confirmata esset, frustra omnia suscipiebantur, nec poterant mercatores nostri noui huius uectigalis onere subleuari, sed cogebantur præter dextrantem adhuc quadrantem, atq; ita 13. de centenis persolvere, telonariis præsertim & publicanis, quadrantem hunc non pro Portugalliæ, sed pro Æthiopum de *Ormus* Rege colligi, dicentibus.

Interea cum adhuc in *Ormus* essent, aduenit 11. Iunii die Anno 1587. classis ex *Goa*, quinque *Caleonis*, quatuor triremibus & 30. præsidariis nauibus aliis constans, quæ sub Præfecto Martino Alphonso di Mel, ad fauces in *Mecca* petere constituerat. Protrahebant autè ad littus secum nauem quandam, quæ in itinere ex *Cocchi* Portugalliam versus suscepto, vi ventorum & procellarum versus Insulam S. Laurentii proiecta deerrauerat, & malum amiserat. Nomen huic naui *Saluator* erat, homines vero in ea existentes, periculo hoc coacti, tantum bonorum in mare abiecerant, vt iactura ista trecentorum millium ducatorum æstimaretur, afferebant tamen nihilominus adhuc secum, quater vel quinquies mille *Cantara* piperis, quingenta *Cantara* cassiæ, centum *Cantara* zingiberis, ducenta *Cantara* nucum myristicarū, & ingentis precii bona alia, quæ omnia classis huius beneficio conseruata fuerant. Dicebatur autè nauis quædā alia *Giaga* nomine multis bonis onerata in portu *Cocchi* submersa periisse, hominibus tamen aliorum opera conseruatis. Sed & nauis alia, qua Principes Giappanici uehebantur, vi ventorum in *Misambich* delata, nauem quandam in arena & breuiis harentem liberauisse, & in Lusitaniam peruenisse dicebatur, cum vulgo, vnà cum Principibus, Regis nempe in *Giappan* filius, & multis variorum ordinum monachis periisse putaretur.

Cæterum persoluto in *Ormus* uectigali, nauem quādam mercatores nostri conducebant, qua dum classis illa ex *Goa* in mari adhuc esset, & iter ipsis à piratis tutum præstaret, *Balsaram* versus nauigarent. Accidit autem decimo, postquam ex *Ormus* egressi essent, die, vt ventorum fluctuumq; uehementia ad Insulam quandam abrepti, tantis periculis exponerentur, vt aliter iudicare non possent, quam factō naufragio, vitam & bona omnia sese amissuros. Erat enim locus ille scopulorum in aqua abditorum multitudine admodum formidabilis, itaq; proiecta statim anchora, alter alterum iuuabant, vt nauem à terra iterum dimouerent, quo factō ventus iterum aspirauit secundior, cuius beneficio Insulam *Cargi* assecuti, hauriendis aquis diem vnum atque alterum impendebant, tametsi non sine magno prædonum eius loci, qui *Naichilo* & *Abbuseri* dicuntur, periculo, vnde iterum progressi *Balsaram* tandem, cum 22. dies in itinere fuissent, peruenierunt.

CAPVT XLVI.

De itinere ex Balsara in flumine Tigri ad Babyloniam vsque.

MERCATORES nostri, cum in *Balsara* per dies duodecim commorati uectigal & tributum omne persoluissent, itineri sese iterum commiserunt, quia autem multas habebant naues socias. Capitaneum quēdam siue generalem Præfectum eligendum censebant, quem populi isti sua lingua *Caravanbassi* vocant, eratq; vir prudens, & locorum istorum admodum peritus, vt vbi prædones & piratæ sese continerent, eum non lateret. Cum autem ad *Corno* propugnaculum appu-

appulissent, persoluto vectigali, quod erant pro singulis nauibus duo *Saie*, literas sibi dari petebant, quibus præstitisse quod debuerant perhiberentur, easque vbiunque postmodum tributum & vectigal soluendum erat, subsignari curabant. Nam in *Zazchie* soluendi ipsi erant de qualibet nauī 5. *Saie* & 2. *Maedini*, de adiuncta autem scapha vel cymba septem *Maedini*. In *Chert* persona quælibet octo Venetos pro se, pro nauī autem qualibet 4. *Saie* & 2. *Maedinos*, pro scapha vero adiuncta 17. *Maedinos* præstare cogitur. In *Mura* pro fasciculis mercatoris singulis tres *Saie*, & pro scapha adiuncta 22. *Maedini* soluuntur. In *Giedido* vero pro singulis nauibus mercatores quidem, ad quos bona pertinent, 9. Patronus vero nauis octo *Saie* numerare vectigalis nomine coguntur. Singulis autem in locis apocham mercatores & nautæ petebant, qua sibi satisfactum esse publicani & teloniorum curatores testabantur, hanc enim exhibere non valentes vectigal, quod hoc vel illo soluerunt loco, denuo persolvere coguntur.

Cæterum iter hoc ex *Balsara*, Babyloniam vsque 38. dierum spatio trāsegerunt, mille interim ob prædones, piratas & latentes sub aquis scopulos, expositi periculis, quibus tandem exantlatis 23. Nouembr. die Anno 1587. Babyloniam affecuti sunt. Donabant autem *Sinani Bassa*, qui *Cicale* Siciliæ Præfecti filius erat, & à Sultano Turcico ciuitatis præfecturam obtinuerat, auem quandam, cui nomen erat *Hori*. Genus enim hoc auium ob colorum multiplicium varietatem admodum delectabile, sermones hominum more psittacorum facile imitatur, originem ducit ex *Malucche*, & in Indiam primo, postea vero ad loca alia transfertur. Cum igitur naues omnes, more hoc loco vñtato, in ordinem redegressissent, alteramque post alteram disposuissent, veniebant *Temagagi*, & post illos *Bassæ* illius *Cacagia* atque *Destardar*, curabantque alteram post alteram exonerari, vt vectigal debitum acciperent, & à nemine defraudarentur, quod dum fieret, 20. dies elapsi sunt.

C A P V T XLVII.

De varietate temporum, quam obseruare reditum ex India parantes coguntur, quæ quidem varietas ipsis Monsonne vocatur.



IN *Goa* præcipua Orientalis Indiæ ciuitate hyems initium suum 11. Maii, cum multa pluuiarum & imbrum frequentia sumit, ad 1. vsque Augusti durans, quo quidem tempore omnis cessat nauigatio, propterea quod multum arenæ sabulique ex *Ogatte* monte ab imbribus in portum colligatur & ita acumuletur, vt omnes gradus in portu, exitum nempe nullum, propter ventorum ab occasu spirantium vehementiam, quibus maris accessus prohibetur, & impeditur, inueniens obruat. Ita igitur portus hic conclusus per hyemem cernitur, vt ne minimam quidem admittere nauiculam possit. Post primum autem Augusti cessantibus ventis, pluuiisq; remittentibus, mare suo accessu transitum parat, cumulosq; illos perrumpens abducit, vt circa 24. huius mensis diem portum iterum apertum & arena sabuloque omni liberatum cernas. Tunc igitur instaurata iterum nauigatione, naues septentrionem versus excurrere, & *Chianul*, *Diu*, *Cambagia*, *Bengala*, *Daman*, *Bassaino*, locaque alia petere, & nauigationem per omne reliquum tempus, vsque ad 11. Maii sequentis anni, continuare cernuntur.

Q. 2

Quot.

Quotquot igitur iam ex latere septentrionali *Goam* petere naues volunt, soluentes ex suis locis circiter octauum Ianuarii, sub finem Februarii ad portum in *Goa* appellunt. Ex Diu 15. Ianuarii soluentes, per fretum *Meccha* versus proficiscuntur, & sub finem Augusti reuertuntur, quod primum quidem Monsonne est. Qui vero à 25. Augusti, ad 1. Septembris vsque per fretum illud nauigationem suscipiunt, intra 1. & 15. Maii domum reuertuntur. Ex *Seccutra* nauigationem in *Ormus* suscipientes, circiter 10. Augusti inde soluunt, quamuis Insula hæc nauigiis non ita multis frequentetur. Sub 5. Septembris *Æthiopes* incipiunt *Goam* versus terra iter facere, idque ex variis locis, nempe ex *Ballagatte*, *Bezenegar*, *Hidalcan*, & aliis, omnes intra decimum & decimum quintum Nouembr. inde iterum discedentes. Septentrionis autem voce iter ex *Goa* versus *Chiaul*, *Diu*, *Bengala*, *Daman*, *Bassain*, *Gassain* & loca alia vsque ad oras *Meccha* intelligitur, voce austri venit iter ex *Goa* versus *Cocchi*, & loca alia ad *Camorin* vsque susceptum.

Caterum primum *Monsonne* ex *Goa* versus *Ormus* nauigandi, à primo Octobris ad finem eius durat, quo tempore quidem naues ex *Goa* soluentes, secundo vento ex Oriente per latus Persicum transeunt. *Monsonne* ex *Goa* versus *Ormus* nauigandi alterum, 20. Ianuarii incipit, quo tempore naues quidem soluentes, eodem quo dictum est tramite decurrunt, nominaturq; hoc tempus à Lusitanis & Indianis *Antre* & *Monsonne*. Tertium *Monsonne* ex *Goa* versus *Ormus* nauigandi, integro Martio durat, quo naues quidem ex *Goa* soluentes, cum vento, quem nos Eurum, ipsi *Leste* vocant, *Seccutram* versus proficiscuntur, inde cum vento contrario *Loeste* siue Aquilone, iuxta oras Arabia, ad fretum in *Ormus* progredientes, quod quidem *Monsonne* siue tempus, omnium periculosissimum & difficilimum est, cum duæ distinctæ nauigationes eo perficiendæ sint, secundum vero *Monsonne* siue tempus omnium est optimum & commodissimum.

Primum *Monsonne* ex *Ormus* versus *Chiaul* & in Indiam nauigandi, per Septembrem, ab initio nempe eius vsque ad finem durat, quo tempore naues ex *Ormus* soluentes, vento Septentrionali vtuntur. Alterum *Monsonne* ex *Ormus*, versus *Chiaul*, *Goam*, & totam Indiam nauigandi, à 25. Decembris ad eius finem durat, quo tempore plerunque ventum septentrionalem naues experiuntur. Tertium ex *Ormus* versus *Chiaul* & *Goam* nauigandi tempus, à 15. Aprilis vsque ad finem eius durat, Zephyrum & Circium inducens. Naues autem hoc *Monsonne* in freto *Monсандon*, iuxta oras Arabia, vsque ad *Rossalgatte* proficiscuntur, postmodo mari sese committentes, cum Euro in *Chiaul* & *Goam*, pertingunt. Quod si naues quædam, quæ ex *Ormus* in Indiam nauigare constituunt, 15. April. diem prætermittant & negligant, ante hyemem quidem, propter ingentem ex Oriente ventorum atque procellarum vim, qua naues vel subuertuntur, vel ad Insulam *Seccutram* propelluntur, ad oras India pertingere non possunt, sed si forte itineri sese commiserint, in freto ad *Meccham* hybernare coguntur. Naues quæ ex *Ormus* cursum suum *Sindi* versus dirigunt, intra 15. & vltimum Aprilis diem nauigationem inire coguntur, hoc enim primum ipsorum est *Monsonne*. Alterum à 15. Octobr. ad finem eius durat. Qui vero ex *Ormus* per fretum maris rubri nauigationem instituere volunt, in Ianuario vt iter ingrediuntur, necesse est.

Hactenus quo tempore naues ex *Goa* per Septentrionem nauigationem instituere soleant, explicatum est, restat vt, quo tempore per meridiem ex *Goa* soluentes nauigationem instituant, similiter annotemus. Intra primum autem & decimum quintum Augusti diem, naues ex *Goa* versus *Seilan*, *Cocchi* & *Calicut*

& *Calicutum* excurrere solent, ad quæ quidem loca per totum antium nauibus pertingere quis ex *Goa* potest, hyeme tamen excepta, quæ à 15. Maii ad 10. vsque Augusti diem navigationes nullas admittit, subinde igitur naues ad *Goam* applicant, sed hyberno tempore nullam aduentare videris, optimum autem tempus *Goam* versus nauigandi illud est, quod nos Nouembrem, Decembrem & Ianuarium dicimus.


Primum *Monsonne* ex *Goa* in *Pegu* nauigandi, à quinto ad vigesimum Aprilis durat, quo quidem tempore naues ex *Goa* soluentes cursum suum versus *S. Thomæ* ciuitatem dirigunt, vbi cum ad 12. vsque Septembris, per hyemem nempe substiterunt, reliquum postmodo iter absoluunt. Alterum *Monsonne* pro illis, qui ex *Goa* in *Pegu* traicere volunt, cum octauo Augusti initium sumens, ad vigesimum quartum eius mensis durat. Eo enim tempore ex *Goa* soluentes naues recta versus *Pegu* & *Martaban* nauigationem dirigunt. Quod si quis ultra 24. huius mensis diem in *Goa* commoretur, eo quidem anno ad ciuitatem *Pegu* peruenire non potest, propterea quod *Monsonne* aliud toto anno non habeant, vbi notandum, quod qui lucri aliquid facere in *Pegu* expetit, operam dare debeat, vt nummos ex Sancti Thomæ ciuitate, vt sunt Regales, *Pataconi* ex argento in *Malacca* cusi, & *Larini*, & pannos omnis generis ad Sanctum Thomam paratos, eò transuehat. Reliquarum enim mercium, quemadmodum etiam argenti, auri & carbunculorum, magna satis in *Pegu* copia reperitur. A decimo quinto, ad finem vsque Ianuarii, naues ex *Pegu* soluentes, versus *Cocchi* ciuitatem nauigationem suscipiunt, vt naues Lusitanicas ibi offendat, quæ circa hoc tempus eo appellere, & inde *Goam* petere consueuerunt, idque à 25. Martii per totum Aprilem. Nam quæ naues ante decimum Maii diem, ad *Cocchi* vel *Goa* non applicant, loca illa postmodo contingere non possunt, & quæ eo quidem tempore Indiæ oras nondum superarunt, magno cum periculo & detrimento redire ad *S. Thomæ* ciuitatem coguntur.


Primum *Monsonne* ex *Goa* versus *Malaccam* à decimo quinto ad finem vsque Septembris durat. Eo enim tempore soluentes ex *Goa* naues sub finem Octobris ad *Malaccam* applicant. *Monsonne* alterum quinto Maii in *Goa* initium capit, & ad decimum quintum vsque Iunii in *Malacca* durat. Primum autem *Monsonne* ex *Malacca* versus *Goam* initium sumit 10. Februarii, quo naues ex *Malacca* versus *Cocchi* & *Goam* nauigationem instituere solent, & per totum Martium extenditur. Quod si vero ad decimum vsque Maii naues in *Malacca* cessent, *Goam* quidem assequi non possunt, quin imò nisi ad *Cocchi* interea temporis peruenerint, redire *Malaccam* vi ventorum hybernorum coguntur. Naues omnes, quæ ex *Goa* & *Cocchi* nauigationem *Chinam* versus instituere volunt, iter suum in Aprili ingrediuntur, & ex *Goa* quidem circa 15. Maii ibi appellant. Quæ autem tempus illud negligunt, *Chinam* postmodum assequi non possunt, sed magna cum difficultate, cum neque ad portum in *Cocchi* appellere possint, *Malaccam* re infecta redire coguntur. Naues ex *Malacca* nauigationem *Goam* versus instituentes, intra decimum & decimum quintum Maii, mari se committunt, si enim tempus hoc negligant, iter suum absoluere eo anno non possunt.

Naues, quæ ex Lusitania in Indiam nauigare quotannis solent, intra octauum & decimum quintum Martii ex portu suo soluentes, mense Iulio ad oras *Malindi* & *Mosambicchi* perueniunt, vt circa decimum quintum Septembris, ad *Goam* appellere possint. Quæ enim tempus illud negligunt,

navigationem frustra suscipiunt: nam nisi ad oras *Malindi* in Iulio pertingant, in Indiam quidem eo anno pervenire non possunt, sed ad *S. Helenæ* Insulam redire coguntur, dummodo etiam eam inuenire possint: exigua enim admodum est, & in medio mari sita, facileque fieri potest, ut, nocturno præsertim tempore, naues eam prætereant, & ex conspectu suo amittant, quo facto ad oras *Chinea* cursum suum dirigere coguntur. Caterum naues Lusitanicæ, domum redituræ, à decimo quinto Ianuarii usque ad eius finem ex *Cocchi* soluere coguntur, ut portum Insulæ ad *S. Helenam*, medium nempe itineris sui, assequantur. Insula hæc exigua quidem est, ut dixi, sed rebus omnibus, quæ ad sustentationem pertinent, supra modum referta. Cum ante paucos annos forte fortuna inueniretur, & ab inuentoribus suis *S. Helenæ* nomen obtineret, Portugalliæ Rex ea de re edoctus tempore eam donavit, illudque *S. Helenæ* sacrum esse voluit, duobus Eremitis monachis eo translatis, qui sacra ibi peragerent. Apparet autem ex multis circumstantiis, eam singulari providentia Dei inuentam esse, omnes enim naues, ubi ad eam peruenerint, inopia potabilis aquæ & aliarum necessariorum rerum laborare deprehenduntur, cui quidem ibi certissimum paratum est remedium. Cum non solum aqua dulci, sed & volucris, pecoribus, fructibusque variis Insula ita abundet, ut prospicere sibi nautæ de rebus necessariis satis superque possint. Atque hæc quidem de hac materia, & tota navigatione dicta in præsentia sufficiant.

F I N I S





ICONES,

Hoc est:

VERÆ VARIORVM
POPVLORVM ET REGVM,
CEREMONIARVM ITEM, SVPERSTITIO-
SORVM RITVVM ET RERVM ALIARVM, HOC
TOMO SEPTIMO commemoratarum, effigies
& imagines,

QVIBVS TAM

Georgii Spilbergii, quam Caspari Balbii
nauigationes illustrantur.

Studio & opera

IOANNIS-THEODORI, ET IOANNIS-ISRAELIS
DE BRY, FRATRVM, IN ÆS PVLCHERRIME
INCISÆ.



FRANCOFORTI,

In Officina Typographica WOLFGANGI RICHTERI.

M. DC. VI.

1605

1605

VERE VARIORVM
POTIORVM ET REGVM
CIRCA ANNUM 1605
SALVATI ET ALII
TOMI OCTIDECIMI

1605

Georgii Philippi
1605

1605

1605



RPJCB

1605

1605

DELINEATIO CIVITATIS VERE, IN SELANDIA
sitæ, vna cum tribus nauibus ad nauigationem
primam destinatis.



Habes hic, Lector, expressam imaginem ciuitatis VERE, qua portus est siue statio nauium in Selandia, sub Principis Mauritiij iurisdictione & potestate sita, qui Marchionem sese eius profitetur. Apposuimus autem etiam effigiem trium nauium, qua ad hanc nauigationem destinata fuerunt à Simone Parduino, ciuitatis Mittelburgensis consule seniore, Balthasaro Moucherone, & Petro ab Hecken mercatoribus, tanquam principalibus huius nauigationis autoribus, sub Navarcho siue Admirali quodam Georgio à Spielberg, cuius crebra per historiam facta est mentio. Nomina vero nauium fuerunt Ouis, Aries, & Agnus.


RECEIVED
JAN 10 1964
U.S. DEPARTMENT OF AGRICULTURE
WASHINGTON, D.C.

RF JCB

DELINEATIO EORVM, QVÆ NAVARCHO IN
Porto Dale & Refrisco acciderunt.



NAVARCHVS cum ad Capo Verita venisset, Celocem ingressus navigationem ad Porto Dale suscepit, vbi cum tres Lusitanicas naues, quas Carauelle vocant, inuenisset, Lusitanique tormentis eum à littore arcerent, coactus est defensionem sui suscipere. Impetu ergo in vnam harum nauium facto, Num. 1. tanto cum ea feruore pugnare coepit, vt reliquæ duæ Lusitanicæ naues auxilio ei venirent, quo viso Nauarchus fuga sibi consulendum censuit. Cum autem non procul à Refrisco abesset, & Celocem ad naues alias premisisset, Num. 2. Æthiopes quidam cum Canois aliquot, Num. 3. in eum insultantes, vestibus spoliarunt, ita vt nudatus vestibus, & vtraque in super manu vulneratus ad naues suas redierit, quas in Porto Dale postmodum adducens, cum vnicam saltem nauem ibi inueniret, Num. 5. eam nullo labore superauit.



DELINEATIO SINVS ILLIVS, QVEM HOLLANDI
mensalem, sua lingua *Taffel Baje*, nominarunt.



EXpressimus hic sinum illum, quem Hollandi mensalem, sua lingua *Taffel Baje*, nominarunt, idq; à monte quodam excelsò, qui ad decem leucas in mari cernitur, & in cacumine tabulam siue mensam aliquam quadratam refert. Situs hic sinus est sub 34. gradu & 4. scrupulis, 15. ferè miliaribus septentrionem versus à Capite bonæ spei. Ne quid autem quis ab eo aberret, loca quadam certis numeris consignata adicere volumus, Num. 1. est ipse sinus mensalis, Num. 2. est mons mensalis, Num. 3. Insulam Elisabethæ, Num. 4. Insulam Corneliam, Num. 5. Caput bonæ spei denotant. Num. 6. ostendit homines huius loci incolas, qui loquentes sonum instar gallinarum Indicarum emittunt. Locus alioqui multis ceruis & capreis abundat.

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON

RFJCS

IV.
DELINEATIO EORVM, QVÆ GALLIS QVIBVS-
dam in regione Annabon acciderunt.




UM Galli quidam ad regionem Annabon nauibus suis delati, vi-
derent in littore sacrificulum quendam Missæ sacrificium peragen-
tem, ex singulari zelo religionis, vt sacris interessent, in terram de-
scenderunt. Videntes autem hoc ipsum Lusitani, vndique confluen-
tes, partem trucidarunt, reliquis in captiuitatem abductis, qui ly-
trum persolvere & sese magna pecunia redimere coacti sunt, etiam si
eiusdem cum Lusitanis religionis essent. Numeros adiectos sic intellige. Num. 1. Sacer-
dotem coram Altari. 2. Gallos. 3. Lusitanos. 4. & 5. Schaphas Gallorum. 6. 7. Na-
ues eorum. 8. Canoas incolarum eius loci. 9. 10. 11. & c. Rates quibus inter piscan-
dum incolæ vtuntur. 15. Arborem quæ Bonannas, fructum nempe Cucumeres re-
presentantem fert, & folia tantæ magnitudinis habet, vt virum aliquem cooperire
possint. 16. Arborem Gossypii. 17. Arborem mala aurea ferentem, denotant.

THE UNIVERSITY OF CHICAGO
LIBRARY

AP. 10

ICON CIVITATIS MATECALO, VNA CVM
aliis circumstantiis.



Civitas Matecalo haec est, regia sedes in Celon, ubi à Rege potentissimo, Dermuts landagare nomine, Hollandi splendide accepti sunt, quemadmodum illud numeris adiectis hic expressum est, Num. 1. Regem in vestibulo arcis suae constitutum, & strictum gladium manu tenentem. 2. Admiralem Spilbergium, honorem Regi exhibentem. 3. Tubicines, & instrumenta muscialia alia percutientes. 4. Arcem regiam. 5. Monasterium aliquod. 6. Elephantes, varios ludos praeberentes. 7. Satellites regios, Admiralem ad Regem ducentes. 8. Venationem ferarum, denotant.

THE UNIVERSITY OF CHICAGO

LIBRARY

MPJCB

VI.
DELINEATIO CIVITATIS VINTANE,
in Celon sita.



CIVITAS Vintane ad fluvium Trinquamale sita est, ad Regem in Candus, qui precipuus in Celon Rex est, pertinens. Curat in hac ciuitate Rex in Candy naues suas parari, ut ex Num. 1. 2. 3. patet. Est in Ciuitate hac Pagode siue templum ingentis magnitudinis, ita vt circumferentia eius 130. passus complectatur, Num. 4. indicatum. Incola sunt admodum superstitiosi, & crebras processiones instituunt, Monachi ipsorum vestitu flauo vtuntur, & capite raso incedunt, praenisi multis instrumentis musicalibus, Abbas ipsorum Elephanti insidet, auro & argento pulcherrime ornatus, sceptrumque in manu gerens, vt ex Num. 5. Videre est. Num. 6. Monachos, Abbatem praecedentes & sequentes; Num. 7. tibicines & choragos; Num. vero 8. Monasterium Monachorum denotant.

RPJCE

VII.

DELINEATIO EORVM, QVÆ NAVARCHO SPILBERGIO, dum ad *Matecalo* hæreret, acciderunt.



DVM Nauarchus Spilbergius cum nauibus suis ad Matecalo subsisteret, accidit, ut è longinquo nauem aliquam videret, ablegata igitur cum 14. classiariis Scapha sua, naui ista, quæ triremis erat 46. viris instructa, potitus est. Paulo post alia naui Champaigne, & iterum alia potitus est, quæ omnia numeris certis hic expressa oculis tuis subiiciuntur. Num. 1. Naues ad Matecalo hærentes. 2. Fluvium ad Matecalo. 3. Nauem Admiralis Spilbergii. 4. Celocem siue agnum. 5. Scapham Admiralis, quæ in expugnandis illis tribus nauibus usus est. 6. Pugnam cum triremi Lusitana. 7. Expugnationem secunda naui Champaigne. 8. Fugam Lusitanorum cum Scaphis suis, denotant.

VIII. DELI-

NPJCB

DELINEATIO REGIÆ CIVITATIS CANDY,
& eorum, quæ Admirali ibi acciderunt.



Andy ciuitas est in Regno Celon, metropolis potentissimi Regis Fimala Darma Suriada, alias Don Ioan de Austria dicti. In ea Admiralis quidem splendide admodum à Rege exceptus est, quemadmodum ex adiectis numeris apparet. Num. 1. lecticam, qua Admiralis gestatur. 2. Triremem, qua fluvium traiciunt. 3. Accessum eius ad Regem, & quomodo ab eo acceptus sit. 4. Satellites Regis, omnis generis ludos Admirali exhibentes. 5. 6. Portas duas, per quas ad diuersorium suum Admiralis ducebatur. 7. Diuersorium Admiralis. 8. Palatium seu Arcem Regiam. 9. Aulam Regis interiorem, 10. 11. Tempia duo in arce constituta. 12. Canalem, quo aqua pluuia ex monte in stagnum quoddam deriuatur. 13. Domum regiam, in stagno, ubi multas gemmas colligunt, excitatam. 14. Modeliarem seu Capitaneum Regis. 15. & 16. Ciuem aliquem cum uxore sua. 17. Mancipium siue seruum ex iis, quib. aures plerumq. dissecantur, ut præ aliis cognosci possint. 18. & 19. Tentoria, ubi primores urbis interdum ab aestu solis tuti quiescere solent, denotant.






NPJCB

TABVLA COSMOGRAPHICA, REGIONIS SIVE
Insulæ Celon delineationem exhibens.


Insula Celon in India Orientali sita in circuitu suo 360.
leucas continet, & multis Regibus habitatur, quorum
potentissimus est Rex in Candy, qui iugum Lusitani-
cum excussit, ceteris omnibus sub tributo Lusitanorum
adhuc constitutis, qui in propugnaculo Columbo sese
maxima ex parte continent, & totam inde Insulam, hoc solum regno ex-
cepto, sibi subiectam reddiderunt. Cassia plurimum in hac Insula crescit,
quamuis & piperis & multarum gemmarum ferax sit. Est in parte se-
ptentrionali ciuitatis Candy piscina quedam, margaritarum ferax, sed
& auro & argento, ferroq; & metallis aliis abundat. At vero Rex in
Candy non patitur ea inquirere, ne thesauros ex Regno suo amittat. Ho-
mines admodum superstitiosi & idololatri sunt, unde in
omnibus fere angulis statua quedam humanam
partim, partim aliorum monstrorum
formam referentes cernun-
tur.



PPJCS

TABVLA COSMOGRAPHICA, REGIONIS SIVE
Insulæ Celon delineationem exhibens.

Insula Celon in India Orientali sita in circuitu suo 360.
leucas continet, & multis Regibus habitatur, quorum
potentissimus est Rex in Candy, qui iugum Lusitani-
cum excussit, ceteris omnibus sub tributo Lusitanorum
adhuc constitutis, qui in propugnaculo Columbo sese
maxima ex parte continent, & totam inde Insulam, hoc solum regno ex-
cepto, sibi subiectam reddiderunt. Cassia plurimum in hac Insula crescit,
quamvis & piperis & multarum gemmarum ferax sit. Est in parte se-
ptentrionali ciuitatis Candy piscina quadam, margaritarum ferax, sed
& auro & argento, ferroq; & metallis aliis abundat. At vero Rex in
Candy non patitur ea inquirere, ne thesauros ex Regno suo amittat. Ho-
mines admodum superstitiosi & idololatrici sunt, unde in
omnibus fere angulis statua quadam humanam
partim, partim aliorum monstrorum
formam referentes cernun-
tur.





RPJCB

X.
REGIS IN CANDY ET ADMIRALIS
effigies.



VER A hac est effigies & imago potentissimi Regis, qui Fimala Dermafuriada, alio vero nomine, quod, cum in iuventute sua à Lusitanis in propugnaculo Columbo baptizaretur, obtinuit, Don Ioan de Austria vocatur. Rex hic illustri familia natus, bellis ab ineunte atate operam dedit, & in Goa aliquanto tempore vixit. Cum Admirale familiarissimè conuersatus est, & omnem ei beneuolentiam exhibuit, ut ex historia prolixè patet.

THE HISTORY OF THE
CITY OF LONDON
FROM THE FOUNDATION
TO THE PRESENT TIME

RPJCB

INSIGNIA ET SIGILLA REGVM IN CELON.,
vnde Idololatria eorum patet.



HI duo annuli insignia Regum in Celon exhibent. Adie-
cimus vero etiam idololatrici cultus Regis in Matecalo
delineationem. Nam in regno isto idolum habent, ea
quam hic expressimus forma preditum. Coram eo in ge-
nua procidunt, cuiuscunque sexus, atatis aut dignitatis
sint, sapientiamque, diuitias, bonam valetudinem, & o-
mnia ad vitam necessaria ab eo expetunt, vnde quantis in
tenebris miseri isti homines etiamnum ver-
sentur, facile apparet.

THE HISTORY OF THE
CITY OF LONDON

RPJCR

NAVIS QVÆDAM LVSITANICA AB ANGLIS
& Hollandis expugnatur.



Auem hanc ad sancti Thoma ciuitatem pertinentem, Angli & Hollandi, 14. Octob. Anno 1602. deuictis Lusitanis, in freto Malaccæ expugnarunt. Numerabantur autem in ea 600. plus minus utriusque sexus homines. Eratq; navis ipsa 1400. onerū capax, multis Indicarum mercium opibus onerata, quas cum inde ad suas naues Angli Hollandique traduxissent, restitutam iterum Lusitanis nauem cum omni populo dimiserunt. Numeros quos adiecimus sic intellige. 1. Admiralem Anglum, Gems Lancester nomine; 2. Admiralem Hollandum, Georgium à Spielberg nomine; 3. Viceadmiralem Anglum, Midelthon nomine; 4. Nauem Selandicam, Agnum nomine; 5. Celocem Anglicam, 6. vero Admiralis Spielbergii Scapham denotant.

STATE OF CALIFORNIA
COUNTY OF SAN FRANCISCO

RPJCS

SEQVVTVR IAM ICONES AD AL- TERAM HVIVS OPERIS NAVIGATIO- nem pertinentes.

XIII.

QVA RATIONE POPVLI AD EUPHRATEM HABI-
tantes agros suos humectare soleant.



POPVLI ad Euphratem, maxime vero in tractu Caraguol habitan-
tes, cum per totam æstatem pluuiam non experiantur, mirabili quadam
ratione agros suos humectare solent. Rotam enim molendini in medio flu-
mine constituunt, eiꝫ circumquaque vtres ex pellibus Tigrium consu-
tos appēdunt. Hi, dum rota mouetur, aquam hauriunt & in vas aliquod
appositum effundunt, unde per Canales hinc inde dispositos ea in vicinos agros deri-
uatur. Rotam vero istam boues circumagunt, vt ex cap. 4. historie patet. Caterum
13. cap. mirabilis artificii literas ab vno loco in alium transferendi fit mentio. Mercato-
res enim in Babylonia & Balsara columbas in obscuris locis nutriunt, quas hi quidem
ex Babylonia, illi vero ex Balsara sibi afferri, ita vt lumen diei nō aspiciāt curant. Quan-
do igitur quid accidit, quod socios suos scire volunt, literas pedibus columbarum alli-
gant, atq; ita à se dimittunt, quæ tam diu volant, donec ad pristinum hospitium vel co-
lumbarium perueniant, itaq; mercatores illis comprehensis, literas statim inueniunt, &
quæ scire expetunt, nullo negotio cognoscunt.

XIV. FES-

RPJCS

FESTVM POENITENTIÆ APVD POPVLOS, QVI
Amocchi & Chiaui dicuntur.



MORIS est apud illos, qui in Casta habitant, ut, cum maritus aliquis moritur, mortuum illum in foueam collocet, cruribus brachiisque in formam crucis dispositis, postmodo uxorem ex opposito eius eodem modo disponunt, & viuam cum marito suo sepeliunt. Apud illos autem, qui Amocchi dicuntur, festum peculiare in usu est: cum enim reperitur aliquis, qui Pagodi siue idolo, quod populi isti colunt, votum aliquod fecit, vel in necessitate constitutus auxilium ab eo impetrare expetit, ad locum idolo sacrum sese confert, vbi ingens arbor quædam instar mali alicuius in nauis cum antenna in terram defossa est, ab antenna autem illa siue ligno transuerso, retinacula duo ferrea dependent. Sacerdotes igitur idololatæ, post admonitionem ad poenitentiam, retinacula illa dimittunt, apprehensumque poenitentiarium in utroque humero ad Pagodo siue idolum attrahunt, vbi dependens ita à retinaculis ferreis ter idolum salutare, pectus suum percutere, & alia peragere cogitur, donec iterum remittatur, ut in cap. 34. prolixius annotatum est.

1712

XV.
RATIO HOMINES EX VNO LOCO IN
alium gestandi.



HAC ratione Peguani utuntur, si quando aliquem ex vno loco in alium gestare volunt. Linteum enim habent ex Gossypio varii coloris paratum, cui in extremitatibus ferramenta adherent, quodq; tegmine siue umbella pro arcendo solis aestu & pluuia etiam ab hominibus deriuanda instructum est. Hanc lecticulam ipsi Delingo vocant; gestatur vero à duobus baiulis, duarum hastarum quibus adheret beneficio, & qui ea utitur, quasi dormiens recumbit, reclinato in puluinari capite, ut commotionem nullam sentiat.

Adiecimus hic etiam delineationem nauis, qua Dominus de Casmi uti solet, quae multis remis instructa est, qui trahuntur ad sonum siue clangorem tubarum aliquot, Domino in eleuata quadam sella sedente, & ministros suos in minoribus nauigiis secum habente. Expressimus etiam effigiem nauis mercatoriae, duplici fundo, & tabulato praeterea alio, ubi mercatores sedeant, constantis.

247
M. J. O'NEILL, Y. 24, 1000000, 1000000

RPJLB



XVI.
MAGNIFICENTIAE REGIS IN PEGU, ET QVO-
modo ille pro tribunali sedeat, delineatio.



REx in Pegu splendidam admodum & magnificam vitam agit: potentissimus enim est omnium Regum, & auri, argenti, gemmarum-
que per totam Orientalem Indiam (Rege in China excepto) ditissi-
mus. Singulis autem diebus bis causas audit, in throno sedens ma-
gnificè eleuatus & auro argentoq; indutus, Coronam in capite tripli-
cem gestat gemmis & auro nitentem, satellitibus vndiq; cinctus est,
qui humi sedentes arma in peculiari scamno disposita ad manus semper habent: iuxta
eum Principes, Comitesq; & Consiliarii eius consistunt. Vt consedit autem causis cogno-
scendis operam daturus, producuntur primo in conspectum eius quatuor Elephantes al-
bi, incedentes sub vmbaculo siue tegmine, quod octo hastis impositum ab octo ministris
gestatur, præcedentibus qui tympanum pulsant & tubis canant. Elephantes hi in con-
spectum Regis venientes, honorem ei exhibent, in genua concidunt, promiscidem ele-
uant, editoq; ter ingenti sono, quasi salutato Rege recedunt. Lauantur Elephantes hi
quotidie ex vasis argenteis, vasa autem, ex quibus cibum capiunt, dolia referunt, cadi
vnius capacia, & ex solido auro constant.

XVII.
PRODITORVM IN PEGV SVPPPLICIVM.



PATRIVM habebat Rex in Pegu Regem in Avua, sibi subiectum. Is aliquando contra eum consurgens, debitum & consuetum suum tributum Regi persolvere nolebat, fretus benevolentia Praefectorum & Aulicorum, qui Regi in Pegu ministrantes cum Rege in Avua fœdus inierant, seque iureiurando ei obligarant, quod, ubi ad arma ventum esset, partibus eius, deserto suo Rege & Domino, accedere vellent. Rex igitur in Pegu cognita conspiratione ista, de bello Regi in Avua inferendo cum Praefectis suis deliberaturus, singulos conuocauit, nihilq; tale metuentes, carceri inclusit, & cum vxoribus liberisque, & vniuersis eorum familiis, ita vt quatuor millium fere personarum numerum excederent, igni adiudicatos, in foro publico, spectantibus omnibus incolis, cremari curauit.

XVIII. PVGNA

1772

THE HISTORY OF THE CITY OF BOSTON

RPJCB

XVIII.
PVGNA INTER REGEM IN PEGU ET
Regem in Auua.



Sumpto de proditoribus hisce supplicio; belloque Regi in Auua indicto, Rex in Pegu trecentorum millium armatorum exercitu breui tempore collecto, aduersus Regem in Auua profectus est, cumq; in aperto & longè lateq;, patenti campo uterque exercitus conuenisset, Reges Elephantibus insidentes duelli initium fecerunt, sclopetis primo, mox sagittis & tandem strictis gladiis congressi, postmodo alter alterum prouocando, milites etiam congressi sunt, donec res ad perfectam, tandem pugnam perueniret, in qua Rex in Pegu, interfecto patruo suo, victoriam obtinuit, omni eius terra ad se postmoaum translata.

THE
UNIVERSITY OF CHICAGO
PRESS

RPJCB

The first part of the book is devoted to a general
survey of the history of the United States from
the discovery of the continent to the present time.
The second part is devoted to a detailed account
of the political and social conditions of the
country at the present time. The third part is
devoted to a discussion of the various problems
which confront the country at the present time.
The fourth part is devoted to a discussion of
the various reforms which are being advocated
at the present time. The fifth part is devoted
to a discussion of the various reforms which
are being advocated at the present time.


XIX.
VENATIO ELEPHANTVM IN PEGV.



Delestat^r Rex in Pegu maxime venatione Elephantum, quibus regio hæc admodum abundans est. Perficitur autem tali ratione: Sunt in ciuitate carceres aliqui crassioribus columnis ligneis cōstantes, & extra eos stabula quædam Elephantum, quæ præter unum capere non possunt. Iam cum venationem Rex instituere expetit, fœmellæ quædam Elephantæ, ad hanc rem assuesactæ, in syluam emittuntur, oleo quodam in parte pudenda inunctæ, cuius odore Elephantæ admodum delectantur. Hoc odore percepto Elephantæ feri ad fœmellas hæc congregantur, easq; præ amore quasi furentes, ad ciuitatem & in ipsos carceres vsq;, posthabito omni astante populo, comitantur, vbi fœmellæ quidem ad stationes siue stabula sua properant, carceres vero statim occluduntur, vt exitus bestiis illis nullus pateat. Quo factō captiuas sese videntes, sœuire admodum incipiunt, exitum vi summa querentes, donec defatigato tandem corpore subsistant, atque ita stabulis sese includi patiantur, vbi per dies octo cibi potus ve nihil gustantes, cicures tandem redduntur.

RPJCB

XX.
FESTVM REGIS IN PEGV SOLENNE.



HAbent in Pegu multa festa, inter alia vero unum maximè solenne & celebre, quod Sapan Giachie vocant. Hoc cum instat, Rex & Regina in curru triūphali, auro undiq; obducto, confidentes ad locum huic festo destinatum, qui 12. leucas ab vrbe distat, tali pompa & ordine proficiscuntur. Præcedunt initio multi hastati, sequuntur deinde Sclopetarii, mox sagittarii, & tandem gladios gestantes aliqui. Post illos aulici Regis incedūt, & cum illis mixti Elephantes aliqui. Currum Regis proxime præcedunt duo rubri & quatuor albi Elephantes, ipsum vero currum octo Equi generosissimi protrahunt, comitanturq; eum nobilitatis pars potissima, viri nimirum & mulieres, equis elegantissimis insidentes.

NPJCB

XXI.
FESTORVM QVORVNDAM ALIORVM
in Pegu adumbratio,



Rater festum supra adumbratum adhuc aliud habent Sapan Daiche dictum festum nēpe aquarum. Hoc enim festo Rex cum familia sua regia, ad certum locum magnificē delatus, curru descendit, & aqua rosarum suos aspergit, atq; rursus à suis aspergitur. In primis vero aulici & præfecti Regii sese inuicem aqua rosarum ita aspergunt, vt quasi flumine mersi, toto corpore madidi appareant. Festo quodam alio, quod Sapan Donon vocant, naui undiq; inaurata Rex cum Regina, & aulicis nobilibusq; suis præcipuis ad urbem Menao traicit, vbi domum regiam habet elegantissimè exornatam, vnde ludos contemplari possunt, quos nobiles aulici centenis saepe nauigis in mari congregati Gynaceo exhibere solent. Duobus enim singuli remigibus vtentes, ad certam aliquam metam velocissimo cursu feruntur, quam qui primus assequitur, Pagodo siue idolo quodam aureo; secundus argenteo donatur. Vltimus vero linteum à Gynaceo dedecoris notam accipit, quo partes pudendas contegat. Præterea etiam dies quosdam habent lauandis sacerdotibus monachisq; suis destinatos, quibus quidem diebus congregati incolæ aquam illam, qua sacerdotes sese abluerunt, colligunt & ex summa deuotione in potum postmodum adhibent.

(RPJCS)


XXII.
SEPULTURÆ REGVM ET SACERDOTVM IN
Pegu delineatio.



REGE aliquo in Pegu defuncto, parantur ab amicis eius due preciosissimæ naues, ita vt sibi inuicem cohæreant, has inaurato tegmine contegunt, & in altera earum tabulatum quoddam siue rogam auro obductum construunt, huic postmodum rogo corpus defuncti Regis imponunt, igne ex odoriferis lignis excitato, comburendum. Permittuntur autem naues flumini, additis quibusdam sacerdotibus siue monachis, qui cinerem postmodo adhibito lacte in massam redigant, & in aquam demittant. Quod si vero Sacerdotum siue monachorum, qui Talapoi ipsis dicuntur, aliquem mori contingat, reliqui post multas solennitates corpus eius rogo impositum ad littus maris deferunt, adhibitis lignis odoriferis comburunt, cineremq; inde collectum in aquam abiiciunt, ossibus, quæ forte supersunt, iuxta ædificium defuncti monachi in terram defossis atque sepultis.

F I N I S.

RPJUD



J
De Bry
SV
pt. 7
1606
1
Lot.





